

DS
735
A2
T4
4.22

孝宗崩逆瑾專政以脩邊過費繫治而功訖不就嗣是

北虜亦不刺阿爾禿斯兩種與小王子相讐殺因據

西海屯朔方

河西有虜始此

河西遼東保塞諸奚夷日漸携

貳並塞萬里所在將屯官益多力益分財益匱而中

國日益困邊臣建白利獨在脩邊或云進幾里扞虜

或云退幾里固我我邊日退虜患日進正德四年虜

入花馬池塞殺總制尚書才寬十年入馬蘭谷塞殺

叅將陳乾深入固原平涼嘉靖初虜入花馬池大掠

西安鳳翔起少傅一清以兵書兼都御史提督邊尋

召還內閣四年虜掠陝西塞六年虜入寧夏塞尚書

王憲督師都督杭雄總兵擊却之斬虜三百七年虜
大掠寧夏起尚書瓊總督陝西邊瓊請於花馬池至
定邊營八十餘里脩邊牆禦虜牆據要害且厚堅可
乘

至今邊人稱
王總制牆云

於是度虜所從入饒水草之地集將

較擺邊虜近牆輒雜用弩砲火器擊射之虜被傷去

而兵尚書承勛言曩河曲所患者獨土魯番耳今亦

卜刺又深入巢西海與犄角爲寇茲今陝西邊患延

綏固原爲最急又甘肅軍餉專仰河東宜及時糴粟

貯蘭州爲河西備至於莊浪實二虜出入所走集宜

繕寨設屯以隔絕二虜相通之路又兀良哈最近京

師善撫之。卽屬夷不善撫。卽門戶之寇也。宜謹其衝。
御。又雲南安鳳之叛。軍民困敝。臨安蒙自盜賊復起。
曠日持久。釀大患。且成交趾。世子流寓老撾。異日或
歸命請援。或據地求封。皆未可測。惟

皇上覃思經遠。豫定廟筭。用人理財。以保固社稷。吏尚
書萼以宣大榆林遼東饑。亟請

上優恤。以大慰其心。且言寧夏地宜五穀。兼魚蒲之饒。
蓋黃河在天下。皆害於寧夏。獨利也。故本色粗足。而
患於歲支不敷。遼東土廣人稀。宜營田。副參所轄軍。
不必聚屯城中。資私役。令各擇肥美據形勝而營。先

年李承勛行巡遼。見故興水縣地肥美。立三大營。以耕而大路之寇遂絕。見瀋陽地尤美。而虜時入掠。妨農耕。築牆包山。立臺其顛。以守望。瀋陽人今利賴之。蓋營田之法。視屯田尤便。軍小試小效。大用大效。宣大寧夏宜皆可行。而主於積芻糧實邊。如國盛時。蓋一時大臣遠慮經國者如此。其後虜吉囊俺答一酋者。素與諸戎解讐結約。頌爲中國患。而大同軍數叛。至戕總制大臣。逋逃虜中者數千人。虜擇其狡健者。多與馬牛羊帳幙好遇之。令爲僧道丐子。出入調我邊。西至甘涼。東出山東。並邊垣散入。諸語言衣服。

本華人入市塵無間。至乃時時潛入京畿爲內間。探者猶相從問訊。應唯唯。已忽抽刃躍起。賊殺人人。乃驚走而虜騎如雲。四塞至矣。民無所得避。其尤桀者。高懷智。李天童。趙全等。各擁衆數萬。前冠軍每入塞。恣深入屠戮。得意去。終莫能有禁禦也。蓋是時虜多從大同卒入大同。與大同卒約。我無爾掠。爾聽我南。我歸且遺爾輜畜買路。與結約。折箭爲誓去。而深入陝西河東諸內地爲寇災。雲中上谷無寧歲。其後柄國者益放濁。邊文武臣冒功掩罪。必於賂。邊備大圯。雖大臣總制邊功。見簡書可稱述者。代有然。適保。

疆圉能無失敗而止。他莫能悉也。十八年。

上幸承天。命尚書鑾都御史伯溫行巡邊。出帑金五十萬大賚邊。伯溫念五堡在大同北川原漫衍難守。當築也。前都御史張文錦規築而事債繇措置失宜。後繼者閉目搔手。不復爲五堡計。則懲噎過矣。於是以紅寺舊堡適當諸堡中。而規狹小不稱。開展之。得多宿軍。爲諸堡走集名弘賜堡。以紅寺西護堡村爲紅土布袋等溝。通虜蹊間也。於村創堡。爲鎮虜堡。以沙河舊堡在河北。陷淤泥中。河南好女村北距河陰東。與護村等堡連絡爲固也。築之名鎮河堡。以洞子南。

原堡溝。全崎隘難援也。稍西南車房地。高阜肥厚。創
鎮邊堡。以鎮城舊堡。無水泉難守。稍東堡盡頭地。四
望豁敞。有水泉可戰守。爲鎮川堡。蓋展築者一創。築
者四堡。相去各二十五里。而五堡中一山特起。名平
山。憑高望。則五堡在目。覘賊多寡。去來方向。瞭如也。
於其上築會遠堡。設公館其中。召募夫役。聽自至。而
豐其糧餉。遠近嚮應。於是壕塹墩臺。具密布。而卽所
募軍。願留者三千人。遣參將將之。使屯耕。蠲其租。而
五堡以完。二十三年。兵侍郎翁萬達。行督邊。發卒分
地乘郵。時邊備久圯。萬達旣部遣。已尋遣健卒百間。

行察勤怠。以硃油實竹筒中。均給之。約曰。諸堡壁亡守者。第硃署其處。勿復問。明捕論。而亭卒得所署書。各面縛聽劾治。繇是人人震恐。無敢去障者。八月虜大入。則徵諸將兵逆擊。而令材官善射者夾道伏。虜挫頓引去。

上賜璽書勞焉。於是萬達察癘傷。哭死士。東自老營堡距滑石澗。築邊牆二萬丈。大同宗室克灼謀。開虜則密授指。大同將周尚文發之。詔繫克灼。論如法。謀

報虜寇宣府。欲奪居庸關。萬達曰。虜素號宣府。諸將易與耳。今盛氣入。其鋒不可當。則檄尚文部銳卒代

將時尚文老矣。尚健鬪。與士卒均苦樂。士願爲之死。得檄卽馳赴。力戰者三日夜。萬達從壯騎數千赴之。會大風起。車曳柴亟進。距虜四十里。而軍虜大驚曰。翁太師至矣。解圍去。進兵部尚書。當是時。河套地淪于虜久矣。總督侍郎魯銑於大學士言僚壻也。欲倚以圖功。上復河套議。言柄國力主之。下廷議。廷臣莫敢難。萬達上議。言河套本中國故壤。詎宜棄。然揆今時勢。則有當復之理。而無可乘之機。驗之當事。有必奮之志。而寡萬全之策。不能不深爲之慮也。自國家舍受降而城東勝。後又撤東勝以就延綏。套地遂淪。

之大羊爲日久矣。然正統成化間。我雖朱守。彼亦未取。不見可欲。其心不動。不奪所恃。其爭不力。取之可也。弘治中。我軍猶歲搜套。搗其巢。業不能復。今虜盤據其中。滋畜牧。遂生養。習爲固然。而小王子吉囊俺答諸部。今益昌熾。可三四十萬。我承平日久。軍政多偷。三五年來。雖賴廟堂注意脩舉。亦暫耳。彼此強弱盈縮之勢。較如而何。可輕動爲也。且河套久淪虜中。間諜罕至。山川之險易。途路之紆直。草木之有無。皆不能諳知。我勞而往。彼逸而待。我馬出塞三日而疲。彼騎遍野。一呼而集。卽師小利。尚難其歸。儻失鄉導。

全軍何賴。且數萬之衆。緩行則虜得爲備。疾行則輜重不繼。吾尅日裹糧。業有定數。而虜遷徙無常。遠近不測。則戰固無定地。無定期也。一戰之後。虜或保聚。或佯逃。遯笳角時聞。壁壘相待。已離復合。終不渡河。我軍于此戰耶。退耶。兩相守耶。又數萬之衆出塞。有數萬之衆爲援。否耶。糧道雖通。保無抄掠不匱乏耶。夫馳擊者。虜之所長也。守險者。我之所便也。弓矢利于馳擊。而火器利于守險。舍火器守險。而與之馳射。突擊于黃沙白草之間。得耶失耶。今塞下兵。卽塞下之人也。有先人墳墓廬舍之守。有妻孥眷屬骨肉之

愛有禾黍桑麻產業之戀。有牛馬牲畜養身之具。如敵私讐。宜有必奮。然且迫于兵刃。休于死生。徃徃退怯。以煩督責。今驅之于無人跡之地。限之以可立盡之食。要之以難必成之功。苦之以不卽罷之役。恐之以方張百戰之虜。而欲得人之死力也。其將能乎。議者欲整六萬之衆。爲三歲之期。春夏馬瘦爲虜弱。則我蒐於套。秋冬馬肥爲虜強。則我守於邊。三年三舉。虜必自困。夫天時物性。不甚相遠也。秋冬虜馬肥矣。我馬不亦肥乎。而乃止於守。春夏虜馬瘦矣。我馬不亦瘦乎。胡獨利于征。春夏馬瘦。虜弱不能爲寇。然坐

以待我何知其不能擾擊我也。秋冬馬肥虜強能爲寇矣。則多方設謀。何知其不能報復我也。六萬之衆非所以襲人。千里之途非可以自逸。轉盼之間情態立異。柰何欲歲一爲之。俟三舉復之也。兵家勝敗本難預期。一舉失利。士馬傷耗。議論蜂起。將已之乎。將竭天下之力。排天下之議。俟其成乎。卽三年三舉咸得志矣。虜敗而遜。我去復來。終不渡河。版築難舉。將何時已乎。蓋議者徒見近時搗巢之舉。恒獲首功。昔年大同五堡之城。虜不深競。以爲套地易復。而不知勢固有不同也。蓋搗巢因其近塞。乘其不備。勝則倏

忽而歸敗。亦支吾以退。舉足南向壕塹。城堡可立至也。後援濟師可立待也。復套則深入入境。後援不繼。勝固間關敗。虞陷沒則事勢異也。往城諸邊。本我近土。又沿邊之地。虜不爲意。雖少有侵取。虜不恤也。套地則自火篩入寇以來。據以爲家。四時之間。不離住牧。一旦欲取而有之。彼肯晏然不爭乎。則事體異也。故曰殺虎易。奪虎子難。奪虎子易。奪虎穴而居難。今未能殺虎。而欲奪其子。處其穴。得乎。議者又言伺虜出套。拒河而守之。亟築垣牆。次移邊堡。不知吉囊控弦不下十餘萬。非不自支。何詎空套以出。沿河二千

餘里築垣爲限。豈時日可完。移置邊堡。非百數十。不相聯絡。置兵以守。非千人不可。而遊徼瞭望。哨守不與焉。誠恐布置未定。而爭穴之虎已至矣。況我邊去河千里。一年之食。爲數億萬。沿邊所出。豈能自供。必將仰給內地。繇內地而輸之邊。遠者二千里。近不下千餘里。乃又自邊而輸之河。卽糧餉可克。飛輓難繼。此尤所當蚤慮。而殫思者也。事變之來。曷其有極。孰能逆覩異時者。虜或自相攻擊。或荐遭疾疫。套地之復。此其時乎。其在今斯。獨當謹我塞障。飾我戎備。和我行伍。固我元氣。以俟其隙。計之得者也。蓋慮事忠。

篤如此。會咸寧侯鸞訐銑賂宰臣。掩敗冒功。議復套。搖關中人心。逮下獄。相言落少師致仕。閣學士嵩深傾之。言銑竝死西市。其後虜犯。京師退。僉都御史

王忬。卽請於都城築外郭。使附郊人得寧居。廣置

村堡。使野民得保聚。無遺虜禽。薊遼保定設總督。以

拱衛京邑。與涿州昌平密雲爲四重鎮。各置兵萬

人。有急得相爲援。奏可。次第行如童。而薊州設總督。

已以副都御史督大同。大同地極邊。寒儉。而獨於撫

臣饒。則裒幕府諸羨入。悉佐軍。無所私。而請大農金

錢十餘萬賑之。已以侍郎督薊遼。虜犯古北喜峯。令

口諸隘則部諸帥守馬蘭谷。守石塘嶺。守渤海。守紫
荆倒馬關。而自以精騎居中。權督調之。與宣大督臣
約。諸地在宣大。而險在內者。移宣大兵爲內守。地在
薊保。而險在外者。移薊保兵爲外守。以便宣爲國
而好結朶顏諸屬夷甚恩。令不爲虜使。自是虜闌入
頗鮮。當是時。尚書博爲本兵總督。所糾治邊將。輒覆
可邊將闕。卽問所當代爲誰。遇闕輒補。故志行。

去學
編四

夷考言邊事甚具。其畧曰。嘉靖元年秋。虜人花馬池
掠西安鳳翔。三年七月。大同軍叛。多走出塞。降虜。四
年。虜數侵掠陝西諸塞。殺吏民。六年。虜再掠寧夏。八
年十月。吉囊襲俺答數掠榆林。寧夏塞。總制璽出兵禦
之。虜亦得利去。十二月。人大同塞。掠井坪。應朔。九年
五月。虜入漁陽遼西塞。大入寧夏塞。六月。入宣府塞。

十年三月入大同塞九月寇陝西遼東十月入大同塞四路殺掠出京營兵禦之虜去寢師十一年二月虜人榆林塞掠陝西內都
是年虜道松潘漳腦寇四川西境十二年十月虜侵鎮遠關守將王効破虜斬首百四十大同軍復叛與虜通發兵討不克十三年閏三月遣大臣賑撫大同叛者北走虜幾千人七月吉囊入榆林塞掠安定會寧金縣八月始繇青沙峴出花馬池塞總督尚書唐龍上捷書言斬虜首四百五十四勅給事中嚴以功報陞賞有差巡按御史劾總兵劉文昇功掩罪宥不問十八年二月駕幸承天八月虜入宣府塞叅將賈英見虜少出禦之亂行而前入虜伏虜殺我將士千人掠戰馬千匹益深入南十二月虜入宣府深井諸堡連總兵江恒下詔獄虜入榆林塞殺將宋隆十九年二月虜蕭守臣上言河西一鎮達賊盤據於西海番族往牧於南山回夷人貢往來交馳套虜乘機出沒搶掠中道一徑勢甚孤危乞濟師報聞三月虜入榆林塞破清平堡入水磨後掠人畜萬計焚芻糧數萬長驅出文入宣府塞破北路馬營諸堡得我神鎗銳炮千計芻聚牛羊萬計賊婦女驅殺不掠四月風霾下兵部議防邊

言官交章劾兵尚書張璜貪鄙誤國不聽七月虜入宣府塞大掠至蔚州總兵白爵遇虜於水泉兒大敗虜到總兵雲月遇虜於馬連堡又敗凡留宣府境內者幾兩月乃去撫臣守將竟論功陞職已越大同抵鴈門度寧武嵐靜交城諸內地人不謂虜能至無防預掠殺人畜萬計大同軍得虜掠我輜畜名買路錢巡撫史道總兵王陞幸無事若不聞聞亦不問虜益無忌顧山西撫臣陳講告急言八月六日達賊繇井坪至朔州城七日分三路繇井子窰青屹塔侵陽方邊接連狗兒澗水口等處殺官軍掠人畜文繇水口佛老觀灰泉梁溫等處深入省城西南十日興嵐交城平虜與分州文水清源十數州縣封壤連接一望平原民皆村居曾無堡寨可爲避禦且各賊未遭剽刼延在腹裏數日不出人心驚惶禍變莫測後報聲息尤爲可駭我兵追逐不滿八千大同救兵雖至大約一千五百臣遣人督戰觀望不前兵勢至此後將何支詢問虜中歸正人皆言近年大同叛軍伺順無明爲賊酋領生長中原習知易險又覘我軍脆弱非其所敵故敢於橫肆漸窺中土山西地連畿輔密邇京師又與河南諸省止隔一山若徒循常襲故不早

振舉必成大患乞下廷臣集議更新紘轍兵部不以
爲意謾曰虜且退是月陝西總制尚書劉天和率精
兵九千駐花馬池虜數萬入安邊定邊塞大掠固原
天和爲虜隔逾月奏不至既而告捷言斬虜首五百
卒張奴兒殺吉囊子虜諸酋大哭遁去加天和太子
太保叙一子錦衣正千戶陞賞三鎮文武吏士凡千
餘人張奴兒陞世指揮僉事內閣以謀謨帷幄夏言
加少師崔鑾少保本兵以曲盡方畧坐收全功張璬
加少保叙一子錦衣副千戶十二月虜大入大同塞
二十年八月吉囊先入大同是月壬戌提督代州三
關副總兵丁燦出師至寧武關東北十里石湖嶺遇
虜力戰死虜遂入關以樊繼祖總督宣大偏保軍務
與銀九十萬兩文起崔鵬總督京城城南面山東河南
軍務繼祖虜至不出縱其深入山西遊擊將軍周宗
禦虜太原北侯城村力戰死虜遂至省城又越而南
殺掠人畜萬萬吉囊纔出關未至塞俺答復入又越
太原而南至石州殺掠益甚十一月令侍郎張漢賡
山西被虜郡縣二十一年二月言官交章劾繼祖竟
不罪放歸田陳請史道爲民宣府大同總兵王陞白
爲儘罷官驍召還京是月虜掠蘭州三月遣臣言虜

且至、又以鵬總督宣大偏保、及山東河南軍務。五月、時宰惡鵬直遂、會鵬乞兵糧、內批罷鵬革職、制宣專責大同宣府山西保定龍大有楚書、劉景、劉問、四巡撫、五月、右清紀郎周鉄言、虜必再至、乞早防、謫廬州府知事、六月、虜又大入塞、時吉囊病死、其子板不孩居套中、小王子不及兒台吉、駐威寧海上、俺答經朔州、破鴈門、掠太原、京師戒嚴、七月、召鵬復爲兵部侍郎、僉都御史、督宣大偏保、山東河南軍、俺答青台吉、吼囉哈喇刺漢、及叛人高懷智、李天章、各擁萬衆、越太原、列營汾河、東西散掠、上黨平陽下邑、時鵬未至、我師連營莫相攝、觀望不肯戰、賊益深入、營駐平遙、介休間、散入險山中、後掠人畜、諸將竟不肯乘險邀擊、虜掠我牛羊衣襖男女、迺遷就大營、結陳且歸、偏帥張世忠等、自侯家村起、盟約諸將、躡虜力戰、諸將閉營不相援、賊見世忠軍壯、戰又力、集精騎三千餘、合圖世忠、世忠憤曰、諸將獨不念血盟耶、被射傷裹瘡下馬、四面步戰、賊亦窘、會矢火藥盡、世忠憤呼曰、我軍被圍戰苦、諸將竟不相援、國憲天刑、寧汝追耶、復上馬、往來督短兵血戰、自己至酉、賊見我兵死傷衆、無援久、戰力竭、遂驪我營、世忠頭中二矢、墜馬

死。張宣臣等痛世忠死，猶率旗軍魯五等力戰，又並死。虜又分掠定襄、孟五臺，又自代州出繁峙，鑿兵廣昌，掠殺人畜萬計，從廣武站出關，安行出大同左衛及陽和塞而去。贈世忠右都督，與銀十斤。宣臣各四十兩，仍祠祀。二十二年八月，虜入榆林塞，又入耳肅塞。二十三年春，調各鎮兵至大同防秋。是秋，虜人大同塞，總督尚書鵬舉之虜退。時虜遣我叛人至京師，入兵仗局習佛郎機銃，獲誅之。遂散各鎮防秋兵。十月，虜破宣府塞，入紫荆關，鵬及薊州巡撫朱方械下詔，獄二十四年。虜大入榆林塞，總督尚書張瑄、延綏巡撫張子立謫戍。二十五年，虜深入陝西。二十六年，虜大入塞，直抵居庸關。二十八年，虜入宣府、大同。二十九年八月，俺答遂入漁陽塞，犯京。先是，尹武選城，自是調邊兵入衛。京師無虞歲矣。

郎畊生塞垣，習塞事。作塞語，陳東莞建條邊議而

明興，忠言嘉謀之臣所籌講畧具。塞語凡十篇。其畧曰：

嗟夫，繇國初至于今，虜勢之強弱萬不同矣。自爰

惟既奔愛猷耳竄。

成祖奮三駕之威，而魯台奉款。當是時，虜蓋脅肩屏息，而喘伏恐後也。爲中國極盛，已東勝之守內遷，開平之餉道不繼，馬真啟釁，胡騎數臨，虜寢寢強焉。及英皇旋輪，諸將協謀，宣大之長城繕而脫脫之貢數入，虜貪漢財物，內犯亦希。此又一變也。乃邇年來，吉囊俺答虜我丁口，登我叛人，衆稱十萬，虜勢勃然興焉。方其始也，有乘孱馬持木瓦而陣者矣。伺隙則進，兵出則走，繼也振響直前，不避兵陣，精騎約戰，餘衆剽掠，然而未攻堡也。故堡而免矣。又其繼也，分道直前。

視我衆蔑如。毀數百騎。以羈全營。紛千萬騎。以震零堡。然所破者。僅百之一二。堡稍嚴而免矣。今則盛兵入塞。自結長圍。所遇鄉堡。無不殘破矣。漸知粒食。漸知集衆。漸知貴鐵。又漸知用長。漸廣奸細。而用計謀。是又一大變也。夫過無不攻之堡。而舊堡大不數雉。高不數仞者。莫易也。攻無不破之鄉。而鄉敵臺不設。角臺不制也。虜知粒食矣。將無食馬之耗。而我馬日削。虜知用長矣。當有意外之防。而邊日困泄泄也。虜知貴鐵矣。知集衆矣。而我不求濟於短兵薄刃之外。策間好而離交。以至虜用驕而衆。我用步而寡。虜驅

我工我而逸。我絕彼通貢而勞。虜日擾山西。真保迫
四隣。痛以搖我。而我勒燕然。擣賀蘭。一不置諸口也。
其大者。彼務休養生息。而吾則徭役困敝。彼威殺專
行。而吾則文法牽制。彼勝則利歸於下。敗則耻歸於
上。吾敗則禍貽於下。勝則利歸於上也。於戲。其亦幸
而虜志擄掠已也。幸而思上國貨貴。子女布帛也。不
幸而有志焉。則是豈可不爲之寒心哉。昔周人之
爲謀也。伐太原。城朔方而已。後嗣忽之。其禍至於攻
驪山而覆宗周。漢人之爲謀也。治秦中。實塞下而已。
後嗣忽之。其禍至天子下殿而魚羊食人。唐人之爲

謀也。斥磧比置都護而已。後嗣忽之。其禍至於掠都
邑而焚宮闕。乃宋謀復燕雲。城靈武。卒輸幣割鎮而
亡蔑矣。故太原朔方。周人之形勢也。秦中塞下。漢人
之形勢也。磧比都護。唐人之形勢也。燕雲靈武。宋人之
形勢也。此其體也。而都邑不同。緩急因異。審之以因勢
制變。則豈非形勢之大用也哉。始謀之而強者勝。嗣
忽之而弱者壞。必然之理也。我國家之都燕也。風
氣之稟。士馬之強。不避周漢。然藩籬視關中爲稍孤。
其視東漢宅雒已失全險。宋捐燕雲。無限胡之防。固
爲遠過之矣。故今邊京後最急。宣大次之。榆林塞

夏其肅又次之。故大寧存則宣薊無阻隔而遼東之
右臂伸。東勝存則山陝有交應而其肅之左臂伸。今
棄不顧此往事之不可悔者矣。大寧不可悔則京
後重垣宜設也。宣遼不可合則花當朶顏之交構宜
防也。而成化弘治之間。但知火篩之通貢。山海之征
商。宣大之鑿築。而京後之防。一不措諸慮。抑又非
往事之恨乎。今也虜犯太原。則增忻代澤潞之戍。而
乘寧鴈之塞。虜犯淇蔚。則城宣府之塞。而弛東北之
防。增忻代澤潞之戍。則度支急。弛東北之防。則畿輔
搖。明者所燭在未然。况已著乎。故垣宣大是也。垣宣

大而并垣。京後其急也。以宣大爲餌。而先垣。京
後急其急也。悉力宣大。然且置。京後於不講也。則
輕重緩急之間。其失權多矣。曰。然則垣塞古乎。曰。古
也。自文王始也。築朔方。爲軍壘。以扼敵。是也。果若今
垣塞矣乎。曰。非也。古扼要已也。古者井田。南東其畝。
固險周於天下。故扼要以爲塞。自阡陌開而溝澮蕩
然。於是乎變扼要而長城。自始皇乎。曰。何必始皇。周
享冠帶之國七。而三國邊胡。秦趙燕之爲塞。蓋已久
矣。然則長城利乎。曰。自開闢而來。生民之大害三端。
丁。朝忘其身以救之。皆歸之築防禽獸也。洪水也。夷。

狄也。三者之不害。則垣之力也。故城居避獸也。後以之而治水。築防捍水也。後以之而防胡。今禽獸洪水不害。而日與夷狄從事。若之何其廢垣也。始皇之城塞也。不失之畫而失之行。非其過爲慮。而過爲之督責也。誠停不愆之征。寬額外之賦。墾塞下之田。而無科輸。塞下之粟。而無迫。酌勢乘便。期以再世。而要於永寧。漢文帝行之。是垣塞之善者也。城孰緩孰急。曰都邑所近則急。田壤膏沃則急。秦漢急西北。故秦塞臨洮。漢築朔方。誘匈奴入也。自馬邑而上谷。北平。於時爲緩。今神京在燕。大寧淪失。天壽與異域隣矣。

故臨洮朔方。覆於今爲緩。而京後最急。慮版築之
屢興也。則寬其他徭恐三衛之噴言也。則啗以微資。
土可築則築。石可斷則斷。磚甃繼施。灰罐必謹。自居
庸抵于山海。堡塞相望。而募民實其中。此所當舉天
下之力以從事。與遷都較勞費。而不以煩黷阻者也。
今不城塞。則塞下田不塞下人有也。爲虜墾也。塞下
丁不塞下人有也。爲虜息也。千騎長驅。耕具牛畜。舉
爲捕虜。朝取數人焉。殺而委諸壑。暮取數人焉。驅而
入之虜。輦輪遇掠矣。憲臣行部遇殘矣。如此而猶曰
垣塞無益也。豈不過甚矣哉。然城塞非難也。棄之難。

乘塞非難也。久之難始。秦嘗乘長城矣。而謫戍徧天下。天下不堪也。嘗乘城謫戍矣。而謫戍無更踐。天下益不堪也。行者無憩息之所。負者無息肩之望。又居者無免籍。而往者無還期。非秦人之所以懼而亂而亡乎。故晁錯爲漢畫。尚募徙而充謫戍。重入奴婢入粟而輕鬻爵贖罪者。知民情也。曰。秦之城與今異。其戍亦與今異。晁錯之爲漢謀也難。今爲今謀也不難。何也。昔秦旣一天下。天下黔首引領而覬休養。匈奴遠塞無虔劉之迫也。乃勞師萬里。斥不毛之地。謫戍以戍。轉餉以給。其結怨天下。一也。役丁百萬。垣塞數

千里地不計土石。年不計豐歉。期以一二歲盡羅絕。
漢其結怨天下。二也。夫古之動大衆。命下而哭鑿凶。
而行軫。未旋而君爲之不舉。明非其得已也。乃長城
之役。與五嶺之戍。阿房驪山之役。一時而並作。其結
怨天下。三也。今則不然。醜虜跳梁。曲在彼矣。邊民荼
毒。患切深矣。國家自三駕而後。休養生息。且二百
年矣。自天子以至庶吏。憂念之至矣。無得而非其上
也。故今之城也。與秦異。夫漢徙民大族。實新秦三輔
五陵矣。又徙而實邊。邊土苦惡。當徙者懼其難。一也。
亭障未立。保聚實難。一旦置之荒墟。而責之捍禦。其

難二也。塞田未墾。倉廩未實。徒口盛而轉運益增。始憂坐食。繼憂凶年。其難三也。富人鬻爵。不屑身往。所入奴婢。及罪人當贖者。必相繼逃亡。其難四也。今時則不然。塞下近京師。於郡國無異。塞垣旣成。緩急有備。塞下殷富。號稱樂土。人多而苦無田。有募輒集。不必冬夏衣與廩食也。不必拜爵高之。增至卿也。國初鹽利稍寬。遠方商賈。嘗揭家而耕塞田矣。况募塞下人。耕塞下地乎。故曰。錯爲漢謀難。爲今謀不難也。嘗爲之畫曰。塞城矣。其地卑而圯。不便而受敵者。宜更也。旣更而無堡。宜增也。成城如引繩。急之而不

斷列堡如布棋。錯之而不雜。堡去城近者二三里。遠者不三十里。堡爲廬舍。備器用。鑿井增竈。具春列櫓。俾人有所棲。馬有所秣。使至者如歸。寓者如家。每堡五六百人。人受一廛。統之以一將。將爲一廨。步卒勤瞭望。晝夜番休。馬卒迺邏徼。彼此左驗。無事則番上者倚戈而番下者休。邏徼者迺哨。而堡居者習技擊也。有警則番上者爲燧。邏者登堡。居者繼登番下者又登。則役不疲而事可久也。行之一年。民便之。來歲徵集。則令于軍曰。乘塞而欲携。室者聽。增給室養。比歸。復令于軍曰。室至而欲留者聽。增給溫絮。移額廩。

既留而復令于軍曰。願恒居而授田者。聽且給牛種。夫人情所不能絕者。嗜慾。所甚趨者。利也。歲月乘塞。不數旬而處室。有不願携室者乎。歸不數旬而往。有不願留者乎。既增室養。又給冬絮移額廩。已又有田爲之產。有不願恒居者乎。夫秦工役與謫戍並行而致。釁吾工役息。而戍以其情行之。異于秦可知也。錯爲漢謀。募郡國之人。吾卽募塞下。遠不出百里。易於錯可知也。故曰。審其異。知其非難。則塞可城而乘塞可久也。昔鼂錯畫禦戎之策。終之卒服習矣。夫金鼓以一其耳。旗幟以一其目。賞罰以一其心。三者繇黃

帝而來未之有改也。今之所謂練習者。吾知之。寅而集辰而罷。金鼓填然也。旗幟翩然也。右此而左彼。賞罰錯然也。金鼓以令之。南進而北退。施之于東西。則否。旗幟以令之。東坐而西作。施之于南北。則否。故教閱之。金鼓。金鼓也。卒然有警。而金鼓之耳。有不聞者矣。教閱之。旗幟。旗幟也。卒然有警。而旗幟之目。有不見者矣。曾是以爲練習乎。舉一將而叩之曰。子持戟之士。某也勇。某也懦。不知也。鼓怒之士。某也習。某也未習。不知也。舉一將而私之曰。子部曲有善刺上意。巧剽下財。則無不知者。是教兵法耶。始下令曰。某守

某失入虜者以軍法繼下令曰某邀某失出虜者以軍法事已矣失入失出矣則將舉而委之上曰有太監也太監以告之朝曰請逮治也朝以下諸理曰會律文也于是某奪祿某贖金與始下繼下者左矣吁令不足信也如此是教將較法耶故嘗爲之畫曰將授之兵則練習之政宜一委之將期使之耳目心志一而已矣金鼓坐作進退一而已矣賞罰一而已矣不必日暴之日中而饑疲之也將一日與執火跪者數十人適諸野而試之善者賞拙者厲度不可教也者而更之暮而歸旬日而火器者遍矣一日與

司弓弩者數十人。適諸野而試之。善者賞。拙者厲。度不可教也者而更之。暮而歸。旬日而弓弩者遍矣。又旬日而與勇力者。若諸技擊者。適野試亦如之。技擊者。若諸勇力者。又遍矣。繇是某也良。某也藝。某也遲。巧。某也拙。疾。與其隄之良。稍良。將無不心具之。問其一則舉其十。責之用。則呼其名。夫是之謂練習。兵以是爲式。是謂教兵。將以是爲殿最。是謂教將。始下令。必慮其可繼。繼下令。必慮其可終。終稽功罪。必詢其所始。是謂教兵。教將較之法也。陳治安議議邊亦十條。脩戰車以當虜騎一。設強弩以輔戰車二。省騎兵

以紆軍民三重勸實以墾屯田四。因屯田以制邊縣
五行經界以寓地網六。繁林木以資扼伏七。募驍勇
以習斫營八。明賞罰以振國威九。重委任以責成功
十也。其畧曰。夫兵戰用車。其來尚矣。漢衛青出塞擊
匈奴。以武剛車自環爲營。晉馬隆擊鮮卑。造偏廂車。
作木屋其上。轉戰千里。唐馬燧鎮河東。以狻猊戰
車行。以載兵。止則爲陣。遇險以遏奔衝。用破田悅。皆
車之效也。自周官有六弓四弩八矢之法。而魏之武
卒。以操十二石之弩爲中律。晁錯亦以勁弩長戟爲
中國之長技。至歷代以勁弩用兵制勝者。尤不彙。蓋

射堅及遠。爭險守隘。怒聲勁勢。過衝而制。突固非弩
不克也。胡莊肅松言。沿邊故有戰車。重大難推移。近
潞安制車上。可安弓弩。神鎗。佛郎機。諸械。下可載糗
糧衣物。卽遇險阻。又可兩人舁以行。寧夏車面設一
牌以衛人。箱橫兩鎗。左右附兩銃。俱孔達牌面。下拴
二木。止則爲車前脚。行則以鐵鈎約之。其牌亦有消
息。可偃豎。車近身爲繩袋。裝什物。入夜下營。則環列
如城壘。人馬不得近。列陣則爲如意車。外以旗旄垂
之。氈幕軟牌爲蔽。其砲弩車。當陣門。置床子砲。其
中。兩軍相近。則發。相迫則刀斧手突出。相搏則出騎。

兵分嚮掩擊之。勝則拔營追襲。少却則入營稍憩。蓋於進退戰守爲俱利。而又省芻秣載糧餉爲益也。以臣所見。揆臣所聞。計莫若多造戰車。廣置火器。強弩矣。夫虜善馳突。常以驍騎蹂我軍。我軍不能支而蹙。惟車能捍禦而陣不爲之動。又多制強弩火器以輔之。此我兵長技。今日所宜先者也。昔秦自孝公以亟耕力戰并天下。乃其後以天下之大。盡太倉之積。輸西河。而皇皇以爲憂。此其故何也。始秦之地利盡。而後之地利不盡也。始秦兵自食其力。而後之兵仰給於官也。漢鼂錯趙克國之畫可覆矣。唐李泌陳屯田

關中之策。而士多應募願耕。韓重華營田代北。而歲省度支二千萬。夫泌重華所營。今大同宣府陝諸邊地也。趙克國所屯。今甘肅地也。語曰。不習爲吏。視已成事。則今之爲邊者。莫營屯若矣。然差官督勸而田不加益者。悉起科害之也。夫歲收不常。而租有定額。則開墾者病。而人憚於耕。誠遵永樂正統間著令。諸沿邊空間之處。許土客官民軍舍儘力開種。永不起科。而又申古孝弟力田之令。耕田多者。立賞格以勞之。則人勸於耕。就耕者衆。而邊土皆田。於是就其大屯耕至萬家者。而制之縣。則大縣矣。合數縣爲郡。則

大郡矣。然後擇良守令而勤撫綏之。什伍其民使習
兵戰以備捍禦。諸上供歲賦。一切蠲免。則藩籬成而
邊圉永固。宋滕甫馬端臨所謂家使爲兵。人使知兵。
勝兵數萬可指顧而集。此其道也。

議出丘文莊潘况
胡端敏世寧

今京師北莫經費仰於東南。雖使力耕常稔而東
南旱涇洩瀾之餘。與船運之費。每石必倍。求一年之
餘。於三年之內。寧可復冀。再歲失收。憂必及之。故冗
食莫汰。廢田莫耕。而區區於漕挽東南以爲國計。未
形之變。不可勝諱也。
議出陸
侍郎深
草木子曰。井田之法。非
獨爲均田制祿設也。所以因地設險。而陰寓守國之

意也。中原平行而溝洫阡陌連絡乎其間。今車不得方軌。騎不得騁足。是謂伏至險於大順。宋吳璘守天水於平土。縱橫鑿渠。闊八尺。深丈餘。連綿不絕如網。曰地網。而金騎兵不得肆。今倣其意。因屯田以定其經界。繁林木以制其馳突。令田者望其濬。一溝畧如古制。分畫其溝塗之界。而取其土。豈之木如棗柿之屬。雜植之。沿邊則樹之榆柳。以息爭端。以備旱潦。以阻敵騎。大之我兵禦虜。得依爲陣。以控扼。而小可得薪果之饒也。夫邊塞之內。而有數十里之叢林。叢林之內。而有數百里屯田之溝洫。斥候在叢林之外。兵

車伏叢林之中。前險後枕。莫非阨塞。敵雖強。何施。將
田者安耨。而田疇益闢。戰者不斃。而士氣益奮。故絜
勞費。則省於城。城而功倍之。語形勢。則壯於十萬師。
而險加之。患玩愒。弗爲耳。乃渾蔚諸州。林木故茂密。
者。以薪芻營繕之故。或斧而爲薪。嗚呼。其亦不思也。
哉。昔人之言曰。有功不賞。有罪不誅。雖唐虞不能爲。
理信哉。斯言。而制兵爲尤嚴。書曰。用命。賞于祖。不用
命。罰于社。予則孥戮女。蓋其嚴也。先朝敗軍法重。
故邊臣知畏。而地方少事。今失機。而舊將晏然不罪。
擁旌旄。自若也。先朝軍機法重。故邊臣不敢爲欺。

欺蔽者死。今任情規避。掩敗冒功。自若也。本陣亡也。
曰。回營身故。本敗失也。曰。走死官馬。死者含冤而不
蒙。恩生者憤懣而無從訴。甚且有殺掠數萬。陷沒
連城。而不以聞者矣。先朝嚴勦殺之令。嚴逗遛避
敵之誅。近年虜小入則小利。大入則大利。邊將息鼓
偃旗。或東或西。一不敢當虜。而隨尾其後。俟其志欲
克滿。整暇而歸。則舉所畧老羸孱弱不能行者。乃視
爲棄核而嚼我。我則因之以爲利。掩之以爲功。張皇
獻俘。上之。闕下不知其所得者。率吾之編氓。與其
老耄嬰孺也。豈不重傷天地之和。而遺醜虜之笑哉。

夫兵先制。制定而後士衆不亂。士衆不亂而後刑賞明。刑賞明而後衆志可齊一也。兵志曰。卒畏將而不畏敵。國家自設有邊關而來。語兵甲士馬之盛。必曰大同大同。自頃鎮巡失於撫馭。致其背逆。而前後所遣清功。勘罪諸臣。觀望姑息。所措置又未能大服其心。前此撫臣傳令下操。雖不能必其如期。然猶未嘗不操。驅之出戰。雖不能必其致死。然猶未嘗不戰。邇來教場鞠爲蓬蒿。金鼓幾於絕響。每邊警交。馳烽火四照。將或躬先出城。悍夫驕卒。方擁抱其愛子童孫。熟寐以寢。稍稍繩縛。則羣起而呼。脫巾而詬。出胡莊肅

議奏則是朝廷賞罰不能嚴之於將帥。將帥號令不能

行之於士卒。禁網嚴密於巖廊之上。而法紀濶畧於
邊境之間。豈不可爲之痛哭也哉。然此自其賞罰非
法者言之也。法賞以首級論功。將以亡失士伍爲罪。
承沿而莫之改。夫兩軍相薄。當格鬪時。手眼瞬息不
得差池。初何暇取級哉。取級則不能復戰。而爲敵所
乘也必矣。故取級者。非必殺賊殺賊者。固未有暇於
取級者也。又徃徃以爭級躁踐爲敵敗。而所取者級
又獨爲勢要資。且所取者。非殺已降。則殺良民。不然。

則若被虜逃回而名殺之也。夫斬真賊甚難。而賊良

民甚易故今真功不一二而冒功恒八九官見其獲
功輒喜而何暇復辨其真與僞也律殺一家三人者
凌遲處死極罪也今妄殺三功卽得官世襲極賞也
以極賞而加之極罪之人於命討胥失之矣此邊人
之大恨戰之大患也大戰不正勝期於致死其常也
能戰足多矣况兩軍對壘殺傷相當足自暴白乎今
我軍被殺則指名可驗彼之人不能取級則不得論
功覆以其罪罪之戰而卒五人死者將謫戍虜入境
殺十名以上不報者止降級此趣之退自保而延寇
入也故今邊將以退縮保守爲得策墩堡殘破人畜

屠掠惟上下相隱以避文。謂宜更賞罰之格。嚴隱匿之罪。兩軍交鋒而殺傷相抵。卽無級不坐。而特深擁衆退縮。縱賊不擊之誅。其戰勝論功。止憑督撫查審衆證。孰爲設策。孰爲選鋒。孰爲陣亡。卽與給賞。其次設策。首鋒擊斬數人。而上勇力出衆者保陞。而隱匿冒功賞者。卽重臣不貸。庶賞罰當而人心思奮。武官之濫冗亦從可革矣。

議出胡莊肅松

然其本在重人。今諸

邊巡撫提數十萬師。專生殺於境上。至重矣。謂宜慎選忠勇謀畧爲天下共推者以克可也。而其所擢用柄臣親昵者。避之勿推矣。登崇日久者。重之勿推矣。

每遇員缺或取諸疎遠或取諸廢閒而推之其說以爲彼在廢閒在疎遠而吾舉是以授之彼無所歸怨而在廢閒疎遠者亦喜高官大任之已及也將命而往苟幸於無事比至鎮則動從中制賞罰不能自決繕脩不能自制芻糧不能自給而攻守不能自調也倏然欲行忽然報罷倏勒之戰又忽責之退也甚乃擿決小疵以轉相繩責夫請糧請兵本爲誰計徬皇求哀延頸企踵而內之應之者晏然不我屑以也故爲督府者認認然結疑慮之懷而操憚事之念獨日夜倍尅日夜鑽刺圖所以移徙遷陟而莫遑其他彼

其視地方。曾遽廬火宅之弗若。而何暇展四體。竭心力。勞來安集爲。國家計無窮之畫耶。無怪乎紀綱日壞。邊防日廢。驕伍日橫。夷狄日肆。而後來者愈難乎其自處也。請自今巡撫缺自科道部屬而上。外及於藩臬鎮守。惟其才毋格以資。毋以貴近而不敢推。毋以疏遠而不得推。如宋推范仲淹主西。富弼主北。極一時之選。如是而假以便室。豐其祿入。使得以募死士。養家丁。而又其秩任非任。十年不得遷。而加秩賜金以厚慰其意。而戒言官毋妄糾論以壞其成。此重督府之道也。今諸邊總兵握數十萬師爲國家

扞衛於公侯伯都指揮等官內推舉以克又至重任
矣。而差文武大臣一員閱實之。又差御史二員巡視
之。然閱實巡視而止。猶可言也。後設巡撫矣。又設贊
理軍務矣。已。又設總督都御史矣。而查勘功罪。又屬
之巡按。而巡按又有隨營紀功監軍之文。於是爲總
兵者。上自總督巡視。逮於御史兵備監軍。無不得而
控制之也。賊至調度。巡撫檄之東。巡按檄之西矣。或
機當戰。檄之守。機當守。檄之戰矣。機當預布堵截於
前。檄之合力追勦于後矣。報上兵部。兵部題請兵
科亦題請。或兵已東而調之西。或兵旣西而調之

東世久承平。右縉紳而左介冑。徒以其文墨議論求
多於封疆之臣。其在外藩。非旬月不達。卽有失利。庶
幾桑榆諸邊密邇。京師旦發夕至。一有風聞。廷議

洶洶。旣從而撥置之。又從而詬病之。卽有衛霍。何以
自堅。卽孟明。俘囚。李牧入保。又何以自免。此將官所
繇解體也。夫督撫職掌。不過調度。原無提兵殺賊之
文也。巡按職掌。不過監軍紀功。原無調遣之文也。兵
部雖得調遣。實爲懸度。緩不及事也。兵機倏忽。一刻
萬變。乃欲以遙度之智。中制之權。紛亂其聽聞。而誰
與任之。古者軍在外。君命有所不受。請自今總兵缺。

於指揮而上及叅將慎選之。惟其才。毋格以資。重其事權。假以禮貌。久其責任。督其練兵。兵部總督臨時調遣之。責其戰。不責其守。巡按不許調遣。專之勦事紀功。勦事紀功必親。不許轉委。兵備及府縣官如此。則兵旣厚集。事權又專。爲總兵者必當以地方事爲已事。以軍士命爲已命。以戰爲歸。以死爲生。以破虜爲事。其有當敵不戰。則必以逗遛觀望之罪罪之。此重總兵之道也。今議邊者。孰不曰練邊軍而當事者。輒稱無兵可練。臣愚以爲非無兵也。兵不得所以分合之勢。散而不聚也。兵家之勝。不可先傳計利以聽。

乃爲之勢以佐其外。散而不集。則力自屈。法忌之矣。國家備邊。東起遼陽。西至甘肅。十鎮官兵。不減百萬。今卽虛耗。尚六十餘萬。若聚此六十萬衆訓練之。三年五年。寧當憂虜哉。而此六十餘萬者。散在九邊。以一鎮言。止五六萬有奇。則此六十萬衆。十分之矣。一鎮之中。關營城塞。不下三百餘處。總副叅遊提調官。不下百員。各從分之。而一應防守坐墩哨報俱在是。則此五六萬衆。又零分之矣。執分而不聚。則雖以六十萬衆全付一鎮。暴師費財無所用之。况素所不教之人。分數不明。先後不相及。衆寡不相待。貴賤不相收。

雖有兵與無兵同。故海防之弊莫敝於擺海邊防之壞。莫壞於擺邊。何也。散而不聚也。且該鎮之兵。其強壯者。必先儘總督爲之奉。次巡撫。次兵備。次總兵。又次參遊。是督撫哨下之兵。必精壯。而不過擁以自守也。其參遊衝鋒殺賊之兵。則三選之餘。斯非以我下騎當敵上騎乎。臣以爲每一鎮宜合一鎮所轄之兵。量留百名爲督府衛。餘皆聚於一處。擇一總兵官。久任而聚教之。分擇裨將教以車戰。步戰。騎戰。更番練訓。三年乃議戰。戰則以車拒敵。以步應敵。敵少卻。則以騎卒馳之。其哨守探報。皆於營中輪番差遣。務使

上有必勝之將。下有無敵之兵。比三五年。於是連十鎮之兵。爲搗巢之計。令其大創。不敢側目而南視。斯練邊軍之道也。其次莫如練土著。練土著。則必捐燕代一方以與之。今永平全被虜患矣。順天亦半被之矣。設賊繇居庸出薊州。則永平孤失。永平則都城斷臂矣。屯昌平。則都城扼背矣。臣愚以爲不如令永平一府之糧稅差徭盡輸之府。擇一武畧忠力之臣。任將帥者。守其郡。揀其精壯。依民壯法。編隊伍而練教之。又申保甲之法於農隙。擇有力者爲保長。令各備器械。具糗糧。團練於其鄉。一有警。則練兵爲先鋒。而

保甲爲聲援。虜至擊之。不使得利。將一府之民以防虜。防其家盜。以殺賊殺其私讐。未有不濟者也。在

朝廷以一府之糧差養一府之兵卒。以捍四方。宜無不可者。行之永平而效。則山西之蔚石沿邊之州縣俱以此法行之。則家自爲戰。人自爲守之道也。臣聞虜初入時。雖邊兵精銳不能當。及分投搶虜。則鄉人得而捕之。若行令鄉人能捕一賊者。賞百金。或照軍功受職。則鄉人有不以殺賊爲利者乎。徵兵滿萬。不如召募數千。誠確言也。

出吳給事時來奏議

邊議雖詳。要之以

廟勝爲本。

國初雲南最險遠。最後服。諸平定自黔寧

王因總兵填其中。貴州有鎮守總兵而定。成化初四
川貴州山都掌蠻叛。督軍討平。自程尚書信徙瀾州
衛。置太平長官司。分其地隸永寧芒部而定。貴州黑
苗叛。將軍討平。自都御史鄧廷瓚設都勻府。獨山林
哈州清平縣而定。荆襄有流民之變。綏定安輯。自右
副都御史原傑設鄖陽府。設諸縣。設行臺。撫治之而
安。語具土田志中。而廣西大藤峽蠻。數出爲寇。災雷
廉高韶肇咸被其患。遣都督同知輔。總兵僉都御史
雍。贊理軍討之。衆議賊在廣東者宜逐。在廣西者宜
困。請分江西軍。從游擊將軍。自庾嶺入廣東捕逐。而

大師從湖廣入廣西。困之。雍曰：不然。兵散而爲奇，聚而爲正。今兩廣無完郡，而大藤峽則其本根也。今釋本根，不急而趨其末，與剽虜圍走，謬矣。今惟當全師鼓行，抵桂林，南可援高雷廉，東可應南韶西，可定柳慶。北可斷陽峒諸路，使勢如常山之蛇，動無不應，豈必逐哉？軍志曰：先人有奪人之心。故貴拙速。又焉事困？於是督諸道兵，徑進至全州，遣偏師平陽峒，而賊走桂林，攻脩仁、荔浦二洞，破之，而賊并力大藤、大藤峽，險甚，且中多積粟，或難其攻。請困之。雍曰：峽周迴且千里，而欲以數萬人圍之，不足。適老師而匱財，今

脩蒞已平。賊膽墮矣。此破竹之勢也。於是親擐甲督戰。四面攻。士負貫上。盡破其山南諸大寨。就賊巢營焉。而前所遣奇兵。從間道驟蹙之。竟蕩其巢。磨峻厓曰九層樓者。紀歲月而還。易峽名曰斷藤。以紀功。其後按察副使陶魯平後山。置從化縣。平陽江。置恩平縣。平新寧。白永。置新寧縣。他平潯。梧府。江田。州皆躬親擒撫。保障兩廣者四十年。

魯行兵。兵不得前知。或先半年調兵食。或先數

月運軍械。多疑兵。多列寨屯。宗賊備嚴。若遠遁。即寢兵。盜稍懈弛。備或遁久。不得還。或出剽歸。即數路並進。亟掩之。往往不戢而殪。每兵行。署檄封付裨將。日某日某時發。及發。乃知進兵。及兵所期地。既至。則數路師已畢會。故魯所征盜。盜無能自弘治中。賴盜作。脫者而兩廣大安。民稱為三廣公云。

巡撫都御史林俊言臣聞地有遠近故治有詳畧以
天下言中國近而外夷遠故治詳中國而畧外夷以
一方言內地近而邊境遠故治詳內地而畧邊域蓋
詳可以制畧而畧不可以制詳則體勢然也江西原
無專設巡撫後因南贛二府與湖廣福建廣東三界
連流賊四剽出沒莫制設都御史開府以鎮之職專
疆場非若巡撫之爲職諸吏奸民隱錢穀刑名農桑
學較皆其詳治之也前此江西賦役韓雍閔珪均有
可觀則巡撫之效也後此贛州支分金澤可觀則提
督之功也其後改江西巡撫仍督南贛立見疎脫此

畧不可制。詳之明驗也。三省流賊出掠無時。而撫臣開府南昌。相距千百餘里。聲息往反。動經半月。臆度懸處。豈能盡中。况欲旁州僻邑。歲時週歷。宣上恩。懲官邪。親問民所疾苦。不已難乎。臣觀湖廣鄖陽。控河陝。諸胡與湖廣巡撫。不害並置。伏乞南贛都御史。專令提督廣南雄。江西贛南安。福建汀漳。諸軍務。與江西巡撫並設。便奏可。而汀漳諸溪峒盜熾然起。不可制。都御史文森稱疾避不前。兵尚書瓊劾罷之。薦太僕王守仁。以僉都御史往蒞鎮。時虔鎮西有桶岡橫水諸巢。連湖廣桂陽。南有泃頭諸巢。連廣東樂昌龍

川與漳南諸連寇並阻險爲民患。大者至僭王號。肆
攻剽。不忌當事者。不勝忿多調。狠達軍以勦之。不能
難。則主招又不效。於是有一省夾攻之議。守仁未至
鎮。卽疏言盜賊之日滋。繇招撫之太濫。招撫之太濫。
繇兵力之不足。兵力之不足。繇賞罰之不行。律領軍
官承調失期。若告報違限。因而失機者斬。軍臨敵境。
託故違期不至者斬。官軍臨陳先退。及圍困敵城而
逃者斬。此罰典也。及原擬直隸山東江西等處征勦
流賊陞賞諸格各有差。夫賞罰之科條具備。人宜競
勸。而卒未有益者。以罰典止行於叅提之後。而不行

於對敵之時。賞格止行於大軍之征勦。而不行於尋常之用兵也。今南贛之禍亟矣。脫朝廷假以賞罰之權。俾無掣肘。許以便宣相機輒發。一寨可攻則攻一寨。一巢可搗則搗一巢。量罪惡之淺深。爲撫勦之先後。則供饋征調之費頓省。而羣盜日翦。月削。期於盪平。如昔人拔齒之喻。日漸動搖。齒拔而兒不覺者也。如必南調狼達土兵。大舉夾攻。以快一朝之忿。計賊二萬。須兵十萬。日費千金。殆於道路。不得操事者七十萬家。積粟料財。數月而後舉事。刻期動衆。又數月而後交兵。聲迹彰聞。黠賊深遁。鋒刃所加。不過脅

從之老弱而已。且狼兵所過不減於盜。班師未幾而
山林之嘯聚因之。則何益哉。况近年江西有姚源之
寇。福建有汀漳之寇。府江之師方集於南廣。偏橋之
討未息於湖湘。加以大師何以堪命。此則力拔一齒
而兒隨以斃者也。繇前之說如臣昧劣。實懼弗堪。必
擇能者付之而後可。繇後之說大舉夾攻。庶幾可以
分咎而薄責。然臣不敢以身謀而妨國計也。惟陛
下詳擇。詔改提督。給旗牌。便宣行。守仁既至師。漳
寇方亟。而師却。將吏請俟秋乃舉。守仁曰。往福建諸
軍頗輯睦。有立功贖罪之心。利在速戰。若當事者乘

其銳以掩賊不備。亦何詎不克乎。今曠日又矣。賊聯黨設械以備我。而我猶執乘機之說。張主於外以堅賊。是徒知吾卒之可擊。而不知盜之未可擊也。廣東諸兵。意在倚狼達以分責。利於持久。而賊亦方陝土兵之集。卜戰期。若因形之以緩起而從之。可奮怯爲勇。變弱爲強。而吾猶執持重之說。以坐失事會。是徒知吾卒之未可擊。而不知盜之可擊也。善用兵者。因敵措勝。而應形於無窮。於是宣言犒衆。班師需大舉。而親帥諸道銳卒。伺其懈。急擊之。破巢者十餘。斬首從七千有奇。奏設平和縣。移枋頭巡簡司以填之。而

完會湖廣請夾攻桶岡。守仁曰。桶岡諸巢在湖廣爲
咽喉。而橫水左溪其腹心。橫水左溪在江西爲腹心。
而桶岡其羽翼也。今不去腹心之患。而欲與湖廣從
事於夾攻。進軍於兩寇之間。將腹背受敵。非完計也。
今湖廣師期尚遠。而橫水左溪見我兵未集。且以爲
必先桶岡。必觀望未爲備。可擊也。橫水左溪破。移兵
而臨桶岡。易矣。乃分部將吏。一自南康入趨橫水。一
自上猶入趨左溪。而自帥將吏逼橫水。而軍時橫水
不擬師猝至。則大駭。而大帥至。開塹設砦。示若將久
屯守者。夜分。使輕銳升絕巘。草茅卧懾。伏而待。厥明。

師至險。賊前鬪。則舉旗焚燎。大呼譟以震之。賊愕。不能軍。遂破橫水。會大霧雨。則休兵。命間前覘盜所往。得之。分奇兵。冒霧雨急擊。破巢者五十。擒斬五千有奇。吏請乘勝攻桶岡。守仁曰。桶岡天險。四塞而中堅。非數月不下。所從入。皆棧絕壑。緣懸崖而上。惟上猶道差易。然乃迂。又湖兵所從入也。今橫水左溪。賊已奔入洞。與同難。是其守必力。善戰者。其勢險。其節短。宜移屯休兵。播諭告以乖之。乃使其黨往說使疾下。且約使人於鎖匙龍入受降。賊方急。見招諭。則大喜。集議而橫水左溪奔者盜。持不可。方猶豫。則我師已

入鎖匙龍趣出降矣。於是諸道軍。冒雨畢競登破巢者三十。俘斬四千有奇。而湖師始至。則奏請設崇議縣。及茶寮隘上堡。鉛廠長龍三巡簡司填之。池仲容者。泃頭劇盜也。僭號張官。爲渠首。夾勦不下者屢矣。當事者恐以狼達則謾曰。狼兵來湏半年。我避不過一日。以爲夾勦軍來不速。至不留。留不久。易與也。方攻橫水時。守仁恐泃賊乘虛出爲擾。乃播諭福福利害。以沮離其黨。降者推誠撫慰。而仲容遣其弟來陽受招。桶岡破。乃益懼。詐稱龍川新民。欲相圖。嚴爲防。守仁陽信納。竟致之。名宴犒。內伏甲殲焉。而是夜親

率師走三洲破巢者三十擒斬三千餘。迹捕之九連山。無遺誅者。奏設和平縣其中而定。是役也。鎮守太監畢直與近倖計請監軍兵尚書瓊曰。兵忌遥制。令南贛用兵。而需謀於省城。事去矣。惟省城有急。聽南贛策應。便得無遺。於是事底績。而寧藩用平。本瓊省城聽策應畫也。可謂廟勝矣。先是成化初。刑主事汪俊言。臣生長廣西。熟諳土俗。大都境內徃徃多而居民少。非其種世相統攝。終莫之能服也。洪武間。設立田州泗城等府州。用土官世守。遇警聽調。使懷德畏威。其他種以流官兼管者。類反側多故。今宜委附近

土官管束。或別立司府。推種人衆信者。授世襲長官。從其俗靖之。便後時酌行。嘉靖初。田州岑猛以數調有功。頗縱暴。兩廣總督姚鏌計殺之。因請設流官治田州。而州人大譴。其部酋盧蘇王受。乃通交趾。擾滇南。念欲復岑氏而亂。鏌劾致仕。於是起新建伯守仁行視師。守仁具疏言。臣惟岑猛父子固有可誅之罪。然所以致此者。則當事諸臣亦宜分受其責也。蓋兩廣軍門專爲諸徭賊流剽而設。權專且重。誠日振其威猷於諸蠻乎。何有。乃政日壞。而將圯土頓也。一旦有警。則必倚調土達狼兵。若猛之屬者而後行。故此

輩得以憑怙兵力。而日以桀驁及事之平。則又功歸于上。而彼無與焉。於是怨憤日積。徵發愆期。比其久也。卽調發有不時至者矣。劫之以勢。而威益褻。籠之以詐。而術愈窮。繇是諭之益梗。撫之益疑。凌遲至于今日。則名以叛逆。征之而已矣。且猛父子旣已戮死。亦足暴揚。乃猶窮追必死之寇。動擢窮苦之民。其可憂危。何啻十百於今日。故臣竊以爲當事者之計過也。且未設流官之前。土人歲出土兵三千。以聽官府之調遣。今旣設流官之後。官府歲發民兵數千。以防土人之反覆。卽此一事。利害較然。况思思自設流官。

八九年反者數起。朝廷曾不得其分寸之益而反爲之憂勞。爲之征發。浚良民之膏血以塗之。亦已惑矣。臣觀田州切鄰交趾。徃徃盤據。動以千百。竊伏茲計。必存土官。藉其兵力。爲中土之屏蔽。非必盡勦其人。改土設流。以自撤其藩籬也。奏上。兵尚書王時中持不可。

上曰。兵難遙度。守仁必自有見。聽便宜行。於是守仁令撤調集防守之兵數萬。惟湖兵數千。阻道遠。獨留蘇受等以兵久固。困又素悞。新建伯威畧丐更生。於是諭以。上威德。聽免死。而蘇受率衆自縛。詣師降。守

仁曰。朝廷旣赦爾等之死。義豈復失信。但爾等擁衆負固。雖蠢然畏死。而上煩九重之慮。下疲三省之民。不示罰何懲。於是下蘇受于轅門榜之百。曰。今宥爾一死者。朝廷好生之大德。我等必杖爾示罰者。人臣執法之大義也。於是乃解縛而二酋稽顙聽令。乃具疏窮兵十害。招撫十善。及當事欲勦者之情。二幸四黜以上。疏畧言。明王奉若天道。建邦設都。樹后王君公。承以大夫師長。曰。惟亂民。今天下郡邑有大小繁簡。中土邊方。有流土官職之不同者。蓋亦因氣稟物類之不齊。順其情不違其俗。循其故不易其

宜要在各得其所而已。臣以迂庸繆當兵事。陛下
假以便宜聽之招撫。賊平之後。又諭令議設流土官
孰便。是陛下之心。惟在於安民息亂。初未嘗有所
意必也。今議者以爲流官之設。中土之制也。已設而
復去之。則嫌於失中土之制。土官之設。蠻夷之俗也。
已去而復設之。則嫌於從蠻夷之俗。此皆拘牽之見。
苟避形迹毀譽。安能仰窺陛下如天之仁。平平蕩
蕩。惟以亂民爲心乎。臣承制會鎮巡等官。議設土
官。以順其情。分土目以散其黨。設流官以制其勢。蓋
蠻夷之性。譬諸禽獸麋鹿。必欲制之郡縣。而緹以漢

法。是羣鹿麋於堂室。而欲其馴擾帖服。終必觸罅俎。翻几席。狂跳而駭躑矣。故必放之。閒曠之區。以順適其性。今仍土官之舊者。順之也。然一惟土官。而不思散其黨與。制其猖獗。是縱麋鹿于田野。而無墻墉之限。終必奔竄而無以維繫之。今分立土目者。限之也。積豕童牯之道也。然分立土目。而不以流官填于其間。是畜麋鹿於苑囿。而無守視之人。以時高其墻墉。禁其羣觸。終將踰垣遠逝。踐禾稼。決藩籬。而莫之省矣。今特設流官。者。守之也。議詢僉同。敢具述上請。立猛第三子邦相爲州吏目。待有功。漸陞爲土知州。分

設思思土巡簡司九田州土巡簡司十有八。以蘇受等土目爲衆所服者世守之。而特設流官知府馭焉。便。報可。而思田大定時八寨賊自國初韓都督觀圍困來百十年。斷藤賊自韓襄毅勦撫來亦已百十年所矣。益生聚爲流劫。文成以思田新附。求自效。而往所調湖廣保靖之軍。當罷遣歸。乃命布政使林富副總兵張祐出不意勦之。擒斬者千餘。功成而遠近不知有兵。時思者尼其功。詹事霍韜學士方獻夫疏言臣等皆廣東人。與賊鄰壤。備知各賊爲

患實跡前蒙

聖明特起守仁臣等竊謀曰。前巡撫勦調三省兵若干萬。軍餉銀米若干萬。殺死疫死狼兵鄉兵若干萬。僅得田州安靖五十日。而思思叛矣。弔岩賊出。圍肇慶。

殺數千家矣守仁乘此大敗極敝之後承特擢之恩
雖合四省兵力再支庫銀百餘萬支米數百萬剿平

田州亦且曰功而守仁不役一卒不費斗糧宣揚
聖德遂致兩府頑民稽首來服是守仁不惟能肅將

天威實能誣敷天德也廣西在萬山之叢民三賊七
柳慶諸賊猶時徂征若八寨自國初至今未有輕

議征剿者賊時險肆惡時出攻圍城堡殺掠良民何
啻萬計邾近流賊避兵者畏人其中是八寨者四方

寇賊淵藪而斷藤峽又八寨之羽翼廣西有八寨猶
人有小腹之疾也守仁沉機不露百數十年豺虎窟

穴掃而清之如拂塵然是守仁能體

陛下之仁以懷綏田州思恩向化之民又能體

陛下之義以討服八寨斷藤梗化之賊仁義之用兩得

之也竊考守仁之成功有八善焉乘潮兵歸路之便

則兵不調而自集一因田州思恩效命之助則勞而

不怨二機出意外賊不及逃所誅者真積年渠惡非

濫殺報功者比三因歸師以討逆無糧運之費四一

舉成功民不知擾五極惡者先誅細小巢穴可漸施

德化六合數者兩廣良民可漸安生業七韓雍雖正

斷藤旋復有賊實爾時未及區畫為經久之圖賊復

據爲巢也。而守仁徙建城邑鎮定之。則惡賊失險。後不能爲變。八也。議者曰。守仁奉命撫剿田思。不剿田州。則已矣。遂剿八寨。可乎。傳有之。大夫出疆。有可以安國家利社稷。專之可也。古之道也。況有便置從事之旨乎。或者又曰。建置城邑。大事也。區處錢糧。戶部職也。不先奏而輒興功。可乎。帝王千里之內。自治千里之外。付之侯伯而已。夫平八寨。所殺者賊之渠魁耳。若遁逃者。未及殺也。侯奏得旨。乃興版築。則賊漸完聚。據險結寨。以抗我師。豈不敗乃事哉。兵部功賞未見施行。戶部覆題。又復再勘。守仁大臣也。豈以功賞有無爲重輕哉。第恐有功之人。視此解方。平思時體。則在外撫臣。無所激勸。以爲建功之地。方平思時議者請增調兵助防守。文成諭之曰。用兵之法。伐謀爲先。處夷之道。攻心爲上。今各徭既勦之後。有司宜誠心撫恤。以安其心。不服其心。而欲藉兵力威劫。以爲可久。則亦末矣。調來客兵。其心憤怨。不肯爲用。供

億稍不滿意。求索訾詈。將無不有。就居民間騷擾濁亂。將無抵極。困頓日久。資財耗竭。是欲以衛民而反爲民苦。欲以防寇而反招一寇。適自弊之道也。夫柔遠人。撫戎狄。而謂之柔與撫者。豈專恃兵甲之盛。威力之強而已乎。古之人能以天地萬物爲一體。故能通天下之志於一心。凡舉大事。順其情而使之。因其勢而導之。乘其機而動之。及其時而與之。是以爲之。但見其易而成之。不覺其難。此天下之民所以陰受其庇。而莫知其功之所自也。行府縣正官。必親至各徭傍近。良善村寨。加厚撫恤。使爲善者勸。而不肯與

之連比。則惡黨孤。而其勢自定。而清查占田。開立里甲。以息後日之爭。諸凡綏懷御制之道。可以次而舉矣。又加意行十家牌法。爲制軍之實。而近取武靖土兵。屯營城邑。毋與民雜處。分休番上。以爲防。張弛時措。質有其文武矣。嘉靖末。饒平盜張璉。據谿洞。僭號張官吏。與林朝曦。蕭晚等共爲亂。詔三省夾勦。而總督尚書胡宗憲。以盜流剽江閩間。至賊憲臣守備。下檄言。賊棄巢出。此自投死。其急擊。南贛將俞大猷。前以違節制見劾。獄幾死。欲言恐禍及。欲不言恐敗事。已乃曰。吾豈以一身之禍。忘國計哉。乃具言璉。

雖離巢出劫。其妻子財寶。乃在巢。若我以大軍迫其巢。彼必悉衆自救。譬之虎方逐鹿。熊據穴。搏其子。虎得不置。鹿而還。還而覺之。如拉朽矣。且三省會擊。


有期。又豈可以數萬之師。從一夫團走哉。於是引兵萬五千人。疾走柘嵩嶺。瞰璉巢而軍。都御史穩下令。生得璉者。封萬戶。而璉等畢受誅。當是時。廣東叛卒流剽江西。福建。陽聽招。而陰結賊。縱橫漳泉延建間。聚不散。且熾。胡莊。肅公。松撫江西。請合勦。浙都司從。建寧擊賊。賊繇崇安大掠虜而西。則遣千夫長扼杉關。伺其入。逆擊之。賊敗走靈湖。業饑疲不能軍。殊不。

自意小竹後車之左右皆伏也。大惶駭奔北。夜乘黑
奪船。欲入湖出江。而莊肅所密伏。舟師扼之。湖而礮。
是役也。雖擒斬已眇。然規千里以布伏。一舉而殲之。
固得筭多也。當是時。廣瓊州府邊山海。而海中黎嫻
等山。爲生熟黎人所居。倚幽巖爲暴。永樂中。御史汪
俊民請命熟黎。目歸化者以官。而諸峒奉約束。順
附。唯生黎不數十歲。輒亂。亂輒勦。以爲常。至是大猷
言。生熟黎並居瓊海四州十縣中。與吾治地。魚鹽米
貨相通。鷄犬相聞。雖有高山峻嶺。而出入往來。自有
坦道。居處耕作。自有場垌。固非深巖阻固。可依負爲。

暴不可制者也。方我兵未集，黎下瞰城府，於出掠固便。而我師既集，千蹊萬徑，皆可適其巢穴，亦無不成之功。乃於區區一島之地，強分夷夏，置之於衣冠禮樂之外，俟其爲亂，然後從而戮之，能上首功數千，於賊勢方張之餘，而不能駕馭變化，一二遺黎，於摧敗之後，能捐大征之財數十萬，於黎未平之先，而靳惜經畧之費數萬，於善後之際，亦已過矣。今誠能據其遺地，移吾兵民，與遺黎雜居，建城郭，設墟市，以漢法，因夷俗，雜治之，可使數十年無反矣。都御史必進曰：善。大猷乃單車入峒中，與黎人約法，恩意惻怛，黎人

手持牛酒勞之。圖像佛祠中。呼俞佛子黎以靖安約之。辰常川貴間諸溪洞險深。易爲變。廣西當嶺南右偏。視東道特獷。左黔右鬱。荔浦東西時破殘。難言。蠻阻四川東南。西蔓于蕃簇。烏蒙烏撒芒部諸府頗內相黨。搆宜有機權。令之內攜。雲南沅江永寧鎮沅孟良景東最號強獷。蒙化順寧霑益差小。然皆向背靡常。貴州壤地連錯三省。泗城北窺永寧芒部。南擾畢節。酉播外突。普凱內訌。每一梗阻。滇南中斷。乃知國初時分其地。隸川湖雲南。今疆裂圻。拆蓋一道也。夫西南夷至衆而種頗內屬。國家用爲扞蔽內。

省屯戍外禁侵軼。故第以漢官命之。非純用漢法治之。誠寬之也。諸夷相噬。自其恒俗。方信信之爭。兩不相下。必且相屠。曉以禍福。令各罷兵。則一介之使。咫尺之書。之任也。間者秉鉞大臣。苟揚國威。不惟終始如雲南沅江之患。上以虧天家之重。下以啓他夷之奸。此所謂舛也。兵患輕動。動亦有期。兵患弗疆。疆亦有道。大都在調劑其悍驚。無輕用兵。



DS
735
.A2
T4
v.28

國史下編卷之二十上

盱郡鄧元錫著

戎狄志

戎狄之爲中國患久矣。唐虞而上。有山戎獫狁葷粥。其猾夏也。帝以命士。象五刑。惟明而不窮之於兵。後三危旣宅。三苗丕叙。終列夷狄於荒服。曰蠻。曰流。其謂之荒。言其往來荒忽無常。不足以中國之治治也。至咨牧蠻夷率服。一歸諸惇德食時。禹征三苗而逾命。益贊之滿損謙益敷文德之爲務。其謨矢來王。亦惟曰。無怠無荒已焉。至哉化乎。在商高宗。命說作相。

說進于王曰。惟甲冑起戎言。戎所自起者微。曰。惟于戈省厥躬。言躬之自省者厚也。於慎微已遠。乃其後高宗伐鬼方。三年乃克。中國憊焉。則知微危之幾。正反之勢。於爲繫。至重也。文王爲西伯專征。而西有

昆夷之患。北有獫狁之難。獫狁狄也。昆夷西域諸羗戎也。文王伐之。其詩曰。密人不共。敢距大邦。侵阮徂其王。赫斯怒。爰整其旅。以按徂旅。以篤周祜。以對于天下。阮其皆西國密。密須氏之國也。當是之時。王赫其怒。非實有怒。故其詩曰。依其在京。侵自阮疆。陵我高岡。無失我陵。我陵我阿。無飲我泉。我泉我池。言矢

陵而戒之。飲泉又戒之。曰：無以爲也。我陵卽我阿也。我泉卽我池也。戒無犯也。王者不異遠方。同仁一視。謂審人卽吾人焉耳。至其詢仇方同兄弟以伐崇也。鈎援臨衝攻之矣。而不長髮疾革自若也。其詩曰：臨衝閑閑。崇墉言言。執訊連連。攸馘安安。夫然後致附以弔民。伐肆絕忽以討罪。而四方無侮無拂焉。是文王之師也。至其命將率伐玁狁。以守衛中國。歌采薇而遣之。其詩曰：采薇采薇薇亦作止。曰歸曰歸。歲亦莫止。靡室靡家。玁狁之故。不遑啓居。玁狁之故。勤之矣。而終止於薄伐。止於城守。而不窮於兵。其詩曰：王命南仲。往城于方。出車彭

彭旃旒典典。天子命我城彼朔方。赫赫南仲。玁狁于
襄。周公作樂。取采薇。出車。杕杜。三詩被之管絃。爲一
代遣戍勞師。勤歸樂歌。夫非以西戎玁狁。世爲中國
患。而城戍薄伐。爲驅戎大濊。三詩備之。與抑文武時
戍守功最南仲。亦因用最將與天下雖大好戰必亾。
故詩不預製。國雖安。忘戰必危。而守衛中國。適三詩
而止可焉。故因用之。與迨武王克商。通道于九夷。入
蠻。西旅底貢。厥獫狁速辭。遂通道。宜若已速然。蓋王
心危矣。道通而旅獫至。則心術之應如影響也。太保
乃作旅獫訓于王曰。明王慎德。四夷咸賓。無有遠志。

畢獻方物。惟服食器用。又曰。不作無益。害有益。功乃成。不貴異物。賤用物。民乃足。犬馬非其土性。不畜。珍禽奇獸。不畜于國。不寶遠物。則遠人格。所寶惟賢。則邇人安。至哉訓乎。周公居攝之三年。越裳氏以三象重譯來獻其白雉。王問何以來。其使曰。吾受命國之黃耆曰。天無烈風。時無苦雨。海不揚波。三年矣。意者中國有聖人乎。盍朝諸。吾是以來。王以謂周公。周公曰。德澤不加。君子不饗其質。政令不施。君子不臣其人。却不受曰。吾德不及也。盛哉德乎。乃夏官職方氏辨九服之邦國。大行人掌其貢蕃服。世一見。各以其

所寶爲摯。而象胥掌蠻夷閩貉戎狄之國。使掌傳王之言而諭說焉。以和親之。君以世入賓。則協其禮與其辭而傳之。凡其出入送迎之禮。節幣帛爲之辭。令而擯相之。則又其禮無不體之盡也。迨穆王之世。天子有感志於鬼神。禱祠征伐之事。將征犬戎。祭公謀父諫曰。不可。先王耀德不觀兵。夫兵戢而時動。動則威。觀則玩。玩則無震。周文公之頌曰。載戢干戈。載櫜弓矢。我求懿聽。肆于時夏。允王保之。先王之於民也。茂正其德而厚其性。阜其財賕而利其器用。明利害之鄉。以文脩之。使務利而避害。懷德而畏威。故能保。

世以滋大。昔我先世后稷。以服事虞夏。及夏之衰。棄
稷弗務。我先王不窋。用失其官。而自竄於戎翟之間。
不敢怠棄。時序其德。纂脩其緒。脩其典訓。朝夕恪勤。
守以惇篤。奉以忠信。奕世載德。不忝前人。至于武王。
昭前之光明。而加之以慈和。事神保民。莫不欣喜。商
王帝辛。大惡於民。庶民弗忍。欣載武王。以致戎于商
牧。是先王非務武也。勤恤民隱。而除其害也。夫先王
之制。邦內甸服。邦外侯服。侯衛賓服。蠻夷要服。戎翟
荒服。甸服者祭。侯服者祀。賓服者享。要服者貢。荒服
者王。日祭月祀。時享歲貢。終王先王之訓也。有不祭

則脩意有不祀則脩言有不享則脩文有不貢則脩名有不王則脩德序成而猶不至則脩刑於是乎有刑不祭伐不祀征不享讓不貢告不王於是乎有刑伐之辟有攻伐之兵有征討之備有威讓之令有文告之辭布令陳辭而又不至則又增脩於德無勤民於遠是以近無不聽遠無不服今自大畢伯士終也大戊氏以其職來王天子曰予必以不享征之且觀之兵其無乃廢先王之訓而王幾頓乎吾聞夫大戊樹惇能帥舊德而守終純固其有以禦我矣王不聽遂征之得四白狼四白鹿以歸自是荒服者不至其

晉王暴而流彘。宣王中興。克詰張皇。以復文武之
克土。而治黎勃焉。當是時。比狄尤劇。內迫于王畿。故
其詩曰。玁狁匪茹。整居焦穫。侵鎬及方。至于涇陽。涇
陽王畿地也。王以命吉甫。六月盛夏。不得已而興師。
其詩曰。六月棲棲。戎車既飾。四牡騤騤。旣成我服。戎
服旣成。于三十里。王于出征。以佐天子。其於戎狄。譬
則蝻蟲乎。驅之而已。不求其功。故其詩曰。戎車旣安。
如輕如軒。四牡旣佶。旣佶且閑。薄伐玁狁。至于太原。
文武吉甫。萬邦爲憲。當是之時。蠻荆亦比煽而動。王
以命方叔。其詩曰。蠢爾蠻蠻。大邦爲讐。方叔元老。克

吐其猶。方叔率止。執訊獲醜。然南荆脆靡。終可陳鞠而
而下也。其詩曰。顯允方叔。征伐獫狁。蠻荆來威。威言
畏也。言比狄克而荆蠻震疊。不戰而克之也。至淮夷
之叛。王以命召虎。其首詩曰。江漢浮浮。武夫滔滔。匪
安匪遊。淮夷來求。既出我車。既設我旗。匪安匪舒。淮
夷來鋪。其二章曰。江漢湯湯。武夫洸洸。經營四方。告
成于王。四方既平。王國庶定。時靡有爭。王心載寧。故
脩攘舉而國以中興。其後幽王用褒姒愛故。欲殺太
子。成伯服。太子奔申。王伐申。申侯與犬戎共伐王。王
崩于難。平王東徙洛。而周益下衰。王師敗績于千畝。

狄再伐王。而魯隱公會戎于潛。及戎盟于唐。春秋傷之。桓公之霸。山戎伐燕。燕告急于齊。桓公救燕。遂伐山戎。山戎狄也。狄人入衛。桓公救衛。城楚丘。衛遷于楚丘。狄伐邢。管敬仲言於齊侯曰。戎狄豺狼。不可厭也。諸夏親暱。不可棄也。宴安酖毒。不可懷也。詩云。豈不懷歸。畏此簡書。簡書。同惡相恤之謂也。請救邢。以從簡書。齊人救邢。城夷儀焉。邢遷于夷儀。其後遂攘楚楚子。受盟。孔子曰。管仲相桓公。霸諸侯。一匡天下。微管仲。吾其被髮左衽矣。蓋功之也。設其時。微仲。狄戎交侵。舉中國而被髮左衽。於爲禍。豈有量哉。至戰

國之世。匈奴稍益強。而燕趙秦皆邊胡。皆築長城以備胡。而趙武靈王變胡服。習騎射以抗胡。而李牧將居代鴈門。爲屯防。得便宜置吏軍。市租皆輸幕府。爲士費。日擊數牛饗士。習騎射。謹烽火。多間諜。爲約曰。匈奴即入盜。則急收保。敢捕虜者。斬。如是數歲。無所亡失。匈奴皆以牧爲怯。雖趙邊兵亦以爲吾將怯也。趙王使人讓之。牧如故。王怒。使他將代。數戰不利。邊不得田畜。趙王乃復請李牧。牧稱病。趙王強起之。牧曰。必用臣。臣如前。乃敢奉令矣。王許之。牧至邊。申約如故。數歲無得畧。虜以爲怯。士曰。得賞賜而不用。皆

願得一當敵。乃選車騎習獵。大縱畜產。人民被於野。匈奴小入。佯北以數千人委之。單于聞。率大衆入牧。乃多爲奇陳。張左右翼擊之。破殺匈奴十餘萬騎。滅檐襜破東胡。降林胡。單于奔走十餘歲。不敢近趙邊。秦已并天下。臣妾四海。慮獨在制胡。而方士以鬼神事入海還奏。圖書言。亡秦者胡也。乃使蒙恬將兵三十萬人北擊胡。畧取河南地。自榆中並河以東。屬之陰山。爲三十四縣。又使恬渡河取高闕。北假中。築亭障以逐胡。徙謫實之。延袤萬餘里。暴師十餘年。威振於匈奴。其後豪傑苦秦法。並起名伐秦。合從西鄉。秦不能擒制。楚漢之戰。久相

持未決。匈奴得以其間自寬。盡服從漠北。戎而冒頓遂弑其父頭曼。自立爲單于。破滅東胡王。西擊走月氏。南并樓煩。白羊。悉復秦所奪匈奴地。至強大。南與中國爲敵國。於是置左右賢王。左右谷蠡王。左右大將。都尉。當戶之屬。諸左王將居東方。直上谷以東。接穢貉朝鮮。右王將居西方。直上郡以西。接氐羌。而單于庭直代郡雲中。匈奴其先夏后氏之苗裔也。曰淳維。居于北蠻。隨畜牧逐水草而遷移。無城郭常處耕田之業。然亦各有分地。無文書以言語爲約束。兒能騎羊。引弓射鳥鼠。少長則射狐兔。用爲食。士力能彎弓。盡爲甲騎。終日

則隨畜。因射獵禽獸爲生業。急則人習戰攻。以備
其天性也。其長兵則弓矢。短兵則刀鋌。利則進。不利
則退。不羞遁走。苟利所在。不知禮義。自君王以下。咸
食畜肉。衣皮革。旃裘。壯者食肥美。老者食其餘。貴壯
健。賤老弱。父死。妻其後母。兄弟死者。皆取其妻妻之。
其俗有名不諱。而無姓字。歲正月。所置王將諸長。畢
會單于庭祠。五月大會籠城。祭其先天地鬼神。秋馬
肥。大會蹕林。課較人畜。而單于朝出營。拜日之始生。
夕拜月。其坐長左而北。鄉日上。戊巳。其送死。有棺槨。
金銀衣裘。而無封樹器服。近幸人妾從死者。至數十

百人舉事而候星月月盛壯則攻戰虧則退兵攻戰
斬首虜賜一卮酒而所得鹵獲因予之得人以為奴
婢故其戰人人為趣利善為誘兵以冒敵其見敵逐
利如鳥之集其困敗則瓦解雲散矣

漢七年韓王信叛降匈奴匈奴得信因引兵南踰句
注攻太原至晉陽下高帝自將兵往擊之會冬大寒
雨雪卒墮指者十二三於是冒頓詐敗走誘漢兵漢
兵擊逐冒頓冒頓匿其精兵見其羸弱帝使使說之
使者十輩來皆言匈奴可擊狀帝復遣齊人安期生
敬還報曰兩國相擊此宜矜夸見所長今臣往徒見

老弱此必欲見短。伏奇兵以爭利。臣愚以爲匈奴不可擊也。時帝意銳甚。怒罵敬曰。齊虜以口舌得官。乃敢妄言阻吾軍。械擊敬廣武。遂以銳師至平城。步兵未盡到。冒頓音墨縱精兵四十萬騎圍帝於白登。七日。漢兵中外不得相救餉。高帝乃使使間厚遺閼氏音烟。爲居間說冒頓。令解圍。闕角。帝令士皆持蒲傳矢。外鄉從解角。直出。得與大軍合。帝還軍。斬前使十輩。而封敬爲建信侯。於是敬復說帝曰。天下初定。吏士罷於兵。冒頓強。竊以爲今未可以武服也。冒頓殺父妻母。以力爲威。又未可以仁義說也。陛下

獨能以適長公主妻之。彼必慕以爲關氏。生子必以爲太子。陛下歲時以漢所餘。彼所鮮者。數問遺之。因便辨士風諭以禮節。冒頓在。固爲子壻。死則外孫。爲單于。豈聞外孫敢與外父抗禮哉。可無戰以斷臣也。於是遣敬往結和親約。冒頓乃少止。高帝崩。孝惠呂后時。匈奴益驕。冒頓乃爲書遺高后。爲嫚言。高后大怒。召諸將議之。上將軍樊噲曰。臣願得十萬衆橫行匈奴中。諸將皆阿呂后意曰。然。季布曰。樊噲可斬也。夫高帝將兵四十餘萬衆。困於平城。今噲奈何以十萬衆橫行匈奴中。而欺且秦以事於胡。陳勝等起于

今創痍未瘳。噲又面諛。欲搖動天下。太后默然。遂罷議。復與匈奴和親。孝文帝初立。將軍陳武等請及士民樂用。討逆黨。以一封疆。孝文曰。朕能任衣冠。念不。到此會。呂氏之亂。功臣宗室。其不羞耻。誤居正位。常戰戰慄慄。恐事之不終。且其凶器。雖克所願。動亦耗病。謂百姓遠方何。又先帝知勞民不可煩。故不以爲意。朕豈自謂能。今匈奴內侵。軍吏無功。邊民父子。荷兵日久。朕常爲動心傷痛。無日忘之。今縱未能銷距。願且堅邊設候。結和通使。休寧比隣。爲功多矣。且無議軍。三年五月。匈奴右賢王入居河南地。侵盜上郡。

葆塞蠻夷。詔丞相嬰發車騎八萬五千詣高奴擊之。

右賢王走出塞。明年單于遺漢書言和親。帝報聽許。

而宦人中行說教單于左右疏記課其人民畜產。又

日夜教候利害處窺邊。

初漢降公主遣宦人說傳說不欲行強使之說曰必我行也

為漢患者說至單于果大幸日夜教之曰匈奴人衆不能當漢之一郡然所以強者以衣食異無仰於漢

也今單于變俗好漢物漢出物不過什二則匈奴折而入漢矣於是得漢繒絮以馳草棘中衣裂敝示不

如旃裘之完善也得漢食物皆去之示不如渾酪之便美也十四年匈奴十四萬

騎入朝那蕭關遂至于彭陽使奇兵入燒回中宮候

騎至雍耳泉於是文帝怒欲自將擊胡皇太后固要

乃止於是中尉周舍中令張武為將軍發車千

騎十萬。軍長安旁以備胡。而拜東陽侯張相如爲
大將軍。將三將軍出上郡北地隴西。大發車騎往擊
胡。單于解去。孝文帝後二年。匈奴復約和親。帝使使
報書曰。皇帝敬問匈奴大單于無恙。使當戶且居雕
渠難郎中韓遼遺朕馬二匹。已至。敬受先帝制。長城
以北。引弓之國。受命單于。長城以內。冠帶之室。朕亦
制之。使萬民耕織射獵衣食。父子無離。臣主相安。俱
無暴逆。今聞漂惡民。貪降其進取之利。倍義絕約。忘
萬民之命。離兩主之歡。然其事已在前矣。書曰。二國
已和親。兩主驩說。寢兵休卒。養馬。世世昌樂。闕然更

始朕甚嘉之。聖人者日新。改作更始。使老者得息。幼者得長。各保其守。領而終其天年。朕與單于俱繇此道。順天恤民。世世相傳。施之無窮。天下莫不咸便。漢與匈奴鄰國。匈奴處北地寒。殺氣早降。故詔吏遺單于絺纈金帛絲絮。他物歲有數。今天下大安。萬民熙熙。朕與單于爲之父母。朕追念前事。薄物細故。謀臣計失。皆不足以離兄弟之驩。朕聞天不頗覆。地不偏載。朕與單于皆捐徃細故。俱蹈大道。墮壞前惡。以圖長久。使兩國之民若一家。子元元萬民。下及魚鼈。上及飛鳥。跂行喙息蠕動之類。莫不就安利而辟危殆。

張批漢文御

匈奴分六節

其不犯

之或因

井之寇而

之或因其和

親而許之所

請因者君之

獨也

故來者不止。天之道也。俱去前事。朕釋逃民。單于無
言。章尼等。朕聞古之帝王。約分明而無食言。單于誓
志。天下大安。和親之後。漢過不先。單于其察之。因詔
天下。和親已定。始於今年。後四歲。匈奴軍臣單于復
大人。上郡雲中。各三萬騎。所殺畧甚衆而去。於是漢
使三將軍。燕屯北地。代屯句注。趙屯飛狐口。守備胡。
又置三將軍。軍長安西。細柳棘門。灞上。而胡騎入代
句注。烽火通於甘泉長安。數月乃罷。武帝即位。明和
親。約束厚遇。通關市。饒給之。匈奴自單于以下皆親
漢。往來長城下。而鴈門馬邑豪聶壹。因大行王恢。言

匈奴和親。親信邊。可誘以利。伏兵襲擊。必破之。帝召公卿與廷議恢乃言曰。臣聞全代之時。北有彊胡之敵。內連中國之兵。然尚得養老長幼。種樹以時。倉廩常實。匈奴不輕侵也。今以陛下之威。海內爲一。天下同任。又遣子弟乘邊守塞。轉粟輓輸以爲之備。然匈奴侵盜不已者。無他以不恐之故耳。臣竊以擊之便。御史大夫韓安國曰。不然。臣聞高皇帝圍於平城。胡卒投鞍高於城者數所。平城之役。七日不食。天下歌之。及解圍反位。而無忿怒之心。夫聖人以天下爲度者也。不以已私怨。傷天下之功。乃遣劉敬奉金千斤結

和親約至今爲五世利。孝文皇帝嘗壹擁天下精兵
驟之廣武。常谿然終無尺寸之利。而天下黔首無不
憂者。孝文寤於兵之不可宿也。故復合和親之約。此
二聖之迹。足以爲效矣。臣竊以爲勿擊便。恢曰不然。
臣聞五帝三王。禮不相復。非故相反。各因世宜也。故
曰。鳳鳥來於風。聖人因於時。昔高皇帝披堅執銳。蒙
霧露沐霜雪。行幾十年。所以不報平城之怨者。非力
不能。凡以休天下之心也。今邊境數驚。士卒傷死。中
國糧車相望。此仁人之所隱。誠以中國之盛。萬倍之
資。遣百之一。以攻匈奴。譬猶以短弩射且潰之癰。必

不留行矣。臣故曰擊之便。安國曰。不然。臣聞用兵者。飽以待饑。正治以待亂。定舍以待勞。故接兵覆衆。伐國墮城。常坐而役敵國。此聖人之兵也。今匈奴輕悍。亟疾。至如焱風。去如收雷。畜牧爲業。弧方射獵。逐獸隨草。居處無常。難得而制。今將卷甲輕舉。深入長毆。以爲功。從行則追脅。衡行則中絕。疾則糧乏。徐則後利。不至千里。人馬乏食。兵法曰。遺人獲耳。意者有他繆巧乎。則臣不能知。不然。未見深人之利也。臣故曰。勿擊便。恢曰。不然。草木遭霜。不可以風過。清水明鏡。不可以形逃。通方之士。不可以文亂。臣言擊之者。非

因發而深入也。將順單于之欲，誘而致之邊。吾選梟

獍壯士，陰伏以爲之備。審遮險阻，以爲其戒。吾勢已

定，或營其左，或營其右，或當其前，或絕其後。單于可

禽，百全必取。帝曰：善。乃從恢議。陰使聶壹、鉏蘭出物

與單于交。

鉏音干。干，蘭犯禁私出物也。

且曰：吾能斬馬邑令丞，以

城降財物，可盡得。於是單于大喜，將十萬騎，穿塞入

武州。是時漢伏兵三十餘萬，匿馬邑旁谷中。單于未

至，馬邑百餘里，見畜布野，無人牧，怪之。乃攻亭，得鴈

門尉史，欲殺之。尉史乃告單于，此漢兵所居。單于大

驚，曰：吾固疑之。亟引還，曰：吾得尉史，天也。封尉史爲

天王。漢兵約單于入馬邑而縱。單于不至以故止。而王恢將軍出代。擊胡輜重。見單于還兵多。不敢出。漢以恢本造兵謀而不進。爲國辱。斬恢。自是之後。匈奴絕和親。攻當路塞。往往入盜邊。而漢亦歲遣將。將軍分道擊胡矣。大將軍青者。平陽人。帝所幸衛夫人母弟也。以車騎將軍數擊虜有功。於是天子下詔曰。匈奴逆天理。亂人倫。暴長虐老。以盜竊爲務。行詐諸蠻夷。造謀籍兵。數爲邊患害。故興師遣將。以征厥罪。詩不云乎。薄伐玁狁。至于太原。出車彭彭。城彼朔方。今車

騎將軍青。度西河至高闕。獲首虜二千三百級。車

畜產畢收爲鹵。已封爲列侯。遂西定河南地。按榆谿。舊塞。絕梓嶺。梁北河。討蒲泥。破符離。二王號斬輕銳之

卒。捕服聽者三千七十一級。執訊獲醜。驅馬牛羊百餘萬。全甲兵而還。其益封青三千戶。元朔五年春。擊匈奴。大克獲。天子使使者持大將軍印。卽軍中拜青大將軍。益封六千戶。而青子伉不疑登。皆列侯。大將軍將卒吏士。畢以次受封。又明年。大將軍姊子霍去病年十八。幸侍中。從大將軍再冠軍。封冠軍侯矣。冠軍侯旣侯之三歲。將萬騎出隴西。涉狐奴。歷五王國。轉戰六日。至焉支山。殺胡盧王。執休屠王子。首虜八

千餘級。收休屠王祭天金人。以益封二千戶。其夏復
踰居延至祁連山。斬首虜三萬。獲五王母。單于閼氏。
王子五十九人。相國將軍當戶都尉六十三人。以益
封五千戶。翁侯趙信者。故胡小王也。降漢得侯。以從
大將軍擊胡。遇單于敗沒。降之。單于以爲自次王。用
其姊妻之。與謀漢。信教單于益其絕幕。無近塞。以誘
罷漢兵。徼極而取之。單于從其計。於是天子與諸將
議。以爲翁侯教匈奴絕幕而北者。獨以爲漢兵憚險
遠。終不能至也。今大發兵四出。乘不意掩之。勢必得
所欲。乃發負粟馬十萬騎。私從馬十四萬匹。糧重不

與焉。令大將軍青驃騎將軍去病中分軍。大將軍出定襄。驃騎將軍出代。咸約絕幕擊匈奴。匈奴單于聞之。益遠其輜重。以精兵待於幕北。與大將軍接戰者一日。會暮。大風起。漢兵縱左右翼圍單于。單于自度戰不能當漢。跳身與壯騎士數百潰圍西北走。漢兵夜追不能得。斬捕匈奴首虜萬九千級。北至闐顏山。趙信城而還。驃騎將軍將所獲輦粥士。約輕齎涉。獲章渠。濟弓閭。行二千餘里。獲王三人。將軍相國當戶都尉八十三人。封郎居胥山。禪於姑衍。登臨瀚海。得首虜七萬四百四十三級。於是益封五千八百戶。而

將卒軍吏士畢侯。乃益置大司馬位。定令驃騎將軍秩祿。與大將軍等。是後匈奴遠遁。而幕南無王庭。久之。漢滅南越。益遣將分道出九原。令居塞。各二千餘里。不見匈奴一人。而天子親廵邊。至朔方。勒兵十八萬騎。以欲見武節。使郭吉風告單于。郭吉至匈奴。主客前請事。吉禮卑言好曰。願得見單于。而口言見之。吉乃言曰。南越王頭已懸於漢北闕下。今單于能。即前與漢戰。天子自將兵待邊。即不能。即南面而臣於漢。何徒遠走。亡匿於漠北寒苦無水草之地。無爲也。語卒。單于大怒。立斬主客見者。而留郭吉不聽歸。遷之。

北海上而單于終不敢爲寇於邊。休養息士馬。習射獵。數使使好辭甘言求和親。是時漢東拔穢貉朝鮮以爲郡。而西置酒泉郡。以隔絕胡與羌通之路。又西通月氏。音支大夏烏孫。以分匈奴西方之援國。又北益廣田至胘雷爲塞。而匈奴終不敢以爲言。然漢使入匈奴。匈奴輒報償。漢留匈奴使。匈奴亦輒留漢使。必得當乃止。太初四年。天子旣誅大宛。威振外國。意欲遂困胡。乃下詔曰。高皇帝遺朕平城之憂。高后時。單于書絕悖逆。昔齊襄公復九世之讎。春秋大之。其議擊胡會。且鞮侯單于新立。恐漢襲之。乃盡歸漢使之

不降者路充國等。乃自謂我兒子。安敢望漢天子。漢天子。我丈人行也。爲謬語說中國。於是天子喜。遣中郎將蘇武。厚幣賂遺單于。意降之。而單于顧益驕。甚倨。止武等頓辱之。非漢所望也。其後貳師將軍擊匈奴。而家以巫蠱種滅。貳師乃遂降匈奴。國新失大將。士卒數萬。不復能出大兵。而前此深入窮追。二十年。匈奴孕重墮殯。罷極。益厭苦兵矣。師古曰。孕重。懷任也。殯。敗也。宣帝時。匈奴衰。丁令乘弱攻其北。烏桓入其東。烏孫擊其西。會天大雨雪。一日深丈餘。民人凍餓。死者什三。畜產什五。國虛耗。會又五單于爭立。國大亂。議

者皆言匈奴壞亂可擊。滅丞相魏相。上書曰。今邊郡困乏。父子共大半之裘。食草萊之實。常恐不能自存。難以動兵。軍旅之後。必有凶年。言民以其愁苦之氣。傷陰陽之和也。出兵雖勝。猶有後憂。恐災害之變。因此以作。今郡國守相。多不實選。風俗尤薄。水旱不時。按今年子弟殺父兄。妻殺夫者。凡二百二十二人。臣愚以爲此非小變也。今左右不憂此。乃欲發兵報讎。介之忿於遠夷。殆孔子所謂吾恐季孫之憂不在顯。更而在蕭牆之內也。無何。呼韓邪單于引衆南近塞。遣子入侍。議者多言匈奴壞亂可滅也。詔問御史大

大蕭望之望之對曰春秋晉士句帥師侵齊聞齊侯卒引師而還君子大其不伐喪以爲恩足以服孝子誼足以動諸侯前單于慕化鄉善請求和親海內欣然未終奉約不幸爲賊臣所殺今而伐之是乘亂而幸災也不以義動兵恐勞而無功宜遣使者弔問輔其微弱救其災患四夷聞之咸貴中國之仁義如遂蒙恩得復其位必稱臣服從此德之盛也帝從其議遣兵護呼韓邪單于定其國而呼韓邪求入朝詔公卿議其儀丞相霸御史大夫定國議曰聖王之制施德行禮先京師而後諸夏先諸夏而後夷狄詩云率

禮不越。遂視既發。相土烈烈。海外有截。匈奴單于奉
賀。其禮宜如諸侯王。位次在下。蕭望之。時左遷少府。
上議言。單于非正朔所加。故稱敵國。宜待以不臣之
禮。位諸侯王上。外夷稽首稱藩。中國讓而不臣。此羈
縻之誼。謙亨之福也。書曰。夷狄荒服。言其去來荒忽。
亾常也。如使匈奴後嗣。卒有烏窠鼠伏。闕於朝享。不
爲畔臣。信讓行乎蠻貉。福祚流于亾窮。天子采之下
詔曰。蓋聞五帝三王。教化所不施。不及以政。今匈奴
單于稱北藩。朝正朔。朕之不逮。德不能弘覆。其以客
禮待之。令單于位諸侯王上。贊謁稱臣。而不名。既至。

諸所以慰籍宴賜之甚厚。元帝卽位，呼韓邪益困乏，詔雲中、五原郡轉穀二萬斛給馬。郅支單于始與呼韓邪爭立，聞呼韓邪遣質子，亦遣子入侍。聞呼韓身入朝稱臣，則以爲是破滅，終不能自還。邈西破呼傷堅，混丁令三國而都之，怨漢護擁呼韓邪，不助已。欲得侍子且叛漢也。則遣使貢獻，求侍子。漢議遣谷吉送還之。御史大夫貢禹、博士匡衡言：「春秋之義，外夷狄者，不一而足。今郅支單于鄉化未醇，所在絕遠，宜令使者送其子至塞而還。」谷吉書堅請自上行。右將軍馬奉世亦以爲可。遣帝乃聽許。吉旣至而郅

支得侍子。大悖驚殺谷吉等。奔康居。康居以女妻支。
支欲以其威脅從諸旁近國。而支顧倨驕。已遂殺
康居王及王女國貴人及人民數百。投都賴水中。諸
旁近國率懼服。漢遣使三輩至康居求谷吉等死狀。
支困辱使者。不奉詔。於是西域副都護陳湯山陽瑕丘人
卽都護甘延壽謀曰。西域本屬匈奴。畏大種。其天
性也。今支單于威名遠聞。侵烏孫大宛。欲降服之。
得此二國。北擊伊列。西取安息。南排月氏。山離烏
弋之間。不數年。城郭諸國危矣。且其人剽悍好戰伐。
數取勝。久畜之。必爲西域患。雖所在絕遠。然蠻夷無

金城強弩之守。如發屯田吏士。毆從烏孫衆兵。直指其城下。彼亾則無之。守不足自保。此千載之功也。雖延壽亦以爲然。然欲上書得請。乃後行。湯曰。國家與公卿議大策。非凡所見。必不從。延壽猶與不聽。會久病。湯獨矯制發城郭諸國兵。車師戊巳較尉。屯田吏士。益置揚威白虎合騎三較尉。漢尉胡兵四萬餘人。疏自効。矯制陳兵狀。卽日引軍分道行。前破都賴城。單于被創歾。斬其首。得漢使節二。及谷吉等所齎帛書。凡斬閼氏太子名王以下千五百一十八級。生虜百四十五人。降四千餘人。賦予城郭諸國。所發十五王。於

是延壽湯上其事。

時三較從南道、踰葱嶺、大宛三較都護自將、發溫宿國從北道、入赤

谷、過烏孫、涉康居界西、而康居副王抱闕寇畧大昆彌、還頗盜漢輜重、湯縱胡兵擊破之、得所畧民還付大昆彌、其馬牛羊給軍食、入康居東界、呼其貴人屠墨、見之、諭以威信、與盟、飲遣去、徑引行至城三十里止營、單于遣使問漢兵何以來、應曰、單于上書言居困、院願歸計、疆漢身入朝見天子、天子哀閔單于棄大國、屈意康居、故使都護將軍來迎單于妻子、恐左右驚動、故未敢至城下、使數往來相答報、湯延壽因讓之曰、我爲單于遠來、而至今無名王大人見將軍受事者、何單于忽大計、失客主之禮也、兵來道遠、人畜罷極、食且盡、恐無以自還、願單于與大臣審計策、明日前至、鄧支城都賴水上、離城三里止陳、望見單于城上立五架幡幟、數百人被甲乘城、文出百餘騎往來馳城下、步兵百餘人夾門魚鱗陳、指搗兵城上人更招漢軍曰、闕來、延壽湯令軍中聞鼓音皆前薄城下、穿塹塞門戶、鹵楯爲前、戰弩爲後、發薪燒城外重木、城圍守之、初單于聞漢兵至、欲走、疑康居怨已爲漢內應、又聞烏孫諸國兵皆發、自以無所之、已出

復還曰不如堅守漢兵遠來計不能久攻乃被甲登樓諸閼氏夫人數十皆以勁弓射漢人漢射中單于鼻諸夫人頗死夜過半木城穿郤入土城乘城呼平明漢兵四面推鹵楯並入單于被創死於是延壽湯上疏曰郅支單于叛逆慘毒行於民大惡通於天臣延壽臣湯將義兵行天誅賴陛下神靈陰陽並應天氣精明陷陳克敵斬郅支及名王以下宜縣頭臺下街蠻夷邸間以示萬里明犯疆漢者雖遠必誅

下

有司丞相匡衡御史大夫繁延壽以爲郅支及名王皆更歷諸國蠻夷莫不聞月令春掩骼埋胔之時宜勿縣車騎將軍許嘉右將軍王商以爲春秋夾谷之會優施笑君孔子誅之方盛夏首足異門而出宜縣十日埋之有詔將軍議是初中書令石顯欲以姊妻延壽延壽不肯而丞相御史皆素不與湯抑其功宗

正劉向疏理其事。言郅支單于囚殺使者吏士以百數。事暴揚外國。傷威毀重。陛下赫然欲誅之意。未嘗有怠。羣臣閔焉。西域都護延壽。副校尉湯。承聖旨。倚神靈。總百蠻之君。搃城郭之兵。出百死入西域。遂蹈康居。屠五重城。蹇歙侯之旗。斬郅支之首。縣旌萬里之外。揚威昆山之西。掃谷吉之耻。立昭明之功。萬夷惴服。莫不懼震。勲莫大焉。昔周大夫方叔吉甫爲宣王誅玁狁。而百蠻從其詩曰。嘽嘽焞焞。如霆如雷。顯允方叔。征伐玁狁。蠻荆來威。易曰。有嘉折首。獲匪其醜。美誅首惡之人。而諸不順者皆來從也。今延壽湯

所誅震雖易之折脅詩之雷霆不能及也。論大功者不錄小過。舉大美者不疵細瑕。司馬法曰。軍賞不踰月。所以急武功。重用人也。吉甫之歸。周厚賜之。其詩曰。吉甫宴喜。既多受祉。來歸自鎬。我行永久。千里之鎬。猶以爲遠。况萬里之外。其勤至矣。延壽湯既未獲受祉之報。反屈指命之功。久挫於刀筆之前。非所以勸有功。厲戎士也。昔齊桓前有尊周之功。後有滅項之罪。春秋以功覆過。爲諱行事。貳師將軍李廣利。捐五萬之師。靡億萬之費。經四年之勞。而虜獲駿馬三十匹。雖斬宛王母寡之首。猶不足以復費。其私罪惡。

甚多孝武皇帝以爲萬里征伐不錄其過遂拜兩侯
三卿二千石百有餘人。今康居國疆於大宛郅支之
號重於宛王殺使者罪甚於留馬而延壽湯不煩漢
士不費斗糧比於貳師功德百之。且常惠隨欲擊之
烏孫鄭吉迎自來之日逐猶皆裂土受爵故言威武
勤勞則大於方叔吉甫。列功覆過則優於齊桓貳師。
近事之功則高於安遠長羅而大功未著小惡數布。
臣竊痛之宜以時解縣通籍除過勿治尊寵爵位以
勸有功於是天子詔赦延壽湯公卿議封延壽封義
成侯湯賜爵關內侯食邑各三百戶而以其事告上

帝宗廟赦天下。是時呼韓邪單于聞郅支被誅，且喜且懼，復入朝。願壻漢以自親。元帝以後宮良家子王嬃賜焉。單于驩喜，上書願保上谷以西至敦煌塞，傳之無窮，請罷邊備。塞吏卒休，天子人民。郎中侯應諫以爲不可許。天子乃使車騎將軍諭單于曰：單于上書願罷北邊吏士屯戍，子孫世世保塞，鄉慕禮義，所以爲民計者甚厚。朕甚嘉之。中國四方皆有關梁障塞，非獨以備外也。亦以防中國姦邪放縱，出爲寇害。故明法度以專衆心，爲單于怪其不罷，故使大司馬車騎將軍嘉敬諭意。單于謝曰：臣愚不知大計。天子

幸使大臣告語甚厚。無何呼韓邪死。復株累若鞮單于立。河平元年。單于遣右裒林王伊邪莫演等奉獻朝正月。旣罷。而伊邪莫演自言我欲降。卽不受我。我自殺。終不敢還歸。使者以聞。下公卿議。議者或言宜如故事。受其降。光祿大夫谷永議。郎杜欽以爲漢興。匈奴數爲邊害。故設金爵之賞。以待降者。今單于屈體稱臣。爲壯藩。而更受其逋逃之臣。是貪一夫之得。而失一國之心。擁有罪之臣。而絕慕義之君也。假令單于初立。欲委身中國。未知利害。私使伊邪莫演詐降。以卜吉凶。受之則虧德沮善。令單于自疏。不親邊。

或設爲反間。欲生隙。受之。適合其策。使得歸曲而責。直此誠邊竟安危之原。師旅動靜之會。不可不詳也。不如勿受。以昭日月之信。抑詐諼之謀。懷附親之心。對奏。天子遣中郎將王舜往問狀。母受降。伊邪莫演曰。我病狂妄言耳。遣去歸。官位如故。成帝時。西域都護段會宗爲烏孫兵所圍。驛騎上書。願發城郭敦煌兵以自救。百僚議數日不能決。大將軍鳳言。前關內侯湯多籌策。習外國事。可召問。上召見宣室。湯前將擊郅支時。中寒疾臂。不能誦。申入見。有詔。母拜。示以會宗奏。湯辭謝曰。將相九卿皆賢材。通明小臣。罷廢。

不足以策大事。上曰：國家有急，君毋讓。湯對曰：如臣愚以爲此必可無憂也。上曰：何言之？湯曰：夫胡兵五而當漢兵一，今聞頗得漢巧，然猶三而當一。又兵法客倍而主人半，然後敵。今圍會宗，人衆不足以當會宗，惟陛下勿憂。且兵輕行五十里，重行三十里，今會宗欲發城郭、敦煌兵，歷時乃至。此所謂報仇之兵，非救急之用也。上曰：柰何？解可必乎？度何時解？湯知烏孫瓦合不能久，故事不過數日。因對曰：已解矣。詎指計其日？曰：不出五日。當有吉語聞。居四日，軍書到，言已解。大將軍鳳奏以爲從事中郎。先是丞相衡復奏前湯盜康居財物，雖在

赦前不宜處位後湯上言康居王侍子非王子案驗實王子下獄當死谷吉子永時爲大中大夫上疏曰臣聞楚有子玉得臣文公爲之側席趙有廉頗馬服疆秦不敢窺兵井陘近漢有郅都魏尚匈奴不敢南鄉繇繇是言之戰克之將國之爪牙不可不重也蓋君子聞鼓鼙之聲則思將帥之臣竊見關內侯陳湯前使副西域都護忿郅支之無道閔王誅之不加策慮偏億義勇奮發卒興師奔逝橫厲烏孫踰集都賴屠三重城斬郅支報十年之逋誅雪邊吏之宿耻威震百蠻武暢四海漢元以來征伐方外之將未嘗有也今坐言事非是幽囚久繫歷時不決執憲之吏欲致之大辟昔白起爲秦將南拔郅都北坑趙括以纖介之過賜死杜郵秦民憐之莫不隕涕今湯親秉鉞席卷蹀躞千里之外薦功祖廟告類上帝介胄之士靡不慕義以言事爲罪無赫赫之惡周書曰記人之功忘人之過宜爲君者也夫大馬有勞於人尚加帷蓋之報况國之功臣者哉竊恐陛下忽於鼓鼙之聲不察周書之意而忘帷蓋之施庸臣遇湯卒從吏議使百姓介然有秦民之恨非所以厲死難之臣也書奏天子乃出湯奪爵爲士伍徙安定議郎耿育上書

日延壽湯爲聖漢揚鈎深致遠之威。雪國家累年之耻。討絕域不羈之君。繫萬里難制之虜。豈有比哉。先帝嘉之。下明詔宣著其功。會又寢疾。猶垂意不怠。數使尚書責問丞相。趣立其封。獨丞相匡衡排而不予。此功臣戰士所爲失望也。今讒佞在朝。欲專主威使。湯槐然拘囚。不能自明。卒以無罪。老棄敦煌。正當西域通道。令威名折衝之臣。旋踵及身。爲郅支遺虜所笑。誠可悲也。今奉使外蠻。耒嘗不陳郅支之誅。以揚漢國之盛。夫援人之功。以懼敵。而棄人之身。以快讒。豈不痛哉。今國家無文帝累年節儉富饒之畜。又無武帝薦庭臬俊。禽敵之臣。獨有一陳湯耳。假使異世。尚望國家追錄其功。封表其墓。以勸後進。湯幸得身當聖世。功曾未久。反聽邪臣鞭逐斥遠。死無處所。遠覽之士。莫不計度以爲湯功世不可及。而其過人情所恒有。湯尚如此。雖復破絕筋骨。暴露形骸。猶或制於唇舌。爲疾妬之臣所擊虜耳。此臣所以爲國家戚戚也。後數年。乃益封千百戶。追謚壯侯。王莽篡位。遣將將萬騎多齎珍寶。至塞下。招誘呼韓邪單于諸子。欲以次拜封。意令

携單于。單于聞之怒曰。先單于受漢宣帝恩。不可負也。今天子非宣帝子孫。何得立。遣左骨都及左賢王。將兵入雲中塞。大殺掠吏民。莽新卽位。怙府庫之富。欲以立威。廼拜十二部將率。發郡國勇士。武庫精兵。轉委輸。議滿三十萬衆。齎三百日糧。十道並出。追匈奴。莽將嚴尤諫曰。臣聞匈奴爲害。所從來久矣。未聞上世有必征之者。世三家。周秦漢征之。然皆未有得上策者也。周得中策。漢得下策。秦無策焉。周宣王時。玁狁內侵。至于涇陽。命將征之。盡境而還。其視戎狄之侵。譬猶蠱蠹毆之而已。故天下稱明。是爲中

策漢武帝選將練兵約齎輕糧深入遠戍雖有克獲之功胡輒報之兵連禍結三十餘年中國罷耗匈奴亦割艾而天下稱武是爲下策秦始皇不忍小耻而輕用力築長城之固庭袤萬里轉輸之行起於負海疆境旣完中國內竭以喪社稷是爲無策今天下比年饑饉西北邊尤甚發三十萬衆具三百日糧東援海岱南取江淮然後乃備計其道里一年尚未集合兵先至者聚露師老械弊勢不可用此一難也邊旣空虛不能奉軍糧內調郡國不相及屬此二難也計一人三百日食用糒十八斛非牛力不能勝牛又當

自齋食加二十斛重矣。胡地沙鹵多乏水草。以往事
揆之。軍出未滿百日。牛必物故。且盡餘糧。尚多人不
能負。此三難也。胡地秋冬甚寒。春夏甚風。多齋脯。饒
薪炭。重不可勝。食糒飲水。以歷四時。師有疾疫之憂。
是故前世伐胡。不過百日。非不欲久。執力不能。此四
難也。輜重自隨。則輕銳者少。不得疾行。虜徐遁逃。執
不能及。幸而逢虜。又累輜重。如遇險阻。銜尾相隨。虜
要遮前後。危殆不測。此五難也。大用民力。功不可必。
立臣伏憂之。今既發兵。宜縱先至者。令臣尤等深入
震擊。且以創艾胡虜。莽不聽。轉兵穀。天下騷動。則未

克而新唐起居劉覬以尤言辨而未許推其至周

得上策秦得中策漢無策焉何以明之占

六服之外聲教不逮叛不爲之勞師降不爲之釋備
嚴守禦防險固使其爲寇不能也爲臣不得也而止
矣詩曰惠此中國以綏四方故曰周得上策此之謂
也易稱王公設險以守其國秦築長城脩障塞依燕
趙而來議者以爲人治一步方千里役三十萬人不
旬朔而獲久逸獨以城全國賊人歸咎焉而秦之亡
非職城之罪也故曰是中策也漢以宗主妻匈奴冀
不爲寇然以魯元之親不能止趙王之逆而謂和親
能息匈奴之寇必不然矣且以冒頓手弑其親曾不
顧念而冀其不與外祖爭強豈不惑哉武帝時中國
又安胡寇益稀疏疏而絕之此其時矣方廼糜耗華夏
連兵者積年而不悔故三子方物臣僕之職也奈何以天子
之尊與匈奴約爲昆弟以帝女之貴與胡姬金御蒸
母報子從其汙俗未擣之勤絲帛所生散於萬里之
外故胡夷日驕華夏日蹙方其強也竭人力以征之
既其服也竭人力以養之是無所往而不爲之役也
可不悲哉故曰漢無策焉嚴尤謂古無上策謂太史
不能臣妾之也不知古帝王誠能之而不用耳

公班固有言夷狄之爲中國患也。自漢興忠言嘉謀之士曷嘗不運籌策相與爭於廟堂之上乎。高祖時則劉敬呂后時則樊噲李布孝文時則賈誼晁錯孝武時則王恢韓安國朱買臣公孫弘董仲舒人持所見各有同異然怒其要歸兩科而已。縉紳之儒則守和親介冑之士則言征伐皆偏見一時之利害而未寃匈奴之終始也。昔和親之論發於劉敬是時天下初定新遭平城之難故從其言。約結和親賂遺單于冀以敕安邊境。孝惠高后遵而不遺然匈奴寇盜不爲衰止而單于反以驕倨也。文帝中年赫然發憤遂

躬戎服親御鞬馬從六郡良家材力之士馳射上林
講習戰陣聚天下精兵軍於廣武顧問馮唐與論將
帥喟然歎息思古名臣此則和親無益已然之明效
也議者猶復欲守舊文頗增其約亦偏指不參矣當
孝武時雖征伐克獲而士馬物故亦畧相當雖開河
南之野建朔方之郡亦棄造陽北九百餘里匈奴人
民每來降漢單于亦輒拘留漢使以相報復彼已將
帥席中國廣大氣奮人主因以決策是以建功不深
至孝宣直匈奴百年之運因其壞亂覆以威德然後
單于稽服三世稱藩賓於漢庭於是邊城晏閉牛馬

布野無大吠之警矣。故呼韓邪始朝而蕭望之議以爲宜讓而不臣。及孝元時。議罷守塞之備。侯應以爲盛不忘衰。安必思危。見遠識微之明也。故先王度土中。立封畿。分九州。列五服。物土貢。制外內。是以春秋內諸夏而外夷狄。以其人被髮左衽。人面獸心。其與中國飲食不同。言語不通。僻居北垂。寒露之野。山谷沙漠。天地之所以絕內外也。聖王禽獸畜之。不與約誓。不就攻伐。外而不內。疎而不戚。政教不及其人。正朔不加其國。來則懲而御之。去則備而守之。其慕義而貢賦。則接之以禮讓。羈縻不絕。蓋聖王制御蠻夷。

之道也。夫堯雖賢興事業不成得禹而九州寧且欲
興聖統。唯在擇任將相哉。唯在擇任將相哉。光武初
載彭寵反。漁陽單于與實藉之兵。盧芳反。擁立之使
入居五原。時上方平諸夏。未遑外畧。至六年始令歸
德侯颯使匈奴。單于亦使來報獻。而倨驕欲自比冒
頓。時上羈縻遇之。不深責也。其後匈奴數歲侵盜邊。
會旱蝗。人畜多疫死。諸將臧宮馬武請命將並塞出
而招高句驪烏桓鮮卑共擊之。發河西四郡天水隴
西羌胡掎其右。如此。北虜不足戚也。方陛下聖武何
詎宜固守文德而墮武功乎。上手詔報曰。黃石公記。

曰。柔能制剛。弱能制強。柔者德也。剛者賊也。弱者仁之助也。強者怨之歸也。故曰。有德之君。以所樂樂人。無德之君。以所樂樂身。樂人者。其樂長。樂身者。不久而亡。舍近謀遠者。勞而無功。舍遠謀近者。逸而有終。逸政多忠臣。勞政多亂人。故曰。務廣地者。荒。務廣德者。彊。有其有者。安。貪人有者。殘。殘賊之政。雖成必敗。今國無善政。災變不息。百姓驚惶。人不自保。而復欲遠事方外乎。孔子曰。吾恐季氏之憂。不在顓臾。而在蕭牆之內也。且北狄尚彊。而屯田警備。傳聞之事。恒多失實。誠能舉天下之半。以滅大寇。豈非至願。苟非

其時不如息人自是諸將莫敢復言其後呼韓邪單于兄弟以次立至輿單于殺弟知牙師而立子是爲北單于而八部大人共立兄子比爲呼韓邪單于以大父尊依漢得安故襲其號名款五原塞願扞北虜爲蕃臣是爲南單于北單于震怖爲却地千里而以其間攻盜南單于南單于苦之於是詔單于徙居美稷中中郎將留屯西河擁護之歲發騎二千弛刑五百人冬屯夏罷以爲常二十七年北單于亦遣使詣武威求和親召公卿議不決皇太子言南單于新附北虜懼於是攻故陽歸義以傾之今未能出兵助南而交通

北虜以疑其心。臣恐南單于且將有異志。而北虜降者不復來也。帝然之。告武威太守勿受使。二十八年。北匈奴復遣使詣闕貢馬裘。乞和親。且請音樂。又請率西域諸國胡客俱獻見闕下。下三府議。司徒掾班彪奏議曰。臣伏聞孝宣皇帝勅邊守尉言匈奴大國多變詐。交接得其情。則却敵折衝。應對入其數。則易爲欺負。今北匈奴見南單于來附。懼謀其國。故數乞和親。又遠驅馬牛與漢合市。遣名王多所貢獻。斯皆外見富彊。相欺慢也。臣見其獻益重。知其國益虛。歸親愈數。知爲懼。心甚。今未獲助南。亦不宜絕北。羈縻

之義禮無不答。謂可頗加賞賜。畧與所獻相當。報答之辭。令必有適。臣謹立草具上。惟上裁幸。其草曰。單于不忌漢恩。追念先祖舊約。欲求和親。以輔身安國。朕甚高之。往者匈奴數有乖亂。呼韓邪郅支自相讐隙。並蒙孝宣皇帝垂恩救護。故各遣侍子。稱藩保塞。其後郅支忿戾自絕。而呼韓附親。忠孝彌著。及漢滅郅支。呼韓遂保國傳世子孫相承。今南單于携衆南向。欸塞。自以呼韓嫡長。次第當立。而侵奪失職。猜疑相背。數請兵歸掃北庭。策謀紛紛。無所不至。惟念斯言。不可獨聽。又以北單于比年貢獻。欲脩和親。故拒。

而未許將以成單于忠孝之節也。漢秉威信，總率萬國，殊俗百蠻，義無親疎，服順者褒賞，畔逆者誅罰，善惡之效，呼韓郅支是也。今單于欲脩和親，欵誠已達，何嫌而欲率西域諸國俱來獻見？西域役屬匈奴，與屬漢何異？單于數遭兵亂，國內虛耗，貢物裁以通禮，何必獻馬裘？令賫雜繒五百匹，弓韃九一矢四發。漢書十二賜單于。又賜獻馬左骨都侯、右谷蠡王雜矢爲一發。繒各四百匹，斬馬劍各一。單于國尚未安，方厲武節，以戰攻爲務，笙箏之用，不如弓劍。故未以齊帝從之。單于比立九年而死，遣使者齎璽書鎮慰，自是以爲。

常永平中北匈奴數寇邊朝廷以爲憂而北使請合
市和親顯宗冀其交通不爲寇遣越騎司馬鄭衆使
報命南部須卜骨都侯等知漢與北虜交懷嫌怨欲
畔密因北使令遣兵迎之衆出塞疑有異密伺之得
須卜使人乃上言宜更置大將防二虜交通於是始
置度遼營設度遼將軍衆至北庭單于顧倨驕欲令
拜衆不爲屈單于大怒圍守衆閉不與水火衆拔刀
欲自剄單于恐乃改館置飧更發使隨衆還京師朝
議欲復遣報使衆疏言北單于所以要致漢使者獨
欲離南單于之歡堅二十六國服從之心也又揚漢

和親誇示鄰敵。令西域欲歸化者。局促狐疑而懷土
之人。絕望中國也。漢使到。卽偃蹇自若矣。復遣報虜
必自謂得計。而南庭動搖。烏桓且有離心。南單于久
居漢地。具知形勢。萬一離德。旋爲邊害。可勝慮哉。今
幸有度遼之衆。揚威北垂。雖勿報使。必不爲患。帝示
從衆在道。復上書固爭。追還繫廷尉。赦歸家。後帝見
自匈奴來者。稱
衆與單于爭禮。大賢
之。復召爲軍司馬。元和初。武威太守孟雲言。北單
于願稱臣。復與吏合市。詔聽慰納。南單于聞。遣輕騎
出上郡。遮生口。鈔牛馬。驅以來。守雲白。請還南所掠
生口。以慰薦其意。公卿持以爲不可。太僕安袁以爲

雲以大臣典邊不宜使墮信於戎狄帝從其議下詔
曰傳曰江海所以能長百川者以其下之也少屈何
病況今與匈奴君臣之分既定辭順約明豈宜違信
自受其曲其勅度遼將軍倍雇南部所得生口還之
北其南部斬獲捕鹵自計功賞如常科其後北單于
兄弟爭立國離散南單于請發國中及從諸部兵并
力滅胡得北歸時竇太后臨朝欲從之尚書宋意曰
不可匈奴奉順中國坐享其美而百姓不知其勞今
聽南虜還犁北庭而都之則南虜坐大失上畧矣會
都鄉侯暢來弔侍中竇憲賊之闕下情得懼誅自求

擊匈奴以贖死乃以憲爲車騎將軍執金吾耿秉爲副發兵伐北庭大臣交爭不聽於是憲率三萬騎出朔方擊虜大破之勒石燕然山數歲竟滅胡已憲以烏孫塞北地空餘部無所屬乃白立北虜降者於陳鞬爲北單于置中郎將領護如南單于事下公卿司徒安司空隗議以爲不可弗聽安復疏曰臣惟光武皇帝立南單于以扞禦北虜而匈奴遂分得其道也章和初北虜降者十餘萬人議者欲置之塞下太尉宋繇光祿耿秉皆以爲失南單于心不可先帝從之陛下奉承鴻業大將軍遠師討伐席卷北庭廢而復

立所宜審慎。南單于屯之父舉衆歸德。蒙恩以來四十餘年。三帝積累以遺陛下。陛下宜遵述先志。成就其業。况屯首倡大謀。空盡北虜。輟而弗圖。更立新降。以一朝之計。違三世之規。建立無功。棄信所養。非策之得者也。夫言行君子之樞機。賞罰理國之綱紀。語曰。言忠信。行篤敬。雖蠻貊行焉。故兵食可去。而信不可得去也。今失信於一屯。宜若未害。而百蠻不敢復保約誓矣。人情皆畏仇讎。今烏桓鮮卑新殺北單于而立後其弟。則二虜交怨。危難莫測。且漢故事。供億南單于。歲費九十餘萬。護西域。歲七千四百八十萬。今

北庭彌遠。其費過倍。是空天下財力而贍事戎狄也。
下廷議。憲方貳功。惠安阻撓其議。與折難險急。負氣
勢。至稱光武誅韓歆。戴涉事肆詆欺。安終守不移。憲
竟立於除韃。後卒反叛。如安言。永和中。南匈奴左部
畔。寇西河。殺朔方代郡長吏。天子遣使讓單于。當輯
諸部奉職。何悖亂若是。意開令招降。單于本不知謀。
脫帽避帳。稽首謝。而中郎將陳龜以單于不能制下。
逼迫之。單于及弟左賢王皆自殺。龜又欲徙單于近
親於內郡。虜遂駭動。起爲變。龜坐徵下獄。大將軍梁
商計以爲匈奴自知罪極。烏窮獸困。寇畔救死。其心

固矣。而種類繁熾。不可單盡。今轉運日增。三軍疲苦。虛內給外。非中國之利也。宜令邊將深溝高壁。以恩信招徠。又移度遼將軍續書言。今中國安寧。忘戰之日久。良騎野合。交鋒接矢。決勝時日。此戎狄之所長。而中國之所短也。強弩乘城。堅壘固守。以待其衰。此中國之所長。而戎狄之所短也。宜先務所長。乘執以觀變。設購開賞。諭使自悔。勿貪小功。以亂大謀。於是右賢王部萬三千口詣續降。後漢末大亂。南單于將數千騎。與白波賊合寇河內。時民皆保聚。鈔掠無所得。而單于兵挫傷。欲還國。國人不受。止河東而屯。南

庭遂虛。西域在匈奴西。烏孫南。而東乃接漢。隄以

玉門陽關。西限葱嶺。其南山出金城。屬於長安。終南

其河有兩原。一出葱嶺。一出于闐。于闐在南山下。其

河北流。與葱嶺河合。東注蒲昌海。蒲昌海一名鹽澤

者也。其君長世爲匈奴使。漢武欲滅胡。計通西域。斷

匈奴右臂。勢能使絕域者。得張騫遣往使。十數歲還

報命。其爲天子言。大宛在匈奴西南。漢正西去。漢可

萬里。其北康居。其西大月氏。西南大夏。東北烏孫。東

則于寘。杆朶。皆大國。多奇物。土著畧與中國同業。誠

得而以義屬之。則萬地萬里。重九譯。致殊俗。德威徧

於四海天子欣然度幾焉發間使四出通道出驍出

冉出徙

音斯

出邛僰

清北反

北閉氏笮

音昨

南閉雋昆明終

莫能通居數年騫以較尉從軍功封博望侯已失侯

因復說上言單于新困而故渾邪地空無人誠以此

時厚幣賂烏孫遣公主爲夫人妻之招使益東居故

渾邪王地勢宜聽旣連烏孫自其西大夏之屬皆可

招徠爲外臣於是遣江都王女細君名公主妻烏孫

王矣後使者益習往從吏卒亦各爭上書言外國奇

怪利害求往使天子以爲絕遠非人所樂往聽其言

予節募吏民欲往者毋問所從來備具遣之還不能

毋侵盜及使失指輒覆案致重罪以激怒令贖贖而復求使使端無窮而輕犯法其後安息諸國時發使隨漢使來獻見天子益散財帛賞賜優厚餽給覽示漢富強傾駭之然西域國皆自以爲絕遠倨驕晏然未可以禮誨也終畏匈奴於漢其後天子聞大宛有善馬在貳師城匿不肯與漢使壯士持千金及金馬往請必得之宛終不肯天子怒拜寵姬弟李廣利爲貳師將軍發屬國六十騎募郡國惡少數萬人往擊之是歲關東蝗大起西至敦煌軍旣西過鹽水當道諸小國各城守不肯給軍食攻之不下下者乃得

食不能下者多。士皆饑疲。自引還至敦煌。士不過十
一二。上書言。士卒不思戰而患饑。天子怒。便使者遮
之。玉門關曰。軍敢入者斬。乃赦囚徒材官。益發惡少。
及邊騎六萬人。五十餘校尉。天下傳相奉以伐宛。於
是師行糧從。所至小國莫敢抗。畢出食食軍。平行至
宛城。攻圍之。宛貴人以王母寡。匿善馬。殺漢使爲兵
端也。殺之以頭來。於是出善馬。恣所取得。上善數十
匹。中牝牝三千餘匹。以歸。自是西域震懼。諸所過小
國。畢遣子弟從軍。入獻見。奉宿衛。而天子燕饗之作
巴俞都盧海中。磬極漫衍魚龍角觝之戲。以觀之。而

廣利封海西侯。賞賜士直四萬金。伐宛再反。凡四歲而後罷。於是自敦煌西至鹽澤。往往起亭郭。而輪臺渠犂。皆有田卒。置使者較尉護焉。至於末年。下哀痛之詔。棄之。豈非明聖之所悔哉。宣帝時。匈奴益弱。不敢近西域。漢置使號都護。披沙車北胥鞬烏壘之地。以爲屯。諸外國有動靜。都護察可安輯。輯安之。可擊擊之。便宜行。方武帝遣江都王女妻烏孫王。至其國以爲右夫人。匈奴所遣女爲左夫人。公主不自聊。治宮室獨居。歲時一再與昆莫會。而昆莫年老。語言不通。公主悲啼思歸。而作歌歌聞。天子憐之。間歲數

使者持帷帳錦繡給遺焉。已昆莫以年老欲使其孫

岑陬尚公主。公主慙恚不肯聽。上書言狀。天子報從

其俗。岑陬遂妻公主。昆莫死。岑陬代立。而公主死。漢

復遣楚王戊孫女為公主妻之。元康中。昆彌復繼室。上

書言願以公主子漢外孫元貴靡為嗣。請得令復尚

主。下公卿議。大鴻臚蕭望之以為不可許。帝重絕故

榮。以楚王女弟為公主。置官屬侍御。使長羅侯惠送

之。至敦煌。元貴靡不得立。惠從塞下狀。望之乃明

言烏孫絕域難約結。變故不可前保。前公主在烏孫

四十餘年。恩愛不親。邊竟不寧。此已事之驗也。今少

主以元貴靡不立而還。信無負於夷狄。中國之福也。
少主不止。繇役將起。中國敝矣。乃詔徵少主還。而楚
主上書言。年老思土。願得歸骸骨葬漢地。天子閔而
迎之。公主從其子女三人與俱來。至京師。年且七十。
賜田宅奴婢奉養之甚厚。居二歲而卒。嗚呼。和親之
效可觀已。當是時。莎車王弟呼屠徵殺其王。萬年及
漢使者而自立。揚言北道諸國皆已屬匈奴。與諸部
歃血盟叛漢。從鄯善以西國皆絕不復通。而衛候馬
奉世以送大宛客。持節至。聞之以爲不急擊。勢益盛。
難制。將且危西域也。遂以節諭城郭諸國。發其兵進。

擊大破之。呼屠微自殺。立昆彌弟子爲莎車王而定。事聞。下公卿議封。望之言奉世奉使有旨。而擅矯制發兵。雖有功。不可爲後法。封奉世。開後奉使者利。要功萬里之外。爲國家生事。漸不可長。乃以爲光祿大夫。元成間。罽賓遣使獻見。謝徃罪。漢遣使報送。杜欽說大將軍鳳曰。凡中國所爲。通厚蠻夷。愜快其求者。爲比壤。能爲國患也。今縣度之阨。非罽賓所能度越。其鄉慕不足以安西域。雖不附。不能以危城郭。前其逆節。惡暴西域。故絕而不通。今云悔過。而無親屬貴人以來。來奉獻者。皆行賈賤人。誠僞不可知。而欲使

者送。至縣度。恐失實。見欺也。凡遣使送客者。欲以防
護寇害也。起皮山南。更不屬漢之國。四五斥候七百
餘人。五分夜擊刁斗自守。尚時爲所侵盜。驢畜負糧。
須諸國稟食以自贍。國或貧小。不能給。或桀黠不肯
給。擁彊漢之節。饑餓山谷間。乞旬無得離。一二旬則
人畜棄拍曠野而不反。又歷大小頭痛之山。赤土身
熱之阪。令人身熱無色。頭痛吐嘔。驢畜盡然。又有三
池盤石阪道。陜者尺六七寸。長者徑三十里。臨崢嶸
不測之深。騎步相持。繩索相引。二千餘里。乃到縣度。
畜墜未半。阬谷已盡。靡碎人。或失墮。勢不得復相收。

險阻危害不可勝言。聖王分九州制五服務盛內而不求外。今遣使者承至尊之命。送蠻夷之賈。勞吏士之衆。涉危難之路。罷弊所恃。以事無用。非計也。然使者業已受節矣。敕可至皮山而還。於是鳳白從欽言。時康居侍子爲驕嫚。都護郭舜數上言。本匈奴盛時。非以兼烏孫康居故也。及其稱臣妾。亦非以失二國也。今雖皆受其質子。然三國內相輸遺。交通如故。亦相候伺。見便則發。合不能相親信。離不能相臣役。以今言之。結配烏孫。竟未有益。反爲中國生事。然烏孫旣結在前矣。而康居驕黠。不肯拜使者。都護吏至其

國坐之烏孫諸使下。王及貴人先飲食已。乃飲啗都護吏。故爲無所省。以夸旁國。以此度之。何故遣子入侍。殆其市賈爲好辭。以奸利也。宜歸其侍子。絕勿復使。以章漢家不通無禮之國。敦煌酒泉諸郡。汔可少休。朝議爲其新通。又重致遠人。終羈縻未絕焉。自西域內屬。凡三十有六國。哀平間。自分割爲五十五國。王莽篡位。貶易其君長。多徵求而西域怨叛。並復役屬匈奴。光武典中鄯善車師迫匈奴界。諸小國尚拘攣未至。其大國蒞車于闐之屬。稍富強苦匈奴徵役。數遣使奉質子以來。願請屬都護。天子以天下初定。未遑外事。擲而未許。建

武末鄯善復遣侍子請都護。日以爲都護不出。誠迫於匈奴。天子報曰。今使者大兵未能得出。如諸國力不從心。東西南北自在也。史固歎之曰。盛哉帝德。大禹之序西戎。周公之讓白雉。太宗之卻走馬。義兼之矣。永平中。匈奴攻敦煌。河西郡城晝閉。帝以顯親侯竇固嘗從其世父融在河西習邊。使與廷臣議。謁者僕射耿秉議以爲當脩武帝之業。得伊吾破車師。通使西域。烏孫諸國。然後匈奴可得制也。於是詔秉爲駙馬都尉。固奉車都尉。屯涼州。明年固遣假司馬班超使西域。降鄯善于寘。已都尉秉擊車師平之。於是西域與漢絕六十餘年。乃

復通

初超與從事郭恂俱至鄯善鄯善王廣嚴禮之已忽踈怠超謂官屬曰寧覺鄯善禮意嚮寢薄乎官

屬曰胡性不常非有他也超曰此必虜使來中狐疑未知所依耳明者覩未萌況已著耶乃召侍胡詐之曰匈奴使者來幾日今安在侍胡驚謂情得矢次對曰至三日矣去此三十里超乃閉侍胡置酒悉會其吏士三十有六人與痛飲酒酣激怒之曰我與卿等今俱在絕域今虜使到裁數日而王禮敬即廢有如虜使逼王收吾屬送匈奴即骸骨不且為豺狼食哉衆泣下曰然歟生從司馬超曰不入虎穴安得虎子今獨有夜以火攻虜使虜使不知我多少必震怖誅之可盡也於此虜則鄯善破膽附漢堅矣衆曰善或請召從事與計超曰今吉凶在頃刻從事文俗吏聞此必恐而謀泄歟無所成名於是將吏士疾前犇虜營會天大風超令十人持鼓伏營後約曰何火發皆鳴鼓大呼餘悉持兵弩夾門伏乃順風縱火前後鼓譟虜驚亂斬其使及從者三十餘級明日召鄯善王以虜使頭示之王叩頭願屬漢無二心遂以其質子還白固固上其事且求選可使西域者以遂功帝喜曰吏如班超何不遣而用更選為乎即以超為軍司馬使于真固欲益兵以從超曰于真國大而遠

所將三十六人足矣時匈奴遣使監護于寅于寅王
廣德姊不以漢爲意禮疎薄又俗信巫巫言神怒何
故欲何漢漢使有駟馬可急取以祠我超何知其狀
令巫自來取有頃巫至卽斬其頭送廣德噍讓之廣
德恐乃殺匈奴使者而降超重賜其王以下撫馬而
西域復通明年都尉固秉將兵出敦煌破虜蒲類海
因遂擊車師車師前王者後王之子也延相去五百
里固以後王延遠山谷深士卒寒苦未易前欲先擊
前王秉以爲先後王并力其根本則前王自服攻前
王而兵頓後王不下危道也固未決秉奮請前卽上
馬引兵行固不得已遂竝進後王不意漢兵猝至驚
從數百騎出迎降固司馬蘇安欲專功馳前謂之曰
漢貴將獨奉車都尉乃天子姊壻爵通侯當待之至
乃降王言降今不至不降矣秉請梟其首以來固大驚
亟止之秉厲聲曰受降如受敵詎可止乎遂進馳擊
之後王恐走出門脫帽抱馬足降秉將以詣固前王
亦歸命定車師而還於是以前陳睦爲都護耿恭爲戊
校尉屯金蒲城關寵爲己較尉屯前王柳中城屯各

數百人

顯宗崩車師叛與匈奴合分攻圍

都護及二較尉都護尉各上書求救而中國有大器

公卿議以爲無救司徒昱曰夫使人於危難之地急

而棄之外則縱蠻夷之暴內則傷守死者之心後將

何以使人乎又二部兵纔各數千匈奴圍之歷旬不

下是寡弱力盡之效也可令張掖敦煌酒泉太守各

將精騎二千以赴其急帝然之發三郡士及鄯善兵

七千餘人以行寵旣沒獨拔都護恭以歸

耿恭好時侯從孫慷慨

慨多大畧以戊較尉屯金蒲城匈奴來攻恭乘城持戰以藥傳矢端射之中矢者視創皆沸驚會天暴風雨恭乘勢急擊匈奴震怖以爲漢兵有神也遂大敗

渴乏。窄馬糞汁飲之。恭仰嘆曰。昔貳師將軍拔佩刀刺山。飛泉湧出。今漢德神明。豈願窮哉。乃整衣冠。向井拜。有頃。水泉湧出。衆皆呼萬歲。乃令吏士揚水示虜。虜益以爲神。引去。至是。攻圍恭數月。恭食盡。困。乃煮鎧弩食。其筋革與士推誠同死生。故皆無二心。單于知恭已困。可得降。許封爲白屋王。恭誘使上城。手殺之。灸諸城上。單于怒。更益兵圍恭。會三郡兵往救。而寵沒。恭遣軍吏范羗出迎軍。諸將不敢進。分二千騎從羗出山北迎之。遇大雪。交餘軍。僅能至。城中聞兵馬聲。以爲虜益兵來。爲戒嚴。羗遙呼曰。我范羗也。漢遣軍迎較尉耳。乃開門相持而泣。明日。自拔歸中。郎將鄭衆。太尉鮑昱。奏恭節過蘇武。時軍司馬超留宜蒙爵賞。拜爲騎都尉。范羗爲共丞。時軍司馬超留疏勒。詔徵還。超自傷前功不遂。又恐于寘終不聽其東。而疏勒王侯以下。皆號泣抱超馬。不得行。乃上書請留。於是從疏勒康居兵擊莎車龜茲。諸國皆破之。

條支安息重譯獻見威震西域詔超都護五十餘國

封定遠侯

先是龜茲國怙匈奴力破疏勒殺其王立龜茲人兜題為王填之超度兜題非疏勒

種族疏勒人必不附從間道抵其國遣使往勒降不聽遂執之悉召疏勒將吏言兜題不當立狀而立其

故王之兄子忠國人大悅請得殺兜題以報忿超度殺之無益解遣之足令龜茲知大漢德威解遣之詔

超留填撫及是徵還疏勒人憂恐言漢使棄我我必復為龜茲所滅欲自剄超欲遂前功乃上書言西域

諸國莫不向化唯焉耆龜茲未下今宜拜龜茲侍子霸為其國王以步騎數百送之國發諸國兵臣超將

之歲月之間龜茲可禽以夷狄攻夷狄計之善者也莎車疏勒田地肥廣草木饒衍非敦煌鄯善之比可

不費中國而糧食自足臣超區區蒙神靈冀未便僵仆且見西域平定陛下舉萬年之觴薦勲祖廟布大

喜於天下書奏議發兵平陵徐幹疏願奮身往佐超於是以前為假司馬將弛刑及義從千餘人赴之而

功成後超在西域三十年老乞歸帝難其代未報而

代爲者護譚超曰小人狴犴君後任重慮涉願有以
誨之超曰塞外吏士本非孝子順孫皆以罪過徙補
邊屯而蠻夷懷爲獸之心難養易敗今君性嚴急水
清無大魚察政不得下和宜蕩佚簡易寬小過總大
綱而已超去尚私謂所親曰我以班君當有奇策今
所言平平耳尚後竟以迫切失邊和初超在西域衛
候李邑護烏孫使者至于寘不敢前因上書盛毀超
擁愛妻抱愛子安樂外國無內顧心超問之歎曰身
非曾參而有三至之讒其必見疑矣遂去其妻帝知
超忠切責邑令詣超受節度邑至超遣將烏孫侍子
還京師徐幹謂超曰邑前毀君欲敗西域功今何不
緣詔書留之更遣他吏送侍子乎超曰何言之陋也
內省不疚何卹人言以邑毀我而安帝初朝廷憚險
快意留之非忠臣也人服其雅量安帝初朝廷憚險
遠罷都護而北匈奴屬諸國寇邊邊郡大困軍司馬
班勇超子也傷父功中廢盛言通西域之利下廷議
朝議不能難而尚書陳忠言孝武開河西四郡以隔

絕南羌收三十六國斷匈奴右臂當斯之役黔首隕
於狼望之北財弊縻於廬山之壑筭至冊車貲及六
畜夫豈不懷惟久長計則然也今西域東望扣關者
數矣棄而不救河西四郡必危河西旣危百倍之役
不訾之費必且亟發內無以慰勞吏民外無以威示
百蠻感國減土經有明誠臣以爲宜置敦煌較尉增
四郡屯兵以西撫諸國庶足折衝於是詔以勇爲西
域長史將弛刑士五百人屯柳中遂破車師而西域
復定自建武至于延光西域凡三絕三通陽嘉後改
亂乃廢。

○西羌本出三苗舜徙之三危地在河關之西濱於賜

支至于河首綿地且千里賜支析支也南接蜀漢徼

外蠻夷西北接鄯善車師諸國

俗氏族無定以父名母姓爲種號父沒則

妻其後母兄亡則納其嫂故國無鰥寡而種類繁強則分種爲酋豪弱因附焉性能寒苦婦人產子不避

風雪得西方金行之氣焉

宣帝時遣光祿大夫義渠安國行諸羌

先零種豪言願得度湟水逐人所不田處爲畜牧安

國以聞後將軍趙充國以爲不可許不聽後因緣前

言抵冒度湟水郡縣不能禁遂與諸羌種豪解讐交

質爲盟詛於是兩府復白遣安國往安國至召先零

豪桀點者至斬之而縱兵擊其種人於是諸羌恐怒

無所信。遂發兵反。安國不能定。引師還。事聞。時後將軍趙充國年七十餘老矣。謀帥焉。請自將。許之。充國既至部。欲以威信降罕开。口堅反解散虜謀。徼極乃擊之。時上大發兵分屯各郡者。合六萬人矣。酒泉太守辛武賢請出擊罕开在鮮水上者。而充國以爲必捐罕开暗昧之過。而先行先零之誅。下公卿議者咸以爲先零兵盛而負罕开之助。不先破罕开。則先零未可圖也。上乃賜璽書敕讓充國曰。皇帝問後將軍甚苦暴露。將軍計欲至正月廼擊罕开。兕兕人當獲麥已遠其妻子。精兵萬人欲爲酒泉敦煌寇。邊兵少民守。

保不得田作。今張掖以東粟石百餘芻橐束數十轉。

輸並起。百姓煩擾。將軍將萬餘之衆。不早及秋。其水

草之利。爭其畜食。欲至冬。虜皆當畜食。多藏匿山中。

依險阻。將軍士手足皸。音。竹足反。寧有利哉。將軍不

念中國之費。欲以歲數而勝。微將軍誰不樂此者。非。

將軍智勇。即凡庸將皆憚戰。將無不樂如此也。今詔破羗將軍武賢。將兵六

千一百人。敦煌太守快將二千人。長水校尉富昌。酒

泉侯奉世。將娼月氏兵四千人。亾慮萬二千人。齎三

十日食。以七月二十二日。擊罕羗。將軍其引兵便西。

並進。雖不相及。使虜聞東方北方兵並來。分散其心。

意離其黨與雖不能殄滅當有瓦解者已詔中郎將

鄧

充國

將胡越攸飛射士步兵二較益將軍兵今五

星出東方中國大利蠻夷大敗太白出高用兵深入

敢戰者吉弗敢戰者凶將軍急裝因天時誅不義萬

下必全勿復有疑充國旣得讓以爲將任兵在外便

宜有守以安國家乃上書謝罪因陳兵利害曰臣竊

見騎都尉安國前幸賜書擇羗人可使使罕諭告以

大軍當至漢不誅罕以解其謀臣獨私美陛下盛德

至計已故遣开豪雕庫宣布至德罕开之屬皆聞

知明詔今先零羗楊玉羗之首帥各王將騎四千及

煎鞏騎伍千阻石山木候便利爲寇罕羗未有所犯
今置先零而擊罕釋有罪誅無辜起壹難就兩害誠
非陛下本計也臣聞兵法攻不足者守有餘又曰善
戰者致人不致於人令罕羗欲爲敦煌酒泉寇宜飾
兵馬練戰士以須其至坐得致敵之術以逸擊勞取
勝之道也今恐二郡兵少不足以守而發之行政釋
致虜之術而從爲虜所致之道臣愚以爲不便先零
羗欲爲背畔故與罕开解仇結約然其私心不能亾
恐漢兵至而罕开背之也臣愚以爲其計常欲先赴
罕开之急以堅其約先擊罕羗先零必助之今虜馬

肥糧食方饒擊之恐不能傷害適使先零得施德於
罕开堅其約合其黨虜迫脅諸小種附著者衆誅之
用力且數倍臣恐國家憂繇累十年數不二三歲而
已也臣幸得蒙厚恩父子俱在顯列臣位至上卿爵
列侯大馬之齒七十有六爲明詔填溝壑鉅骨不朽
臣所念獨思惟兵利害至孰於臣之計先誅先零則
罕开之屬不煩兵而服卽不服涉正月擊之得利之
理又其時也以今進兵誠不見其利唯陛下裁察六
月戊申奏七月甲寅璽書報從充國計於是充國引
兵誅先零降及斬首五百餘人馬牛羊十餘萬罕羗

竟不煩兵而下其秋充國病上賜書曰制詔後將軍
聞苦腳脛寒泄將軍年老加疾一朝之變不可諱朕
甚憂之今詔破羌將軍詣屯所爲將軍副急因天時
大利吏士銳氣敕以十二月擊先零羌卽疾劇畱屯
毋行獨遣破羌彊弩將軍時羌降者萬餘人矣充國
度其必壞欲罷騎兵屯田以待其敝充國得進兵壘
書中卽將印懼
使客諫充國曰誠令兵出破軍殺將以傾國家將軍
守之可也卽利與病又何足爭一旦不合上意遣繡
衣來責將軍將軍之身不能自保何國家之安充國
嘆曰何言之不忠也本用吾言羌虜得至是哉往者
舉可行先零羌者吾舉辛武賢丞相御史復白遣義
渠安國竟阻敗羌金城湟中穀斛八錢吾謂耿中丞
糴二百萬斛穀羌人不敢動矣耿中丞請糴百萬斛
乃得四萬斛耳義渠再使且費其半失此二冊故羌

人爲逆、毫釐千里。是旣然矣。今兵久不決。四夷卒有動搖。相因而起。雖有知者。不能善其後。羗獨足憂耶。吾固以死守之。明主可爲忠言。復上奏曰。臣聞兵者。所以明德除害也。故舉得於外。則福生於內。不可不慎。臣所將吏士馬牛。食日用糧穀十九萬九千六百三十斛。鹽千六百九十三斛。芟藁二十五萬二千八十六石。難久不解。繇役不息。又恐它夷卒有不虞之變。相因並起。爲明主憂。誠非素定廟勝之冊。且羗虜易以計破。難用兵碎也。故臣愚以爲擊之不便。計度臨羗東至浩疊。羗虜故田。及公田民所未墾。可二千頃以上。其間郵亭多壞敗者。臣前部士入山伐材木。大小六萬餘枚。

皆在水次。願罷騎兵。留弛刑。應募及淮陽汝南步兵。與吏士私從者合。凡萬二百八十一人。用穀月二萬七千三百六十三斛。鹽三百八斛。分屯要害處。水解漕下。繕鄉亭。浚溝渠。治湟陜以西道橋_七所。令可至鮮水左右田事。出賦人二十畊。至四月草生。發郡騎及屬國胡騎。伉健各千。倅馬十二。就草爲田者。遊兵田收。以充入金城。益積畜。省大費。今大司農所轉穀至者。足支萬人一歲食。謹上田處及器用簿。唯陛下裁許。上報曰。皇帝問後將軍。言欲罷騎兵萬人。畱田。卽如將軍之計。虜當何時伏誅。兵當何時得決。孰計。

其便復奏。充國上狀曰。臣聞帝王之兵。以全取勝。是以貴謀而賤戰。戰而百勝。非善之善者也。故先爲不可勝。以待敵之可勝。蠻夷習俗。雖殊於禮義之國。然其欲避害就利。愛親戚。畏死亡。一也。今虜亡其美地。薦草。愁於寄託。遠遯。骨肉離心。人有叛志。而明主班師罷兵。萬人留田。順天時。因地利。以待可勝之虜。雖未卽伏辜。兵決可期。月而望。羗虜瓦解。前後降者。萬七百餘人。及受言去者。凡七十輩。此坐支解羗虜之具也。臣謹條不出兵便宜十二事。步兵九較。吏士萬人。留屯以爲武備。因田致穀。威德並行。一也。排折羗虜。

令不得歸肥饒之墜

音地

貧破其衆以成羗虜相叛之

漸二也。居民得並田作。不失農業。三也。軍馬一月之食。度支田土一歲。罷騎兵以省大費。四也。至春省甲士卒。循河湟漕穀至臨羗。以眎羗虜。揚威武。傳世折衝之具。五也。以閒暇時。下所伐材。繕治郵亭。充入金城六也。兵出乘危。徼幸不出。令反畔之虜。竄風寒之地。離霜露疾疫瘰墮之患。坐得必勝之道。七也。亾經阻遠。追死傷之害。八也。內不損威武之重。外不令虜得乘間之執。九也。又亾驚動河南。大開小開。使生它變之憂。十也。治湟陜中道橋。令可至鮮水。以制西域。

信威千里從枕席上過師十一也。大費旣省。繇役豫
息。以戒不虞十二也。畱屯田得十二便。出兵失十二
利。臣充國材下。犬馬齒衰。不識長冊。唯明詔博詳公
卿議。臣採擇。上復賜報曰。皇帝問後將軍言十二便。
聞之虜。雖未伏誅。兵決可期。月而望。期月而望者。謂
今冬耶。謂何時也。將軍獨不計虜聞兵頗罷。且丁壯
相聚。攻擾田者及道上屯兵。復殺畧人民。將何以止
之。大開小开。意常恐并擊。今兵不出。得亾變生。與先
零爲一。將軍熟計復奏。充國奏曰。臣聞兵以計爲本。
故多筭勝少筭。先零羗精兵。今餘七八千人。失也遠。

客分散饑凍。罕開莫須。又頗暴畧其羸弱畜產。畔還者不絕。皆聞明令。相捕斬之賞。臣以爲虜破壞可日月冀遠在來春。故曰兵決可期。月而望。竊見北邊自敦煌至遼東。萬一千五百餘里。乘塞列隧。有吏卒數千人。虜數大衆攻之。而不能害。今留步士萬人屯田。地執平易。多高山遠望之便。部曲相保。爲塹壘木樵。較聯不絕。便弓弩。飾聞具。烽火幸通。執及并力。以逸待勞。兵之利者也。臣愚以爲屯田。內有亾費之利。外有守禦之備。騎兵雖罷。虜見萬人留田。爲必禽之具。其土崩歸德。宜不久矣。從今盡三月。虜馬羸瘦。必不

敢捐其妻子。於它種中遠涉河山而來爲寇。又見精
兵屯田。終不敢復將其累重還歸故地。是必且瓦解
其處。不戰而自破之策也。至於小寇盜時殺人民。其
原未可卒禁。臣聞戰不必勝。不苟接刃。攻不必取。不
苟勞衆。誠令兵出。雖不能滅先零。豈能令虜絕不爲
小寇。則出兵可也。卽今同是而失坐勝之道。從乘危
之勢。往終不見利。空自罷敝。貶重而自損。非所以視
蠻夷也。又大兵一出。還不可復留。湟中亦未可空如
是。繇役復發也。且匈奴烏桓不可不憂。今久轉運煩
費。傾不虞之用。以澹一隅。臣愚以爲不便。較尉臨衆

幸得承威德奉厚幣拊循衆羗諭以明詔宜皆鄉風。宅心不足以故出兵。臣竊自惟念奉詔出塞引軍遠擊窮天子之精兵散車甲於山野雖尺寸之功媿得避嫌之便而後咎餘責此人臣不忠之利非明主社稷之福也。臣幸得討不義久畱天誅罪萬死陛下寬仁未忍加誅。今臣數得熟曰臣伏計熟甚不敢避斧鉞之誅。昧死陳愚唯陛下省察。充國奏每上輒下公卿議廷臣初是充國計者什三中什五最後什八有詔詰前言不便者皆頓首服丞相魏相曰臣愚不習兵事利害後將軍數畫軍冊其言常是臣任其計可必用也。帝於是報充國曰皇帝周後將軍上書言羗虜可勝之道今聽將軍將軍計善上畱屯田及當罷者人馬數將軍強食損兵事自愛本羗衆可五萬人強弩擊斬七千六百人降者三萬有千二百人若師役

饑渴死者又五六千人。餘無何幾千。是克國請罷屯。明年五月。克國振旅而還。帝既許克國屯田。又命破羌等出擊破羌。降斬四千人。強弩斬二千人。叩降斬二千餘人。師還。克國所苦。浩星賜迎說曰。衆人皆言破羌強弩出擊。多斬獲虜。以破壞將軍。卽見上。宜歸功三將軍。克國曰。吾年老矣。爵位已極。豈嫌伐一時事。以欺明主哉。兵勢國之大事。當爲後法。老臣不以餘命。壹爲陛下明言。兵之利害。卒死誰當復言之者。卒以質對。帝甚善之。

元帝時。隴西羌反。下廷議。議者言。歲比不登。京師四方人苦饑。而遭羌變。宜先內憂。右將軍馮奉世曰。叛羌近在境內。不以時誅。無以制遠。臣願帥師討之。帝問用兵之數。對曰。臣聞善用兵者。役不再興。糧不三載。故師不久暴。而天誅亟決。鄉者不料敵而興師。師至折傷。再三發。輒則曠日煩費。今反虜無慮三

萬人法當倍用六萬人。然羗戎兵不尾利用四萬人。一月食足以決事。丞相御史兩將軍皆以爲民方收歛。未可多發兵。發萬人屯守。勢且足。奉世曰。不可。天下饑饉。士馬羸耗。守戰之備久廢。不簡夷狄皆有輕邊吏之心。而羗首難。今以萬人分屯數處。戰則挫。兵病。師守則百姓不救。如此怯弱之形見矣。羗人乘利。諸種竝和。相扇而起。臣恐中國之役。非財幣所能解也。故少發師而曠日。與一舉而疾決。利害相萬也。固爭之不能得。有詔益二千人。遣奉世將名將屯以行。到隴西。奉世具上地形部衆多寡之計。願益兵三萬。

六千人書奏天子。天子發兵六萬人遣奮武將軍助焉。十月兵畢出至隴西十一月大破斬羗虜而平更始赤眉之際羗寇金城隴西隗囂不能討因就慰納司徒掾斑彪爲上言。今涼州部皆有降羗被髮左衽與漢人雜處習俗既異言語不通數爲小吏黠人之所侵奪窮恚無聊以故反舊制益州部置蠻夷騎都尉幽州部置領烏桓校尉涼州部置護羗校尉皆持節領護理其怨結歲時循行勞問其疾苦又數遣驛使覘其動靜爲兵吏耳目故州郡知備以無後憂宜復舊制以明威防光武從之即以牛邯爲護羗校尉持

節如舊章耶。卒職省後。先零豪與諸種相結。寇金城。中郎將來歛隴西太守馬援。前後擊破之。阻允吾谷。援潛行間道掩擊。寇大潰。保北山。援陳軍向山而分。遣數百騎繞其後。寇震疊皆降。時廷議以金城破。寇之西。塗遠可棄也。援上言。破寇以西。城完牢。阻河爲固。其土田肥美。灌溉流通。不可棄。棄之。卽寇在湟中。害長不休。於是詔武威太守還金城客民三千餘口。歸保塞。援爲置長吏繕城郭。起塢堠。開通水田。勸以耕牧。郡中樂業。武都氏寇求歸附者。援奏復其侯王君長號名。而隴右以平。中元中。燒何豪婦比銅鉞者。

爲盧水胡所擊。將其衆來歸。種人頗犯法。臨羗長收
繫。種誅之。六七百人。顯宗下詔曰。昔桓公伐戎而暴。
春秋貶曰。齊人。今國家無德。恩不及遠。羸弱何辜。而
當并命。夫長平之暴。非霸者之功。咎繇太守長吏。妄
加殘戮。燒何羗尚生者。所在致醫藥。養視其種人。欲
歸故地者。遣送其小種。束手自詣。欲效功者。皆除其
罪。元和三年。吾迷諸雜種羗反。號吾先入隴西界。郡
督生得之。將詣郡。號吾曰。獨殺我。無損於羗。誠得生
歸。必罷兵。無爲寇災矣。隴西太守張紆放遣之。羗卽
解散。歸故地。較尉傳育募人。鬪胡羗。而羗叛。育敗死。

紆代爲較尉。羗請降。紆誘誅其酋。其種人何塞哭與
燒何當。煎等相結。解仇交質。爲邊患。紆坐徵。以張掖
太守鄧訓代護羗。會羗合兵萬騎攻月氏。胡議者以
羗胡相攻。中國之利也。不足以其故。勤兵訓曰。不然。
往張紆失衆信。而羗胡大動。經屯轉輸多所耗費。而
涼州被其災。今羗迫胡急。而以德懷之。庶獲其心。此
安戎之一機也。遂開城納羗胡妻子。守護之。羗解散
去。繇是湟中胡言。往漢家常欲鬪我。今鄧使君待我
以恩信。我安得不爲之死乎。訓益撫納之而定。胡俗
耻病
死。每困疾。輒引刀自刺。訓使人把持之。予醫藥全活。
於是羗八百戶款塞降。訓卒官。羗胡烏桓吏士奔徒。

悲號有自。大都漢世。羗戎之患。方之匈奴。頗為衰寡。到從死者。

中興以後。既難漸滋。則朝規綏御失和。戎帥然諾騫。

信。其內屬者。苦奴虜使之故也。先王疆理九土。判別。

畿荒。知夷貊殊性。斥遠於諸華。而五服九畿。內固其。

封守。可謂順治威嚴。御以其道者矣。桓帝時。先零數。

寇三輔。連歲招不下。詔問都鄉侯段熲。熲資山西之。

猛性。練戎俗之情態。志在禽獸。自畧必克。於是追咎。

營平之遺寇。詆欺張奐之失策。窮武畧事之。然零羗。

種滅。而漢社已屋。則戎羗之叛服。豈有益於國興廢。

之數哉。可以有鏡矣。熲既數破羗。餘寇散入漢陽山。谷間。張奐言宜撫詔。下熲議。熲

虜強難破、聖明信納、瞽言臣謀得行、與忿計不用、猥云臣兵折衄、羗一氣所生、不可誅盡、山谷廣大、血流汙野、傷和致災、伏念周秦之際、戎狄爲害、中興以來、羗寇最盛、誅之不盡、雖降復叛、今先零雜種累反、攻沒縣邑、剽畧人物、發塚露尸、禍生死矣、上天震怒、假手行誅、昔邢爲無道、衛國伐之、師興而兩臣動、兵涉夏、連獲其馘、歲時豐稔、人無疵癘、上占天心、不爲災傷、下察人事、衆和師克、自橋門以西、落川以東、縣邑通屬、非深險絕域之地、負爲漢吏、當武職、駐軍二年、不能平寇、虛欲脩文、戢武、招降獷敵、誕辭空說、僭而無徵、昔先零作寇、趙充國徒令居內、煎當亂邊、馬援遷之三輔、始服終叛、至今爲梗、今旁郡戶口單少、數爲羗所創毒、而令降羗徙與雜居、是猶種枳棘於良田、養蛇虺於屋內也、臣本規三歲之費、用五十四億、今適暮年、所耗未半、而餘寇殘燼、將向殄滅、每奉詔書、軍不內御、願卒斯言、一以任臣、二年夏、東羌悉平、凡百八十戰、斬三萬八千六百餘級、費四十億、軍士死者四百餘人、封新豐縣侯、頗行軍、仁愛士卒、疾病者親瞻省、手爲裹創、在邊十餘年、未嘗一日薳寢。

與將士同苦故皆樂爲之死還京方漢初南夷夜郎

師詔大鴻臚持節勞軍至拜侍中

牂牁滇雲郡屬邛都皆椎結其西音隨爲州音隨後音隨昆明後爲皆

編髮隨畜移徙無常徒音斯蜀柞都後沈黎郡冉驪

後夔州白馬皆氏皆巴蜀西南外夷也秦所置桂林南

海象郡爲南粵所置閩中郡爲閩粵東甌郡爲東粵

皆未入職貢所謂百粵者也秦二世世任置爲南海

尉以中國豪傑共叛秦天下無所定而南海僻遠可

據而有也卽被龍川令趙佗書行南海尉事置死佗

移檄橫浦陽山谿關惡絕道自守備它盜兵擊并桂

林象郡自立爲南粵武王高帝已定天下使陸賈往

使卽授璽綬與剖符通使陸生至佗黽結箕倨見陸
生生進說曰足下中國人親戚昆弟墳墓在真定今
反天性棄冠帶欲以區區之越與天子抗衡旣且及
身矣且秦失其政諸侯豪傑竝起唯皇帝先入關據
咸陽項羽借約自立爲西楚霸王諸侯皆屬可謂至
彊皇帝竟誅滅之五年之間海內平定此非人力天
之所建也君王王南越不助天下誅暴逆將相欲移
兵誅王天子憐百姓新勞苦故且休之遣臣授君王
印君王宜郊迎北面稱臣廼欲以新造未集之越屈
彊於此漢誠聞之掘燒王先人冢夷滅宗族使一偏

將將十萬衆臨越。則越殺王降漢。如反覆手耳。於是
佗蹶然起。跪謝曰。居蠻夷中久。殊失禮義。畱與飲數
。問陸生曰。我孰與蕭何曹參韓信。賢生曰。王似
賢。復曰。我孰與皇帝。賢生曰。皇帝起豐沛。討暴秦。誅
彊楚。爲天下興利除害。繼五帝三皇之業。統理中國。
政繇一家。自天地剖判。未始有也。今王衆不過數十
萬。皆蠻夷。崎嶇山海間。譬若漢一郡。何乃比於漢。尉
佗大笑曰。吾不起中國。故王此。使我居中國。何詎不
若漢。顧大說。陸生曰。越中無足與語。至生來。令我日
聞所不聞。厚賜歸報。卒稱臣奉約。高后時。佗僭號發。

兵攻長沙邊文帝既鎮撫天下爲佗親冢在真定置
守冢歲時祀召其從昆弟官寵之詔舉可使粵者相
平言陸賈先帝時習使粵可遣乃召賈爲太中大夫
謁者一人爲副遣之賜佗書曰皇帝敬問南粵王甚
苦心勞思朕高皇帝側室之子也棄外奉北藩于代
道理遼遠壅蔽樸愚未嘗致書高皇帝棄群臣孝惠
皇帝卽世高后自臨事不幸有疾日進不衰以故諄
暴于治諸呂爲變故亂法不能獨制乃取他姓子爲
孝惠皇帝嗣賴宗廟之靈功臣之力誅之已畢朕以
王侯更不釋之故不得不立今卽位乃者聞王遺將

軍降。慮侯書求親昆弟。請罷長沙兩將軍。朕以王書。罷將軍博陽侯。親昆弟在真定者。已遣人存問。修治先人家。前日聞王發兵於邊。爲寇災不止。當其時。長沙苦之。南郡尤甚。雖王之國。庸獨利乎。必多殺士卒。傷良將吏。寡人之妻。孤人之子。獨人父母。得一匹十。朕不忍爲也。朕欲定地。犬牙相入。以問吏。吏曰。高皇帝所以介長沙土也。朕不得擅變焉。吏曰。得王之地。不足以爲大。得王之財。不足以爲富。服嶺以南。王自治之。雖然。王之號爲帝。兩帝並立。亡一乘之使。以通其道。是爭也。爭而不讓。仁者不爲也。願與王分棄前。

患終今以來通使如故故使賈馳諭告王朕意王亦受之母爲寇災矣上褚五十衣中褚三十衣下褚二十衣遺王願王聽樂娛憂存問隣國賈至粵佗感于天德意下令國中去帝制黃屋左纛上書言蠻夷大長老夫臣佗昧死再拜上書皇帝陛下老夫故越吏也高皇帝幸賜臣佗璽以爲南越王孝惠皇帝義不忍絕賜老夫甚厚高后用事別異蠻夷出令曰母與蠻夷越金鐵田器馬牛羊卽予予牝母予牝老夫處僻馬牛羊齒已長自以祭祀不脩有死罪使使者三輩上書謝過皆不反又風聞父母墳墓皆已壞削兄弟

南史一

宗族已誅論吏相與議曰。今內不得振於漢。外無以
自高異。故更號爲帝。自帝其國。非敢有害於天下。高
皇后聞之。大怒。削去南越之籍。使使不通。老夫竊疑
長沙王讒臣。故發兵以伐其邊。老夫處越四十有九
年。于今抱孫焉。然夙興夜寐。寢不安席。食不甘味。目
不視靡曼之色。耳不聽鐘鼓之音者。以不得爭漢也。
今陛下幸憐復故號。通使如故。老夫死骨不腐。自是
稱臣。使人奉朝請。爲屬國。至建元初。天子厲武節。以
一封疆。而兩粵西南夷畢。以次削平。郡縣其地焉。初閩
越王無諸。東海王搖。以從番君。滅秦。無諸得王東冶。

一封疆而兩粵西南夷畢以次削平郡縣其地焉。初閩

王與建元初高成父東甌東甌困使人上急告

其常又數反覆不足煩中國往救也大夫莊助詰之曰特患力弗能救德弗能覆誠能何故棄之且秦舉咸陽而棄之何但越也今小國以窮困來告急天子天子弗振當安所告愬又何以子萬國乎上曰善太尉未足與計乃遣助以節發兵會稽會稽太守欲無驍助斬一司馬諭上意遂發兵浮海救東甌未至閩越引去東甌請舉國內徙處江淮之間建元六年閩越擊南越南越王胡使人上書言狀以待令天子爲遣兩將軍將兵討之未踰嶺閩越王弟餘善殺王郢以降詔罷軍曰郢首惡獨無諸孫繇君丑不與謀立丑爲繇王而餘善威行於國立以爲東越王天子旣誅郢使使諭意南越王南越王胡頓首謝死無以報德欲入見其大臣皆曰漢興兵誅郢亦以驚南越先王昔有言事天子期無失禮而已要之不可休好語入見入見則不得復歸亡國之勢也於是胡稱病不入見遣太子嬰齊入侍後十餘歲胡實病甚太子嬰齊得請歸而王薨嬰齊立上書請立前爲侍子長安時所取邯鄲嫪氏女爲后子興爲太子許之無何薨興立嫪爲太后而太后未嫁時與霸陵人安國少季

通於是使安國少季往風諭王太后王令入朝比內
諸侯令諫大夫終軍等宣其辭勇士魏臣等輔其缺
而衛尉路博德將兵屯桂陽待之王年少太后中國
人私於使者願內屬相呂嘉相王三世年長矣居國
中甚重粵人信之數諫王不聽王太后置酒欲介漢
使者權即坐上誅嘉使者不敢發嘉下令國中曰王
年少太后中國人又與使者亂欲內屬亡顧趙氏社
稷爲萬世慮之意與其弟將卒攻殺王太后盡殺漢
使者立術陽侯建德爲王於是天子令粵人及江淮
以南樓船十萬師往討之而東越王餘善上書請助
師元鼎五年拜衛尉路博德爲伏波將軍出桂陽下
湟水主爵都尉楊僕爲樓船將軍出豫章下橫浦故
歸義粵侯二人爲戈船下濤將軍出零陵或下離水
或抵蒼梧破平之建德嘉畢受誅當是時東越軍揭
陽以海風波爲解不肯前而陰使通南越持兩端事
露乃遂反詔大師三道進討而越人殺餘善降處其
民江淮間百蠻震恐畢請臣置吏以邛都爲粵雋郡
作都爲沈黎郡冉駹爲文山郡廣漢西白馬爲武都
郡靡莫滇畢以次平爲益州郡西南夷後僭耳珠厓
君長以百數獨夜郎滇真受王印最寵焉

郡以地懸南海中率數年壹反元帝時議大發軍擊之待詔賈捐之議以爲不當擊

捐之誼
曾孫

上使侍中樂

昌侯王商問捐之珠厓內屬久矣今背畔逆節而云不當擊長蠻夷之亂虧先帝功德經義何以處之捐之對曰臣幸得遭明盛之朝蒙危言之策無忌諱之患敢昧死竭卷卷臣聞堯舜聖之盛也禹入聖域而未優故孔子稱堯曰大哉韶曰盡善禹曰無間以三聖之德地方不過數千里西被流沙東漸于海朔南暨聲教迄于四海欲與聲教則治之不欲與者不彊治也故君臣歌德含氣之物各得其宜武丁成王殷

周之大仁也。然地東不過江黃，西不過氐羗，南不過蠻荆，北不過朔方。是以頌聲並作，視聽之類咸樂其生。越裳氏重九譯而獻此，非兵革之所能致也。及其衰也，南征不懷，齊桓拯其難，孔子定其文。張晏曰：春秋夷狄之

國雖大皆稱子。以至於秦興兵遠攻，貪外虛內，務欲廣地，不

慮其害。然地南不過閩越，北不過大原，而天下潰畔，

禍卒在於二世之末。長城之歌至今未絕，賴聖漢初

興，為百姓請命，平定天下。至孝文皇帝，閔中國未安，

偃武行文，則斷獄數百，民賦四十，丁男三年而一事。

時有獻千里馬者，詔曰：「變其在，前屬車在後，吉行日。」

五十里師行日三十里朕乘千里之馬獨先安之於是還馬與道里費而下詔曰朕不受獻也其令四方毋求來獻當此之時逸游之樂絕奇麗之路塞鄭衛之倡微矣夫後宮盛色則賢者隱處佞臣用事則諛臣杜口而文帝不行故謚爲孝文廟稱太宗至孝武皇帝元狩六年太倉之粟紅腐而不可食都內之錢貫朽而不可較乃探平城之事錄冒頓以來數爲邊害籍兵厲馬因富民以攘服之西連諸國至于安息東過碣石以玄菟樂浪爲郡北卻匈奴萬里更起營塞制南海以爲郡則天下斷獄萬數民賦數百鹽鐵

酒權之利以佐用度猶不能足當此之時寇賊並起軍旅數發父戰死於前子鬪傷於後女子乘亭鄣孤兒號於道老母寡婦飲泣巷哭遙設虛祭想魂萬里之外是皆廓地泰大征伐不休之故也今天下獨有關東關東大者獨有齊楚民衆久困連年流離離其城郭相枕席於道路人莫親父母莫樂夫婦至嫁妻賣子法不能止此社稷之憂也今陛下不忍悄悄之忿欲驅士衆擠之大海之中快心幽冥之地非所以救助饑饉保全元元也詩云蠹爾蠻荆大邦爲讐言聖人起則後服中國衰則先畔動爲國難自古而患

之矣。何況廼復其南方萬里之蠻乎。駱越之人父子
同川而浴。相習以鼻飲。與禽獸無異。本不足郡縣置
也。顓顓獨居一海之中。霧露氣濕。多毒草蛇蟲。水土
之害人。未見虜戰士自死。又非獨珠厓有珠犀毒瑁
也。棄之不足惜。不擊不損威。其民譬猶魚鱉。何足貪
也。往者羗軍暴師。曾未一年。兵出不踰千里。費四十
餘萬萬。大農錢盡。乃以少府禁錢續之。夫一隅爲不
善。費尚如此。况於勞師遠攻。亾士毋功乎。求之往古
則不合。施之當今又不便。臣愚以爲非冠帶之國。禹
貢所及。春秋所治。皆可無以爲願。遂棄珠厓。專用恤

關中爲憂。對奏丞相定國是其議。上乃下詔曰。珠厓
虜殺吏民。背畔爲逆。今廷議者。或言可擊。或言當守。
或欲棄之。其指各殊。朕日恒惟議者之言。羞威不行。
則欲誅之。狐疑辟難。則守屯田。通于時變。則憂萬民。
夫萬民之饑餓。與遠蠻之不討。危孰大焉。且宗廟之
祭。凶年不備。况乎辟不嫌之辱哉。今關東大困。倉庫
空虛。無以相贍。又以動兵。非特勞民。凶年隨之。其罷
珠厓郡民有慕義欲內屬者。便處之。不欲勿彊。陽嘉
中。象郡蠻反。百官議發荆揚充豫州四萬人。遣將將
赴之。尚書固駁曰。今荆襄盜賊盤結。長沙桂陽數破。

徵發如復擾動必生。患南州溫者。加有瘴氣。師徒遠涉。死亾者必十且四五。交。豫。去。日。南。九。千。餘。里。以。軍。行。計。之。三百日。乃。到。人。日。廩。五。升。用。米。六。十。萬。斛。將。吏。倍。而。上。驢。馬。芻。茭。不。在。於。此。詔。書。迫。遣。遠。道。自。危。必。至。叛。亾。比。有。至。者。不。復。堪。鬪。當。復。更。發。此。爲。刻。刻。心。腹。以。補。四。支。也。九。真。日。南。相。去。千。里。發。其。吏。民。轉。用。相。赴。猶。尚。不。堪。况。乃。驅。四。州。之。卒。以。赴。萬。里。不。測。之。禍。哉。前。中。郎。將。尹。就。討。益。州。叛。羌。益。州。人。爲。之。語。曰。虜。來。尚。可。尹。來。殺。我。後。就。就。徵。以。其。兵。付。刺。史。張。喬。喬。因。用。之。旬。月。破。平。此。發。將。無。益。州。郡。可。任。之。效。也。獨。宜。更。選。勇。畧。惠。仁。任。將。帥。者。爲。刺。史。太。守。將。

寇虜就平。故并州刺史祝良性多勇決。及張喬前有破虜之功。宜可任。議從而事平。始楚威時使將軍莊蹻畧巴

黔中以西地。遂至于滇池。定之。欲歸報會。秦擊奪楚巴黔中郡。道塞不通。因以其衆王滇。變服從其俗。君長之。秦滅漢興。皆棄之不問。而開蜀。獨巴蜀民或竊取犂馬。焚僮旄牛。以爲饒。武帝時。天子旣破東粵。使番陽令唐蒙使南粵。風曉之。南粵食蒙蜀枸醬。蒙怪問所從來。曰。道西北牂牁江。蒙歸至長安。問蜀賈人云。蜀枸醬多持竊出市。夜郎夜郎臨牂牁江南粵。以財物役屬之。蒙乃說帝。通夜郎道。爲置吏。拜蒙中郎將。將千人。食重車。

人入夜郎諭威德約置吏夜郎貪漢繒帛以爲漢道險
終不能有也。乃聽蒙約還報以爲犍爲郡發巴蜀卒治
道自犍道指牂牁江。而是時蜀人司馬相如亦言西夷
邛笮可置郡使相如以中郎將往諭如南夷爲置一都
尉十餘縣屬蜀。當時巴蜀四郡載轉相饟數歲道不通
士罷餓離暑涇死者甚衆西南夷又數反發兵擊定耗
費亡功。帝患之使公孫弘往視還報言不便已。弘爲御
史大夫時方築朔方。弘因言西南夷可且罷專力事朔
方。帝許罷西夷已。博望侯張騫言使大夏時見蜀布邛
竹杖因盛言大夏在西漢南慕中國患匈奴隔其道誠

通蜀道便近。亡害。於是天子乃遣使十餘輩出通道。至滇滇王與使言。漢孰與我大。夜郎侯亦然。各自以一州王。不知漢廣大何若也。及南粵反。帝使馳義侯因犍爲發南夷兵。且蘭君殺使者及犍爲太守反。竟擊定之。誅且蘭邛君。殺苻侯。以爲牂牁郡。南粵已滅。夜郎侯入朝。以爲夜郎王。冉駹皆震恐。請臣置吏。以邛都爲越嶲郡。苻都爲沈黎郡。冉駹爲文山郡。廣漢西白馬爲武都郡。使使者風滇王入朝。滇未肯聽。擊滅其旁國。勞深靡莫。臨以兵。滇王乃舉國降。以貧善赦。弗誅。以爲益州郡。西南夷君長。以百數。獨夜郎滇受王印最寵焉。建武中。哀

牢王賢栗詰越雋守來內屬帝喜封以爲君長明帝時
以其地置哀牢博南二縣割益州郡西部都尉所領六
縣合爲永昌郡始通博南山渡蘭倉水行者苦之歌曰
漢德廣開不賓渡博南越蘭津渡蘭倉爲他人蓋傷之
也其後以太守鄭純爲吏潔清順撫夷而安 三國分
裂後漢保有庸蜀因邊西南夷南夷不靖丞相亮戮叛者雍
闓縱其豪孟獲使角戰而七擒之獲憚以爲天威服不去因
卽用其渠率填之而靖語具亮謨中吳保江東撫有交廣時
浮海通遼東魏包有七州北計烏桓東擊高句驪而鮮卑索
頭虜奉貢質降附已徙武都氏于扶風天水處鮮卑降者于

遼西棘林而太原河東五部之戎依東漢而來西北邊郡無慮

皆降羌胡雜處迄晉初不圖不慮不徙永嘉之末氏胡羯交亂

于上中晉東徙江表輻分瓜裂延于南北乃戎有中國蛆潰

蟲生疾廢蹶興而邊塞諸戎曾未足數也事具晉南北朝志

中喜始混一其壯狄曰突厥曰回紇其西戎曰吐蕃東曰高

麗南曰南詔皆大國先後繼之而代為盛衰突厥阿史那氏本匈奴

奴壯部也居金山之陽始臣于蠕蠕至吐門而大更自號可

汗可汗古單于也妻曰可敦古闕氏始畢尚隋義成公主建

牙都斤山控弦百萬契丹室韋吐谷渾高昌諸國皆役屬焉

而世亂中國據土僭名號者竇建德薛舉劉武周李軌王世

充之倫各遣使稱臣尊事之高祖起太原遣府司馬
劉文靜厚幣卑辭往請兵且行戒之曰吾所爲藉兵
突厥者非誠資其兵獨畏其議吾後令吾不得專意
規關中也今請兵兵不必多多必且爲患獨請馬馬
愈多愈益也始畢見文靜而大悅使其酋將馬二千
兵五百以來用濟大業而突厥怙功愈益橫武德初
始畢自將度河與梁師都合入寇又以五百騎藉劉
武周入句注寇太原會病死天子爲發哀長樂門子
什鉢苾幼不克立立弟處羅可汗復妻義成公主處
羅死公主以其子莫射設陋棄不立立頡利嗣而頡

利又復妻義成。於是始畢子什鉢苾長矣。別立爲突
利可汗。而王世充使說頡利歲入寇盜邊。高祖以中
國未平。屈意下之。所贈賂不訾。然不能有塞厭其欲
也。居久之。突厥寇山東。殘定州。又十五萬騎入鴈門。
圍并深。畧汾潞。分掠原靈間。高祖召羣臣問計。鄭元
璠曰。與戰則禍深。不如和也。封德彝曰。突厥恃犬羊
之衆。有輕中國心。不戰而遽和。示之弱。明且復來。中
國憊矣。臣愚以爲必與戰。旣勝而後和。帝曰。善。於是
命太子建成將兵出幽州。秦王世民將兵出蒲州。李
子和軍雲中。段德操軍夏州。襄邑王神符軍汾東。禦

之頡利出塞去。於是帝遣鄭元璿詣頡利責以負約。於是復和親。而時時小入寇盜邊。與屯將互勝負。以爲常。武德七年。頡利與突利二可汗悉兵自原州連營南。關內震恐。詔秦王將兵出拒之。會關中久雨。糧饟絕。士卒饑困。器頓弊。秦王與虜遇。豳州而二可汗帥軍萬餘騎。奄至州城西。齊王元吉懼不敵。不敢出。秦王奮曰。敵弱我矣。不可以不示彊。乃自帥銳騎百。人馳虜陳。大呼曰。國家與可汗和親。待可汗不薄。何爲負約。深入我地。我秦王也。可汗能鬪。獨出與我鬪。不能以衆來。我直以此百騎相當耳。頡利笑不應。王

又遣騎士前告突利曰。爾往與我盟。有急難相助。而相攻。何無香火之情也。突利亦不應。王乃遂徑進。將絕水而前。時頡利與突利雖連兵。業內有間。相却矣。見秦王輕出。殊不意。莫測也。聞香火語。則又疑突利與王有前謀。乃遣使止王曰。王母渡。我來。但欲與王固盟約耳。遂引却。而雨益甚。秦王謂諸將曰。虜所恃者弓矢。今積雨彌時。弓筋膠俱解。不可用。吾屋居火食。刀槊犀利。以益制勞。此而不乘。復何待乎。遂夜潛師出。冒雨進。而突厥大驚。請和親。突利遂自託於王。結約爲昆弟。王撫以恩意。與盟去。無何。太宗起。秦王

卽位梁師都亡之突厥言中國新易主釁可乘請爲
導入邊於是頡利突利二可汗合兵十餘萬犯涇原
徜徉隴渭間不進已突犯武功高陵逼渭便橋而軍
遣腹心執失思力入見覘虛實思力盛稱二可汗將
兵百萬今至矣帝怒罵讓之曰吾與汝可汗面結約
和親義師初起爾父子又從我我遇汝非薄汝雖禽
獸亦有人心何得全忘大恩誇彊盛相怵乎吾先斬
汝矣思力懼請囚帝乃自將高士廉房玄齡等六騎
詣渭水責頡利負約突厥酋大驚皆下馬羅拜頡利
見思力使不反而帝又銳身輕出榮悔之俄六軍至而

旗甲蔽野。部隊靜整。則憮然有懼色。帝麾軍使却。而身獨留。與頡利隔水語。左右交諫。帝曰。突厥所以敢傾國而來者。以我國內難。朕新卽位。謂不能有抗禦也。示之弱。必放橫不可制。故朕輕騎獨出。示如無有。而耀大兵以從之。使知必戰。虜深入我境。中有懼心。而吾翁張攝之。將與戰則克。與和則固矣。是日頡利來輸平。許之。斬白馬與盟於便橋之上。而還。突厥退。蕭瑀請曰。方突厥未和時。諸將爭請戰。而陛下不許。而虜退何也。帝曰。突厥之衆多而不整。君臣之志惟賄是求。昨達官來謁我。我若醉而縛之。因擊其衆。伏

兵邀其前大兵蹕其後覆之反掌耳顧吾即位日淺國
未安戰勝則怨深彼懼而謀我則吾未可以速得志矣
故卷甲韜戈唱以金帛彼得所欲而驕驕必惰吾得養
威而俟其釁此全國爲上之道也瑀等謝不及是時天
子旣明聖而中國方創造習於兵而頡利悖驚薛延陀
回紇諸部衆叛之又委事諸胡斥族姓不用號今不信
兵革數動下不堪其勤會大雪畜產死民饑袁歛苛重
諸部愈益貳與突利更相怨而北邊諸多叛頡利歸薛
延陀其推俟斤夷男爲眞珠毘伽可汗令建牙大漠北
夷男遣其弟入貢而突利可汗身入朝自歸於是代州

督張公謹上書言突厥可取狀六事而頡利復犯邊乃

命定襄道行軍大總管靖漠南道總管世勣分軍將

之出擊胡大破之突厥以亡

時靖出馬邑襲定襄世勣出雲中戰白道而前頡利

走鐵山北以避敵遣執失思力入謝罪求入朝帝遣鴻臚卿唐儉往慰撫詔靖以兵迎之時頡利雖外為卑辭中猶豫欲非走靖引兵與世勣會合謀曰頡利雖敗其衆尚十餘萬未易輕若今得走度磧北難圖矣今詔使至虜自寬襲之可擒也張公謹曰詔書許降詔使在虜奈何乎擊之靖曰一日縱敵百世患之且是韓信之所以破齊也唐儉輩何足惜乎遂勒兵進頡利見儉來果大喜自寬棄延儉為長夜飲會大霧前軍進薄之去牙帳里所霧收軍突至則大驚急乘千里馬跳身走衆大潰斬虜萬餘級俘男女十餘萬而虜酋蘇尼失執頡利以來帝御順天樓受俘告廟陳仗衛今吏民縱觀已悉還其家屬館太僕廩食之方上皇時突厥怙盛強茂中國上皇常屈意遇之然內常悵恨及是聞頡利擒大喜太息曰漢高祖困白登不能報我曩困突厥今我子滅突厥能報喜付託得人矣

其衆分散或走漠北走薛延陀或西奔吐蕃漠南遂
空而降唐者尚十餘萬詔羣臣議區處之宜朝士多
言戎狄世爲中國患今賴陛下神靈辛破滅宜徙其
衆河南充豫間分其種落散處州縣教之耕織可化
爲齊民顏師古請分寘河北立其酋部領之李百藥
以爲突厥雖一國然各有種族宜因署君長使不相
臣屬而遣之卽勢分力敵易制也下中書中書令溫
彥博請如漢建武時置降匈奴五原塞故事置近邊
魏徵曰不可戎狄人面獸心弱則請服強則叛亂秦
漢以銳師猛將攻取河南地爲郡縣不欲令虜得近

邊爲窺伺也。今柰何以河南塞奉虜乎。且虜降者今
十餘萬。十年生息。十年畜聚。後此十年。必且生心。西
晉之禍。前事之明效也。彥博曰。不然。至者於萬物。如
天覆地載然。誠欲其全安之也。突厥破滅。餘種歸義。
不哀憐而棄之。豈天地函育之義乎。又阻其內嚮心。
若救其死亡。散處內地。教以禮義。職之耕農。數年之
後。悉爲編氓。又選其酋長。使入宿衛。將畏威懷德之
不暇。何後患之有。帝曰。善。度朔方地。自幽州西至靈
州。處突厥降衆其中。分突利故地爲四州。頡利地爲
六州。左置定襄。右置雲中。二都督府填焉。初頡利族人思摩無

龔於頡利。頡利之亡，新近老皆謂龔。龔思摩不去，竟與俱擒，上容歎之。以頡利爲右衛大將軍，而蘇尼失思摩封郡王。突利可汗爲順州督帥，其衆就部餘豪酋擢將軍、郎將者五百人，占籍長安者萬家。時詔頡利諸子，頗得以品秩受給。子豐羅支故爲其母，景後至，不得給羅支痛母，未嘗敢嘗一品肉也。帝聞之，歎曰：「天稟仁孝，豈華夷所限哉？」詔并其母給厚之。八年，頡利死，贈歸義王。趙冢

灞陵東。後突利自順州入朝，道死，祔焉。久之，突利弟

結社率以郎將宿衛，久不調而怨，結種人作亂，誅死。

於是羣臣更言處突厥中國非便。

雖天子亦

悔之，乃立懷

化王思摩爲泥孰侯，利苾可汗賜國姓，令帥種落還

故部。時薛延陀盡有塞北之地，思摩內憚之，不敢行。

帝乃詔司農卿持節賜延陀書，言前所爲誅突厥者。

以頡利暴殘爲百姓寇害。非貪其地也。故處其降部
於河南。薦草美泉。阜利其畜牧。今孳蕃盛矣。念何可
久。畱今以思摩爲可汗。帥其衆還故疆。爾延陀受冊
在前。思摩在後。當以先後爲小大。舉磧以北。延陀主
之。其南思摩休之。各守境。無爲寇災矣。思摩行。帝張
宴置酒。引思摩前謂之曰。人情樹藝一草木。見蕃廡
輒喜。况我養爾民。息爾馬牛羊。今豐熾如此。能無念
乎。獨念爾父母墳墓在河北。苦遠。遣爾還舊庭。慰爾
衆懷土殷殷之思。思摩泣下。奉觴言。臣破亡餘息。賴
陛下神靈。得還骨舊鄉。死不恨。願子孫世世事唐。效

犬馬時華夷觀者數十萬。吳不動色。感激揮涕。馬所
行。常謂侍臣曰。中國根幹也。四夷枝葉也。剝根幹以

奉枝葉。何詎有滋榮乎。朕不用魏徵言。幾狼狽矣。時薛

延陀聞思摩以衆還。則大恐。勒兵渡磧南待之。使者
至。宣詔諭。乃稽顙謝奉命。時思摩師衆十萬。勝兵四
萬。馬九萬匹。以行。始渡河。建牙於故定襄城。居二年。思摩不能得其衆而

定襄南負河北。白道畜牧廣衍。爲龍荒沃壤。爲薛延

陀所利。數攻之。聞帝將東封。曰。天子封秦山邊境。虛

我。以此時取思摩。拉朽耳。發諸部兵二十萬。擊突厥。

思摩不能禦。悉衆南渡河。入長城。保朔州。告急。詔遣

介州督世勣等分道擊之。諸將辭行。帝戒之曰。延陀

負其疆踰漠行數千里。士馬疲憊。見利不能速進。不利不能速退。吾已勅思摩燒薙野草待之。彼糧糗日盡。掠無所獲。必且退。俟其退。與思摩奮擊。破之必矣。

世勣等敗延陀於諾真水。斬首三千餘級。捕虜五萬

餘人。

思摩終憚不敢歸。請處於勝。憂之間。時方討高麗。羣臣曰。陛下方遠征遼左。而置突厥於河南

距京師不遠。豈得不為後慮。帝曰。夷狄亦人耳。其情與中國不殊。以德懷之。可便如一家。且彼不北走延陀。而南歸我。情可見矣。聽居漠南。思摩至。內自懃釋其衆入朝。願留宿衛。以為右武衛將軍。恩顧愈厚。卒葬陪。

會虜大雪。人畜凍死。者什八九。薛延陀遣使乞

和親。帝問群臣。群臣以為和親便。許和親。公主行有

日。契苾何力自延陀還。陳不可。帝曰。許之矣。天子無

獻言何力。曰。但詔延陀至京師迎女。必憚不敢前。即拒之。有辭矣。且延陀素狠戾。忿必死。死而二子爭國。可不戰而擒也。帝曰。善。幸靈州。召真珠使親迎。真珠欲行。其臣曰。往必不返。真珠曰。天子明聖。遠近朝服。今親幸靈州。以愛主女。我我得見天子。死不恨。薛延陀何患無君。於是厚斂諸部牛馬羊。以爲聘。經沙磧。耗死過半。以聘禮不備。絕之。諸部怨叛。真珠憤悒死。多彌可汗立。猜褊好殺。廢棄父時貴臣。不用。專用所親昵。國人不附。詔江夏王道宗等將兵擊之。國中驚走。多彌走死。餘衆立真珠兄子咄摩支。表請居鬱督。

軍山之北。勅勒九姓。會長問其來。皆懼請勿聽。朝議亦恐其爲積北患也。遣世勣行視圖之。世勣至鬱督軍山。咄摩支降。遣宗前渡磧。薛延陀拒戰。遣宗奮擊大破之。遣使招諭勅勒諸部。回紇等十一姓各遣使歸命。而薛延陀平師還。帝大喜。告廟飲至。賦詩曰。雪耻酬百王。除凶報千古。勒石於靈州。其後突厥分散。調露中。阿史德溫傳職二部反。定襄大總管裴行儉討平之。已默啜盛強。武后冊爲立功報國可汗。遣武承嗣子延秀納其女爲妻。今歸河曲六州降人默啜。熬馬不聽。合白可汗女當嫁天子兒。武姓子何爲不予。

昏入趙定坑男女八萬人其勝兵與頡利時畧等開
元初遣子同俄特勒逼北庭北庭都護郭虔瓘固守
待之同俄特勒前致師虔瓘伏銳士突出斬之降其
軍後默啜老昏暴部落怨畔爲曳固殘衆所殺傳會
京師迨天寶益微而回紇盡有其地

西突厥烏孫故地也東即突厥西雷素海南疏勒北
瀚海直京師七千里繇焉耆西北七日行得南庭又
北八日行得北庭其風俗大抵類突厥武德初內屬
而統葉護可汗霸西域天子厚結約與并力討東突
厥可汗來請昏許之會其國亂不果昏自是數更可
汗以其國疆弱爲叛服不常貞觀末賀魯與執舍地
處木昆婆鼻三種者舉所部數千帳內屬帝優撫之
以爲瑤池都督處其部延州莫賀城帝崩賀魯聽其
子啞運計西取咄咄陸可汗故地建牙於千泉自號沙
鉢羅可汗遂統咄咄陸五啜弩矢畢五俟斤至勝兵數

十萬寇廷州，敗數縣而去。時處月朱邪孤注者，據牢山，與賀魯結爲寇，詔左武衛大將軍梁建方、右驍衛大將軍契苾何力爲弓月道行軍總管，發府兵三萬，合回紇五萬擊之。有駱弘義者，獻計言：「本爲叛者賀魯，請寬處月等，專誅賀魯，除禍本。」天子以爲然，詔弘義佐建方等經畧，而建方等獨擊斬處月朱邪以來，不如弘義指効，迨逼於此，罷瑤池都督府，卽處月置金滿州，遣左屯衛大將軍程知節爲葱山行軍大總管，率諸將討之。知節擊歌邏祿，斬千級，副將周智度擊處木昆，拔之，斬馘三萬。前軍將蘇定方擊賀魯，鷹娑州，斬首虜多。明年，罷定方，伊麗道行軍總管王文度害其功，謬謂知節曰：「賊雖走，軍死傷者衆，此爲決成敗一擲耳。」今當結方陳，納輜重，腹中外四向，布人馬被甲，賊來乃戰。此萬全策也。無輕脫，因矯稱別奉旨，以知節特勇輕敵，使王文度節度，遂收兵結陳。士終日跨馬被甲，馬瘦死，士疲無戰心。定方謂知節曰：「本來擊賊，今結陣自固，怯懦如此，何功可立？」上命公爲大將，關外之事，不以寄別遣軍副專號令，理必不然。蓋因王文度表請之，知節不能從，比引歸，至恒鶩戍，有胡降，文度掩殺之，取其資，定方曰：「此自作賊耳。」

何名伐我分財一無所取事聞知酋等下吏當少貸
除名明年擢定方伊麗道行軍大總管率燕然瀚海
等軍阿史那彌射爲流沙道安撫大使分道出擊之
降其部萬餘帳進曳陁河西賀魯舉十姓兵十萬騎
來拒戰定方以萬人當之虜見兵少以鐵騎四圍之
定方令步卒據高原上攢槊外注自以騎陳原非賀
魯三犯原上軍不動定方因其亂縱擊之虜大潰鏖
戰三十里斬三萬人明日五弩失軍皆降五咄陸趨
南道降會大雪平地深二尺軍候請少休候雪霽行
定方曰虜恃雪深謂我不能師必自寬亟追之可虜
也緩失之矣乃兼行至其牙帳縱擊大破之賀魯走
石國獲之於是定方休士歸諸部修亭障刈蹊遂掩
骸骨問土族苦畫疆場凡所爲沙鉢羅所掠者悉給
還之十姓安堵如故而唐州縣至是極西海矣置崑
陵濛池二都護府以彌射爲興昔亡可汗領五咄陸
諸部步真爲繼往絕可汗押五弩失畢諸部而還賀
魯旣就執太息曰我亡虜也先帝厚我我則背之今
天降怒罰尚問道願就死昭陵執而獻昭陵赦不誅
分西突厥地定方進左
騎騎大將軍封祁國公

回紇其先亦匈奴種也。其地在突厥西南大磧之西北。

俗好高車。元魏時號高車部。部落十有五種。突厥資其財力。雄北荒。已處羅可汗攻脅鐵勒部。責其財。既又恐其怨。則集其渠豪數百。悉坑之。回紇乃與同羅披野古諸部叛去。姓藥羅葛氏。居婆陵。已稱回紇。

唐既滅突厥。其酋胡祿俟利發吐迷南攻薛延陀。破之。踰賀蘭山。屬之河。遣使者獻見。太宗爲幸靈州。次涇陽。受其功。於是鐵勒十一部皆來言願歸命天子。置唐官。有詔張飲高會。引見其渠長。命之。

唐官以回紇等部爲瀚海等六府。畢闐密寺七州皆

以其酋領都督刺史。即故單于臺。置燕然都護府。

輟廷臣李素立爲都護統之。於是四夷君長畢詣

闕。頌其上天子尊號爲天可汗。天子厚寵遇答其

意。帝輟御服。縫黃瑞錦文袍寶刀珍器以爲賜物。坐秘殿陳
十部樂饗之。殿前設高牀。置朱提觥其上。以象浮酒。自

左閣通牀趾注之。觥轉受百斛。回紇數千人以飲畢。尚不能
以半。覽示中國富厚焉。素立者以執法見擢爲侍御史。居

清要者也。素立至。撫以恩信。夷落懷附。以
馬牛爲獻。素立獨取杯酒餘一無所受。其後突厥默啜

旣破敗。而回紇骨咄祿伽闕可汗盡有古匈奴之

地。天子拜爲懷仁可汗。寵焉。安祿山反。據兩都。天

子軍靈武。中獨倚朔方軍而勢孤。大患之。會回紇

遣使來請助師。則大喜。詔敦煌郡王承宗。詣回紇。與結約。而令僕固懷恩爲副。致其兵。香積之戰。陳禮上賊。伏騎於師左。戰交而伏發。懷恩麾回紇鐵騎。馳蹴之。出賊背。與鎮西北庭軍會。賊以大敗。復西京。新店之戰。唐師與賊戰而卻。回紇踰西嶺。走賊背。於黃埃中。發十餘矢斃賊。賊驚顧曰。回紇至矣。遂大潰。因遂復東京。方致師時。帝急收兩京。與虜約。克京日。土地歸唐。子女金帛歸回紇。復長安。而回紇欲大縱。廣平王念肆掠且失衆。而約不可負。則下馬拜葉護馬前曰。今始得西京。而肆掠。將

東京之人皆爲賊固守不可復冀矣。是委大賜於草莽也。願至東京。乃如約。葉護躍下馬答拜曰。當爲殿下徑往收東京。時華夷士庶見者皆太息泣下曰。廣平王眞華夷主也。及克東京。三日掠人洶洶而虜猶未厭。廣平王患之。未有以處也。於是父老相率致繒錦萬匹以爲賂。師乃戢。嗚呼。國不競而外結戎狄以求援。使諸胡縱剽。與大盜無異。雖有功豈足慕哉。乾元

元年。回紇使請昏。帝以幼女寧國公主嫁之。加冊磨娑。啜爲英武威遠毗伽可汗。詔漢中郡王瑒攝御史大人爲冊命使。宗子右司郎巽兼御史中丞爲禮會使。上自餞公主於咸陽。慰勉之。主泣曰。國家多難。死

不畏。瑒至虜。而可汗胡帽赭袍坐帳中。引瑒立帳外。瑒立不拜。問之曰。往中國與夷狄昏。盡宗室子。今天子

念可汗有功寧國乃愛女有德容賢行今萬里來降
可汗天子婚當禮見使者安得倨坐受詔耶可汗乃
起拜奉詔受冊尊王為可敦賜還獻馬五百疋貂裘
白氍毹而使王子背嚙臂勒率三十騎來助師無何可
汗死國人請公主殉公主曰中國人婚死朝夕臨哭
期三年禮也回紇萬里結婚本慕中國禮義吾不可
以殉乃止然亦羣面哭從其俗而以無子得還時葉
護太子既前死次子止烏半利可汗其妻僕固懷恩女
也為可敦明年使大臣入朝問公主起居代宗初史朝義反陷東都遣中
人劉清潭往回紇固好且藉師因遂誅朝義收東都
時回紇已為朝義所誅日唐祚有喪國無主亂可取
也清潭至可汗曰人言唐已亡今安所得使耶清潭
曰先帝雖棄天下廣平王即天子位仁聖英武故與
葉護收兩京破安慶緒者也此可汗所知且唐歲給
回紇絁絹結婚何可負而直以倨驕為也時回紇已
舉兵度三城南矣見州縣裒聚烽障無守禦有輕唐
之色清潭密以聞上大驚遣殿中監葉子昂迎勞且
覲師過於太原子昂密獻其助兵數四千餘馬四萬

與可嘉儀來帝乃令懷恩往見可汗為言唐恩不
負可汗悅乃遣使上書請助戰欲入蒲關徑涉苑而東
子昂恐為擾說之口自寇亂來州縣殘破徑涉苑將供
億無所具為可汗羞今賊在東京若入并陘取邢洛衛
懷收賊財帑鼓而南此上策也回紇憚不聽子昂曰然
則趨懷太行據河陽扼賊喉衿可乎又不聽曰食太原
舍粟右次陝與澤潞河南懷鄭兵合則何如許之於是
天子制以雍王适為天下兵馬元帥會師矣以藥子昂
魏琚為左右廂兵馬使韋少華李進為行軍司馬會可
汗陝州並王往見責王舞蹈回紇曰可汗唐天子弟於王叔
也何謂不舞蹈子昂固拒之曰元帥君貳也不可舞蹈
見外國回紇怒引子昂及少華琚榜之百少華琚一於
久死王還營六軍大譴欲起擊回紇王固止乃已

於是天子冊可汗英議建功毗伽可汗可敦曰光親麗華
毗伽可敦即其牙命之可敦僕固懷恩女也已懷恩以
疑阻反誘回紇吐蕃再入寇賴汾陽王郭子儀方平兩

京時忠信孚於貊狄。出見虜而定語。具帝紀中。嗚呼。與夷狄同功乎。親之則責償已多。嫌不滿其意。則增怨而作禍。以德則頑。以法則忿。而往來頻數。熟諳我險易。饒耗之數也。於爲患豈有量哉。譬之啖野葛。以療饑。饑不及療。而身已斃矣。德宗時吐蕃悖驚。數犯邊。相李泌欲結回紇。大食。雲南諸國共圖之。以帝嘗不禮於回紇。中恨深。恐聞之不悅。不敢言。會吐蕃入寇邊。邊將告乏馬。泌乃言曰。臣有愚策。可使馬十倍於今。帝亟問之。對曰。願陛下許臣推至公之心。屈已徇人。爲社稷計。卽臣乃敢言。帝曰。何謂也。泌曰。臣願陛下北和回紇。南通雲南。

西結大食天竺。如此則吐蕃自困。馬亦賤矣。帝曰。三國當如卿言。惟回紇不能。泌曰。臣竊伏意陛下必且然是。以不敢有言。然今日之計。回紇爲先。三國差緩。且陛下所爲不可者。豈非以韋少華陝州之耻故耶。曰然。泌曰。害少華者。乃牟羽可汗。後入寇。爲今可汗所殺。然則今可汗乃有功於陛下。而又何怨焉。爲反覆陳論者久之。帝終不可。曰。朕不憚屈已。但少華輩以朕故辱死。朕何忍負之。泌曰。以臣觀往事。乃少華輩負陛下。非陛下負之也。帝愕然問故。對曰。昔葉護將兵助順。肅宗止令羣臣宴勞。亦不許至其大營。及大軍將發。先帝始與之相。

見蓋戎狄豺狼。不得不過爲之防也。陛下在陝。富於春秋。少華輩不能深慮。顧以萬乘元子。徑造其營。又不先與議相見之儀。使得肆其桀驁。非負而何。且香積之捷。葉護欲掠長安。先帝親拜於馬前以止之。天下歸心。則所屈者小。所伸者大也。况牟羽身爲可汗。舉國赴難。陛下天資神武。義不爲屈。當是之時。臣不敢言其他。但令留陛下於營中。爲十日之飲。天下豈得不寒心哉。以二事觀之。則屈已爲是乎。不屈已爲是乎。帝意少解。謂李晟馬燧曰。朕素怨回紇。聞泌言。覺失乃在朕卿等謂何。皆對曰。誠如聖諭。泌曰。臣以爲回紇不足怨。吐蕃幸國。

之災陷河隴數千里之地。又人京城使先帝蒙塵於陝。則百代之所必報也。爲可怨耳。帝曰。朕與回紇爲怨已久。今吐蕃劫盟。一旦往與之和。得無爲所笑乎。卿何以待之。對曰。臣曩在彭原。今可汗爲胡祿都督。與今相國皆從葉護以來。於臣幸親。聞臣相而唱和。豈有拒哉。臣請與之約。今稱臣奉使。使不過二百人。市馬。馬不過千匹。無得携中國人及商胡出塞。五者能如約。上乃許和親。如此。則威加北荒。旁讐吐蕃。足以快陛下平昔之心矣。帝悅從之。而回紇果表請聽命。穆宗時。請昏。以太和公主女之。歷敬文武。而回紇益衰。爲黠戛斯所破。

黠戛斯古

昆堅國也

可汗分盟沒斯等款天德塞自歸天德軍使田牟

疏請兵驅逐以徼功下廷議議者皆以爲可擊相德裕

曰不可臣聞窮鳥入懷人且憐而活之况回紇於國家

有大功爲鄰國所破遠依塞未嘗犯也奈何擊之宜遣

使鎮撫賜糧食此漢宣帝之所以服呼韓也願詔河東

振武嚴警備毋邀功德裕因言回紇破亾太和公主今

未在所在宜遣使訪問不則異時戎狄必且謂國家降

主虜廷直如唾核非所愛旣負公主又傷虜人心請遣

使詣盟沒斯訪問今傳相勞存時公主在烏介可汗軍

中挾爲質南渡磧矣遣

使上表會公主

爲可汗求冊命而烏介

表言願借振武一城以自居帝遣使慰問賑米二萬斛
賜書言土地本先世所遺朕不得擅棄可汗自有國宜
帥所部還舊疆漂寓塞垣非計也借城事古未有其比
脫求應援亦須於漠南駐止朕當遣公主入覲問事端
乃遣已而烏介擁衆寇天德掠雲朔表求糧食牛羊且
請執送噶沒斯等詔報糧食聽於振武軍糴粟三千石
牛耕稼之資中國所爲禁屠宰者也羊出北邊雜虜中
國故未有科噶沒斯自本國初破時投塞於可汗無君
臣之分非叛臣比且中國業受其降矣勵信棄之人將
謂何前且可汗以猜忌無親致內外離叛今可汗失地遠

客宜深矯前弊。毋復骨肉內相殘也。已而烏介復犯塞。於是帝賜書責之曰。曩可汗來投撫。納備至矣。今復侵掠雲朔。鈔虜羌渾。中外將相咸請討。朕未欲幸災。故以文諭可汗。宜速自改。毋縱。又爲節使劉沔答回紇相書曰。可汗遠來依國。當效呼韓邪遣子入侍。身自入朝。而睥睨邊城。桀驁自若。此非所以求援繼好也。所云胡性易動難安。毋令忿怒。不其可制。今可汗爲黠戛斯所破。遺骸榛莽。莫之收省。此忿毒之心所宜施也。今不能施之彼。而蔑棄恩義。思逞志於此。郅支夷滅。用此道矣。且爲書賜公主曰。先朝割愛降婚。成寧家國。今可汗所爲。

苦不道姑爲國母足得指揮若不票承是絕好也繼自
今不得以姑爲解於是河東將石雄擊回彼胡山大
破之得公主迎以歸而回紇終不振以亡是役也帝任
相專而李衛公明事情與權卒能以文告代鈇鉞恩威
時措北荒底定遺虜臣附則廟筭勝也時劉沔以河東

使屯雲州謂其將石雄曰虜離散本易驅除國家爲公
主故柔之念不欲急攻今其氣悖甚若稟朝旨行恐依
違我悍邊能爲國除患專之可也汝選驍健出不意趨
虜帳乘之彼必棄公主亡竄即不捷吾繼進無患也時
虜帳還振武賊而軍雄潛師疾入振武登堞以望師見
氍毹車數十從者衣朱碧類華人今謀訊之曰公主帳也
雄使謀喻其人曰中國公主家也今來擊烏介耳但駐
車勿動謹奉迎乃大索城內牛馬雜畜及大鼓夜穴城
爲十餘門遲明立旗帳列炬火城上於諸門縱牛畜突
出土鼓譟從之直抵烏介帳烏介駭莫測跳身遁雄追

至殺胡山急擊之斬首萬級生擒數千牟馬車帳皆委
去雄奉公主還至京師詔宰相師百官迎謁公主詣光
順門去盛服脫簪珥謝和親無狀帝遣中使慰勞然後
退入宮河簡較司空雄加簡較左散騎常侍兼御史大
夫天德防禦等使唐西域吐蕃土谷渾爲大國焉耆
直京師西七千里而遙東高昌西龜茲南尉犁北烏孫
皆役屬於突厥又西爲吐蕃又西爲天竺國吐谷渾
居其松山之陽洮水中西南抵白蘭地數千里有城郭
不居也隨水草爲帳室東有青海周八九百里中有山
須臾合游牝馬其上明年生駒號龍種西北有流沙數
百里夏有熱風傷行人風將發老駝引項長鳴埋其鼻
沙中人候之以氈蔽鼻口乃不病高祖時李軌據涼州
帝乃約其王慕容伏允和今擊軌自效而歸其質子在
中國者太宗時伏允遣使者入朝未還即寇鄯州帝遣
使讓且召之伏允以疾爲解而爲子求壻覘帝意帝召
子親迎亦稱疾有詔止婚是時伏允耄不治事其相天
柱王用事拘行人貞觀九年詔李靖爲西海道行軍大
總管任城王道宗率突厥契苾兵擊之道宗破伏允于
庫山俘斬四百伏允亡入磧曉野草疲唐兵故靖馬多
幾道宗曰柏海近河源古未有至者伏允西走未知所

有方馬肅糧之難自還不如拔軍營州須馬出圍之
君集曰不然虜今破亡軍無斥候君臣相失疾乘之
可得志也柏海雖遠何患焉李靖曰善分二軍靖與
張亮薛萬均以一軍趣其出其右君集追宗以一軍
走西出其左靖將薩孤吳仁以輕騎戰曼都山斬名
王獲五百級諸將戰牛心堆戰赤水源獲將氣咸奮
伏允欲走于闐萬均督銳騎追亡數百里又破之士
乏水刺馬飲其血盛夏降霜士棄冰馬軼雪達柏海
上左右軍會于大非川而谷順自爲質子歸失位欲
以功自結天子乃斬天柱降伏允遁磧中窮自經死
國人立順而稱臣內附焉○馬耆王龍突騎支貞觀
中使來朝與高昌爲怨侯君集討高昌來助師已西
突厥屈利啜爲弟娶突騎支女相結約爲輔車不朝
貢安西都護郭孝恪請討會王弟栗婆準等三人降
帝命孝恪爲西州道總管出銀山道以栗婆準等爲
鄉導擊之焉耆城郭周三十里四面大山海水環焉
恃固不爲虞孝恪倍道絕水進夜傳堞達曙謀而登
唐兵縱國人擾敗執突騎支以來以栗婆準攝國屈
利啜以其兵來救則孝恪旋師三日矣屈利啜怒囚
栗婆準更立王以告帝曰焉耆我所下爾乃擅廢立

之耶立粟婆準而從兄薛婆阿那支自爲王執粟婆準獻龜茲殺之。○龜茲東距京師亦七千里而羸橫千里縱六百里高祖時來貢貞觀四年獻馬後臣事西突厥已帝怒其佐焉耆殺粟婆準也議討之是夜月蝕昴帝日月陰精主刑昴星胡也以阿史那社爾爲崑丘道行軍大總管契苾何力副之發鐵勒十三部兵十萬討之阿史那社爾突厥處羅可汗子也契苾何力爲鐵勒部酋皆事唐忠力帝以其習狄事用狄攻狄而焉耆所立阿那支者壁龜茲東與龜茲犄角王師社爾分軍爲五道擊擒之數其罪斬以徇龜茲大恐社爾進次石磧去王城三百里而軍先遣伊州刺史韓威以千騎至多褐崑崙之與其王訶黎希失畢遇合戰威僞北王見威兵少易與也麾而進威還與大軍合還復戰大破之追奔八十里圍王城王引突騎西走城遂拔社爾令郭孝恪居守王城而自以精騎躡執之其相那利跳身遁以西突厥并國人並襲王城孝恪及其子戰死倉部郎中崔義起募兵戰城中右驍衛將軍曹繼叔助擊再破之獲那利當是時西域震恐長史薛萬備言於社爾請得假輕騎羈于闐王以來至于闐于闐王伏閣信隨使者以朝是

後也。和爾破大城五。小城七十。百餘。乃。立。希。大畢東爲龜茲王。置焉耆都
婆伽利爲焉耆王。立希。大畢東爲龜茲王。置焉耆都
督府。勒石紀功。而還。帝。受。俘。紫微殿。其國王相而下
拜。衛。郎。將。有。差。○。高。昌。直。京。師。七。千。里。而。遙。橫。八。百
里。縱。五。百。里。都。交。河。城。漢。車。師。前。王。廷。也。勝。兵。萬。人。
土。沃。麥。禾。皆。再。熟。武。德。初。高。昌。王。麴。文。泰。立。來。告。世。
貞。觀。中。來。朝。禮。遇。甚。厚。賜。國。姓。封。其。妻。隋。宇。文。氏。女。
爲。常。樂。公。主。西。域。諸。國。聞。之。皆。請。遣。使。從。獻。見。魏。徵。
諫。曰。異。時。文。泰。入。朝。所。過。供。頓。不。能。具。今。附。之。以。諸
國。則。瀕。塞。州。縣。以。乏。供。張。致。譴。者。必。多。彼。以。商。賈。來。
則。邊。人。交。利。若。賓。客。之。則。中。國。蕭。然。耗。矣。光。武。所。謂。
不。以。蠻。夷。靡。敝。中。國。也。事。乃。止。久。之。文。泰。顧。驚。縱。過。
絕。西。域。朝。貢。及。拘。留。中。國。人。與。西。突。厥。共。擊。破。焉。耆。
焉。耆。訴。之。朝。遣。使。問。狀。文。泰。自。以。去。唐。遠。中。國。師。不
能。至。反。啓。曰。鷹。飛。于。天。雉。伏。于。蒿。猶。遊。于。堂。鼠。噉。于
穴。何。渠。不。能。自。生。耶。薛。延。陀。請。爲。鄉。導。帝。猶。冀。文。泰
悔。過。復。下。璽。書。示。禍。福。徵。之。朝。不。至。遣。侯。君。集。爲。交
河。大。總。管。薛。萬。均。副。將。兵。擊。之。文。泰。謂。國。人。曰。我。至
唐。唐。去。我。七。千。里。中。沙。磧。居。二。千。里。兵。多。則。糧。乏。我
國。無。水。草。寒。風。如。刀。熱。風。如。燒。唐。秦。隴。北。城。邑。蕭。條。

非隋比。今伐我，安能致大軍乎？及聞唐兵臨磧口，乃憂悸發疾，卒。將會葬，諸將請襲之。君集曰：「天子以高昌無禮，故討之。今襲人於墟墓之間，非問罪之師也。」既葬，鼓行進，詰朝攻之。午而克。于智盛出降，分兵畧地下二十二城。帝欲以爲州縣，魏徵諫曰：「文泰有罪，故誅之。今罪人已死，其子又服，宜存其社稷，撫其百姓，立其子君之，威德被遐荒矣。」若以爲州縣，當復遣兵戍守，數年一易，死者十三四，居賁行途，勞費不貲。十年之後，隴右必敝，而陛下終不得高昌撮粟尺帛，爲中國用。所謂散有用以事無用也。褚遂良亦以爲言。帝不聽，終以服四夷自喜。以其地爲西州，置安西都護府於交河，填之，謫死罪囚實焉。其後數爲西突厥所寇。帝始悔不用徵遂良之言。○天竺，漢身毒國也。或曰摩伽陀，曰婆羅門，去京師九千六百里，居葱嶺南，周廻三萬里，分東西南北中五天竺，皆城邑，居室，南天竺瀕海，北天竺距雪山，圓抱如壁。東天竺際海，與扶南林邑接。西天竺與剽賓波斯接。中天竺其都會也。有別城數百，皆置長，別國數十，皆置王。中天竺王姓乞利堅氏，亦曰利利世。有其國，不篡弑，土瘠，熟，晉歲可產人畜樂井。土也。皆竹，喻說以紙足摩踵。

爲敬家有奇樂倡伎爲蜩蟬於頂髻髮剪修卷見子
穿耳垂瑤蛇燭其骸取灰建浮圖不者委中野及河
無器紀有文字善步曆學書貝多葉以記事尚浮圖
法不殺生飲酒佛故迹在焉武德中王尸羅逸多好
兵象不弛鞍士不釋甲四天竺皆臣之會唐浮屠玄
奘至其國尸羅逸多召見玄奘爲言太宗神武平禍
亂四夷賓服狀王喜曰中國有聖人出焉遣使者來
獻帝命雲騎尉持節慰撫之尸羅逸多驚問國人自
古亦有摩訶震旦使者至吾國者乎震旦中國也皆
對曰無有乃出迎膜拜受詔書戴之頂復遣使者隨
入朝二十二年遣右衛率府長史王玄策使其國以
蔣師仁爲副未至尸羅逸多死國亂其臣阿羅那順
自立發兵拒玄策玄策時從騎纔數十戰不勝皆沒
時吐蕃以尚主親中國玄策挺身奔吐蕃西鄙檄召
鄰國兵吐蕃泥婆羅皆將騎卒以來玄策部分之攻
和羅城三日破之阿羅那順委國走合散兵復陣師
仁破擒之獲其妃王子萬二千人雜畜三萬降城邑
五百八十所獻俘告廟帝曰夫人耳眼玩聲色口鼻
耽臭味此敗德之原婆羅門不刼吾使者寧至俘虜
耶擢玄策朝散大夫高宗時五天竺皆來朝開元時

中天竺使三至北天竺一至吐蕃唐西羌也。羌

屬百五十種散處河湟江岷間發羌居析支水西而

強種曰吐蕃姓勃宰野氏俗謂強雄者曰贊丈夫曰

會故號君長曰贊普贊普妻曰末蒙其官大相曰論

旌副相曰論旌扈莽其地直長安西八千里勝兵數

十萬國多雷電風積雪盛夏如中國春時俗重兒右

巫事遭弑爲大神喜浮屠法國政事必桑門參決貴

少賤老死以累世戰沒爲甲門敗懦者垂狐尾於首

示辱不得列于人其君臣五六人貞觀八年始齋王

自爲友曰共命君死皆曰殺以殉

幣貢求尚主不許而怨旁擊吐谷渾攻党項白蘭寇松州

詔尚書侯君集爲行軍大總管出當彌迺將軍執失思力

出白蘭迺將軍牛進達出闊水道將軍劉蘭出洮河道討

之兵連歲不解其大臣諫不聽至自殺者八人於是弄贊

懼遣使者謝罪獻見回許之遣其相祿東贊來迎女

牙公主外孫段之國臣國中有一婦父用所賜不可棄也且贊普未得謁公主陪臣何敢先娶帝益贊之然欲撫以恩厚竟妻焉命江夏王道宗持節送公主于吐蕃弄睦親郊迎見使者執子婿禮

甚恭遣諸豪酋子弟來入學宗即位封弄贊駙馬都尉郡王賜餉蕃渥求微初

死遣使者弔祠無子立孫幼高宗時入殘羈縻十八州從不治事故祿東贊相其國

于闐陷龜茲疎䟽而唐所立安西四鎮並廢詔右威衛大

將軍薛仁貴總兵左衛將軍郭待封副之出邏娑道至大

非川待封違節度而敗吐蕃遂滅吐谷渾而盡有其地國

方萬里攻鄯廓河芳四川王師數敗已贊普死子器弩悉

弄立祿東贊之子欽陵復擅政武后時中國歲出兵伐吐

蕃副總管王孝傑者故戰大非川爲賊虜贊普見之垂泣

曰。貌類吾父。厚禮之。得歸。孝傑在吐蕃中。久悉其虛實。而武威軍總管從大將軍阿史那忠節。復四鎮。更置安西都護府於龜茲。以兵鎮守之。已吐蕃遣使者請和。詔通泉尉郭元振。以奉宸監丞往。使之。元振曰。曩東贊事朝廷和好。無窮。今猥自絕。歲擾邊。父通之子。絕之。孝乎。父事之子。叛之。忠乎。欽陵曰。然和固所願也。天子誠許和。罷二國戍兵。使十姓突厥四鎮。各建君長。俾其國自爲守。好成矣。元振曰。唐以十姓四鎮。撫西域。爲列國。道非有他也。且諸部爲唐編人久。奈何廢之。欽陵曰。使者豈意我規諸部爲唐邊患耶。我若貪土地財賦。青海湟川近。舍不爭。爭地萬里。

外耶獨以爲十姓。吐陸近安西於吐蕃遠侯斤距我。一積騎士騰突不易旬可至。以爲憂。而海黃河關源阻與多厲毒。唐必不能有故。我欲得之。非關諸部也。甘涼距積石道二千里。其廣不數百里。狹纔百里。我若出張掖玉門。使大國春不耕。秋不穫。不五六年可折而入於我。今釋不爲。亦可以無虞於我矣。元振持不可。則遣使固求罷四鎮兵。求十姓地以爲分。四鎮者安西都護所護。故龜茲于闐焉耆疎勒四國也。十姓。朮西突厥分其地。爲十部。而名。朝議欲與之。奉宸監丞郭元振適使還。爭以爲不可。上封事曰。國家所患。惟吐蕃與吐噉。而今皆和附。此中國之利也。然圖之不審。或覆以爲吉。今欽陵欲裂十姓。

之地解四鎮之兵。此安危動靜之幾。不可不重慎也。若直
過其意。恐邊患必甚於前。宜以計緩之。使其和望未絕。而
惡不得作。夫患在外者。十姓四鎮是也。患在內者。甘涼瓜
肅是也。關隴屯戍三十年于今矣。力用困竭。脫甘涼有一
日之警。豈復堪廣調發耶。善爲國者。料內以敵外。不貪外
以害內。而後國可安。夫四鎮十姓之地。吐蕃之所甚欲也。
青海與吐谷渾密邇。蘭鄯亦吐蕃之要地也。今宜報欽陵
曰。四鎮十姓之地。本無用於中國。特以其爲諸蕃之所走
集。欲因之以填撫。西蕃今城無東侵之志。當以吐谷渾諸
部青海故地歸我。則侯斤部落亦當以歸吐蕃。如此則足

以杜欽陵之口而和議固未絕也。若欽陵稍又乖違，則曲在彼矣。且四鎮久附，其倚唐之心豈與吐蕃等。今未知利害情實而分裂之，恐大傷諸國之心，非所以御四夷也。詔從其計。後數年，吐蕃君臣相猜，而欽陵卒受誅。弟贊婆等乞降，會西突厥烏質勒卒，子娑葛立為可汗。其故將厥啜忠節不服，與為怨相攻。元振奏請追忠節入宿衛。忠節請留，徙部落瓜沙間，以招附十姓。詔許之。忠節行至播仙城，遇經畧使周以悌，教令賂時相宗楚客，紀處訥，請自留毋行。求阿史那獻為可汗，以招附十姓。又請郭虔瓘使拔汗那，蒐其鎧馬以助軍。忠節大然之，遣人賚黃金賂二人者，如以悌計。元振時為并涼督，復䟽爭曰：「國家往

不與吐蕃十姓四鎮地。而虜不擾邊者。以其國大亂。嫡庶競立。將相爭權相屠。士畜疫癘而然。非忘之也。今旣稍定矣。忠節又欲假之爲鄉導。以規功。誠令吐蕃得志。忠節亦且在其掌股中。豈復得壹意於我哉。臣恐四鎮將自此危矣。往吐蕃於國初無恩力。猶欲爭十姓四鎮。若實効力。而請于闐。疏勒以爲分。欲何道以抑之。脫其國諸方嫌阻。求我助討。欲何辭以拒之。是以古人不願藉夷狄之力。非其不欲。懼後求無厭。益爲國生事也。臣愚以爲用吐蕃之力。未見其便。且其請立阿史那獻者。非以爲可汗子孫。能招來十

姓乎往以四鎮他匄之亂請元慶爲可汗矣十姓未
附而碎葉幾危此無他雖可汗子孫才不能以撫馭
亦不足與有立故也則冊可汗子孫其效固已試矣
又郭虔瓘往嘗與忠節擅入其地矣臣時在疏勒未
聞其得一甲一馬之用而拔汗那挾忿南侵導吐蕃
以擾四鎮且其時國方孤危虔瓘入之如履虛邑而
猶起釁召禍者如此况今北有娑葛與爲援于外拔
汗那倚堅城抗之于內豈復能如往年之安且易哉
疏奏不省而娑葛果發西域五千騎掩擊闕啜忠節
於計舒河禽之中國護使俱遇害而四鎮路絕
中宗時吐

蕃使復納貢請昏帝以雍王守禮女爲金城公主往
妻之詔左衛將軍楊矩持節往送而吐蕃賂矩請河
西九曲地爲公主湯沐以窺邊九曲其水薦草宜畜
牧又近與唐接失九曲而虜益張開元初請尋盟丐
散騎常侍解琬來泄盟未及盟而虜將兵十萬寇臨洮
入攻蘭渭掠監馬矩悔懼自殺已公主上書求修好
甲約誓請文籍四種下廷議正字于休烈以爲不可
與侍中裴光庭曰吐蕃不知禮義負國恩今稽顙求
和許其降附則漸以詩書陶一聲教其會也休烈
但見情偽變詐於是乎生不知忠信節義亦於是乎
在與之庸何傷乎詔秘書寫賜其後天子以中國廣
大欲觀兵以勅律措攻吐蕃賜諸將書言敢有掩戰
功不賞者士自陳將若吏皆斬戰有逗留舉隊論如
法能破國禽王者授大將軍於是諸將士競奮吐
蕃懼令曩骨委書塞下言甥先帝舅外孫也奉中國
誠謹曩年幼任爲邊將所讒亂如蒙澄亮萬死不敢
尤負約邊將以聞上曰往贊普上書辭悖甚必賊之
毋議和皇甫湜明曰往書時贊普方幼小寧敢索
書辭所爲時者必邊將倖功生事之人所爲激上怒
耳夫二國分志必與師師與則意盜財物詐功級希

賞足爲利。今河西蘭右民。實力耕。竭矣。幸許贊普和。以紓邊。帝悟。乃敕惟明及中人張元方。使許贊普和。後安祿山反。中國內鬩。吐蕃得以其間。陷四鎮。約和。

陷河湟。南至干隴。西已破涇邠。犯奉天。天子爲幸陝。虜遂入京師。賴汾陽王而定。語具郭謨中。德宗時。西平王晟鎮隴石。悉家財。構降附。以傾之。會入寇。晟欲得尚結贊。選勝兵三千。遣裨將王泌伏汧陽旁。誠之曰。吐蕃軍過。勿急擊。見五方旗。武豹衣。則贊普也。出不意。奮擊之。泌如戒。尚結贊果幾獲。以我師前不識也。跳身遁。而我師襲沙河堡。拔之。故虜恨西平王特深。時北平王馬燧。次石州。跨河與諸將相倚角而屯。方攻朱

此時虜助師。侍中渾瑊實將其兵。因熟其勇智。於是尚結贊計以爲唐將。惟獨此三人。此三人者去唐可大破也。則陽好言卑禮。媾馬燧以爲和。燧信之。助爲言。獨晟持以爲不可。時天子內憚兵。而素恨回紇。欲與吐蕃_其結擊之。相延賞覘知帝指。而素與晟却。欲因以間晟。乃亟言和親善。晟獨幸國家有兵事取重。不可信也。於是上謂晟曰。朕以百姓之故。與吐蕃和決矣。大臣旣與虜有間。宐畱輔朕請自擇代者。於是冊拜晟太尉中書令。罷其兵。而尚結贊宣言必渾侍中來蒞盟。我所信也。乃詔以瑊爲會盟使。且行。晟戒令

嚴爲備。張延賞言上曰：歲不欲盟，好之成，故戒城以見疑端。疑端見，則彼亦疑我矣。盟何自成？上乃臨誠。城如延賞指，而城亦以嘗將其軍，有恩可信也。則奏言虜和可決。以辛未日受盟。延賞乃集百僚，以城奏稱詔示之曰：李太尉謂和好必不成。今盟有日矣。此渾侍中奏也。歲聞之泣曰：吾生長西陲，備諳虜情，所以論奏者，耻朝廷爲大戎所誣侮故耳。語聞上，乃命駱元光屯潘原，韓遊瓌屯洛口，以爲防。元光謂城曰：潘原距盟所且七十里，卽有急，豈復相及哉？請必與公俱。城止之不可，則聯次進，距盟所三十里而營。元

光壕壁深固。城壕柵可踰也。將盟。尚結贊請各遣遊騎數十更覘索。城許之。吐蕃伏精騎數萬於壇西。而遊騎中出入於唐軍無禁。唐騎入虜。乃悉爲所擒。不知也。迨入幕。易禮服。虜伐鼓者三。大譟而伏起。城大駭。跳身走幕後。出得他馬躍而上。伏鬣入其銜。馳十里。銜方及馬口。虜大縱追擊。唐將卒死者數百人。副使崔漢衡等畢就禽。城至營。營空。卒駭遁。乃奔元光所。元光嚴陳而待。虜乃退。是日上視朝。謂宰相曰。和戎息兵。社稷之福也。相柳渾曰。戎狄豺狼也。非信誓可結。今日之事。臣竊伏憂之。太尉晟曰。誠如渾言。上

變色直視曰。柳渾書生不知邊事。卿大臣亦爲是言耶。皆頓首謝。是夕韓遊環表言虜刦盟狀。上大驚。召渾謂曰。卿書生乃能料敵如此。欲趣出避兵。大臣諫而止。始吐蕃患晟。瑊。燧三人欲去之。旣訟言間西平。乃因馬燧以求和。欲執瑊以賣燧。旣失瑊。獨得燧兄子弁。乃縱之。陽言曰。渾瑊戰武功而勝。則我之繇也。許裂地償我而負之。吾作金枷。必得瑊械之。今脫去。吾時馬爲命。吾在河曲時。春草未生。吾馬羸。當是時。馬公脫度河。吾豈有種哉。賴公許和而全。今釋汝以報公。遣與宦官俱。文珍等還。文珍具以聞上。果大恨。

遂罷副元帥奪其軍。於是三人者皆廢。如尚結贊計。其後西川節度使董臯計以爲南詔附吐蕃。其盜塞。實蠻爲內基。得南詔而吐蕃右臂可從斷也。乃通西。南夷而吐蕃數困。於是虜料兵率三戶出一窺西。劍。欲收駕絕南詔通中國之路。而臯督諸將分道出西。山出平夷州。出隴陀石門。而蜀南詔最深入。多克獲。剽昆明維州。而吐蕃大創。文宗時。相德裕出鎮蜀。楊。國威飭邊備。示中國威信。而維州自歸。吐蕃震疊爲。柄臣所深媚而罷。時吐蕃維州將悉怛謀服德裕威。信請以城降。德裕亟引師赴之。定。維州而牛僧儒當國。詔切責令縛悉怛謀歸虜以示。信。德裕力爭之不能得。維以竟失。至武宗時。德裕既。

和國乃上言維州距成都四百里據高山絕川三
面阻江在戎虜平州之衝東北繇蠶叢而下二百
里乃無險走長川不二千里直吐蕃之牙巽時中
國戍之以制虜者也初河隴盡沒獨維州存吐蕃
潛以婦人嫁州門子者二十年生子男長大令夜
開壘納兵因爲所陷號無憂城從此得併力西邊
而無虞於南憑陵近甸旣食累朝貞元中韋臯欲
經畧河湟以此城爲始萬旅盡銳急攻而城堅完
訖數年不拔每以爲恨臣初鎮蜀揚國威緝邊備
州將熟臣信令空壁來歸臣始受其降南蠻震懾
山西八國皆願內屬吐蕃合水樓鷄等城以失險
遠迹可坐減八處鎮兵坐收千餘里舊地且維州
未降前一年吐蕃猶圍魯州不解向盟約之有臣
受降之初指天爲誓許爲奏聞各加酬賞當時不
與臣者望風疾臣詔臣執送悉怛謀等令彼自戮
臣寧忍以三百餘人之命棄信偷安累表陳論乞
垂矜捨答詔嚴切竟令執還體備三木輿於竹畚
及將就路冤叫嗚嗚將吏對臣無不隕涕其部送
者更爲吐蕃帥所譏誚云旣已降彼何爲送來復
以降人戮於境上恣行殘忍用固携貳至乃擲其

嬰孩承以捨禦。絕忠義之路。快仇讎之心。從古而還。所未嘗有。雖時更一紀。而運屬千年。乞追獎忠魂。各加褒贈。詔贈悉怛謀右衛將軍。初太宗平薛仁果。得隴上地。虜李軌得涼州。破吐谷渾。高昌徙安西。都護於龜茲。統千闐碎葉。疏勒號安西四鎮。玄宗繼收黃河積石。置神策軍於臨洮。西置燒河。那於積石。西置宛秀軍。實河曲地。極輪臺伊吾在所。皆屯田積粟。填之。乾元後。隴右劔南西山三州七關軍。鎮監牧皆淪沒。而杜岐公佑著論言。漢匈奴舉國之衆。不能當漢一大郡。故備邊乘障。而中國完安。今潼關之西。隴山之東。鄜坊之南。終南之北。十餘州之地。吐

蕃已生聚數十萬家矣。則夫復西集之饒，使農夫
趣利扼險，屯田蓄力，爲復河湟之畫計之急者也。
憲宗覽天下輿圖，見河湟舊封，赫然思經畧舊版
章之盛，未獲也。以爲遺憂，至宣宗之世，而吐蕃國
再世再亂，唐師出而河湟盡復。鳳翔節度使李

勣復清水，涇原節度使季康榮復原州，靈武節
度使李欽取安樂州，邠寧節度使張欽緒復蕭關，
鳳翔收秦州，山南西道節度使鄭涯得扶州。

河隴高年千餘人見闕下，天子爲御延喜樓，賜冠
帶，皆爭解辮髮，易冠服。因詔勞賜四道兵各有差。

詔三州七關地腴衍者聽墾。藝貸民五歲租。能田者爲給牛種。戍者倍齎。資商賈往來邊者。關鎮毋拘留。兵欲墾田者與民同。群臣請上尊號。帝推本憲宗鴻烈。下群臣議。上順憲二廟謚號焉。

高麗本扶餘別種也。東南薄海。距新羅百濟。西北跨遼水。接營州。北濟靺鞨國於平壤。平壤漢樂浪郡也。隋煬時大興師伐之。不克而難作。武德初入。獻見貞觀中。來賀即位。詔廣州司馬長孫師往臨。瘞隋戰士。毀高麗所立者。京觀遣職方郎中陳大德使高麗。大德欲知山川風俗。入其境以綾綺遺其

守吏縱觀遊。中國人隋末沒高麗者爭前就問親戚存沒。大德勞苦之。涕泣相告。徧郊野以盡得。其川形勝阨塞。歸具以聞。帝曰。高麗獨四郡地。欲發卒數萬取之。不難。但山東彫瘵未復。不欲勞之。自是有平遼海之意矣。已蓋蘇文弑其王建武立王藏。而自爲莫支離。莫支離者。華言中書令也。實柄國。且主兵。太宗謂廷臣曰。蓋蘇文弑君攘國。朕力能致討。然無爲勞人爲矣。房玄齡曰。幸甚。天下全盛士馬力有餘。而能戢不用。此所謂止戈爲武。武之大者也。長孫無忌曰。蓋蘇文知罪大畏討。備必嚴。

陛下爲之遲回隱覆。彼自寬。儻更驕縱。討未晚也。
帝曰善。於是遣使持節。冊藏爲遼東郡王。然是時。
天下平。兵不用。而天子故善用兵。頗自喜。會高麗
伐新羅。新羅遣使請歸命天子。天子爲下璽書。讓
高麗。而蓋蘇文悖。不寢兵。於是詔親征。帝召長安
耆老面見。勞之曰。遼東故中國地。而蓋蘇文賊弑
其主。不道。朕將親討之。今與父老約。子若孫從我
行者。我能拊循之。無多憂。出布粟賜焉。群臣皆勸。
帝母親行。帝曰。吾知之。去本而逐末。捨高而圖下。
釋近而謀遠。三者不祥。伐高麗是已。顧其國苦塗。

炭之日久。不可以不救。於是以張亮爲平壤道行營大總管。常何左難當副之。募江吳京洛兵四萬。浮海趨平壤。以李勣爲遼東道行營大總管。江夏黃道宗副之。帥騎士六萬趨遼東。又發奚契丹新羅百濟諸君長兵悉會。詔所過營頓毋增飾。上食毋豐怪。水可涉者毋橋梁。行在非近州縣。不得令學生耆老迎謁。朕昔提戈撥亂。無盈月之儲。猶所嚮風靡。今幸家給人足。恐勞於轉饟。故驅牛羊以食軍。毋勤民。十九年。次定州。帝親坐城門以度兵。人人慰薦。疾病者親視之。勅在所州縣治療。而子天身屬橐房兩韃於鞍。示先

勞。四月濟遼水。大饗士。張幽州之南。詔長孫無忌。誓師。引而東。世勣軍柳城。揚言出懷遠鎮。而潛師趣甬道。出玄菟。拔蓋牟城。以其城爲蓋州。進圍遼東。渡遼水上。令士卒浮槎以濟。旣渡而徹之。曰。無所往矣。當畢力取此矣。薄馬首山而營。遂克遼東。以其地爲遼州。進降白巖城。高麗北部薩延壽帥兵十五萬來援。或謂之曰。吾聞中國大亂。英雄並奮。秦王內芟羣雄。外誅戎狄。立爲帝。此命世之才。今舉中國之衆自來。殆不可敵也。莫若頓兵不戰。曠日持久。分遣兵斷其運道。糧食旣盡。求戰不得。欲歸無路。乃可冀也。延壽

不從。引軍距安市里而屯。帝曰：虜墮吾策中矣。猶恐其不至。命左衛大將軍阿史那社爾以突厥千騎嘗之。兵始交而北。延壽喜曰：易與耳。進一舍。芑山麓而陳。軍亘四十里。命世勣將步騎萬五千。陳西嶺以當賊。長孫無忌將精卒萬人。自山北出狹谷。掎之。帝自將步騎四千爲奇兵。挾鼓角。偃旗登北山。敕諸軍聞鼓角而縱。張幄朝堂曰：明日中納降虜於此矣。是夜流星墜延壽營。旦日虜視世勣軍殊少。卽前戰。久之無忌軍從後起。已鼓角作。旗舉。而諸軍四合。虜大潰。延壽勒餘衆負山自固。無忌世勣合圍之。徹州梁以

斷歸路。延壽等窮蹙。舉衆前乞降。滕行入轅門。泥首請命。帝笑曰。若固敢與天子戰乎。料其酋三千人。悉官之。高麗大駭。黃城銀城皆自拔遁去。帝更名所蹕山曰駐蹕山。勒石紀功焉。當是時。張亮亦已帥舟師渡海。拔卑沙城。破高麗兵。抵建安矣。帝謂李世勣曰。安市城險而兵精。建安兵弱。又糧寡。出不意攻之。建安下。則安市在吾腹中矣。此所謂城有所不攻也。對曰。建安在安市北。吾軍糧乃在遼東。今踰安市攻建安。而賊斷吾運道。將若何。高延壽請曰。烏骨城主耄矣。計不能堅守。請移兵臨之。烏骨破。餘小城望風潰。

矣。然後收其資鼓行而前。可必克也。群臣亦請召張亮會師。拔烏骨渡鴨綠水。取平壤。長孫無忌以爲天子親征。與諸將異誼。不當乘危向烏骨。恐建安新城之議。吾後也不如先安市。建安然後進。乃止攻。攻安市者。六旬不能下。而遼左早寒。草枯水凍。士馬難復。留振旅還安。市城主登陴再拜辭。帝嘉其固守。賜縑帛百匹。曰。以勵事君是役也。拔高麗城十。斬首四萬。而戰士死者纔千餘。馬死者什七八。然竟不能下遼。左帝惘惘以爲憾。至營州。亾士卒。帝臨哭甚哀。從臣皆流涕。慨然曰。魏玄成在者。吾無此行矣。遣使

祀魏文貞公徵復立所什碑。蓋其悔也。贖諸軍所虜高麗民萬四千口。令得相保聚。方帝在白巖時。與諸將行。凭高以觀師。江夏王道恭曰。高麗傾國拒王師。平壤之守必虛。願假臣精卒五千人。出不意薄之。覆其本根。此可不戰而降也。帝默不應。比還師。快快召大將軍靖。問之曰。吾以天下之衆。困於小夷。於法何失也。靖曰。此江夏所解。帝顧問道恭。道恭具陳前在白巖時乘虛語。帝憮然曰。有之時。匆匆方有思。因忽不圖。明年高麗遣使來謝罪。詔勿受。詔劔南大治。船築州儲糧械。三山浦越治大艦。以待事。會帝崩而罷。

後二年天子已平百濟欲親征蔚州刺史李君球言
高麗小醜何至傾中國事之有如高麗旣滅必發兵
以守少發兵不威多發人不安臣謂征之不如勿征
滅之不如勿滅也會武后苦邀畱而止命兵尚書任
雅相統三十六將軍擊之蘇定方破涇州圍平城契
苾何力乘兵合渡鴨綠水擊其軍大破之會別將壁
蛇水軍沒詔班師乾封初蓋蘇文死諸子交怨相攻
而國亂命李勣爲遼東大總管將諸軍伐之侍御史
賈至忠自遼東使還帝問克乎對曰必克帝曰先帝
及隋親征之而不克何也對曰煬帝東征而不克者

人心離故也。先帝東征而不全克者。高麗未有釁也。今虜兄弟鬩狠。爲我鄉導。虜之情僞。畢知之矣。又將武士力。故曰必克。且高麗秘記曰。不及九百年。當有八十大將滅之。王氏自漢有國。今九百年。而勤年適八十。虜方薦饑。地震裂。人相掠賣。狼狐入城。蚡穴於門。役不再舉。在此行也。己而高麗平。師還。詔獻王藏等于昭陵。具軍容奏凱。入獻太廟。帝受俘舍元殿。祀南郊告功。分高麗爲九都督府。四十二州。白縣。置安東都護府於平壤。統焉。垂拱中。封藏孫寶元。朝鮮王不之國。聖曆初。以藏子德武爲安東都督。遣行。因復

仁師仁願還仁軌陸骸骨籍戶口、理村聚、署官長、通
橋道、補堤塘、課耕桑、賑貧老、立唐社、稷頒正朔、及廟
諱於百城、百濟大悅、然後脩屯田、儲糧糗、訓士卒、以
圖高麗、仁願至京師、帝問之曰、卿武人所奏事、動合
機宜、何能如是、仁願曰、皆仁軌所爲也、帝悅、加仁軌
六階、遣使勞勉、西臺侍郎上官儀曰、仁軌遭黜削而
能盡忠、仁願秉節制而能推賢、皆可謂君子矣、明年
冬、仁軌上書言、戍兵疲羸、思西歸、臣問之曰、往百姓
應募、請自辦衣糧、何今昔頓異也、咸言今日官府與
曩異、曩沒王事者、敕使弔祭、追贈官、回授子弟、凡度
遼者、皆賜勲、一轉、自顯慶來、渡海者、官不記錄、死者
無誰、何州縣發兵壯而富者行錢得免、弱貧者被發
海東、苦戰時許以勲、賞後旋以法禁、追奪無以自存
又初發時、惟令齎一年裝、今垂二年、未有還期、士困
弊如此、自非有所更張、厚加慰勞、明賞重罰、以起士
心、恐立效無日、帝深納其言、遣劉仁願將兵渡海、戍
熊津、且徵仁軌還、仁軌言、舊兵當令收穫、辦具、乃後
還軍、將宜畱、未可歸也、仁願言、吾前自還海西、遭讒
謗云、謀據海東、幾及禍、君當準敕行、豈顧擅哉、仁軌
慨然曰、苟利於國、遑恤其私、乃上表陳便宜、請畱從

之以扶餘隆爲熊津都尉使招集其餘衆又明年乃還後高麗平天子以王歲爲朝鮮王遣歸遼東扶餘隆爲帶方王亦遣歸百濟移安東都護府於新城以統之藏至遼東謀叛召還徙邛州而死百濟舊城沒於新羅衆散隆亦不敢還故地而高氏扶餘氏遂亡南詔本哀牢夷後爲蠻別種也其君長曰詔其先有六詔蒙舍詔在諸部最南稱南詔云東距爨東南屬交趾西通大秦及摩伽陀西北與吐蕃接北接益州東北際黔巫王都牟直隸城別都曰善闡外有六節度曰弄棟曰永昌曰銀生曰劍川曰和東曰麗水有二都督曰會川通海局宗時入貢以破瓶蠻功册爲雲南王徙治太和當是時蜀歲以兵五百戍姚州地險瘴卒積死刺史張柬之疏曰臣按姚州古哀牢之舊國域土荒外山阻水深自生人來不與中國通而漢唐蒙開夜郎滇竿而哀牢不附至光武季年始稍內屬詔置永昌郡以統之而救其鹽布氊蜀之饒則奇珍異寶歲時之貢不闕諸葛亮五月渡瀘收其生入以益軍儲使張伯峻選其勁卒勇兵以增武備此言之則前代所爲直郡者以其爲利頗深也今六地鹽布之稅不供珍奇之貢不入戈戕之用不實

何國元和末遣使者獻見貢樂工云。

自濟扶餘別種也。直京師東六千里。而羸國濱海。西界越州。南界倭。北高麗。皆踰海。乃至其東新羅。新羅漢樂浪地。武德初。百濟王扶餘璋遣使來獻。後與高麗新羅數相侵。太宗賜璽書曰。新羅朕蕃臣。王鄰國也。聞數相侵暴。已詔高麗新羅申和。王宜思前怨與之更始。王璋奉表謝。然兵不爲止。扶餘璋死。子義慈與高麗連和。伐新羅。新羅告急。遣使齎詔書諭解之。聞天子討高麗未克也。不受命。高宗詔義慈曰。海東三國地大。牙比爭侵。無寧歲。新羅歸窮于朕。昔齊桓一諸侯。尚能有三。亡國况朕萬里主耶。王所兼城邑還新羅。不如詔者。任王決戰。無後悔。又不聽。乃命左衛大將軍蘇定方爲神丘道行軍大總管。率五將軍發新羅兵討之。自城山汎海。行百濟。守熊津。定方縱擊。大破之。王師乘潮進。趨真都城。一舍止。虜悉衆拒戰。復破之。義慈挾其太子產走北鄙。定方趨圍之。次子泰自立。率衆守真都。義慈孫文思曰。王太子固在。叔自王。若唐兵解。如我父子向與左右縋而出。民皆從。泰不能止。定方令士超堞上立唐幟。而泰降。百濟

平析其國置熊津馬韓東明金漣德安五都督府留
 郎將劉仁願守百濟王文度督熊津鎮之而還文度
 渡海卒百濟故將福信聚衆城周留城迎故王子豐
 立之圍仁願詔仁軌爲帶方州刺史將文度之衆發
 新羅兵救之仁軌請唐曆及廟諱以行曰吾欲掃平
 東夷頒大唐正朔於海表所向皆下會新羅以糧盡
 引還福信勢益張仁軌衆少會擊高麗軍不克還勅
 班師仁軌以爲如此則百濟餘燼與高麗逋寇通將
 盪平無時乃守便宜乘百濟怠無備擊破之拔真峴
 等數城請益兵詔熊津都督孫仁師將淄清萊海兵
 七千人赴之當是時百濟王豐猜福信專橫殺之遣
 使詣高麗倭乞師拒唐矣諸將以加林城水陸之衝
 請先攻仁軌曰不然周留虜巢穴也克周留即諸城
 自下先加林而不克者兵頓矣於是勒水陸並進擊
 周留遇倭兵自江口四戰破之百濟奪氣於是王
 豐及高麗王子忠勝等皆詣軍降惟任存城不下仁
 軌即使百濟人黑齒常之沙吒相如各將其衆取之
 仁師曰此屬獸心何可信仁軌曰吾觀二人皆忠勇
 有謀敦信重義宜及其感激願立效之時用之不可
 疑也給糧仗而遣遂拔任存城詔留仁軌鎮百濟召

於戎行寶貨之資不輸於大府而空竭帑藏驅率平人受役蠻夷肝腦塗地臣竊爲國家惜之漢以得利旣多歷博南山涉蘭蒼水更置博南哀牢二縣蜀人愁怨行者作歌曰歷博南越蘭津渡蘭蒼爲他人蓋譏漢貪珍奇鹽布之利而爲蠻夷所驅役也漢獲其利人且怨歌今減耗國儲費用日廣而使陛下之赤子身膏野草骸骨不歸老母幼子哀號望祭於千里之外於國家無絲髮之利在百姓受終身之酷臣竊爲國家痛之往諸葛亮破南中使其渠率自相統領不置漢官不畱戍兵人間其故亮言置官畱兵有三不易置官必夷漢雜居猜嫌必生畱兵運糧爲患滋重忽若反叛勞費更多但粗設綱紀期於平定足矣今姚府置官旣無安邊靜寇之心又無且縱且擒之技唯務詭謀恣情剝貧饕餮畧積以爲常折支諂笑取媚渠酋拜跪趨伏無復慙耻於爲中國辱不細自龍朔中置州以來長吏數爲羣蠻所殺朝廷遣將討擊應時破敗其州遂廢垂拱南置瀘南鎮七所遣蜀兵防守蜀以煩費迄于今不息臣竊以諸葛亮稱置官畱兵有三不易之言至是驗矣且國家設官分職本以化俗防姦而姚府總管五十七州巨猾遊客

無耻無厭敗謬至此今不問夷夏負罪並深道路劫殺不能禁止臣恐一朝驚擾爲禍轉大伏乞省罷姚州隸舊府使歲時朝覲同蕃國廢瀘南鎮於瀘北置關百姓自非奉使人蕃不許私交通增舊府兵擇清良宰牧統理之便開元末鮮于仲通領劍南節度使多忿少方畧雲南太守張虔陀多求丐而閤羅鳳反攻虔陀殺之明年仲通自將出戎嵩州久大敗閤羅鳳斂戰皆爲京觀遂北臣吐蕃而揭碑國門言我上世世奉中國累封賞以吏侮害至於此後子孫歸唐唐使者主可指碑澡被吾罪也會楊國忠以劍南節度當國乃調天下兵十萬使侍御史李宓將討之敗績太和城死者十八國忠匿不以聞亦會安祿山反閤羅鳳因得取嵩州會同軍之地德宗時劍南節度使韋臯開清溪道以通群蠻使人貢又選蠻子弟聚之成都教以書數羈縻之撫諸蠻有威惠異牟乃使使遺帛書願竭誠自新詔臯撫綏臯宣天子恩意與盟點蒼山載書四一藏神祠石室一沉西洱水一置祖廟一進天子乃發兵攻吐蕃大破之來獻俘册爲南詔王王請入質子臯辭請盡遣詣成都就學而歲出師助攻吐蕃自是奉職貢如初穆宗時西川節

度使杜元穎治無狀而南詔復盜邊大中時安南經
畧使李琢苛墨自私以斗鹽易一牛諸夷患不堪結
南詔攻陷都護府而南詔益慢然朝貢猶歲至宣宗
時遂僭大號稱大禮國攻播邕州命安南胡南經畧
使蔡襲發諸道兵二萬爲屯防而左度子蔡京經制
嶺南忌其功沮壞之南詔攻交趾襲請濟師不至力
竭死於是南詔陷交趾所殺虜十五萬詔授康
嶺南西道節度使發諸道兵五萬以行承訓至邕州
南詔入而玩不設備五道八千人皆沒懼不知所爲
副使李行素帥衆治濠柵南畢而蠻軍四合諸將請
夜分道斫蠻營承訓不許有天平小較力爭者數四
乃夜縋城散燒南詔營斬五百級蠻大驚解圍去承
訓騰書告捷加簡較右僕射子弟親昵皆奏功而燒
營小較不遷級軍中怨怒以高駢代之駢擊南詔數
有功而監軍李維周上書言駢玩軍不進帝怒詔王
晏權代將是時駢大破南詔圍交趾城且下矣會得
王晏權牒委軍去先是駢遣小較曾袞奏交趾之捷
至海中望見旌旗從東來謂之曰新經畧使與監軍
來也袞意維周必且奪其表乃潛匿海島間維周去
乃徑走京師上之詔加駢簡較工尚書還復鎮時晏

權聞懦。維周凶險。諸將不爲用。駢至督勵將士。破克之。而南蠻復平。置靜海軍於安南。以駢爲度使。自南詔爲邊患二十年。中國虛耗。徐州戍卒龐勛者。戍桂林。人不代。乘思歸衆爲亂。勛誅黃巢復起。其不解而唐亡。史論曰。唐興文皇帝弘廟勝之畧。北擒頡利。西滅吐谷渾焉耆。東破高昌。威制四夷。據百代所憤耻。混元而降。未嘗有也。而卒頓於遼左。玄宗憑中國隆盛。務遠畧而忽近憂。六禍內移。吐蕃回紇之迹。遂交於中國。憊矣。大中之世。河湟復而亡。以南詔。易曰。喪牛于易。言患生所忽也。漢亡董卓而兵兆於冀州。唐亡黃巢而禍基於桂林。詩曰。惠此中國。以綏四方。蓋其遠哉。言不以夷狄先諸夏也。

DS 735 A2 T4 179
國史下編卷之二十下

明旰罷鄧元錫著

戎狄志下

宋興以仁厚立國。守和戎爲國是。歲金繒以爲奉。胡
逆奉胡。羗逆奉羗。積衰約終其世。其北狄曰契丹。其

西戎曰拓跋夏云。契丹之先曰東胡。

保鮮卑山而居。後徙潢水。黃龍

河間。貞觀中。拜松漠都督。唐季。阿保機徙漢城。漢城在炭山東南。樂河上。其地有鹽鐵之饒。可樹藝。乃後
魏滑鹽縣也。乃并諸部而自立。至阿保機。并室韋。女真。奚。霫。諸小國。

而益大。自號天皇帝。號妻述律氏爲地皇后。死爲契

丹太祖。傳國其子德光。嘗後唐時。石敬瑭以晉陽反。

懼唐討。遣使稱臣。割山前後十六州。古幽薊之地。賂契丹求濟師。於是契丹更幽州爲燕京。更國號曰大遼。而石晉輸歲幣三十萬匹於遼。稱子男終事之。至出帝立。用景延廣計。稍驚怠。而德光傾國南寇。分其衆爲三。西出鴈門。攻并代。東度河。陷博州。南攻貝。是時晉旱蝗作。而苦兵。乃求和。德光亦自厭兵。欲許和。而漢人趙德鈞子延壽。欲傾晉。謬爲好辭報晉。言陷虜思歸。求發兵爲應。而契丹將高牟瀚亦詐以瀛州降晉。君臣皆色喜。乃出師挑敵。而契丹復南下。遂入晉。而夷狄之凌藉中國極此矣。已遣其部酋爲諸州

錢刺史節度使括錢帛供軍。虜人馬不給餉。日遣數千騎分出爲剽掠。而中國人怨憤四起。殺契丹守將。相嘯聚。莫能制。德光乃大悔恨曰。我不意中國兒難制如此。既而歎曰。我有三失。宜中國兒之叛我也。我令諸道括金錢。失一。令上國人打草穀。失二。不早遣諸節使還鎮。失三。我有三失。宜天下人之叛我。我去矣。又時已熱。不復能自留。遂留其國舅蕭翰守大梁。自引軍從晉內諸司伎藝及宮女。若諸軍將卒數萬人出塞去。所過屠滅。笑謂晉人曰。致中國至此者。燕王也。又顧張礪曰。爾亦有力焉。盭戲之也。燕王謂延壽礪。唐明宗時翰林學士。降契丹爲謀臣。而延壽以鞅望卒繫治之。行至臨

洛殺胡林而宛會盛暑尸腐國人剖其腹抉腸胃實鹽者數斗載之去。晉人謂之帝羝。益快之也。契丹既勝晉雖得諸夏不能有。然益驕。歷漢周世爲中國患。迨宋祖興在位。明於經國之體。專擇用將帥以折衝北方。自山西關南棣所屬任老將。皆天下武力之材。委任專而優勸厚。又置北漢不攻。令自爲守以當虜。虜嘗以六萬騎入塞下。而田欽祚以卒三千人前擊。破敗之。邊人至作謠爲諧笑。於是契丹主賢扣關遣使奉書幣講好。而和議始此。其後太宗伐北漢。北漢故役屬遼父事之。遼遣使來言曰。何名而伐漢也。天子曰。

河東逆命。中國所當討。若北朝不救。當和好如故。不然。惟所命。於是遼將耶律沙帥師來救。漢前渡河都部署郭進及其未成列進薄之。遼師敗北去。及太原。漢下帝。遂自將肆伐。遼狗彘易下之。進圍幽州。順薊降。師敗績于高粱河。跳身乘驢。僅以免。和好絕。而契丹主賢卒。子梁王隆緒立。母蕭太后者治國事。而邊屯將言契丹主少。毋專政。嬖倖用事。宜可伐。於是以曹彬爲幽州道行營都部署。出雄州。田重進爲定州路都部署。出飛狐。潘美爲雲應朔等州都部署。出鴈門。陞辭帝召授方略。曰。潘美第先趨雲朔。卿等以十萬衆聲言取幽州。持堅。

重母急功。虜聞大兵至。必悉衆范陽。慮不暇援。山後。山
後諸州克。而并兵乘范陽可克也。已而彬克固安新城。
攻涿州。圍之。田重進敗契丹于飛狐靈州。取蔚州。潘美
攻寰朔雲。應皆下之。每捷聞。帝訝其已速。及彬以大
軍攻涿。而契丹將耶律休哥者。壁不戰。獨晝曜精銳。
夜掠單弱。以怖師。而潛軍鈔饒道。居旬日。而師果大
困。彬以食盡退。援餉欲復前。帝聞大駭。曰。敵在前。以
師進退尺寸爲勝負。安有前當勁敵而退軍援糧餉。
者乎。亟遣使敕彬急緣白溝河。與米信軍合。勿復前。
彬違制。戰岐溝而敗。夜濟河。追兵至。又敗。瀕沙河而

大至又大敗於是詔重進等屯定代州而班師徙雲應朔寰四州民及吐谷渾部族降者寘京西河東而彬信等各貶秩有差帝大愧悔蠲河北租給復者三年是役也帝獨與樞密院計興師中書不預議故悔益自是中國將相士大夫益憚兵不敢復言幽薊事矣既而開國諸宿將武力嘗習兵者又盡而史士益罷慙憚於兵楊業與虜戰於陳家谷敗劉廷讓與戰君子館又敗士多失亡諸邊乘塞瘡痍之兵至不滿萬人虜時時深入官吏獨依壁自固自鄴而北千里蕭然天子下哀痛之詔而邊吏念不在練士

顧獨請益兵。於是始料河內民以實邊。不足又料民河南。猶不足。號役兵爲振武軍以佐邊。而防禦猶凜凜也。時契丹與中國絕好使者久。而李繼遷復叛。數犯邊。真宗嗣位。賜邊臣詔。頗諭以懷來之旨。而契丹主隆緒大舉兵入寇。天子爲戎衣濟河。次大名。虜乃退。後七年。爲景德元年。虜游騎入掠深祁間。遇宋師輒却。輒引去。徜徉若無鬪志者。寇萊公準在政府。聞之曰。是狙我也。請練師。於是命將簡驍銳。據要害。爲戰守備。已而虜果大入。中外震駭。初。徽夕五至。準不從視。日飲博。謹笑自若。帝駭。召問之。準曰。陛下欲了此。

不過五日。爾帝問計安出。準對曰。莫如親征。今契州
深入內地。糧饟不繼。而中國清野堅壁壘以待之。過
五日。食必且盡。食盡必且引去。去而以天威臨之。分
命諸將伺其情歸。急擊。使隻輪不返。此數世之利也。
既而契州圍瀛州。直犯貝魏。中外大震。參政王欽若。
江南人也。請幸金陵。陳堯叟。蜀人也。請幸成都。帝以
問準。準心知爲二人者謀。乃陽爲不知也者而卻之。
大言曰。誰爲陛下畫此策者。可斬也。今陛下神武將
臣協和。第親征虜。自當通。奈何棄宗社。自竄楚蜀。示
削弱乎。大駕一動。人心崩潰。虜乘勢深入。天下未可

知也。立請駕幸河北。同列懼欲退止之。令候發。帝難之。欲還內。準引裾請曰。陛下入。則臣等不得見大事去矣。請必毋還內而行。帝意乃決。庚午發京師。時命朝士出知諸州。準傳敕曰。百姓皆兵。府庫皆財。今不責汝浪戰。第失一城一堡者。斬矣。準患參政欽若闇大體而多私智。懼妄有關說。格大議也。則請於帝。使出知天雄軍。時契丹兵勢甚盛。衆恒懼。請蹕河南以覘變。準固爭曰。陛下不過河。則人心尚危。敵氣未懾。非所以定威制勝也。且王超領勁兵屯中山。扼其吭。李繼隆石保吉分大陳以抗左右。四方征鎮赴援者。

日至豈憂契所哉。何疑而不進也。同列皆懼。請持重。雖帝意亦甚難之。準強爭不能得出。屏間過太尉高瓊入。呼謂曰。太駕渡河則事濟。太尉國虎臣。受恩厚。今有以報乎。對曰。瓊武人。願效死。準喜。趣復入。瓊隨入立庭下。準大言曰。陛下卽不以臣言爲然。瓊宿將。盍嘗問焉。瓊武人不知書。大呼曰。準言是。陛下不過河。百姓如喪考妣。參政拯大詫愕。旁呵之。瓊怒曰。君以文章致位兩府。今虜騎充斥如此。何不賦一詩退虜耶。準曰。軍機宜間不容髮。宜趣駕。帝乃前渡河。御大名城北門樓。遠近見御蓋。爭踴懽躍。呼呼萬歲聲。

聞數十里契丹爲奪氣。帝乃喜。太息稱準功。於是舉
軍事。壹委準。準承制專決。號令明肅。士卒大悅。會契
丹將蕭撻懶出掠陳而斃。契丹愈懾。相持十餘日而
困。果欲退。則奉書求開南地以爲和。帝內實厭兵。乃
言曰。歸地事極無名。若欲貨財。漢以金繒賜單于。有
故事可許也。準度虜食盡而諸軍分信地。犄角嚴。可
擊。必邀其稱臣。及獻幽薊地。乃聽和。因畫策進曰。如
此則可保百年無事。不然數十年後戎生心矣。帝欲
然。口後數十年當有扞禦之者。吾不忍生靈之重困
也。姑聽和可矣。準尚未許。會有譖準幸兵取重者。乃

許和而竟遣曹利用如契丹軍議歲幣帝曰必不得已
雖百萬亦可準聞之召利用至帳中厲聲曰雖有旨汝
所許過三十萬斬汝矣利用往竟以綱二十萬匹銀十萬兩成
約誓而南北弭兵蓋是時中國全盛有重相爲折衝諸
規畫足指勝契丹深入而挫虞難復故與和而固所謂
可以戰而後可以也和也然帝慈仁憚兵許歲幣過適靡國
力難繼矣自是好使歲往來不絕真宗崩契丹王隆緒集
羣臣爲罷市舉哀詔沿邊州郡毋作樂毋犯真宗諱祭
奠弔慰有加禮當是時行旅交通邊城晏閉黎民土著
終老不識兵革自有和戎之利未有也隆緒立四十九年死子宗真立

母稱斥絃其嫡女君稱

太后

慶曆中元昊以靈夏反中國疲於西契

丹主

宗真

即介使來求關南地以發難天子益憚事急和

富鄭公弼以樞密直學士往報使弼至見虜主問故虜

主曰南朝遺約塞鴈門增塘水治城隍籍民兵此何意

也羣臣請舉兵而南朕以謂不若遣使求地求而不獲

即舉兵未晚也弼曰北朝忘章聖皇帝之大德乎澶淵

之役脫從諸將言北兵當隻輪無得反者而聽平此其

德何德也且自通好來計爲北朝利何筭凡今爲此紛

紛者直北朝諸臣爲主謀不思耳虜主驚曰何謂也弼

曰凡爲國謀忠者必長計遠筭嘗以前事觀之古猶憂

。其言嘗有全勝者哉。獨其高祖欺天叛君外求助
於北。而宋帝昏亂。神人乘之。故克耳。今天子明聖。中
國又安。所在精兵以百萬計。法令修明。上下一心。卽
北朝用兵。試自度能必勝乎。曰不能也。弼曰。勝負旣
未可前知。就使其勝。所虜獲必充牣。諸臣之家。而壯
士健馬所喪亡。羣臣當之。與抑人主當之。與若通好
不絕。歲幣盡歸人主。而臣下無所獲。中國稿給歲不
過奉使者一二人而止。羣臣何利焉。故北朝諸勸用
兵者。獨爲其身謀。非國計也。虜主聞言。肯者又之。弼
少得間。乃曰。塞鴈門者。備元昊也。塘水竭於何水。矩

事在通好前地。卑水聚執。不得不增。城隍皆脩舊。民
兵亦籍舊補缺耳。非違約也。晉高祖以盧龍一道賂
契丹。周世宗復伐取關南。皆異代事。宋興已九十年。
若各求異時地。以爲名。豈北朝之利也哉。本朝皇帝
之命使臣。則有詞矣。朕爲祖宗守國。土地尺寸。必不
敢妄與人。北朝之欲土地。亦利其租賦也已耳。朕不
忍以土地故。多殺兩朝赤子。故屈已增幣。以代賦。若
必欲得地。是志在敗盟。假此爲詞耳。朕亦安得獨避
用兵乎。澶淵之盟。天地鬼神實臨之。北朝首發兵端。
過不在我。此何可得欺也。契丹主意奪。明日召弼與

同獵引彌馬自近言。事業已發端。必得地則懽好可久。不然吾安所藉手爲榮乎。彌反復言其必不可狀。且曰。正朝旣以得地爲榮。南朝必以失地爲辱。兄弟之國。豈可使一榮一辱哉。獵罷。六符曰。吾主聞公榮辱之言。意甚動。無祈地。今惟有結婚可議耳。彌曰。婚姻易生嫌隙。且人命修短不可期。本朝長公主出降。齎送不過十萬緡。豈若歲幣無窮之利哉。虜主曰。卿歸矣。需再來。擇一以爲平。其遂以誓書來。彌歸復使。則虜不復求婚。專欲增幣。且曰。南朝遺我幣。其書辭當曰獻。不則曰納。彌固爭其不可契丹主曰。南朝旣輸我幣。懼我也。於二字何

有藉令我擁兵而南得無悔乎。弼曰。本朝皇帝兼愛南北。故不憚更成。何謂懼。必不得已。至於用兵。當以曲直爲勝負。非使臣之所知也。契丹主曰。卿也。固勿固。古有之矣。弼曰。自古唯唐高祖借兵突厥。當時贈遺稱獻納。不可知。其後頡利爲太宗所擒。豈後有此禮哉。聲色俱厲。契丹知其不可奪。乃曰。吾自遣人往議之。於是雷所許增幣誓書。復遣使以其國誓書來。且定爲獻納儀。詔許歲增銀絹各十萬。通前計爲幣歲五十萬。歸幣辭稱納而復平。時契丹實願借好幣。特爲虛聲以恫喝中國。而中國方困於西。外事。許與弼過適。而國力益

靡弊矣。然是時天子仁澤周渥，深結于民心，賢哲林立，國勢華於磐石。而外蠻隨弭，雖不正戰，亦所謂可以守而後可以也和也。已詔冊元昊爲夏國王，且行。會契丹來言西事，詔需虜使至乃發。弭以樞副爭之曰：「不可。今先虜使未至，行則恩自我出。虜使至國，許和行，重歸彼矣。從之。是歲契丹發卒來雲中，受輸幣。而元昊方伐呆兒族，地迫於河東，上問弭：「虜得無與元昊計合襲我乎？」弭曰：「虜自得幽薊，不復河東入寇者，以河北夷而饒河東險瘠，且虞我出鎮定，擣燕薊之虛也。今豈遽此出哉？且兵出無名，契丹大國亦不爲也。就使妄動，當出我不。」

意豈宜言受禮雲中乎。元昊與契丹本結約相左右。爲

中國患。而契丹背之。獲重幣。是宜有怨心。故築威塞州

以備之。而呆兒屢殺掠威塞。以爲此役也。安能合而謀

我哉。必不然矣。或請調發爲備。善弼曰。以虜虛聲。故而

驟有調發。正墮其計中。且令虜有以窺吾淺深也。必虜

入寇者。臣請伏罔上。誤國之誅。兵得無調。

宗真立二十五年死諡與

宗子洪基立。庶寧中。相安石憤國力弱。而歲糜金幣於二虜

無爲也。增城堡。團保伍。欲外攘以爲功。於是契丹主

洪基

遣蕭禧來言疆事。

時洪基立日久。改國號曰大遼。

帝手詔諸老臣。棟謀

條議。上韓魏公琦上議言。臣觀近年朝廷舉事。不以大

敵爲恤而示之以可疑之形。故虜人見形謂我有圖復燕南之意。造此象以發難名理地界實以觀中國之俯仰。今所爲致虜之疑者七端。高麗臣屬契丹絕朝貢者久矣。乃因商舶招來之於國家無分毫益而契丹謂將以圖我一也。吐蕃部族不相若長初未嘗爲邊患而強取其地。建熙河殺老弱萬計。契丹聞之謂行將及我二也。近西山邊縣地勢高仰可爲塘濠而遣使部兵徧植榆柳以制虜騎三也。徃義勇民兵將較甚整教習亦精。但以時訓練於備禦不啻足矣而忽創團保甲一章紛然義勇之人十去其七破可

用之成去得增數之虛名。四也。河北城池工築並興。
增置守具簡視器械。內外騷然。五也。創都作院頒降。
弓刀新式。大作戰車。費財殫力。無故先自困弊。六也。
置河北三十七將。各專軍政。州縣不得關預。聲言出。
征。又深見可疑之形。七也。夫北虜素於我爲敵國形。
見疑起。勢不得不探其所繇。然橫使再至。姑示偃蹇。
而代北雄州素有定界。若優容而與之。卽虜情無厭。
浸淫不已。若終不許。虜遂恃此以爲已直。縱未大舉。
勢必漸擾諸邊。臣竊伏以以爲爲陛下始謀者。大誤。
也。始爲陛下謀者。將必曰。自祖宗以來。因循苟簡。治。

國之本。當先富強。然後可以鞭笞四夷。盡復漢唐之上宇。而制作禮樂以文太平。故散青苗錢。爲免役法。置市易務。以次第取錢。監司督吏競刻爲明。而違者不以赦降。令農夫怨于畎畝。商旅嘆于道路。官不安其職。民不安其生。夫欲攘斥四夷。以興太平。而先使邦本困搖。衆心離怨。是爲陛下始謀者大誤也。又好進之人。不顧國家利害。但得邊事將作。以爲富貴可圖。必曰虜勢已衰。特外示驕慢。幽燕之地。一舉可復。夫河朔累歲災傷。民力困乏。將帥麤勇寡謀。保甲未經訓練。若驅重兵頓之堅城之下。糧道不繼。腹背受

敵雖曹彬米信名德宿將。猶以此致岐溝之敗。況今口乎。臣愚爲陛下計。第宜遣使報聘。具言朝廷向來興作。乃脩備之常。與北朝通好之久。自古所無。豈有他意。且疆土素定。當如舊界。宣命邊吏。退近者。侵古之地。將官員冗。因而罷去。以釋虜疑。陛下益愛養民力。選賢任能。踈遠姦諛。進用忠鯁。使天下悅服。邊備自充。虜果敗盟。然後一振威武。恢復故疆。快忠義不平之心。雪祖宗累朝之憤。於計爲長也。時舊德彥博弼。皆以爲祖宗故地。不可與會安石。召再相。度不能難。乃謬爲人言曰。將欲取之。必姑與之。以筆畫其地。

圖爲斷命天章間待詔韓續舉與之蓋東西棄地五百餘里而異時兵端始此矣。洪基立四十七年而死謚道宗長子濬以譖死

孫延禧立爲天祚政和中漢人有高藥師者泛海來登州言

女真起海上建國破契丹請夾攻。女真者渤海國黑水部也古肅慎之

地元魏時有五部唐初爲二部其在南役屬契丹者號熟女真在北不屬契丹者號生女真其地跨混同江長白山而居混同江亦曰黑龍江所謂白山黑水者也已避遼興宗諱改號女直至烏古乃而慧點多智能遼聶部反將討之烏古乃恐遼兵深入其地得其山川險易爲後患也乃遣使告曰聶部多山阻險即用兵非歲月可破獨可以計擒請寬之得擒以獻毋需軍遼主喜從之已果擒而獻遼燕賜有加禮授生女直節度使蓋始有官屬遼天祚好畋獵嬖女嗜酒歲遣使市名鷹于青海上遁出生女直使者貪縱多徵索女直厭苦之始叛遼至是阿骨打屢勝遼稱帝乃言曰遼以賓鐵爲號取其堅然鐵終變壞金色白

完。顏色尚白。又按出虎水。吾所居也。按出虎者。其國語曰金。於是稱皇帝。國號金。更名旻。當是時。遼亂。宗真第四子耶律淳自立。有上會闔人童貫使遼至盧京。中京遼西六路而國分矣。溝得燕人馬植。奇之。載與歸。亦策請結約女。直來攻遼。與藥師言適合。和蔡京故治。王安石言以中國失燕雲。歲奉金。繒爲大辱。聞之喜。與王黼力主其議。朝散郎宋昭上書言。遼不可攻。金不可鄰。異時金必敗盟。爲中國患。且兩國之誓曰。敗盟者禍及九族。九廟祖宗之靈實臨之。陛下孝理天下。其忍忘列聖之靈乎。承平日久。民不識兵。而兵自我始。陛下仁覆天下。其忍置河北之民於塗炭。使肝腦塗地乎。詔編管

海外於是貫以河北河東宣撫使蔡攸爲副使勒兵
五萬以應金師大衄而女真攻遼天祚爲其將婁室
所獲而遼亡。遼九主有國百有五十年當時天下耗弊外疆中

乾女真旣滅遼改國號金而益縱攻圍汴世承平久
不習兵主懷相劣幾不可以守賴李右丞綱主固守
畫种太休師遁以威名填之而又和脫非國守未墮
則和固不可得而成也。明年金復縱國嬋民困上下
痿痺旣不足戰又不足守。猶循故事銀土地金繒以
爲奉於是二帝北而汴不復都嗚呼古事戎狄以自
困結戎狄以幾利因以賈害未或甚於有宋者也其

後蒙古起沙漠軼金。金走汴。戢於汴。已走蔡而宋鈴轄孟珙復唐鄧與蒙古夾攻蔡。竟克蔡而金亡於蔡。古戎狄猾夏莫甚於金。而弱宋斃之。謂天道叵測哉。謂不好還哉。自晚宋夷狄之變。亟皆關中國所以廢興存亡者。此不著。著宋紀及元志中。獨具金世次。及所以興滅者。畧表見焉。

阿骨打名旻多力。善射。有大度。既克遼。下合禁無犯遼諸州陵墓。克城邑。往往釋其俘。亡去者。戒勿殺。立九年而死。有子十三人。不立。立母弟吳乞買。嗣是爲金太祖。吳乞買名晟。滅遼。陷宋。郡執徽欽二帝以歸。居之五國城。宋叛臣劉豫爲帝。立十三年而死。爲金太宗。吳乞買亦有子十四人。舍之立太祖嫡子宗峻子。曰合。以爲後。更名亶。追尊其考妣爲帝后。又尊其先世。帝后。後劉豫爲蜀王。立行臺尚書省。

于汴、循太宗年號不改。又三年始改元。乃糾與八年也。遣使以袞冕圭冊冊高宗爲大宋皇帝。歸徽宗及三后梓宮。宣初年粘罕幹離不等相繼秉機務。吏清政簡。百姓樂業。及舊臣洞謝。后裴滿氏始干政。繼嗣不立爲所掣制。積不平。無聊。遂縱酒酣營。好殺大臣。莫必其命。以天變肆赦。命翰學士張鈞草詔。已怒其訕謗。榜數百不死。手劒釐其口。醢之。已又殺其二弟。昨王常勝節度使查刺殺裴滿氏。納常勝妻撒卯於宮中。將立爲后。數日殺故鄧王子阿懶特懶。又數日殺妃四人。右丞相亮因羣臣震恐入宿衛弑之。立凡十五年。當是時金亂國可破。而逆愴鋤忠良殆盡。設彌文逢王於晏安。以事讐爲國。是可恨也。亮阿骨打庶子宗幹子旣卽位。銜宗臣秉德謀廢立。不卽勸進。又忌吳乞買諸子盛彊。命尚書省令史蕭玉上變告逮。弁殺之。又殺吳乞買子孫七十餘人。粘罕子孫三十餘人。諸宗室五十餘人。殺行臺左丞相撒離喝于汴。皆夷族。而滅汴宋君臣之子孫殆盡。三年廣燕京城。大營宮室。納所誅宗室諸婦于宮中。叔母與焉。明年遷都燕。改燕京爲中都。殺其弟西京留守蒲家弁。右相蕭裕。太原尹徒單阿里出虎。焚其骨投水中。諸

從姊妹皆分屬諸妃與爲淫亂臥內偏設地衣裸逐
爲戲命會寧府毀舊宮殿及諸大族第宅儲慶寺夷
其址耕種之四年修中都城伐宋徒單后者亮嫡母
也賢遇下有恩意與亮母大氏相得至歡亮弑宣徒
單后頗以爲非亮銜之二母俱尊爲皇太后徒單后
生日大氏起爲壽徒單方與諸公主宗婦語忽念應
之金王怒而出明日召與徒單后語者皆杖之及是
遷都燕親屬皆從獨徒單太后留會寧常憂懼每
使至必易衣以俟命大氏在燕思念之病篤以不得
一見爲恨將死謂金主曰汝以我故不令永壽宮偕
來我死必迎我事之當如我久之迎徒單后至流沙
河亮親迎之令左右持杖二束跪太后前曰亮不孝
久缺溫清願答之后掖之曰今庶民有克家子尚且
愛之不忍答我有子如是寧忍答乎叱杖者退既至
居壽康宮亮事之外極恭順雖太后亦信其誠已后
聞亮欲南侵且大舉數言諫之亮不悅每謁見還家
必忿怒及至汴意后嘗養鄭王克爲已子克四子皆
成立恐身將兵在外有異圖使黥簡大懷忠等入伺
后指擊之仆而復起者再縊殺之并殺其左右數人
亮其母宮中棄于水并殺鄭王克及克子三人遂盡

殺宋遼宗室在北者分諸道兵三十二軍以爲之
兵困于宋益苛暴爲其下所賊而死語具宋紀中嗚
呼亮淫虐之惡浮於桀紂吞噬之毒暴於秦項爲大
所厭棄宜其斃也金主雍者許王訛里朵之子太
祖孫偉姿貌異長過其腹胸間有七子如北斗性仁
孝沈靜明達善騎射衆心歸之初封葛王尹濟南亮
聞王妃烏林答氏有姿儀召之妃謂烏祿曰我不行
禍必且及王我當自勉不以累王也召府臣僕曰爲
我禱東岳使皇天后土明鑒我心至良鄉得間遂自
殺而王免於禍亮南伐爲衆所推戴卽位改元詔暴
揚亮罪數十事追尊考妣爲帝后下令散南征之衆
遣使來報諭且告卽位葬宋遼宗室于河南廣寧舊
陵以元妃烏林答氏守節死不立后終身敕宮中飾
勿得用黃金不得已有興修輒損宮中歲費以克之
除金銀坑冶之禁聽民採以女真字譯經史令國人
誦習思貧民饑餒猶在已務安全之以寬慈爲德而
綱紀振肅賞罰不濫誠宰相進賢退不肖引才知自
輔毋忌其分權有近侍進言欲罷科舉者金主問尚
書張浩曰自古帝王有不用文學者乎浩曰有之曰
爲誰浩曰秦始皇金主目近侍曰汝欲使我爲秦始

皇乎以唐太宗晚年與羣臣議多飾詞思始終如一雖年高敬慎之心無豫怠言事者雖妄未嘗罪之嘗如會寧論太子守國太子以不諳政務辭金主曰政事無難但用心公正納諫諍久之戶熟至會寧謂羣臣曰上京風物淳朴朕甚樂之有奏請回鑾輒愴然感祖宗舊都不忍舍去也朕百歲後當置十八祖陵之側我所安也宴宗室皇武殿羣臣故老進酒畢以次起舞金主自歌木曲道王業艱難慨想祖宗宛如睹也歌畢泣數行下宗戚捧觴上壽稱萬歲明日發上京宗室入奉辭金主曰太平歲久國無征徭公等皆以貧縱貧乏朕甚憐之當務儉約無忘祖宗艱難對之泣宗室戚屬皆感泣當是時南北講和與民休息羣臣守職上下相安家給人足倉廩有餘刑部斷死罪囚歲止十七人在金諸帝中稱最賢號曰小堯舜宋積弱不自振而欲於初定和時背盟誓規恢復爲佳兵豈有當哉立二十有七年而殂廟號世宗太子允恭先卒以孫原王麻達葛更名璟嗣位璟在東宮時嘗持國以經童入祇應遂親用持國宋佞有知金主好色以秘術干之又多遺賂幸妃李與妻裴

忠亮明經術又好接引善類凡朝廷爲晉持國思
罷去當是時金爲北鄙阻轢等部所擾士卒塗炭府
倉空匱國勢弱而羣盜蜂起賦歛繁民不堪命宋韓
侂胄欲立蓋世功名以自固驟伐金而師乃大衎宋
詠侂胄蘇師旦以爲說乃復和并金之不可乘宋政
亂未有以乘之也璟無子疏忌宗室以衛王永濟柔
易鯨智愛之傳位焉而死厥享國十有九年是爲章
宗初遣詔內人有娠者二人生男則立爲儲貳平章
僕散端奏先帝承衍賈氏當以十一月免乳今逾期
范氏產合在正月今醫稱胎形已失願削髮爲尼乃
以范損遺腹詔中外而稱李元妃教令賈氏詐有娠
竝殺之以僕散端爲右相而蒙古始肆侵軼金語具
先事中攻西京金留守紇石烈湖沙虎棄城遁所過
擅取官庫銀奪官民馬入紫荆殺涑水令至中都金
主釋不問以爲右副元帥已以罪放歸尋復用使將
兵屯燕城相徒單鑑諫不聽而湖沙虎乃遂反矯稱
知大興府徒單南平作亂討殺之入宮以其黨盡易
宿衛稱監國逼金主出居衛邸令黃門入宮收璽尚
宮鄭夫人掌璽拒之曰璽天子所用湖沙虎人臣取
將何爲黃門語懾之鄭厲聲罵曰若輩宮中近侍君

難不能死反爲逆豎奪璽耶我可殺璽不可得也相
徒單鑑時在告湖沙虎欲僭位憚鑑人望詣訪之鑑
從容謂曰昇王章宗允顯宗長子衆望所屬可立也
胡沙虎乃大沮弑金主於邸迎昇王珣于彰德立之
會蒙古敗金將木虎高琪于懷來進圍燕胡沙虎欲
斬之珣不可益其兵令出戰兵潰琪自度必死還軍
圍胡沙虎第斬其首請闕請罪赦之暴胡沙虎罪奪
官爵而高琪爲左副人帥國以故主承濟女歸蒙
古及蒙古平以國蹙兵財匱徙都汴蒙古主曰旣和
而遷者疑也復圍燕金中都留守完顏承暉以抹撚
盡忠在軍久習軍悉以兵付之遣人以磬寫奏告急
金主遣將將大軍救之遇蒙古霸州大敗中都援絕
承暉與盡忠約同死盡忠不應然兵柄業皆屬盡忠
莫可如何入辭家廟作遺表論國家大計及高琪姦
狀且謝不能終保都城之罪付令史師安石令上之
盡出家貨財召家人隨年勞分給之舉家號泣承暉
神色泰然與安石舉白引滿從容曰承暉於五經皆
經師授謹守而力行之不爲虛文旣被酒取筆與安
石訣最後倒寫二字投筆曰遽爾謬誤得非神志亂
耶謂安石曰子行矣安石出門聞哭聲復還則藥發

死矣。家人瘞之庭中。是日暮。盡忠將南奔。中者如奴。皆束裝至。通玄門。盡忠給之曰。我先出。與諸妃啓途。信之。盡忠乃與愛妾及所親先出。不復顧。蒙古兵入。吏民積死。金祖宗神銜及諸妃嬪皆沒焉。盡忠至。金主釋不問。仍平章政事。竟以謀逆誅。當是時。金多難。宋不復遣使輸歲幣。木虎高琪懼蒙古見逼。而易宋欲南侵。以疆土多沒於蒙古。欲於宋取償。排羣議。導其主分道南擊宋。宋傳檄言。犬羊跨我中原。大厭久矣。狐兔失其故穴。人競逐之。亦大舉伐之。金又西結禍於夏。而國愈益。益困。以汴京城闊遠難守。從高琪議。竭公私之力。築裏城。以精兵屯駐。苟歲月。而河北陷。沒不復問。已高琪以罪誅。而國比不可爲矣。金主珣立十一年而死。謚曰宣。疾革時。推前朝資明夫人鄭氏以年老侍側。知可託。謂之曰。召太子言絕。而殂。龐貴妃陰狡。以其子英王守純年長不得立。而怨鄭氏。恐其爲變也。給之休他室。入遽鑰之。急召太子。太子守緒入。知英王先在。分遣樞密院及東宮親衛軍于東華門爲防。命護衛四人監守。純于近侍局。乃出后妃發器。宣遺詔。卽位。當是時。蒙古盡有河中山陝州郡。進攻汴。羣臣議高琪所築裏城不可守。外城不可

棄修樓櫓器具時京軍不滿四萬而城周百二十里不能軍金完顏合達移刺蒲阿二行省將步騎十五萬自鄧州赴援蒙古以騎三千尾之且行且戰不得休望鈞州二十五里雨雪不能進忽有旨召赴汴而師潰遂大綱合達以數百騎走鈞州而死陳和尚趨避俟稍定出自言曰我金國大將欲白事蒙古施雷召問之曰我忠孝軍總領陳和尚也大昌原衛州回谷之勝皆我也我死亂軍中人將謂我負國家今求明白死耳降之不肯斫足脛不屈割口吻至耳嚙血罵不休蒙古將以馬漣酹而祝曰好男子他日再生當令我得之蒲阿被執亦死而金健將銳卒畢盡矣已蒙古遣使來宋約伐金守緒以汴京糧盡援絕分命將城守而北奔濟河南攻衛白撒縱軍四掠所過丘墟民怨思叛而衛城堅守不下蒙古騎兵踵其後戰白公廟金敗績金主潛渡河走歸德暴白撒罪誅之而蒙古攻汴日急宋升至銀二兩殍死相望人相食會金主遣使至汴迎兩宮人情益自危西面元帥崔立因民洶洶殺二丞相諭百姓曰吾爲汝一城生靈請命遂勒兵入宮以太后命召衛王子從恪爲梁王監國并宗室近屬皆出之宮中立自爲太師鄧元

帥以汴降蒙古。蒙古將速不臺至青城，立往諸父事之。還，悉燒其城上樓櫓，明實降。記以軍前索隨駕官吏家屬子女，閱實之亂焉。已，執后妃及梁王若完顏族，盡送蒙古軍。而蒙古軍入汴，走立家，取其妻妾寶玉以去，立歸大慟而已。速不臺殺從恪等，以后妃北去。在道，艱楚萬狀，甚于徽欽時。蓋金以歲丙午覆宋，汴汴追癸巳僅百年，而完顏氏殲于汴，無遺種，豈可謂非天也。當是時，金主守緒在歸德，副元帥蒲察官奴益暴橫，居金主于照碧堂，禁近無敢奏對者。守緒日悲泣，語內侍云：自古曷嘗有不亡之國，不死之君乎？但恨我不知人，爲此奴所囚耳。內侍局宋珪奉御女奚烈完等，以蔡州城池堅深，兵糧廣，勸幸之，以救饑。會蔡總帥烏古論鎬運米四百斛至，請臨幸。守緒意遂決，令珪等伏照碧堂門間。官奴入，刺其肋，傷焉。投城下，以走。追殺之，於是留元帥王璧守歸德。遂如蔡，朝士從，徒行泥水中，掇青棗爲糧。明日至亳州，金主黃衣皂笠，金兔鶻帶，以貴黃旗二導前，黃繖擁後。從者僅二三百人，馬五十四而已。進次亳南六十里，遇雨，避雙溝寺中。蒿艾滿目，無人迹。金主太息曰：生靈盡矣，爲之一慟。比至蔡，父老羅拜於道，見儀衛蕭

條咸感泣。金主亦泣下。以完顏忽斜虎爲尚書右丞
總省院事。烏古論鎬爲御史大夫。總六師。張天綱權
參知政事。忽斜虎有文武才。選士活馬。繕甲兵。爲幸
秦鞏計。近侍久困睢陽。思卽安。不願遷。而蒙古去蔡
差遠。商賈頗集。惟金主亦安之。命選室女備後宮。及
修見山亭。爲遊觀。忽斜虎切諫。乃止。忠孝軍提控李
德率十餘人乘馬入尚書省。以月糧不優。語不遜。忽
斜虎縛德杖之。金主諭令容忍。濟時艱。忽斜虎對曰。
錄功隱過。自陛下之德。至將帥之職。惟其法小。犯則
決。大犯則誅。不可使疆兵悍卒。一日不在紀律中。威
克厥愛。乃濟也。自是無敢復犯法者。是歲冬。蒙古圍
蔡州。宋大帥史嵩之使孟珙等帥師會圍蔡。忽斜虎
以國家恩澤。君臣分義。撫循其人民。營畫守禦。未嘗
入私室。軍民感奮有固志。久之。宋蒙古軍攻西城。克
之。墮其城。急甚。金主注謂侍臣曰。我爲金。紫十年。太
子十年。爲人主。又十年。自知無大過惡。死無所恨。所
恨者。祖宗傳祚百年。至我而絕。與古荒淫暴亂之君
等。爲亾國。獨此介介耳。已。又泣曰。古亾國之君。往往
爲人囚繫。或爲俘獻。或辱階庭。閉空谷。朕必不至此。
卿等第觀之。始城中防守不足。括婦人壯健者。假男

子衣冠運木石外城破危迫驛老穉熬爲油爲砲以禦敵號人油砲已城中糧絕者三月鞍靴敗鼓皆糜粃食之且聽以老弱互食諸軍日以畜骨和芹泥食之又往往斬敗軍全隊剗其肉以食金天興二年守緒有國之十年也爲宋端平元年蒙古兵以正旦會飲歌吹之聲四起城中饑窘嘆息而已孟珙見黑氣壓城上日無光令諸軍銜枚分運雲梯布城下攻之蒙古兵鑿西城爲五門以攻是夕金主集百官傳位于東面元帥承麟承麟者世宗子劾里鉢之後白撒第也拜泣不敢受金主曰朕所以付卿者以朕肌體肥重不便鞍馬艱馳突卿趨捷知兵庶萬有一祚亂不絕也承麟起受璽時宋師薄南門百官稱賀畢出捍敵則南城之陴已立宋懺矣俄頃四合鼓譟振大地開西門納蒙古軍守緒知不可爲取寶王寘于幽蘭軒環以草命近侍曰死便火我自經歟忽斜虎赴汝水死將士曰相公能死吾輩獨不能耶五百餘人皆從死承麟退保于城聞守緒死帥羣臣入哭謂衆曰先帝在位十年勤儉寬仁圖復舊業有志未就可哀也宜謚曰哀莫未畢而城陷諸將禁近共舉火焚之奉御絳山收其骨將瘞汝水上孟珙入宮執參政

張天綱問金主所在。天綱曰：火之矣。堦乃與蒙古塔察兒、衰金主骨及寶玉法物以爲分。是日，承麟死於兵，而金亡。金自宣宗來，爲宰相樞密者，往往臨事惟讓以爲養相體。四方兵革災異，恐困主心，闕不白及出兵，則以近侍監戰臨事，多牽制以底于亡。夏四月，宋獻金俘于太廟，有司令天綱供狀，勒書金主爲虜主。天綱曰：殺卽殺焉，用狀有司不能屈聽。所供天綱但書故主而已。帝召問汝真不畏死耶？天綱對曰：大丈夫患不得死所耳，何畏？因祈死不已。帝釋不殺。後莫知所終。已而宋師趨汴，金故將李伯淵等誅崔立以降。金九主傳國百五十有九年。

拓跋夏者，故党項部戎種也。本拓跋氏，貞觀中歸唐，賜姓李。唐末，拓拔思恭鎮夏州，統銀夏綏宥靜五州之地。討黃巢有功，四傳至繼捧。當宋太宗時，以家難入朝。時吳越王旣獻地，而夏自上世來，未有入獻見。

者繼捧至帝大喜厚遇之。繼捧乃自陳其諸父昆弟相爲怨願納土畱京師。帝愈益喜。授繼捧彰德節度使。曲赦所部。遣使者護其總麻以上親赴闕。而弟繼遷入于地斤澤。以叛邊吏不能擒制。天子乃用相晉計。遣繼捧還。令圖之。賜姓名趙保忠。授夏銀等州觀察處置使。然繼捧本以不能制蕃族而來。卽復還。繼遷視之蔑如也。旣至鎮。繼捧謬上書言繼遷今悔禍歸款。乞恩貸。詔授繼遷銀州觀察使。賜姓各趙保吉。而繼遷爲寇暴自若。已繼捧復使來乞師。詔命將往討。則繼捧以中國爲不足全恃。已遣使如契丹乞降。

得封西平王矣。聞宋師至，先挈其母妻壁野外，乃上言。業與繼遷解怨，獻馬乞罷師。帝怒其反覆，趣進師。得繼捧之獻闕下，責授右千牛衛將軍。而繼遷自有銀夏綏宥靜之地，時窺邊。咸平三年，涇原經畧使張齊賢言：自清遠軍陷青岡砦，燒棄而來靈武一郡，援隔而勢孤。此繼遷覬覦所必至者也。以事勢言，加討則不足防遏，則有餘。臣觀蕃部大族酋領，類多與虜隙，宜可致。誠能封其酋，先歸義者，王之結以恩，則蕃族稟命而緣邊之勢張。廊延環慶之淺蕃，原渭振戎之熟戶，必且歸化，而賀蘭可漸致矣。臣所領十二州。

現軍二萬餘人。緣邊料揀。尚可得三萬人。令招致蕃部。各分守信地。爲聲援。彼出則我歸。東備則西擊。使奔走不暇。雖其狡獪。亦何敢復爲靈州患哉。若不然。冬春之交。我兵未集。虜必并兵靈武。則靈武孤。勢必難固。靈武失。則賊勢益猖。後聚兵費財。未有艾也。會學士楊億唱議棄靈州。判永興軍何亮等爭以爲靈州地方千里。表裏山河。唐資之以中興。不可棄。捨之則戎狄之地益廣。饒患一。自環慶至靈武。故西城地二千里。其東偏爲夏賊之境。其西偏秦涇儀渭西北諸戎落是也。棄靈武。將合而爲一患。二。冀北馬之所

生。自契丹狂獫無足馬南來。國馬畢取足乎西戎。棄靈武。夏挾諸戎不貢馬。則戰馬何自出。患三。請築漚樂耀德二城。與靈武爲唇齒。爲中國固圉。便帝猶豫。未有決。以問相。相沆亦曰。繼遷不死。靈州非朝廷有也。昔漢捐珠厓矣。若遣使密召州將部軍民。空壘歸關。右民庶息肩乎。議未決。而靈州陷。繼遷以爲西平府。徙居之。蓋宋士守和戎息兵。爲國是。雖天子亦悔以爲不前用沆言。而夏禍益滋。及繼遷死。子德明立。恐中國襲之。請內附。知秦州曹瑋上書言。繼遷擅河南地。使兵不解甲。中國有西顧憂者十年。今國危。子

弱而不以時定。後必蔓蔓難圖也。願假臣精兵數萬。

出不意擒之。復河西爲郡縣。瑋彬不報。而德明連表。

言。父有遺命。奉誓書。請藏盟府。天子嘉其意。授特進。

簡。較太師西平王。責質子。而德明以質子。非先世故。

事。不遣。獨獻馬駝謝恩。子元昊代立。而黠多智。習兵。

元昊幼時嘗諫其父母。臣宋德明曰。吾用兵疲矣。吾

族三十年衣錦綺。此宋恩何可忘。元昊曰。衣皮毛畜

牧自天性。於錦綺何有。英雄之主當霸王。豈顧疲哉。侵吐蕃。取瓜沙肅。遂盡有

靈鹽會勝之境。地方數千里。阻河。居興州。依賀蘭山。

以爲固。僭號改元。命將設屯戍。寇邊。目河西至于臘

備契丹。白豹。安鹽。天都。山宿。五萬人。備環慶鎮。戎原。

蕃而回紇賀蘭靈州與慶各宿重兵爲鎮防與諸豪
酋歃血結約而表請曰帝詔削官爵罷互市而元昊
亦遣人齎娉書納旌節及上所授敕詣委之邊而去
時天下承平久憚言兵而
狂易者又以爲小醜易與慮不顧其難於是元昊拔
慶州破安遠塞開永平諸砦圍延州宋師覆焉中外
大駭天子爲盱食相夷簡勸帝收用韓琦范仲淹二
人倚以西事於是以夏竦爲陝西經畧安撫使琦仲
淹副焉時西邊新失大將延州危仲淹請自守延命
兼知延州初制邊邊將總兵鈐轄都監而下出禦寇
不料敵不擇帥獨以官卑尊爲先後仲淹曰是趣之
敗也於是大閱州兵得萬八千人分六將將之將各

三千人曰。大蒐使更出禦賊。又招收前後作姦犯科。經黥配者。團結之號龍猛軍。兵益稍振。又以民遠輸將費苦。請建鄜城爲軍。以河中同華中下戶租稅就輸之。春夏徙兵就食。可省糴十二三。他所減不與。詔以爲康定軍。於是招流亡。立堡寨。嚴保甲。通斥堠。完漢之民。相踵歸業。使夏竦上攻守二策。帝取攻策。魏公琦亦言。賊傾國入寇。衆不過四五萬。吾諸路屯重兵自守。勢分力寡。遇敵輒不支。若弁兵一遁。鼓行而前。可破也。於是詔鄜延涇原皆會師。仲淹諍以爲今邊城之備。十有五七。關中之備。十無二三。若賊乘關中之虛。深入阻潼關。隔兩川貢賦。則朝廷不得高枕而卧矣。爲今之計。戒邊城使持久。可守實關內。使無虛可乘。寇至清野。使戰無所獲。攻無從入。而許臣等稍以威信招來之。二三年間。彼將自困。此萬全計也。今必五路並進。暴師於外。臣恐承

平之久國無宿將無選兵而僥倖於危事一蹉跌則平定之期益遠矣琦又令尹洙至延州與議仲淹執不可於是詔寢兵會元昊請延州約和琦聞之曰無約而和者謀也勒兵行邊元昊果遣衆寇渭州薄懷遠城琦乃趨鎮戎軍盡出其兵又募勇士萬八千人命環慶副總管在福將之琦令福併兵自懷遠趨德勝砦至牟牧隆城出敵後諸砦相距纔四十里迨近糧餉使度勢未可戰卽據險置伏要其歸路戒之再三且曰苟違節制有功亦斬福引輕騎數千趨懷遠禁龍川遇敵戰于張家堡南斬首數百敵棄馬半橐駝佯北福等易之薄暮與都監桑懌合軍屯好水川約翌日會兵川口必使夏人四騎無還然不知已陷其伏中矣路旣遠芻餉不繼士馬乏食者三日時元見自將精兵十萬營川口候者言夏人有寨數不多兵乃益進福與懌循好水川距牟牧隆城五里與夏軍遇遂前格戰於道傍得數銀泥合封襲謹密中有動躍聲疑莫敢發福至發之乃懸哨家鴿百餘自合中起盤飛軍上於是夏兵四合懌馳犯其鋒福陳未成刺賊縱鐵騎突之自辰至午陳動傳等皆欲據勝地更戰而夏人陳中忽豎鮑老旗長二丈許衆貽愕

莫測也已。旗左麾左伏，兵起左麾左伏，會有好水起，士卒多墮崖塹，相壓，積死，輜及福沒焉。之敗，琦自劾，貶知秦州。仲淹以擅與元昊通書，奪官。知耀州。元昊陷豐定州，掠渭州而去。議者至，欲以金繒啖契丹，使攻元昊，以緩師。無何，安撫使王堯臣言：「琦仲淹忠義智勇，不當置散地。惟天子亦以涇原傷夷，遣使諭仲淹欲移鎮。仲淹謝曰：『涇原重地，臣弗堪。』即用臣。臣願與韓琦同任，得竝駐涇州。」許琦兼秦鳳。臣兼環慶。涇原有警，臣與琦合秦鳳環慶之兵，犄角而進。若秦鳳環慶有警，亦得率涇原之師入之。卽聲勢合，而首尾之形成。仍詔龐籍領環慶，文彥博領秦

滕宗諒孫沔領慶。乃渭州一武臣足矣。於是置陝西五路安撫經畧招討使。各開府。如其言。於是琦仲淹愛撫士卒。延接諸允降者。咸感恩畏威。士勇邊實。時京師所遣兵。從宿衛來。曾不能勞苦。賊易之。而土兵勁悍。善戰。琦奏增土兵以抗賊。而稍減屯戍實京師。又以籠竿城。蔽蕭關。鳴沙孔道。實要地。請以爲德順軍。虜吭喉。乃在橫山。請於鄜延渭三州。各練土兵三萬爲一軍。軍別屯。而耳目相通。爲視聽。候虜所不備。出互擣之。破其和市。離其種落。以其間招來橫山之入。橫山墮。則平夏不支。平夏下。則俯視興靈。如穴中。

兔可攬而得矣。於是與仲淹定攻取計。益堅西人爲之語曰。軍中有一韓。西賊聞之心膽寒。軍中有一范。西賊聞之驚破膽。其憚懼如此。而環慶師龐籍。葺元昊所破金明。承平栲栳。諸砦完之。西北有渾州川。出沃川尾。曰橋子谷。爲西寇走集。遣將狄青築招安砦。其中募民耕收其粟以贍軍。與韓范相犄角。初元昊自怙其狡習兵。耻臣屬中國。又以中國承平久。不習兵也。故啓釁。已而中國繕守備益完。與攻戰勝負亦往往相當。而國中死亾創痍者日衆。會大旱。鼠食稼。則力困憊。國中至爲十不如之謠。以怨之。於是大困。

沮。而天子益厭苦兵。密詔經畧使籍令招納。事有端。而朝議幸元昊自歸。將一切惟所欲從之也。經畧使琦上書言。今朝廷信賞必罰。帥臣得便宜制置。一二年間。訓兵數萬。號令齊一。陳伍精整。而熟戶蕃兵。日漸可指臂。而使賊若傾國而來。則清野守塞。令其坐困。若偏師稍至。則據險乘便以徼之。得當而後已。待其退散。我兵以其間。歲三五出入以擾之。元昊諸廂兵。多在河外。必且疲於奔命。形立勢制。將山界蕃部。必勢窮自歸。因厚撫其酋豪。而元昊之手足自折矣。願朝廷以平定大計爲期。當軍行時。不以小勝小衄。

爲意則三五年間大功可集。豈遽爲晚耶。契丹見國
家深長之謀如此。必懼而休盟。不復敢輕動。此中國
之長策也。若處置失宜。生其易侮。他時爲中原禍。豈
止今日之邊患而已哉。臣等早蒙拔擢。預玷清班。塞
下三年。憂勞備極。豈不願罷戍。冀少自休。誠見西戎
疆梗未衰。挾以變詐。宜慎其處置。爲聖朝長久之畫。
誠不敢以身圖而後國事也。帝嘉納。踰年。元昊上書。
稱男泥定固兀卒。上書父大宋皇帝。更名而不臣。經
畧使龐籍致之闕下。且言羌人不通和。國人愁怨。今
必有改事中國之心。請謹所以御之者。使至。司諫蔡

襄言元卒者譚云吾祖也。意侮嫚朝廷。令朝廷賜之。

詔而亦曰吾祖是何等語耶。學士弼亦言契丹臣元。

昊而我不能臣。則契丹爲無敵於天下矣。不可許。乃

却其使。卒臣之。許歲賜二十有五萬。封夏國主而和。

成。乃元昊帝其國中自若也。始元昊作難王師屢撓常有并吞關中之意而

其將野利天都二人實爲之腹心環慶都鈐轄种世衡討以二人者不去中國之難本已也有王嵩者本

青澗僧世衡察其堅朴表授官力經營其家恩厚之已忽怠已更控辱苦之。察嵩終咍恩無少望乃召對

勞苦之曰吾以試若也。若幾能成我事乎。嵩泣對曰惟將軍之所使之於是乃草遺野利書爲隱辭如管

有私約而速其行者以蠟置衣領中密縫之勅非濱死必勿出而嵩至野利所致將軍命出棗一部龜一

幅以爲信乃無書野利不敢匿送之元昊元昊痛楚之幾死終不言命曳斬之乃號哭曰始將軍遣嵩遺

野利王書戒必獨致野利王。野利王乃庭見嵩嵩所
以恐死者冀得間投野利王也。今死矣。吾負將軍。吾
負將軍。於是乃出書而元昊果大疑野利。遣所信謬
爲野利使。使世衡所。世衡謬爲不知也。耆而結之。於
是元昊殺野利。世衡知謀已行。乃設莫境上爲文言。
野利與天都皆有意本朝。而惜其無成。天都亦以此
得罪。元昊旣失二將。羽翼鍛而勢孤。遂定。元昊據國
和本。元昊所爲和者。世衡間二將之力也。

十有六年而死。子諒祚立。英宗初。諒祚使失辭。敕懲
約。而諒祚不奉詔。顧擾邊。失利去。會發賜歲幣。知延
州陸詭曰。朝廷積習姑息。故虜益悖驚。不稍抑。則國
威不立。留不遣。而上書言狀。於是韓魏公琦柄國。議
停歲賜。絕和市。遣使問狀。樞密使文彥博難之。舉寶
元康定時事以爲儆。琦曰。諒祚狂童也。非有元昊智。

計勇力。而今日邊備過異。時遠甚。亟詰之。必服。於是
詔誅牒宥州。問款諒祚。果大沮。謝罪。已知清澗將种
諤言。夏將嵬名山者。欲以橫山之衆。取諒祚。自歸。詔
許招納。中丞司馬光爭曰。臣竊料名山之衆。不必能
加諒祚。卽幸而勝之。是滅一諒祚。生一諒祚也。何益。
若其不勝。必引衆歸我。不識當何以待之。臣恐朝廷
不獨失信於諒祚。又將失信於名山矣。儻其西還。不
可南入不受。窮無所歸。必突據邊城。以救其命。爲禍
曷已。陛下獨不見侯景之事乎。不聽。而种諤得嵬名
山以來。夏諒祚詐爲會議。誘知係安軍楊定等殺之。

邊釁復起。朝議以譔生事。欲誅譔。棄綏。命司空侍中
琦判永興軍。經略各之。琦初言。綏不當取。及定。等被殺。
復持綏不可棄。樞密以初議詰之。琦具言。前無納降。
啓釁固善。今釁則既成矣。虜既殺王官。又棄綏不守。
示弱已甚。必守綏以張國威。從之。而譔下吏放隨州。
神宗初。諒祚乘常立。天子用相安石言。欲彊兵。
建昌軍司理王韶詣闕上策言。西北自武威以南至
于洮河蘭鄯。皆故漢郡縣地。可耕而食。民可役而使
也。故欲取靈夏。當先復河湟。欲復河湟。當先以恩信
招撫沿邊諸羌種。今諸羌種族分散。莫相統一。此其

時可并而撫也。且唃氏子孫賄征虢盛爲諸戎所畏。若撫而用之。使糾合宗黨制其部族。於漢有肘腋之助。而於夏人爲斷其左臂也。天子異其言。下兩府相彥博難之。而相安石大喜。以爲奇謀。力主之。請卽以韶任其事。韶至秦。請築渭涇上下兩城立屯。宿重兵以撫納洮河。下秦鳳帥議。經畧使李師中言。今議修築。必廣發兵。廣發兵。則聲勢張。臣恐西蕃及洮河武勝軍諸部族生疑也。不若先招撫青唐武勝。及洮河諸蕃族。則諸蕃族畔。夏必乞修城砦。因所欲。量發兵助築。則斷絕夏人鈔畧之患。使部

人歸心計之得者也。唐於西域每得其地，輒建邑州。後皆陷失，至以清水爲界。蓋根本之計未實，腹心之患未除，而勤遠畧，貪土地者，未有不弊者也。安石以爲沮撓不聽。詔又言：「今羣臣疑洮河不可復者，以無財也。渭源至秦中，良田不耕者萬頃，願置市易司，假官錢爲之本，頗收商賈之利，取其贏以治田，異時回易息多，以措置洮河，軍可無乏。」興而召中書議安曰大善之相彥博曰：「陛下未聞工師之造屋乎？初必小計，冀人易興作。及工旣動，知不可已，乃漸增多，臣竊慮其後之難繼也。帝不以爲然。曰：「屋誠壞，亦何得無修？」王安石面訾。

之曰。主者誠善計。有成屋於曾中。何得欺。其所欺者。其無成屋胸中者耳。彥博語塞。乃詔師中以川交子。易物貨給之。師中又以爲詔所指田。乃極邊弓箭手地耳。又移市易司於古渭。僻不宜商。恐異時得不償所亡也。安石怒奪一官。知舒州。而遣竇舜卿知秦州。與宦者李若愚按閑田。僅得地一項。業又有訟者。舜卿若愚奏其欺。又爲謫舜卿。而令韓縝附會成其事。詔既主洮河安撫司事。以蕃部翁龍珂左青唐最大。因按邊引數騎直抵其帳。諭降之。兩種內附者十二萬人。於是名古渭若爲通遠軍。以詔知軍事。又降武

勝城則建以爲鎮洮軍名熙州已進復河岷於是得
宕洮疊三州并前內附者爲州五斬首數千級獲馬
牛羊萬計上御紫宸受朝賀輟王帶賜安石然熙河
雖名一路實無賦入而軍食仰於他路西人疲焉元
豐中邊將言夏秉常毋幽秉常而奪其政國命亂可
擊也於是命大閹伐夏樞密副使孫固曰舉兵易解
禍難今日之事將孰爲陛下任此者帝曰朕已屬李
憲矣固曰伐國大事也而令中官任之將人士解體
孰爲之盡力者今五路進師而無大帥又孰與成功
帝默然久之曰大帥難學士呂公著進曰國有大師

當先擇帥。既無其人。不如其已。固曰。公著言是也。終不聽。而五路師皆潰。羣帥皆竄。謫憲失期。當誅。自陳有開藥州功。乞貰。樞副固曰。兵法後期者斬。况諸路皆至。而憲以大帥獨後。此何可得貰也。不聽。命復以

制使知蘭州。虜大入蘭州。乃奪官。

時憲出熙河。神諤出鄜延。高遵裕出

環慶。劉昌祚出涇原。王中正出河東。分五道並進。昌祚率番漢兵五萬。擊夏磨哆塞。破入之。薄靈州。且入高遵裕嫉其功。馳止之。既而圍城者浹旬。不能下。夏人決黃河七級渠以灌師。又鉞絕饗道。士卒饑溺死。師遂潰。諤克米脂。進破石堡城。次夏州。軍乏食。適雨雪。大較。以其衆潰。中正自宥州行至奈王井。糧不繼。亦死。先是知延州沈括請盡城橫山。俯瞰靈夏。使虜不得越磧入為寇。而城橫山當自銀州始。詔給事中徐禧往視之。禧以為銀州雖據明堂川。無定河之會。而攷城東南。已為河水所吞。西北又阻天塹。不如求

樂永樂形險塞不可據也。沈括等以爲永樂倚山無水，
杲不可城，卽城不可守。帝主禧議，詔禧護諸將往乘
城，而命括移府址塞。總大兵爲援，築十四日而城成。
城距故銀州治二十五里，賜名銀州砦。禧還，木脂堡
九日，夏人以數千騎來攻。禧還救，夏傾國大至。大將
曲珍請及水濟擊之，不聽。請收兵入城，又不聽。旣大
敗，乃入城守。而夏人圍之者數重，且據其水砦。城乏
水而困，饋援並絕而城陷。禧及諸將皆敗死。夏人耀
兵米脂，是役也。得夏葭蘆吳保義合米脂浮圖塞門。
僅六堡而靈州永樂之役，官軍熟羌義保死者六十
萬人，輜重鉅百萬。自是帝始知邊臣無足倚信。自悔
少至，臨朝痛悼，爲廢寢食。而夏人亦困弊矣。元祐柔
輯，崇寧啓釁。夏叛服不常，然無足爲中國繫者。夏傳
國至元興乃亡。大都宋以文德御宇內，守慈恕，戒生

事遠夷北狄西戎皆大國其四夷高麗交趾大理日本他諸占城真臘蒲甘邈黎三佛齊之屬通貢者數十國于闐高昌回紇龜茲吐蕃猶襲古名時與中國通然莫足數也。

高麗本高句驪建隆中王王昭來入貢後益親時遣生徒入學有賜第者然受契丹封奉其正朔交趾本漢南越地唐交州總管府五代時交管亂丁公著攝驩州境內安堵有其地開寶六年孫璉遣使人貢授靜海軍節度使進交趾郡王太宗時璉卒弟璿嗣將黎桓擅權樹黨遷璿於別第總其衆太宗命將討之敗績而桓名下璿修貢表謝罪赦之八年以璿讓國求領鎮帝以其地阻遠授持節督交州諸軍桓質陋目眇負山海怒睢使者至自言與蠻戰墜馬傷足受詔不拜後出臨海汎張宴飲則又跣足持竿入水標大魚中之左右皆呼

又遣送二虎備緇勸久之進交趾郡王真宗初遣
南平王恒死子爭立知廣州裴策請討不許令安
撫使撓臂毋自相魚肉而定而龍廷嗣封爲苛虐
國人不服大較李公蘊逐之稱留後奉貢用恒故
事封之公蘊死子日政嗣死子日尊嗣寇欽邕州
詔多撫使會兵討表待罪罷兵神宗卽位進日尊
南平王而日尊破占城虜其王自帝其國號大越
死子乾德嗣熙寧中用事者求邊功知邕州蕭注
言交趾雖奉朝貢實包禍心今爲占城所敗衆不
滿萬可取也以注知桂州經畧之注入朝復以爲
難度支判官沈起言南交小醜無不可取之理乃
以起代注一意攻擾而交趾始貳起坐罷劉燹代
治戈船絕互市乾德表自訴不得達遂分三道陷
欽廉邕州起安置鄂州除燹名相安石得交人露
布而怒以郭達爲安南招討使宦者李憲副之詔
占城占臘令會師達復邕廉而自將西進至富良
江蠻以舟師前途戰高分遣將吏伐木治攻具機
石如雨蠻船壞因設伏擊之殺僞太子洪真李乾
德懼遣使詣軍門納款時官兵入萬人冒暑涉瘴
地死者過半富良江去其國不遠達不敢渡得其

廣源州。門州。思浪州。蘇茂州。桄榔縣。而
還。李八傳。至南宋爲壻。陳日嬰所有。

雍熙中。日

本有僧曰喬然。與其徒五六人浮海至。善隸書。而不通

華言。問其土風。獨書牘以對。云國中有五經及佛經。國

王王姓。傳今王。旣六十有四世矣。文武僚吏皆世官。統

五畿七道。三島三千七百七十三都。太宗歎息謂宰相

言。此島夷耳。乃世祚昌遐如此。其臣亦繼襲不絕。古之

道也。存撫之甚厚。吐蕃諸部來貢獻。帝慰撫賜束帛。謂

宰相言。吐蕃自唐室來。世爲邊患。今自歸無勤驅逐。不

害足矣。其綏懷慰薦之。祥符中。于闐王遣使以方物來

獻。見使者奉觴上萬壽。帝悅。爲舉觴。且詢卿在道幾何。

時度去此幾何里對曰臣在道旦行暮休一年于此矣不知其里也問道路得無憂乎對曰上威德遠被自瓜沙以往達于闐道路清行旅如流上喜甚留宴勞久之乃遣濱行使者請得一命使往填撫願不異遠吏上曰命使本不惜第路遠空爲爾國費無益也今降詔齎往於命使不異迨南渡而外國大食等猶時至孝宗謂侍臣曰今中國弊於女真極矣又虛捐數十萬緡易外夷珠玉何爲賜詔優答其意却之不貪其利焉元起朔狄入中國兼有戎夏四履之盛在古無匹垂百年而順帝失德爲淫荒我

高皇帝受 命清四海東南底定乃 命大將軍達副

將軍遇春帥師往北征檄天下以內夏外夷之誼曰

自古帝王臨御天下中國居內以制夷狄夷狄居外

以奉中國未聞以夷狄居中國爲天下治者也自宋

祚傾移元以北狄入主中國四海內外罔不臣服此

豈人力實乃天授然達人志士尚有冠屨倒置之嘆

况自是以後大德廢長立幼泰定以臣弑君大曆以

弟醜兄至於弟收兄妻子烝父妾上下相習恬不爲

怪其父子君臣夫婦長幼之倫濁亂甚矣乃今宰

相專權憲臺報怨有司毒虐於是人心離叛天下並

起使我中國之民死者肝腦塗地。生者骨肉不保。雖
人事致然。實天厭夷德而棄之之時也。古云胡虜無
百年之運。豈不信哉。夫天運循環。中原氣盛。億兆中
當降生聖人。恢復中華。立紹陳紀。以濟世安民。一紀
於茲。未之有聞。今河洛關陝數雄。忘中國祖宗之姓。
就胡虜禽獸之名。假號濟私。恃衆要主。阻兵據險。反
爲生民之害。皆非華夏之主也。予本淮右布衣。因天
下亂。爲衆所推。率師渡江。居金陵形勝之地。今十有
三年矣。西抵巴蜀。東連滄海。南控閩越。漢沔湖湘。兩
淮徐邳。皆入版圖。奄及南方。盡爲我有。民稍安。食稍

足。兵稍精。控弦執矢。注視中原。久無所主。深用疚心。
奉天成命。罔敢自安。方欲遣兵北逐羣虜。拯生民之
塗炭。復漢官之威儀。慮人民未知。反爲我讐。挈家北
走。陷溺彌甚。故先諭告。兵至民人勿避。予號令嚴肅。
無秋毫犯隸我者。永安於中華。背我者。自竄於塞漠。
蓋我中國之人。天必命中國之人以安之。夷狄何得
而治之哉。爾民其體之。如蒙古色目。雖非華夏族類。
同生天地之間。有能知禮義。願爲臣民者。與中夏人
一體撫養無異。

上臨諭諸將曰。征伐所以奉天命。平禍亂安民者也。今

士卒苦兵久。朕念之怛然傷心。獨中原民瘼天監。茲在朕不敢自怠。昔元起沙漠。其祖宗有德格天。入主中國。及其子孫荒怠。罔恤民艱。天厭棄之。君實有罪。民則何辜。今命諸將軍往征。諸將軍其廓清中原。拯民艱以應天。前代革命之際。肆屠戮如仇讐。邇天虐民。朕甚不取。諸將軍謹以爲戒。以成予伐。罪救民之志。大師克燕。元主北出塞遁去。明年也。速寇通州。偏將軍文忠。副將軍遇春。敗之錦川。進師大寧。也速逆戰敗走。進破開平。元主奔應昌。三年。殂于應昌。大師克應昌。獲天子璽寶圭冊。并獲其孫買的里八剌。

及后妃諸王以來。而太子愛猷識里達剌。宵跳身遁。於是下詔言。朕卽位初。遣使臨諭四夷。高麗占城交趾。皆奉職納貢。惟漠北以庚申君故。未徃報。今彼祿位已終。人心絕望。其迤北各枝王頭目。各依職來附。當換給印信。還領所部。毋爲寇災矣。朕旣爲天下主。視華夷無間。凡馬牛羊孳畜。從便地牧養。違者且舉師清沙漠。毋執迷貽悔。而追謚故元主爲順帝。以順天命。北避故也。封買的里八剌爲崇禮侯。而愛猷自帝於虜中。五年春。命大將軍達出大同。趨河林。征西將軍勝出臨洮。攻甘肅。征虜將軍文忠出北平。攻上都。

分道出擊。胡大將軍以運阻。完師還勝。取北。肅文忠
擒應昌。馳薄土刺河。戰疾力。窮騁海而還。

上書諭元幼主曰。皇天無親。惟德是輔。興廢有國者之
所必有也。朕覽觀前代。獲勝國子孫。必俘廟社。以獻
厥功。初間有恩。禮封爵。迄以無後。雖君家寧獨異乎。
宋幼主是已。朕本布衣。生長君朝。盜起汝潁。斬黃間。
四海土崩。生民塗炭。朕興師救民。一時羣雄僭名號。
者。咸就俘虜。雖君父子。亦不能守其廟社。北遁沙漠。
此天命非人力也。自古有識之君。孰不畏天。畏天者
存。故特致書。以布朕意。君其察焉。已而遣崇禮侯北。

歸。然當是時。殘虜伏障。固時時殘吏民爲寇災。而

國家樹藩建屏。周匝于三聖。爲中國守。十四年。乃兒

不花寇塞上。魏國公達率諸將將大軍討逐之。北至

河襲灰山。大克獲而還。納哈出者。元木華黎裔孫也。大將軍克燕時獲之。上待之

如子。然居恒不樂遣之歸。納哈出據金山。出沒遼東。塞時爲寇。輒畜饒於虜主。宋國公馮勝率列侯諸將

將大軍三十萬往擊之。勝前抵金山。招諭之。不聽。進兵逼其營。納哈出遣使陽納款。覘我師。勝遣永昌侯

王往受降。納哈出見王至。喜。與飲酒。歡甚。酌酒酬王。王解衣衣之。曰。君服此。我乃飲。納哈出不肯服。王亦

持不飲。爭之急。納哈出怒。取酒澆地。顧左右咄咄語。欲脫去。時鄭國公常茂爲輔行。茂麾下趙指揮者解

胡語。以告茂。茂直前搏納哈出。牽其臂。不得去。遂擁

以來。時納哈出所部將士尚二十餘萬。在松花江北。聞之大驚潰。勝急遣降者觀童。前往諭降其衆。而還

亦計勝軍中陰事爲勝負以是功
不列納哈出至都下封海西侯二十一年永昌侯

玉克大將軍出大寧北擊虜進抵慶州時虜主愛猷

識里達刺虎漠北再歲矣子脫古思帖兒立玉破虜

捕魚海大克復而還玉聞虜主乃在捕魚海兼程進去海四十里而軍不見虜欲還

副將王弼曰將軍提十萬師入虜地勞費甚而不見
虜自還將何所藉手見主上乎玉乃令諸軍穴地

而襲毋令虜見煙火乘夜疾抵海乃知虜主營在海

東北八十里亟薄之會大風揚沙晝晦虜不意我師

猝至則大驚脫古思脫木兒急與其太子天保奴從

十餘騎跳身遁王追之不及獲其小子地保奴等及

妃主百十人降官酋男婦八

千人馬駝牛羊十五萬而還其後脫古思帖木兒爲

其下所弑部落潰散

上勅禮部言朕削平禍亂以一天下二十餘年而朔漠

乃清虜主北竄。爲其下所殺。惟知院捏怯來。丞相失
列門等。阻兵自固。爾禮部可移書諭二臣。如有意南
來。聽入朝。如決意北嚮。亦聽從所欲。吉之人有殺身
亡家而立名者。有保身全宗而圖功者。人所志不同。
不可強也。而捏怯來等遂皆降。建文中。韃靼避不稱
元。復其國故號。坤帖木兒。鬼赤力再世。避大號。稱可
汗。獨稍稍仍用漢官名。永樂初。

上書喻鬼赤力可汗。令通好。不報。四年。復喻之曰。朕嗣
天位。撫天下。體天心以治。惟欲萬方咸得其所。今海
內外萬國。臣順和樂。嘗遣使致書。汗謂宜通好。爲

一家而可汗不悟。拘使臣掠邊如故。夫天之所與。孰能違之。天之所廢。孰能與之。昔天命宋主天下。立十餘世。君德不厭。命元代之。元數世後。天厭其德。命我太祖高皇帝代之。此皆天命。何人力能致也。語曰。順天者存。逆天者亡。自愛猷北徙而來。至今可汗更七主矣。爾衆身不釋甲冑。手不釋弓刀。東遷西驚。老不得終其天年。少不得安其居。是遵何過。非逆天之故哉。可汗聰明特達。宜敬天命。恤民窮。還前所遣使。休邊通好。用寧息爾衆。同享太平之福。顧不韙與。若必崛強。欲以力較。朕亦何得獨已。可汗其審思行之。文綺

二表裏。致朕意。復不報。其後鬼力赤以非元裔。衆不附而弑。虜迎本雅失里而北。欲立之。

上賜書諭之曰。元自順帝來。瞬息七易主矣。未聞一人有善終者。此可以驗天道矣。今阿魯台等迎爾俱北。朕計鬼力赤與也孫台結肺腑者久。未必能棄親而就疎。爾保身不易哉。昔周封舜後。胡公滿於陳。夏後東樓公於杞。商後箕子於朝鮮。微子於宋。我皇考於元後。存恤保全如遺。脫古思木北還。後爲可汗。南北人所共知也。朕之心。即古帝王與

皇考之心。爾元氏宗嫡。當奉世祀。去就之際。所宜三思。

朕愛人之誠同於皦日。故遣使諭朕志。明年本雅失
竟立。復遣給事中郭驥往與通。虜殺驥不報。於是遣
淇國公福統五將軍出塞擊之。

上諭福曰。本雅失理逆天道。羈信使。故命爾徂征。爾必
戒之。出開平而北。即不見虜。必時時如對敵。日夜嚴
斥望。即遇虜。設奇奮擊。毋輕敵。不得便。即止。毋爲虜
所紿。福竟以易敵而劒。大師殲焉。

福出塞率千餘人
先至疆响河遇虜

游兵擊敗之。遂乘勝渡河。獲虜尚書一人。飲之酒。問
可汗安在。尚書言可汗聞兵來欲北遁。去此可三十
里。福喜曰。可疾馳擊擒此虜矣。時諸軍未集。諸將皆
以爲此誑我。不可信。不聽。令虜尚書爲卿導徑前薄
虜營。虜佯敗。欲致我令深入。福銳意乘之。安平侯李
達泣諫曰。將軍輕信譁者言。懸孤軍至此。虜示弱。徂

我也將退欲乘我進且覆我微疲極取我耳將軍獨不念行時

上勅諄戒乎計獨宜結營陳自固晝揚旗伐鼓出奇兵挑之夜多燃炬鳴砲張軍聲使虜人莫測一二日我大軍至併力畢擊之何不克也即不然得全師而還爲功多矣武城侯聰亦力言福不聽馳馬揮士卒直前進薄虜諸將不得已從之而五將軍之師皆敗沒

上聞之震怒念虜不大創不靖也欲務其庭種滅之拔亂原尚書原吉議以爲師出塞遠則餉難請用武創車三萬輛約運糧二十萬石踵軍行過十日請築一城貯之留軍守再十日又築城貯之庶濟師

上曰善如其計名所築城曰殺胡曰平胡八年春二月詔曰朕受天命承洪業統御萬方普天率土靡不

從化獨北虜殘孽肆騁兇暴屢使撫循輒見拘殺恩
旣遄背德豈可懷朕仰稽天道則其運已絕俯驗人
事則彼衆已離今親帥六軍以彰天討且必勝之道
有五以大擊小以順取逆以治攻亂以逸伐勞以悅
弔怨未有不殄滅者也蕩除有罪則沙漠汎清撫綏
顛連將疆場寧謐庶幾一勞永逸輒費永寧於是
命戶尚書原吉兼總部院事輔皇長孫居守學士
廣侍講榮幼孜從三月發京師大閱於鳴鑾鎮出
塞至清水原地鹹鹵水泉不可食軍苦暍

上默禱而泉沛出賜名神應泉夏四月次灤海五月至

幹難河。幹難河者。元太祖始興地也。本雅失里率衆戰。大敗。絕迹遁。虜酋阿魯台請納款。且請得併女直諸番以內附。侍臣多請許之。學士黃淮曰。虜狼子野心。散則易制。使得併爲一。則勢專難圖。殆不可聽也。上太息曰。淮議善。淮如立馬高岡。靡遠不見。他人平地。

見止目前耳。乃不許平。大破之。靜虜鎮。於玄石坡。勒

銘焉。於禽胡山。勒銘焉。於清泉流。又勒銘焉。乃班師。

秋七月還京。上故嘗親擊胡。至是歷指所過山川。示榮勿孜其處。登野狐嶺。曰。登此。諸

山皆伏在下矣。至興和。遠望高。抵近。乃漸平。曰。此陰山脊也。若塹山。塹池。卽鐵騎千群。能飛度耶。次鳴鑾。戌。曰。此大伯顏山。其西北則小伯顏山。東北卽開平。大遼。魯。曰。古交河。在谷州。是兩河所交。水嚙沙出。

軍中熱牧，毋得出長圍外爲慎防。六月，開平報虜攻萬全，諸將請分兵還擊之。上曰：「不然，虜慮大軍徑搗巢，故爲此牽制之。」脫分兵，正墮其計。此其衆不多，知大軍北破膽矣。其何敢攻城？毋分兵，已未，次殺胡原。阿魯台盡棄其馬、駝、牛、輜重，于闊樂海之側，與家屬比遁。上曰：「獸窮則搏，虜或挾詭謀，示弱以誤我，無爲窮追，盡收其畜產，焚輜重而還。」遂班師。是夜召諸將諭曰：「阿魯台敢爲悖逆者，以兀良哈爲之羽翼也。今阿魯台北遁，而兀良哈敢寇掠輜重，當簡步騎二萬，分五道疾走之。所謂迅雷不及掩耳也。」虜聞有師報，必西走。朕親以兵從西道要擊之，虜破必矣。五軍會而兀良哈果驅馬、牛、羊、車、輜西走，陷澤中，卒積斃。上麾兵蹙之，斬首數百，給餘白蹂踐。上乘高望，見虜衆復聚，乃麾兵繞山後，出其左，又分兵出其右，親麾兵渡河，扼其後躡之。而令甲士持神機弩，入深林中爲覆。日寇至，乃發，已寇突而左，左師馳之。走林中，林中伏卒起，虜大驚潰，走渡河。虎傷畧盡，餘數百人躍馬走。上曰：「此首虜所居，疾擊之。」追奔三十里，蕩其巢而還。時阿魯台弑其主本雅失里而自立。本

雅失里妻率其屬來朝二十一年秋七月。

上出塞次萬全不見虜而還。冬韃靼王子也先土千率部落妻子來歸封爲忠勇

王賜姓名金忠虜降將屢言阿魯台弑主虐人違天逆命當

誅也願捐軀爲士卒先

上曰而休矣兵數動卽朕猶厭之況下人乎吾欲自戢也忠曰如邊人荼毒何

上曰卿意固善然事須有名漢文帝言漢過不先姑待之二十二年開平將奏虜入盜邊乃親征大學士

榮幼孜從次開平虜遠遁

上夜夢神人言上帝好生者再乃遣使諭虜令自歸乃

班師次榆木川而崩。當是時。內帑以數擊胡虜。士苦騷。師出時。廷臣交諫。戶尚書原吉繫掖庭。兵尚書賓自經死。而虜以積威大創。不復肆。如異時。乃上竟以陟方殂焉。豈不哀哉。

章皇帝卽位。給本雅失里妻及其外母米。月五石。會虜諸酋數相搆。戰塞下。欵塞言欲降。

上勅總兵武安侯亨言。聞阿魯台與瓦剌脫歡戰敗。假息近邊。使云欲降。宜嚴爲備。歸正人傳赴京師。虜多詐。受降如受敵。已阿魯台敗兀良哈。駐牧遼東。自遼東入貢。

上勅總兵言。往虜使自宣大入。今顧從遼東。宜謹爲備。
上至英武。閑武事。而耀德戢威。不自耀如此。聖之至也。
虜酋也。先者。左刺王脫歡子也。脫歡并阿魯台之衆。
欲自立。而衆不附。立元世脫脫不花奉之。脫歡死也。
先衆益強。而脫脫不花弱甚。不能制。更妻其姊以爲
歡。正統初。二虜使並貢。得賞資過望而喜。我通事人
又往往爲好語謾之也。先愈益喜。因請婚。通事人陽
應曰。諾。已謾之曰。吾爲若奏。上報許矣也。先乃大
喜。以得婚中國誇諸酋。上四年春。遣使大貢馬爲聘。
而朝廷曾未之知也。答詔語不及婚。則大愧怒。

今唐碑尚在。大小甘泉曰。此女直也。山。則有水色。草木。豹虎。色畢如之。是所謂長白山也。至長清塞曰。至此。則望北斗。乃在南矣。經闊藥海。曰。此周千餘里。幹難驢响者。七河水畢注。其賜名殺玄冥池。窮幹難河曰。是蒙古本所興地也。於是本雅失里來拒戰。大破之。班師至靜虜。破阿魯台。勒銘玄石坡。立馬峯。銘曰。維日月明。維天地壽。玄石勒銘。與之悠久。禽胡山。銘曰。瀚海爲鑪。天山爲鐸。一掃胡塵。永清沙漠。清流泉。銘曰。於鏖六師。用殲醜。是役也。士乏饟。虜山高水清。永彰我武。

上命以御膳所儲給三軍。軍食已。乃食次開平。張宴。大酺。將士士酺已。乃肉食。盖恩念如此。會阿魯台與瓦剌相讐殺。窮蹙。南保塞乞降。

上曰。虜黠謾難信。然天地之仁。主覆育。豈顧擇哉。納貢。使封爲和寧王。毋妻封夫人。數年。虜頗桀敖。虜使至。

上拘留苦之。而虜寇興和。

上親征。顓于上帝。告于宗廟社稷。厥明。輟承天

門。礪居庸北山川。告旗纛太歲風師雷師雨師。又四日。抵鷄鳴山。虜遁。釋不追。曰。虜得欲急走。追之徒勞。止勿追。需後。出不意。蕩其巢。未晚也。大捕鹵而還。

上在位之二十年。夏五月五日。

上親征。宴羣臣。丁卯大閱。御製平胡三曲。俾將士咸

詠歌。庚午。召列侯騎射。辛未。發隰寧北征。擊阿魯台。破之。遂擊兀良哈。蕩其巢而還。

上比征統大營居中外分駐五軍。建左哨右哨左掖右掖以總之。內步外騎。中幾幾營。置商卒之外。又外有長圍。周二十里而重合。

盡發其種落入犯邊。閣王振用事。顧自喜。怙中國威重。以爲虜當可以聲勢壓也。主親征。閣大臣皆不得預議。百官伏闕上章留。不聽。丙戌。命大監金瑛輔郕王居守。而車駕發京師。出居庸。過懷來。至宣府。天大雷雨。以風。八月辛酉。師覆於土木。上北狩。百官廷劾振罪。振族誅。

景皇帝以皇太后命。卽皇帝位。遙尊

上爲太上皇帝。時國遭大變。衆恒索無固志。侍講程依占象倡言。當徙都。大臣百官。業有遺家室南避者。於是尚書謙慟哭抗疏言。京師天下根本。宗

廟社稷陵寢咸在。百官萬姓。帑藏倉儲亦咸在。令一動。卽大勢盡去。宋南渡事可鑒也。且天下全盛無動搖。而京師城高堅。足待敵。獨乘輿偶跌。行必復奈何。遽議遷乎。大監金英主其議。左右之宣言曰。今日之事。君臣當守。庀社稷有言南遷者。

上命立誅之。下榜諭衆稍稍定。而固守之議遂決。冬十月。虜破紫荆。擁

上皇南進。薄于都圻。宣言索大臣。王直胡濙于謙等出迎。駕觀中國俯仰。於是遣通政參議復中書舍人

榮。充九卿如虜師。朝

上皇。上皇密諭曰。彼無善意。宜亟反。是日。費

長陵

獻陵。景陵殿寢門。游騎四出。南至干盧溝。朝議欲

鍵九門。清野以老敵。尚書謙曰。不有戰。何以守。於是
親擐甲。先將士出。反闔德勝門而軍。示士卒必死。前
薄虜。敗之。大總兵石亨軍彰義門。戰疾力。又敗之。侯
孫鏗王通中外夾擊。又敗之。虜勢沮。而諸勒王兵以
次集。於是謙榜各門。募蕃漢軍能擒斬也。先自效者
賞萬金爵上公也。先心內懼。遂遁。而伯顏木帖兒奉
上皇出紫荆關。詔諸將分兵躡虜於清風店。大破之。
而遣諸邊將各還鎮。於是遣都御史沈固鎮大同。尚

書石璞鎮宣府。都御史羅通。都督范廣守山西。都督王通守天壽山。僉都御史王竑守居庸。起周忱爲工尚書。復巡撫南直隸。督蘇松餉運。於是戰守盡大具。而虜使來輸平。方虜圍大同時。擁

上皇至。索金幣。糾賂至。駕歸大同。帥郭登繕戰守。備益力。已登城曰。賴天地宗社之靈。國有君矣。徇宣府。宣府人對亦如之。至都城。虜以

上皇爲重質。肆危言。唯讓少保謙。颺言曰。豈不聞社稷爲重。君爲輕。於是虜知留

上皇。終不得大賂。庚午八月。乃以好使奉

上皇迴蹕還京師。蓋是時中國全盛。主德無闕。一戰而六師大覆。乘輿北狩。固亘古未有。賴

景帝立而天下有君。少保忠畧。措勝於廊廟。未踰年而。上皇旋軫。天下晏如。民忘其敗。變劇大而成功速。亦亘古未有也。既而也先來貢馬。且乞命使通往來。下

廷議。言官以爲虜懷窺伺。宜絕勿報使。執政以爲難。下兵部尚書謙。臣職本兵。獨知有兵。脫賊犯順。卽當行天誅。使事臣不敢知也。制曰。使勿遣。於是勅也先言。太師求答使。本欲遣。第念往遣報。小人言語短長。傷和好無益。故不遣。人來朝貢。多乃至三千餘。

邊人苦之。邊將請謝絕。朕念太師忠義。姑聽。後少遣。臨遣時。與總日關會。得爲許昌防。太師并各頭目。差正副使三十人。甚勞苦。各陞都督都指揮。指揮千戶等官。已勅諸邊鎮練兵爲虜防。會也先弑其主而自立。來貢。稱繇盛大可汗。繇盛者華言天聖也。下其書禮官。儀制卽章綸言。可汗在中國。固戎狄酋長之常稱。在戎狄。則帝者之位號。觀其上唐太宗號爲天可汗。元世祖爲成吉思可汗。可見矣。向脫脫不花尸元世傳。稱名猶近正。今也先弑主。僭號名實大舛。若因而稱之。彼以爲中國天子。亦稱我可汗。得誇示羣

酋率酋驚服。且遂爲中國患。莫若。賜勅別封爲

順王。或瓦剌王便而安遠侯溥給事中林聰徐

欲仍舊太師禮官會議言古王者不治夷狄以爲不

足治也。也先所稱固不可盡從。若可汗乃隋唐來北

狄酋長之通稱。非中國所禁。宜可聽。勅書宜稱爲瓦

剌可汗。示羈縻便。詔稱瓦剌可汗而。勅文武大

臣條備邊長策以聞。都督俊請大集兵團練。爲搗巢

計。俊疏言異時也。先雖獷橫而。諸酋角立者尚在東

兀良哈野人。西至蒙古赤斤哈密皆受約束。包藏禍

心待時而動。又聞其妻孥輜重。在哈刺莽來。去宣府

纔數百里。健人往馬屯沙窩去邊尤近。今大同宣府

懷來遼東山海永平寧夏延綏甘涼莊浪等處宿兵

不下數十萬。臣愚以爲險阻之虞。量留守禦。選其壯勇。各選老成諳戰官將之。西赴代州。東赴永平。結營圍操。更選京營騎兵。申令股肱大臣。統率至宣大。合宣大兵列營屯守。爲正兵。其永平營兵。赴偏頭關一帶。按伏爲奇兵。部署既定。或拘絕虜使。以激其怒。或檄數叛逆。以正其罪。伺彼來侵。我正兵堅壁清野。坐觀變而密遣奇兵。日夜倍道擣其巢。擒其妻孥。獲其輜重。彼前不敢進。後不得顧。比還相救。我乘其奔潰。奇兵夾擊之。此實戰勝攻取之機也。下本兵少保謙言也。先違天背德。

彼之罪惡已盈。我之讐耻宜雪。俊發憤徇國。固其理也。但興兵舉事。繫社稷安危。卽如俊言。萬一我軍出境。賊遣偏師牽我。而別遣犬羊。繇間道乘虛以搗我。而我備已撤。則非萬全也。且國家之患。非止北虜。東南之寇盜未除。河南之流民嘯聚。豈可輕內重外。

不豫防而輕於一擲哉。夷狄之性利於疾速不能持久。去來如風雨。聚散則蜂蟻得利則鴟張失勢則鼠竄。乃欲糾兵涉遠。乘一旦之決以策事。將卒不相知。號令不相統。誠未見其便時。謙以虜奉。

上皇駕南還而討之無名。內卻俊難顯言。獨本其爲國遠慮者如此。而大信固在也。已而也。先以殘醜失軍走遂野。死自是虜諸部。瓦剌小王子種落益分。反覆相蹂躪。卽貢馬二種亦相繼往來。恐中國有所左右也。以故雖時入盜邊。而內相猜亦不能深入。若久留也。成化中瓦剌太師阿失帖木兒使入貢。繇喜峯。

口入挾三衛夷與俱。先是北使入貢，繇大同三衛使從喜峯口而北，使至賞賚燕勞，類優於他夷，以勝國遺孽故。至是忽自異部以聞。旨下言：北使既混同三衛來，直以三衛夷禮禮之，絀其心，虜使恚有違言。通事諭之故，上書服罪。乃遇以故禮，禮部言阿失帖木兒兩月間使進貢者二，又不繇故道，殆其結各虜繇徑近狎至以窺邊，宜遏其機牙。於是賜勅言：自爾祖脫歡而來，朝貢信使有常時，往來道路有常處，未嘗引他夷混賞賚。朝廷亦待之不疑，故全也。今爾貢兩月再遣使臣，又同朶顏使從東來，卜剌朶顏

俱我屬衛朝貢自有節。今無故糾以來。非法也。自今
當順天道。敬中國。體爾前人心。歲冬農隙時。聽遣使
使毋過三四十人。使從大同入。朝廷得壹意款待。
篤世好。虜大懾服。當是時。虜阿羅出者。結朮加思蘭。
孛羅忽者。結毛里孩。各爲黨。出入河套中。而中國被
虜若亡命者爲鄉導。頻歲頗深入內郡爲寇災。已而
朮加思蘭殺阿羅出。併其衆。而滿魯都入河套。稱可
汗。以朮加思蘭爲太師。尋殺之。而引兵入榆林寧夏。
掠環慶。遂至于固原。廷臣數議搜套。復東勝不果。
而時國諸邊督撫無慮皆得人。以故無虜憂。後乃

有火篩。火篩者。故小王子部夷也。弘治中。畜產富於
小王子。與小王子爭長。而議者言虜入貢。從邊關諸
隘。熟險夷。又瞰知我兵力。於伏患不細。請閉關却貢。
而火篩遂邀結諸部。迭入宣大寧夏塞。殺吏民爲暴。
四年春。虜入榆林。秋。入花馬池。遂至于固原。諸將陳
瑛。朱瑾。馬昇。秦恭。逮論死。宥戍邊。召尚書絃兼都御
史。召都御史大夏入兵部爲尚書。會都御史閻仲宇
督大同。虜入而大同師大。颺於是。

天子發憤。銳意捕討虜。召閣學士議出師。曰。墩軍皆吾
赤子。虜捕殺之不道。非致討不可矣。輔臣健對曰。

皇上垂念赤子甚盛德。然兵危事。動調未可輕遷進。口邊事急。京師居重。馭輕尤急。京軍未可動也。

上意猶未怠。東陽曰。邊大同稍險遠。可自支。而潮河川去京師一日而近。今北虜與朶顏頗交通。卽潮河川古北口。當必有內間。儻京軍出。恐不無後憂。且賊在大同。未委所向。儻令聲東擊西。而我軍奔走從之。此不戰自弊之道也。

上曰。虜驚甚。不擊之不武。卽未出。宜敕軍備。豫以需。皆頓首曰。講之善已。召兵尚書大夏。諭如初。大夏亦力言未可。

上曰。太宗時。頻年出師。捕逐虜。窮其巢穴。擊之。乃動。無不克。何也。大夏曰。

太宗時。兵精餉足。將士經百戰。足辨虜。故利也。今承平久。將懦士脆。糧乏馬頓。人玩法而不習兵。奈何得效之乎。今出師。非獨不能殺賊。抑且暴害邊人。有損無益也。時中官苗達。陰主用兵。畫欲傲爲利。故微及之。上憮然悟曰。朕幾爲人所誤。乃寢師。勅諸邊嚴防禦而定。當是時。諸邊業困弊。然。

天子仁聖。大臣恭和。民物殷阜。內治平明。而海宇宴然。並受其福。以故安會。

本宗崩逆瑾竊柄輔臣本兵諸督府經國者相繼
邊大地邊臣連白獨云進若千里扞虜退若千里

再舉本刪去

我我竟日退虜惠日進而是時火篩與小王子相擊
殺而小王子益衰其後太師亦不刺殺小王子而小
王子長子阿爾倫遜入于河西居青海蠶食諸番夷
諸番夷畏之而河西始有虜迫塞下矣阿爾倫死子
幼不得立弟阿著稱小王子未幾死而二子曰吉囊
曰俺答皆黠多智俺答駐牧開原上都迫附宣大而
吉囊駐牧河套中迫寧夏延綏南竟于太原其後二
酋結諸部鮮讐爲盟誓招中國逋逃習火炮備器械

歲深入犯邊。於是小王子種復最。強嘉靖初。

肅皇帝至神聖。慮無不在邊。楊文襄一清。胡端敏世寧。
李康惠承勛。相繼爲本兵。日嚴邊。然於時。虜或東入
遼東。或北掠漁陽。宣大。或西蹂榆林。又西道松潘。嫩
四川矣。其後

上旣玄脩。西內念獨在按名法刑賞。繩邊將吏而足。卽
督撫大臣。往往逮。詔獄劾治。輕乃謫戍。而閣大臣
完國者。頗倚寵納賂。賂茲草。諸邊歲請帑藏金數百
萬名餉犒。而絡繹輸權門。張勝諱敗。冒功掩罪。以
邊大。比。嘉靖十九年。吉囊俺答二酋者。分道

入宣府掠蔚州。駐屯者再月而守將以論功遷。已分道入大同。大同軍與約言。爾無我驚。我無爾虞。虜嚙指折箭誓而去。遂越大同度鴈門。抵寧武。入嵐靜。殺人畜萬計。掠固原。二十年。虜復入太原。屠石州。二十一年。吉囊病死。子扳不孩牧套中。而俺答糾數酋入掠太原。自夏六月。至于秋七月。破衛十。破州縣三十八。殺虜二十餘萬人。馬牛羊二百萬。衣襪金錢桶是焚。公私廬舍八萬區。時胡莊肅松提學山西。發憤條邊事甚具。且言臣於六月中。在山西省中。見吏民捕得虜所遣謀。稱虜自去秋。搶興嵐等縣。得利後。入春

來。卽走其部落。傳箭調集諸種部人馬。刻期南侵。其
聲息不爲不章徹矣。大同鎮巡與之密邇。可諉曰不
聞知乎。自度力能捍禦。固當日夕設方畧。簡人馬繕
器械。務爲不可勝。以待敵。卽力不能。亦當疏言其狀。
請朝廷廣措芻糗。預調鄰兵。以併力捍禦之。誠不
宜默默而已也。乃緘口養亂。束手坐觀。待其諸部旣
集。擁兵壓境。然後以彼求貢之詞聞。是將誰欺乎。矧
又還其間諜。絕不設備。頗聞陰納賂遺。歛令勿殘已
地。竟不聞以一矢相加遺。而使之長驅深入。徧行內
地。如蹈無人之境也。夫受閫外重寄。爲國家封疆。

之臣而若此豈不辱國體而敗王事哉。察其所以蓋
緣都御史道意廣欲奢。日冀遷陟。旣不以地方爲已
責。而總兵等官。又欲僥一時之倖。而嫁禍於後人。以
致虜賊敢於深入而不忌。是山西之禍。大同實成之。
昔春秋之時。夷狄內侵。仲尼深罪齊晉之不能討。則
大同鎮巡者。固春秋之義所深誅也。語有之曰。蟻穴
不窒。將爲江河。毫末不折。將尋斧柯。言微之必著。而
積漸之爲害大也。始數年北虜之侵我也。雖烽火時
警。疆場不寧。然不過緣邊而止。猶未敢公然無忌也。
其後漸知我之虛實。謂莫能抗。則深入關南。興嵐靜

樂之境矣。然距偏頭寧武諸關。猶未甚遠。亦猶有忌也。茲者一月兩舉。直踰平定而東。石州而西。視去歲所侵。又越數百里而遙。此其漸安可長哉。夫虜猶狗豕然。於此得便。則於此數來。亟朴之。則終莫敢至。臣不暇遠引。論近事。正統中也。先入寇。賴清風店一戰。而勝。胡人痛哭而不敢南。以有懲也。今虜暫退。宜及是時。申戒內外任事之臣。勿以虜退而苟安。凜凜然。常若百萬之敵壓於境。日夜蒐補簡閱。激昂教訓。諸中外所上一切便事。果斷而力行之。務收清風之捷。以全中原數百萬生靈之命。臣不勝大願。跪上。

上拊髀歎以爲忠。命擢用。而當路者嘻笑之。以爲越職。自炫鬻。非所宜言也。欲頓蹙敗之。擢山西參政。備兵代州。聽撫臣交用。居數月。虜入。論罷官。自是虜益橫。歲深入。而輔臣覘

上意。厭聞兵。諸警諜不時上。二十九年秋八月。諜者言虜駐古北口塞下。伏牛馬谿谷中數處。御史王忬按順天。急疏言古北口距京師僅七舍。地平漫無衛戍。可瞭望。虜卽鳥舉。如景不可搏。請固京師。而集廷臣議戰守畫。召郡國兵入衛。急京師。疏發。卽身馳往通州遏虜。令毋西。夜登陴。則虜已闌入薄城州。

而軍蟻附之矣。時京兵少壯者已悉遣。餘僅老弱。多
總兵提督太監所役占。不能軍。檄邊兵入衛。不時至。
上大驚。詔吏部左侍郎王邦瑞定西侯蔣傳督九門。
門各文武大臣守之。集天下武試生至者料以從。
詔都御史商大節別募良家子。蒼頭義軍。令坊甲保
伍列諸門。而都門不啓。時

天子坐西齋宮。憂之亡所出。會虜獲我中貴人。爲嫚書
附以進。曰。予我幣。通我貢。卽解圍。不者歲一度而郭。
禮尚書階。要諸大臣以御朝請。

上乃御便殿。出虜書示之。命階出集廷臣議。當許貢。

與否廷臣相視莫敢發國子司業趙貞吉抗聲言此
何必問問則奸邪臣必有以和議進者且虜大入震
宮闕譬扼我吭而迫之乃許貢耶於城下盟何異
爲今計獨下罪已詔追錄故都督周尚文功賜

祠錄後赦給事中沈東出之獄捐帑金百萬而以百
金易一虜不效貞吉受其咎時東以理尚文功得逮
故也簡討毛起囁嚅言吾姑寬虜以予貢而出之而
後徐議守未晚貞吉怒衆叱之爭之堅錦衣衛經歷
沈鍊申趙語太宰夏邦謨目攝之曰若何小吏也鍊
曰大吏嚙弗言故小吏言之獨不曰主辱臣死耶尚

書階持衆議上弗予貢。是夕虜焚安定門關外民廬舍。光燭天。明日。

上震怒。念大吏玩愒。不畏法畏敵。致虜跳梁如此。恨恨也。出御殿。跪羣臣午門。立捕兵尚書丁汝夔。趣具獄論死。僅畧刻讞上。而法司猶見謂比周。冀緩縱。廷杖之多。奪祿褫官。汝夔毫而蕙。虜至溺下。日直視罔措。故誅以明威。時勤王兵未有至者。都御史楊守謙以保定軍疾馳至入衛。日極知不敵。然京師急義無所得避也。

上聞守謙至。則大喜。遣中使賜資。問勞日數至。輟御

膳飲食之進兵左侍郎會咸寧侯鸞以大同師至陽
激烈大言謬爲忠。驟得

上而虜掠郊關近郭者連日夜。多殘破。中貴人園宅寺
院別墅在西山者。壯麗甚。尤苦之。都御史守謙營城
外。虜騎三數輩。旅進退誘我師。欲縱。守謙恐陳動。持
不擊。而中貴人請趣護西山。又守便宜急。京師持
不行。於是環哭相告。言守謙兵距賊僅數武。憚避虜
不擊。見國危急。見生民荼毒。罔念聞怨詛之。

上時時凭高望。見火光四起。固心怛。又聞宮中人相向
哭。則大恚。逮守謙入。立誅之。詔大將軍鸞盡督宣

大保定遼陽山西勤王兵出軼虜而鸞實中情怯。獨
大言厲姣外爲容。顧以軍乏興爲解。望戶部。戶尚書
李士翱得旨。讓褫冠服領事。已虜剽得金錢子女
無筭意。欲滿乃循諸陵而北。翔祥去。終憚不擊。而
潛與之通。虜安營。輒立營其旁。睨之。虜去復尾其後。
名截殺。名追捕。實不一當虜。虜旣退。乃收斬虜所遺
我稚弱。及降若逃者。以捷聞。虜所至書牆壁先是司
崇貞吉廷議語激。爲當路所側目。欲令嘗難事困之。
內批擢左春坊左諭德。兼監察御史。齎萬金宣諭行
營軍。貞吉行至軍。大將軍鸞以其爲名高也者。故抑

之。聞且至。輒引去。不受餉。貞吉莫能難。恚。獨自持餉。金歸。竟以失餉下獄。杖謫邊縣尉。明年。鸞爲虜。請通馬市。市馬實欲以中國爲胡奉。計紓禍。駕部員外郎楊繼盛。疏條其不可。畧言虜踐躡我。八陵。虔劉我赤子。而先之以互市。此爲損威重而長寇讐。今之爲繆說者。不過曰。吾外假馬市。羈縻虜。而內得自寬。脩武備。大虜至逆也。至無饜也。人心憤之矣。不及時激厲其氣用之。而和以自弛。使邊人媮好衣美食。忘其憤而懈於備。隳豪傑效用之心。往者邊私通虜。吏猶得以法裁之。今導之矣。是開百姓不靖之漸也。又不

過曰得馬以資吾軍。不知既已和矣。馬焉用之。且虜安肯損其壯馬而予我。蓋其人內迫於

國家之深

恩。圖倖目前之安。以見效。外懼於敵之重勢。則務中

其欲以求寬。惟陛下獨斷。下相嵩等八大臣議。

皆憚鸞。唯唯。鸞密疏爭。下繼盛。詔獄訊。謫官。乃馬

市則費金幣萬計。顧獨得駑馬。乍市已。即繫牝牡駒

引之。馬騰躍長驅去。實不得一馬。而盜寇邊自若。都

御史道謬為酋感謝表以聞。又明年盡得鸞通虜狀。

乃伏誅。

都御史史道言。虜欲以牛羊易米豆。幸聽許。御史王紹元言。前馬市。甫交。搶攘隨作。脫

輸米豆後。藩籬既徹。盜糧益充。席卷長驅。何所不至。且

脂韋澳。恣爲國辱。而遁譴罷官。隆慶中。把漢那吉者。虜酋俺答第三子。鐵背台吉子也。幼失父。俺答妻一刻哈屯。實鞠之。娶壻比吉女爲之婦。不相中。那吉聘胡免捨金女。欲昏之。俺答聘我兒都司部女彊娶之。取免捨金。與之甘心焉。那吉恚恨。南走關。入關請降。邊吏莫解。以爲一胡雛。於中國亾繫也。總督都御史王崇古。念以爲此奇貨可居。於是豐館餽飭。輿馬逢其意。具以聞。且言宜尊顯之。以示虜令。俺答而急之。與則因與爲市。必繫送降人。必休塞奉要束。陽申其舐犢之愛。而陰制其命。卽俺答而不急之與。我因而

撫納如漢匈奴質子事。使招其故部居近塞。而遙足
羈縻。俺答老且死。而黃台吉者立。勢不能盡有其衆。
而吾以一屠者谷蠡之秩秩之。置塞外以觀其俯仰。
舊存部落。勢必響應。黃酋聞其復反。勢必忿爭。其與
黃台吉媾我。則兩利而俱存之。其互相讐殺。我得因勢
而制之。外不失興滅繼絕之名。而內收其力。此萬世
計也。若循舊例。安置海濱。使抑鬱愁苦。彼不過一中
國禁錮之囚。而俺答怨忿侵擾邊不止矣。是時俺答
老傷孫突南走。計中國患虜歲入邊。必且甘心之也。
則日夜泣。目盡腫。率衆南扣邊。邊臣言。把漢那吉已

部送北京。予官職收養。今欲取獨當乞恩懇求。何得深入挾取。是速禍也。俺答聞。乃大喜過望。引兵却出塞。而遣使持番文詣崇古。請稱臣奉職貢。祈那吉還。崇古要以盡繫諸逃人。爲主畫爲羽翼爪牙者以來。庶得遣。於是繫逃人逆桀者趙全等八人。以來易那吉。且折箭誓率親族內附。內保邊。崇古爲奏上。請封下廷議。時中國固苦邊。然莫任後難。廷臣見守故常。議洶洶不決。閣學士主其議。於是詔歸那吉。而淮國初封忠順和寧等王。例封俺答爲順義王。其子弟各都督同知。兄弟子各指揮千百戶有差。而趙全

等磔西市。於是諸夷解辮髮。受封號。請世世比於屬國。邊以靖安。而中國逋逃。知虜不足賴。事急卽以之爲市。有深創矣。當是時。

上告郊廟。獻俘。昭武功。加賚帷幄。而崇古進孤卿。於是輔臣合䟽言。頃北虜款塞。三郵晏然。邊氓釋戈而荷鋤。關城熄烽而安枕。此自古希覲之會。而今乃有之。實我

皇上聖德誕被。神武布昭之所致也。方初議時。發言盈廷。而臣等所爲仰奉宸斷。贊成大計者。其說有三焉。夫夷狄之性。譬則禽獸。適其欲。則搖尾而乞憐。違

其願則狂獒而反噬。爲中國計者。惟當因所利而順制之。固非可以禮義馴服。法度繩約者也。嘉靖中。北虜求貢。不過貪求賞賚。與互市之利而止耳。邊吏倉卒。不知所策。當事之臣。憚於主計。却其請而斬使者。絕之。於是黠虜怨憤。擁衆大舉。或在宣大。或在山西。或在昌薊。甚或直抵京畿。二十餘年。迄無寧日。遂使邊境之民。肝腦塗地。屯田荒蕪。鹽法阻壞。帑藏傾竭。士馬罷頓。則往歲失計之明驗也。今天佑國家。使其孫委命自至。賴朝廷處置得宜。彼遂感恩慕義。稱藩請貢。是天以安攘之機贊我也。於是因而

愛之。不惟名順義美。而可以息境土之蹂踐。可以免
生靈之荼毒。可以省內帑之供億。可以停士馬之調
遣。此其一也。國家時當全盛。自可以讐懾百蠻。況
其輸誠稽顙。稱臣請貢。較之往歲。呼關要索。有萬不
同。拒而不受。不惟阻其嚮順之意。又且見短示弱。將
謂我畏之。而不敢臣。非所以廣 明主之德威於海
內也。故直受而封賜之。可以示興圖之無外。可以見
桀獷之咸賓。可以全 天朝之尊。可以伸中華之氣。
即使九夷八蠻聞之。亦可以堅其畏威歸化之心。此
又其一也。然斯二者。猶非要領之圖。謨國者本畫之

所在也。虜自庚子倡獫狁以來。

先皇帝常切宵旰之憂。下

詔脩舉邊務者屢矣。然

勞力費財。迄無成效者。非直當事之臣。虛文應故。而然也。虜時內侵。應接不暇。卽有脩爲。隨復殘破。方尺寸之未成。忽尋丈之已壞。故不能積累以日就于成。而徒費無益也。今虜旣效順。邊境無事。正國家閑暇之時。積我錢穀。脩我險隘。練我甲兵。開我屯田。理我鹽漚。出中國什一之富。以收胡馬之利。招中國携貳之人。以散勾引之黨。卽有沉幾密畫。皆得次第行之。雖黠虜叛服靡常。必無終不渝。

盟之理。然有一年之日力。則有一年之成功。有兩年之時月。則有兩年之實效。得三五年寧靜。必將安頓可定。布置可周。兵食可充。根本可固。而常勝之機在我矣。如是而彼能尋盟。則我仍示以羈縻之義。彼如背約。卽我得遂興問罪之師。伸縮進退。自有餘地。此則要領之圖。謨國者本畫之所在也。繇前二說。旣皆驗於行事。繇後一說。方取必於將來。若苟見一時寧息。遂爾偷怠。沿習故套。搏弄虛文。止圖苟免。一身罔顧。貽患來者。則良時一過。不可復得。邊備寢弛。愈難振揚。卒然有變。將何以應。

則臣等一念謀國之忠覆成他日誤國之罪此在
今日不敢不盡言者也。伏望 勅下兵部嚴飭督
撫將領諸臣改絃易轍具奏議處。仍賜 勅戒諭。
責其成效。每年特差才望大臣或風力科道官分
投閱視。若錢糧若險隘若兵馬器械若屯田鹽漕
諸事。每歲拓廣整頓條實具報。著有成績者與擒
斬同功。仍襲故常者與失機同罪。則邊方之實政
日興。中國之元氣日壯。而 廟堂得坐勝之策。天
下幸甚。萬曆庚寅秋。虜火曾熾。虜人犯洮河邊。時
虜款貢通關市。銷兵二十年矣。歲久偷玩。邊防未

完實而大創。

上立召輔臣入商邊事。遣尚書洛

鄭

出經畧北西邊。

而廷議洶洶。咎秉國者之不主戰也。語侵元輔。且追議欸貢之爲非。大學士錫爵時在告。具疏言。臣惟方今文武內外之吏。名實異同之間。與古事相反者三。古謀國之臣。無事則深憂。有事則不懼。故山濤謝安之安晉。以經營之與鎮定。各當其時也。今則不然。自虜欸貢二十年來。吏恬卒玩。弓敝戈朽。晏然無復守戰之備。一旦封豕生心。鳴鏑內向。則當事者始以亡羊補牢。而舉朝震怖。止辯浮

文追尤會事此一反也古議虜之臣縉紳守和親
介冑言征伐雖各膠柱一偏然文武隨其職任勇
怯顧其膽力廟謨自可折衷用之今則不然武
官在塞下求安專藉款關之利文官在隙下窺闚
爭談出塞之功賈勇不在邊境而在朝廷禦寇
不以甲兵而以文墨此二反也古當機制變之臣
或胡越使之相救或父子不嫌異趨今則不然諸
邊以彼此支吾爲熟套以日月玩愒爲良謀傳相
慕效翕然同風獨遇緩急重難之事則隔垣內外
便分爾我如扯會一人在宣大則保其無事在甘

肅則以爲當誅。兩鎮一事在西人委東。則曰爾何不招。在東人委西。則曰爾何不戰。皆逃責于已。嫁禍于人。此三反也。今經畧大臣業有專遣臺諫諸臣之疏。且次第酌行。臣不敢再條便宜。猥瀆視聽。獨前所謂三反者。乃安危得失之大機。廟堂擇之。不可以不精。持之不可以不定。而就中最切要之計。決以當經營鎮定。兼而行之。所謂經營者。不在臨敵倥偬。調兵易將也。在知己知彼。知擒知縱。毋示人以拙而已。所謂鎮靜者。不在矯情倉卒。睹墅清談也。在緩急有次第。措置有精采。毋示人以情而

已臣竊觀日前跳梁之虜。惟火曾一枝。逆天自棄。斷斷不可收拾。若其他陰逆。陽順。觀望反側之間。形狀未露。則廣布威信以招之。羽翼未成。則多行間諜以散之。逆命之誅。先會惡而後協從。馳詞之使。先約戰而後議撫。重懸賞罰。使將官之勇氣先振。而後使文吏策其便宜。嚴責推諉。使諸邊之血脈先通。而後使本兵課其功實。則經營在此。鎮定亦在此。如必以一鎮會事。使四鎮同時樹敵。一歲有警。乃盡掩二十歲休境息民之功。盡易將吏。盡絕諸夷。盡掃先朝大臣馬文昇王瓊等持重必

然之畫。則非臣所敢持空喙。而倂借前箸而籌者也。方今諸邊戰士有幾。習虜敢戰之將有幾。爲今之計。一面推擇新將。一面策勵舊將。一面調集客兵。一面招募鄉兵。一時部署。然且落落難合。況轉餉。詘于歲儉。發帑困于國虛。萬一諸會瓦解。四面大征。則我之拙形盡露。何以支此。故臣以爲不如寓戰于謀。藏拙于巧。威之以先聲。示之以不怯。毋遽爲張皇自擾之狀。其經畧大臣。旣奉

特旨。全付以諸邊重任。則廟堂但當攬其大綱。授以成筭。如虜入則我之指麾當愈暇。虜去則我之

隄防當愈嚴。虜驕而較。賞則我之拒捍當愈堅。虜
懼而乞哀。則我之牢籠當愈密。至于瑣細節目。隱
微情狀之際。則機關在彼中。效事在緩急。自當一
切寬假。以視其運籌調度之何如。若預掣其手足。
而遙制其事機。適足以爲邊臣藉口。逃責之資而
已。今之議者。動引宋人以和自歎之說爲難。不知
彼出關奉虜。此開市款虜。彼稱南北兄弟。爲敵國。
此稱臣納貢。爲屬國。古今疆弱之勢。原判其不同。
況彼以積弱而致敗。此以微敗而養威。有如自今
日改絃之後。士馬誠練。糗糒誠克。脩守誠設。斥堠

誠謹則

國家之全力故在。則持尺以受降幡。豈亦可與北
庭歲幣南渡。備安同日而語哉。此臣所以謬爲三
反之倫。約以經營鎮定之二言。蓋欲減省言論。使
當事者可以措手。而不欲盡廢責成。使避事者可
以藉手。欲暫寬文濫。使文武同心。人人可效死力。
而不欲遂墮軍實。使文武相使。人人可逃死也。惟
皇上留意裁擇。

兀良哈。古奚契丹種也。居

京後薊州塞北。爲唐漁

陽。爲元大寧路。今爲朶顏福寧大寧三衛夷。東起廣

寧前屯歷喜峯近宣府爲朵顏自黃泥窪逾瀋陽鐵
嶺至開原爲福餘。繇錦義度遼至白雲山爲大寧。皆
逐水草無恒居而朵顏最强。又分地特險永樂中以
扈靖難功得地以爲分。歲額率二貢。貢衛率百人。宣
德中貢不時至邊將請討之。

上曰不可。古夷狄來不禦去不追。今諸夷雖不時貢。然
亦未犯邊。遽加兵非懷柔之道。勅邊將言。馭夷宜

寬用兵。宜審其飭部伍謹防。毋輕議兵。三年秋八月
上大閱。行巡邊。英國公輔陽武侯祿以師從。兀良哈犯
邊。師出喜峯口。虜殲于寬河。九月班師。

時邊報聞上在邊蹶然

曰天遣此寇自投虎也召諸將謂之曰虜謂邊無備
夜來適朕親在此必擒之勿縱也兵貴神速此出喜
峯口路險隘大軍行無及朕當以鐵騎三千出不意
搗之必成擒矣或虞其少上曰兵在精與和不在
多三千精銳足辦賊遂夜出喜峯口將鐵騎疾馳之
昧爽至寬河距虜營二十里而軍虜望見易之悉萬
衆來戰上命分鐵騎爲兩翼夾擊之殲其首鋒三
人虜却而神机壘發虜潰走上親以數百騎疾馳
之虜初謂乘障卒易與已望見黃龍旗大駭怖知
上親在也卑下馬羅拜生縛之斬其酋勅諸將搜巢
忠勇王忠與其甥台把請行上許之或曰二人虜
族類往不反矣上曰去留惟所欲朕爲天下主詎
獨少此二人耶朕遇二人厚果懷恩當自以報朕果
欲去卽朝夕置左右寧能久繫之耶或請姑遣一人
順其意上曰朕推誠待物遣則俱遣留一人適使
之蓄疑何益遂遣之已忠把台戰疾力大克獲而還
上神武本天授又爲皇太孫時從

成祖非伐閑於兵而國初壯士健馬經百戰威震於

殊俗宜其克也。當是時，驅三衛夷還故地，復大寧爲藩翰。豈憂虜哉？其後衛部落益蕃，頗爲北虜間。少懲

艾，陽順陰逆，迄于今。

正統己巳之變，福餘大寧爲也。先驅而朵顏獨扼險，不爲使也。

先志掠三衛而去，自後陰爲北虜間，積暴諸關塞，索米鹽零碎，亦未敢顯然爲寇盜也。弘治中，守臣楊友張瓊以燒荒出塞，掩殺虜爲功，邊釁遂起。正德間，朵顏都督花當求添貢，往往稱結親比虜，以恫疑中國。寇馬蘭谷參將陳乾禦之花當子射乾，乾炮兵尚書瓊使責問故，花當謝不知，必繫其子以來，不服，且行誅。花當懼，如今嘉靖中，都御史王大用欲通朵顏，與厚賂，城其靈霧山，不果。革蘭台數爲變，求添貢，每貢三百人，不許，請二百人，不許，許補前貢失期者二百人，二十五年，大將軍鸞顧以道虜來，本三衛夷，請發兵擊。上召輔臣入與計，閣學士嵩言：「三衛爲國外蔽，榮百十餘年，卽有道者獨奸人一二，可繫而誅也。不宜亟動兵，提督侍郎何棟持不可。」事得寢。而許金幣市馬，示羈縻已。薊州督府得哈丹兒陳通

事云實築虜者以來。上大喜而輔臣督府皆增秩。陰有差大抵三衛夷喜偷剽爲反覆虜衆至則逢之。爲鄉導而食中國賜予燕撫厚亦時時以虜信告我。得預防故迫之則歐使爲虜信之則墮其計善御之。則因用爲間雖離藩失而耳目猶在不能絕亦不可。絕也。東北爲女直女直古肅慎氏在混同江東東。瀕海西接兀良哈南倭朝鮮國祔降附永樂中設。奴兒干都司以四酋爲都指揮使自湯站抵開原曰。建州毛隣本渤海氏喜耕種善緝紡飲食衣服有華。風自開原北近松花關者白山夾即熟女直完顏餘。種也倚山作寨務耕稼又非抵黑龍江曰江夷生女。直也數與熟女直讐殺百十戰不休而建州夷狡悍。處要害居中爲雄長其左右二衛尤無賴諸夷地勢。聯絡而五嶺喜昌石門險塞爲咽喉後諸酋多虐諸。子孫不得官以舍人入貢宴資大減忿思叛成化中。寇遼東邊命左都御史秉提督武靖伯輔總兵討破。之明年築撫順清河驍陽諸堡而夷入塞大殺掠巡。撫陳鉞不能有禁禦顧掩殺進貢夷以爲功命侍郎。馬文升出撫邊是時大闢直方倖用事巡遼勦鉞戎。

夷而文雅不可馬至錫撫定直還奏文升禁不與
建州夷農罷啓邊警故夷數爲敗遣直及刑尚書
定西侯琬往即訊報具如直言於是下文升詔獄
蘭茂蜀然文升所禁實鐵罷非農罷也直以勦建州
功加歲祿鉞進官明年虜大入塞忿慘殺其吏民及
直敗鉞逮下詔獄文升始昭雪復官先是鉞請討諸
夷疏上、下廷議余尚書子俊言建州邊衛

祖宗時惟羈縻不深治今罪狀未著遽征之非

祖宗意必不得已獨當遣重臣往總制相機宜爲戰守
不當亟疲師直方欲邀功固寵抑不聽而禍生先是
都御史秉言建州毛憐等諸部來朝貢邊臣以禮部
定擬名數驗方物貂皮純黑馬肥大始聽貢否則拒
之黑貂產於黑龍江迤北非建州毛憐所有故諸夷
構三衛援邊臣聞中國之待夷狄來則嘉其慕義去
且勿追若必責其物貢之厚薄虜性易離容且啓釁
非厚往薄來之意也請更定其制下禮部部覆請勅
遼東守臣自後夷貢驗

數放毋揀選啓釁奏可

此遼東傳海國日朝鮮古

穢貊高句驪之地洪武初王王顓首上表賀即位

賜金印。詔命金綺冊封爲高麗國王。十年。

上諭中書省臣曰。曩高麗貢獻數。朕遣使諭意。令毋勤。今歲使送至。險遠聞往所使。遇海風幾溺。幸脫歸。古諸侯事天子。比年小聘。三年大聘。五年一朝。九州外夷戎。世一見而已。高麗去中國稍近。人知經史文物。心禮樂。非他邦比。宜令三年一聘。不者比年貢物。裁止土所產。布十匹足矣。丞相其以朕意諭王。諸新附邦。亦明告朕意。後王顓卒。諡恭愍。嗣王禑昏暴好殺。國相李仁人。劫囚禑而立子昌。昌廢昌立瑄。國大亂。而仁人子成桂得遂有高麗使入貢。

上曰高麗限山海僻遠爲東夷事隱曲不可詰非中國

所治。從其自爲聲教可也。其勿治。

成桂請更國號。詔更號朝鮮。久之。

上怪其表中語不遜。詰使者。使言表鄭集撰也。

永樂

元年。賜金印。詔冕服九章。宣德中。朝鮮國王禔遣使

獻海青鷹。賜磁器報之。且言朕不貴異物也。後勿獻。

自後。聖節元旦皆遣使貢賀。

朝廷有大政使頒。詔其國王請嗣封。使奉。詔

往封。成化中。朝鮮苦女直邀劫。請改貢道。下兵部。議職

方郎劉大夏曰。不可。朝鮮貢自鴉鵂關。繇遼陽。經廣

寧。踰前屯。山海關。迂回三大鎮而後入。此

祖宗微意。令毋易窺中國淺深也。自鴨綠江抵前屯徑。

恐貽他日憂。詔貢毋改道。其國東西相距二千里。南北四千里。分八道。統

府州縣。而京畿道居其土中。其忠清慶尚全羅三道。地廣物殷。州縣雄鉅。尚詩書。人才倍諸道。平安咸鏡二道。境接靺鞨。尚弓馬。兵勁精。東西南瀕海。北隣女直。西北抵鴨綠。兵俗柔謹。好文。崇釋。尚鬼。官吏閑威儀。戴折風巾。服大袖衫。居皆茆茨。衣多麻苧。以田制俸。以杭醞酒。法無苛條。刑不慘毒。山川九都神。嵩北海鴨綠江。爲大產金銀鐵人。參茯苓。其大都與中國同。哈密古伊吾廬地也。

循京師右轉爲河西外徼。酒泉敦煌以北國數十從。

取道焉。永樂初。封元肅王裔妥克帖木兒爲忠順王。

俾得守西域。察諸番向背。而諸番入貢表文。令譯上。

分其衆居苦谿城。又西爲吐魯番。北爲瓦剌。成化中。

哈密國王死無主。後王母理國事。土魯番速壇阿力
攻哈密。虜王母及金印以去。自是屢命大臣行經畧。
竟莫得其要領。迄正德不靖。嘉靖初。當國者深相傾。
各主哈密議。各有其黨。翁訛反覆。而西事大劇。永樂中忠
順王卒無子。兄子脫脫。俘蠻夷邸中。廷議請釋脫脫。
令嗣王。賜印誥玉帶。示朝廷威德。國再傳無嗣。王
母理國事。土魯番速壇阿力欲以哈密掠諸夷。而王
母不從。虜王母及金印以去。速壇華言王也。詔高
陽伯李文帥師討之。駐苦谿。不敢進。謬言不見番。而還
已。阿力死。子阿黑麻未壯。耳肅守臣請因間封故王
母甥罕慎。嗣忠順王。以興復哈密。弘治初。阿黑麻益
壯。乃詭曰。罕慎非脫脫族。安得王哈密。固我有也。
我當王。乃詐殺罕慎。使求貢求封。兵尚書馬文升言。
外夷北虜最强。數乞貢乞通使。我然且不聽。土魯番
小夷與哈密各有分地。何得輒通使。又何得并王哈
密也。不許。勅諭令歸王母及金印。阿黑麻懼。時王

毋已死獨歸城池與金印文升中自念哈密故有回
回畏兀兒哈刺灰三種共一城以居非貴種不相下
又北山有數小種時擾哈密非得元遺孽嗣封填之
殆不可靖會曲先安定王者遣使入貢謬稱忠順王
裔文升乃大喜封其族子陝巴令嗣忠順王然曲先
本韃靼於罕慎又異宜夷之滋不服也六年阿黑麻
復入哈密虜陝巴及金印而去侍郎張海都督侯謙
往經畧又不效獨修嘉峪關請絕西域貢以靖事逮
下獄謫官文升請安置土魯番貢使於閩廣閉嘉峪
絕貢奏可而阿黑麻遂入哈密稱可汗乃身還土
魯番而令其酋牙蘭據有之文升大恨曰虜大猾非
用陳湯故事終不畏會肅州撫夷指揮楊翥以奏事
至文升召與語悅之撫其背曰汝諸夷情知西域道
路今計將安出翥曰此賊黠非襲之不可從罕東抵
哈密有間道徑可進兵兵不十日至誠得大將忠果
有膽力者將之虜可縛也文升曰善於是命河西巡
撫許進調兵食副總兵彭清將精兵三千即發罕東
兵從間道襲牙蘭清駐關外候罕東兵不至則遵大
路行不能疾又乏水草牙蘭謂知顧遁去唯獨得空
城文升意失望遣節制取空城無益不當賞獨軍士

遠徂勞苦當賞上念邊臣出師塞外與苦甚各
賞有差而阿黑麻以不得通互市而窘乃遣使將陝
巴及金印以來求前羈貢使且通貢如舊於是賜陝
巴蟒玉象笏復納之哈密而陝巴畏不肯行撫臣遣
邊將護之行巴至國乃貪鄙部落怨叛迎土魯番陝
巴棄城走其肅鎮巡官遣將必納之而陝巴尋死
子拜牙嗣顧湍暴叛中國顧東走土魯番於是滿速
兒復以兵據哈密時其肅饑西北邊事棘滿速兒因
爲嫂書索金帛撫河西都御史鄧璋不能難請專用
大臣經畧哈密而都御史彭澤方平蜀有功遂勅
澤督其肅軍時給事中王江御史張麟言治病者藥
無二君奕棋者局無二帥其肅諸路既鄧璋總制而
遣澤是代之任難也不可不聽澤至鎮以爲勞兵事
遠夷非計而夷可利啗也遣通事賁金幣詣土魯番
贖哈密城印得之而以西事平聞召還掌院事其後
土魯番復據哈密入嘉峪圍肅州兵備副使陳九疇
索奸回通賊爲基間者收繫極殺之調屬夷却其營
身搏戰疾力且聲言紿瓦刺乘虛搗其巢土魯番乃
遁而是時天子多嬖倖土魯番度中國可間也則
使奸回通賊者子賄權倖以秘術得入爲上養子

知兵尚書瓊與都御史澤邵上書訟九疇激變邊
詔兵部三注司行河西即訊於是兵尚書瓊劾澤擅
命納金幣夷番復失信啓釁并逮昆九疇論虎戶尚
書瓊禮尚書澄持不可乃削籍昆降浙參政嘉靖改
元瓊謫戍澤起爲本兵此兵侍郎九疇撫甘肅三年
滿速兒寇甘州九疇先登戰疾力解甘州圍策虜且
赴肅州夜率衆間道行疾抵肅州而虜果急攻肅州
內外夾擊虜遁去時朝廷聞河西急遣尚書金獻
民西征獻民至蘭州而諸番已敗遂乃用九疇議以
爲虜通貢利茶麝香絕勿通欲茶不得發腫病死欲
麝香不得中蛇蟲毒死無禾黍無收於是遷夷使閉
關絕貢而是時議禮臣先後言哈密不靖繇彭澤而
澤得召用者以閣臣楊廷和爲曲庇故也乞急用尚
書瓊以寧西鄙七年春起瓊兵部尚書巡河西而九
疇復就逮張桂必欲寘之死以併罪廷和刑尚書胡
世寧力爭言九疇忠勇再保全河西安得以功爲罪
得不殺謫戍邊澤獻民閑住於是議者洵洵以陝西
饑憊耳肅孤危收虎不暇無爲事哈密議棄之矣議
禮諸臣各訟言哈密於赤斤罕東聲聯絡一以斷回
以古等上上被西戎交黨外以察夷情逆順內以爲

其肅州。若曰。哈密難守。則棄哈密。其肅州。夏難守。亦將遂棄乎。西北邊鄰。虜退尺寸。則失尋丈。不可棄。於是尚書瓊奏。乞分部諸所衛夷。胡尚書世寧言。昔置其肅左右。欲因圖哈密。下廷議。

太祖建北平行都司。去境四百里而

文皇帝以昇元良哈。

文皇郡縣交阻。而

宣宗棄之安南。况哈密孤懸西徼外五千餘里。去關中又五千餘里。存亡絕續。舉不足爲。朝廷重輕。非大寧交阻之比乎。且土魯番至哈密十數程。經黑風川。中無水草。哈密至苦峪十數程亦然。入貢往返。負水而行。况初封忠順王者。本虜遺孽。封未幾。卽絕而強。

立非顯者嗣之。三立而三爲土魯番所虜。最後立者。乃叛我。卽我。貽中國笑。則何益矣。臣竊以爲。國祚本所封忠順王。與所封元遺孽和寧順寧安定王等耳。安定王又在哈密之內。於甘肅尤近。今不知其存亡。何獨以一忠順故。耗我金帛。疲我士馬。窘我財力。以從之乎。昔光武閉玉門關。以謝西域。誠不欲勞中國民。爭不毛之地。爲國家慮至遠也。議禮諸臣持不聽。會曲先衛人牙木蘭。擁帳內附。土魯番遣使。請得以哈密易牙木蘭。以釋憾。本兵欲報許。世寧疏諍。言曲先衛本中國羈縻羌。牙木蘭則反正歸順。非叛。

將挾之爲名高。以取賞倖功。罕慎陝巴方入。而土魯
番之師已至。興復之賞方行。而奪城池金帛之報復。
聞納幣之使始旋。而乘釁之師業抵郊外矣。一時士
習。又重聲譽而畧綜核。騰口說而賤事實。不知中國
之於夷狄。固不可過撫以納侮。亦不可深拒以窮兵。
惟順則撫。故賞斯恩。惟逆則拒。故威斯畏。馬端肅曰。
西域胡倚玉石射利。不善騎射。古未有爲中國大患
者。徐當靜之。斯其言固善矣。亦力把力蓋焉耆龜茲
地。俗獷戾。地在沙州西。
又西爲撒馬兒罕。漢屬賓也。衍饒甲諸國。人物美秀。
多技能。東距嘉峪關九千餘里矣。又西南三百里爲
哈烈。皆大國。火州本漢車師。弘治初。撒馬兒罕貢獅
唐交河郡縣地。在哈密西偏。

子浮南海而入禮科給事中韓鼎曰。陛下初政放珍禽異獸。天下莫不聞。今未踰年而蠻夷入貢獅受之。恐無以杜才漸。况猙獰之獸非可狎。而所過騷驛。爲勞費不貲。詔却之。爲著令。嘉靖中。西域貢稱王者多。禮尚書夏言請國獨稱一人王。示裁抑。閣學士孚敬持不可。曰。西域稱王者。恐彼國自封授。或部落相推稱王。先年亦有三四十人者。答勅並稱王。今裁奪恐夷情觴望。下禮兵二部議。言爭言。西域諸國稱王者。唯土魯番。天方。撒馬兒罕三國。餘諸國名甚多。朝貢絕少。惟土魯番十三貢。天方正德間四入貢。

羗比也。而哈密空城懸遠。無益於事實。土魯番善賈多術計。自成化至今。徃徃以珍奇啗時貴。爲欺負。今欲其心。木牙蘭以携我屬夷。而始以哈密爲餌。釣大利。此其謀甚忍而深。乞勅王瓊爲國忠謀。先復瓜沙羽翼之地。收亡失屬夷。封植哈密。永爲不侵不叛之臣。而後請勅降印庶。且無辱命後悔。土魯番方恫喝中國。懸衡諸夷。卽遠越流沙。勢烏合難久。正宜大震威畧。以孤離其黨。購賞義附。使內相破滅。此伐交之上計。則如牙木蘭者。當厚之以風蠻夷者也。奈何乎。與之使甘心乎。疏上。事得寢。其後哈密竟爲

土魯番所據而前所分部諸衛夷皆爲土魯番所逐。失故土。駐牧於河西。於是北虜盤西海。瓦剌巢北山。

與河西諸夷落而三守。臣防羗胡日不給。固不暇復。

及與復西鄙事矣。

時洮岷番數寇盜鞏昌隴右騷動尚書瓊伺賊入遣官軍搗其巢勦

殺而番伺塞卒比防秋輒復入慘殺以報怨尚書李承勛言西番土地被西海爲虜酋亦不刺所占日益

內徙慮且有吐蕃吐谷渾之憂昔漢趙充國不戰而服羗段熲殺羗百萬費以億計內地虛耗是知用勇

將者取快目前而任老成者固萬全策也乞廣宣帝之明專充國之任以制馭西番上從之而王瓊言

欲撫罕必勦先零遣將自固原入至洮岷據要害且撫且勦撫定者六十五簇勦十六簇馘三百七十人

而亦不刺駐牧青海中自如

鄭端簡言秦中老人曰

累朝以哈

密之故勞費無已邊夷挾之爲奇貨以邀求玩侮邊

稱王者率一人或二三人。餘各稱頭目。親屬嘉靖二年八年稱王者。天方至六七人。土魯番至十一二人。此兩年間。撒馬兒罕至五十三人。併數之。則自五六十人王矣。前此所未有。弘治中。回。勅書亦國稱一王。若循近事。答。勅率稱王。又人與一勅。非所以尊中國而嚴外夷也。倘令戎各執。賜勅。號令其部落。貢期無數。勢難阻絕。而驛傳勞煩。宴賜頻數。竭財力以役遠夷。非計也。

上從言議。西域自哈烈而外。名國者四十。貢或三歲五歲至。無常期。始皆經哈密。哈密破。乃徑扣嘉峪關云。

又西稍南爲西蕃本羗屬卽唐吐蕃也凡百餘種散處河湟洮岷間又其西萬里餘爲招納撲兒招納撲兒者古天竺國卽佛所生也爲中印度國境旁爲東南西北四印度大雪山在焉而東印度最太然德那回回祖國也國中有佛經三十藏尊奉之其教以事天爲本寒暑應候大顯江淮間俗重殺亦有陰陽星曆醫藥音樂之術而天方古鈞冲地舊名天堂風景融和四時皆如春大都西番夷多事佛奉番僧爲法王以治而嗣世以弟子亦類用漢官號國公司徒司空國朝仍胡俗以封拜群僧六王贊善王蘭化王闡教王正覺大乘法王如來大寶法王封國師者曰灌頂法師皆世襲封迄于今用漢法爲都指揮使司二曰鳥思藏曰朵耳爲指揮使司一曰薩魯爲宣慰使司三爲招討使司六爲萬戶府四爲千戶所十七闡化闡教輔教三王貢使自四川入贊化王自陝西入解貢百人多不過百五十人大乘大寶二法王貢無期每貢僧徒十人凡諸而嗣封賜印誥袈裟僧帽數珠鈴杵以大慈恩寺刺麻僧二人充正副使以行而大祀藏思曩曰諸族歲納馬洮州茶馬司必里

使司歲納絲馬匹寧茶馬匹洮河匹置衛立軍民并
統焉五王諸番僧簇近四肝西寧洮河而西寧在黃
河北洮岷河在河南國初陝諸番畏宋將軍蜀諸
番畏丁大夫丁大夫者御史大夫王也出鎮蜀最人
威志並行民夷安集宋將軍者西寧侯宋晟也洪武
永樂中鎮西陲皆聲稱至今西番俗大抵皆敦朴上
下爲一心君臣相友無浮文食酪衣氊居毳帳音尚
琴瑟懷恩重利尊釋信誼其壯者務耕牧好狼鬪而
賤弱老其山川崑崙可跋海折支湟水爲大河源出
焉貢物多畫佛銅塔舍利之屬成化中烏思藏入貢
勅四川鎮守及二司官言近各蕃朝貢入過多中詐
冒不可詰且勞擾中國後贊善闡化等王每二年限
差百人或百五十人從四川舊路貢其國師闡師等
不聽貢其貢先期申報委官嚴查印信番字書辯驗
實乃遣

南夷中大國首安南安南古南交地漢交趾

九真日南郡也其次國曰占城蒲刺加瓜哇暹羅真

臘皆世朝貢

占城古越裳氏漢象郡地也瓜哇古蘭婆又東爲琉球爲日本洪武中

占城使來言。安南數侵境。幸賜兵器。樂人俾安南知。
我乃中國聲教所被。服貢輸之地。不敢輒欺負。

上命中書省咨王言。交鄰有道。事上以誠。占城安南。既
臣事奉貢。豈擅兵相攻。卽馳諭安南。令罷兵。兵器不
爾吝。但以安南故。相爲賜。是助爾構兵也。樂器有聲
律。華夷方言各異。中國人不可遣。其遣爾國人習華
言者來習肄。明年占城來。上壽如期至。且言與安
南復交兵而弼。

上手詔諭之曰。朕所爲戒爾兩國。毋深構者。欲以安生
民也。古語有之。禍莫大於好殺。福莫大於好生。故天

之所惡者。兵所好者。仁也。王能保守封疆。奉天勤民。卽福祚延。如必欲驅兵苦戰。一勝一負。必且有鷸蚌漁人之悔。王審思毋忽。

上初以南交雖僻遠。與華夏異風。然終文章之國。許三年貢。且諭所貢物。必輕微易齎。毋勞彼此民。其後王貢物不如約。且發兵攻占城。詔詰責。而其王日燮爲國相。黎季犛所弑立。叔明嗣。王來貢。尚書已受其章。將入。見主客主事魯魯。取其副覽之。見叔明名。駭之。乃言曰。前王陳日燮。今驟易名者何。白尚書詰之。使者不能隱。遂盡得其篡奪狀。

上怒曰。島夷何敢狡獪如此。却其貢不受。令擇陳王親
賢立之。否。且行誅。叔明表謝罪而解。永樂初。季犁復
弑其王日焜而僭號。竄姓名爲胡一元。子蒼。易名奎。
上表言陳氏王傳國十二世而絕。無當紹者。奎故陳
氏甥。暫署國事來求封。詔許封。而陳王孫添平從
其臣裴伯耆走間道詣闕訴。詔詰責季犁詐表。
請迎添平歸復國。詔遣使護行。季犁道伏兵格
殺之事聞。

上大怒。謂成國公能曰。葺爾小醜。朕推誠撫納。乃爲所
欺如此。此而不誅。安所事兵。卿度用士卒幾何。虜

時可伏誅。能對曰：「仁義之師，天下無敵。臣等揚威討逆，當一鼓殄之。」師多寡，惟命於是。命能佩征夷將軍印。西平侯晟、新城侯輔副之。將二十五軍以行。命兵尚書劉儁督師，刑尚書黃福、大理卿陳洽督餉。是日。

上幸龍江禡，且誓師。命諸將曰：「安南賊季犛父子罪逆極，殺無赦。諸脅從畢赦，毋養亂，毋玩寇，毋毀廬墓，毋殺降，有一於此，雖功不宥。毋冒險行，毋貪利輕進。罪人既得，擇陳氏子孫賢者立之，揚功名於無窮。往其勉之。」時西平鎮雲南，以征夷副將軍印制，卽授。

會能道卒輔佩印總六師晟率雲南兵繇蒙自入奪

宣江次洮江輔率大兵繇廣西憑祥塊壘關入次昌

江進破其東西都明年安南平時賊恃東西都及洮江富良江以為固於

江北岸綠江樹柵築土城城壘相連亘九百餘里盡
發江北諸府州民二百萬守之於富良江南岸綠江
置椿盡國中船艦列其內諸江海俱下椿以為防而
東都城列象陳以守欲憑險老我師候晟軍至洮江
北岸與多邦城對壘輔率大軍營城井之沙離與晟
令輔與諸將計曰賊備多而力分多邦其要害也今
我師始至備禦必精宜歛兵不攻伺其意懈夜襲之
可破也多邦破餘膽落矣居數日度可攻召將士諭
曰今師行萬里至於此無還理當共報國成功名
先登者賞不次退立誅於是將士奮用命夜四鼓都
督黃中等帥枚昇攻具踰重壕至西城以雲梯潛附
城而登既登烈火鳴角賊駭失措矢石不得發而走
遂克之賊將於城外列象陳以攻輔勅諸軍以盡柵
蒙馬以神機砲而前象背段果是奔城神戰馬而

等州縣次第詔軍降。明年師進富良江。賊悉聯戰舟。鏖數十里。用戈船載木立柵以拒師。英國公輔乘柵未就。疾擊之。破其中堅。賊大敗。時海門涇以久晴水涸。季犛父子以數小船跳身遁入于海。於是侯輔等具奏言。前蒙聖

諭安南平訪陳氏子孫王之。今其國中耆老咸詣臣言。黎賊爲逆時。求陳氏子孫種滅之。今莫可復迹。安南本中國郡縣地。久淪異域。幸聖明汎掃。再覩天日。誠萬世休復之會。願幸不異蠻夷。復郡縣設官。俾霑沐聖化。臣等竊伏計黎賊父子旦夕且就誅。郡邑事宜有統。陳氏世絕無以廣陛下興滅繼絕之仁。願開設都布按三司統郡縣。撫齊人民。成大一統。

之盛奏上。詔俟黎賊父子擒。徐定議。五月。交南水

大作。舟師畢濟。而季犁及子澄若偽將相畢就禽。師出

奇羅海窮追都督。於是立都指揮使司。立交趾承宣。柳升冠軍而功成。

布政司。立按察司。分其地爲十七府。四十七州。百五

十縣。勅尚書福兼布按二司事。都督殷掌都司事。

勅交趾有懷才抱德。山林隱逸。明經博學。賢良方正。

孝悌力田。聰明正直者。及練達政事。精書筭。習兵通

陰陽術數。方技人。咸禮訪送。京師。六年。侯輔振旅

還。京師。上交趾地圖。東西千七百里。南北二千八百里。獻俘論功。

輔進英國公。晟黔國公。升安遠侯。將士僉陞賞有差。

已交人管定反。立季擴爲大越帝。遣黔國公晟發雲南兵往討。敗績。尚書儁都督敬交趾參政。顯皆沒。乃復。勅英國公輔總兵破獲定。季擴稱故王後。請封。不許。請降。許之。以爲交趾右布政使。仍官其黨。師旋。而季擴尋復反。九年。

上以英國公輔爲交人所憚。南交亂。非輔往鎮。不靖。復遣輔。十二年。得季擴誅之。而是時尚書福在南交。視民如子。徇好祛惡。勞來不倦。每戒郡縣吏撫字。毋煩苛。諸新造邦。政令條章。無鉅細。咸盡心平允。交人愛如父母。十四年。召英國公輔還。豐城侯彬代鎮。

仁宗卽位。閔福久勞于外。召復內任。尚書洽代鎮。而交

趾遂搖。宣德初。總兵成山侯王通討黎利敗績。尚書

洽戰死。請濟師。詔遣安遠侯升總兵。尚書慶參贊。

往討之。師大陷。時命尚書慶擇六卿屬才望者以從。於是得儀制郎中史安。祠祭主事陳

鏞。慶與偕卧起。至南交。侯升連破敵。有驕色。而利詐

遣人詣師言窮蹙。願歸命。安鏞言于尚書曰。總戎之

志驕矣。公宜力言之。吏情譎。何詎知非誘致我也。况

璽書數數戒賊。專以覆爲勝。不可狃。柰何。乎弗戒。時

慶已屬疾。强起力爲言。升唯唯而已。明日。升以百數

騎獨前。前度橋。橋遽壞墮。伏四起。升被創死。明日。慶

卒於軍。又明日。師困。賊列

象陳勒降。安鏞不屈死。於是侯通懼。遂與利約和。

還師南寧以俟。命時交趾用師十數年。勞費劇。而

上意內厭兵。通以利表至。言前國王遺嗣暲。今在老撾。

願嗣封得永奉貢職

上召示英國公輔。輔對曰。交南本中國地。將士勞苦者數年。僅克復。當益發兵討賊耳。輔退。召尚書義原吉問之。二人對如輔旨。日舉與之無名。且以示天下弱也。不可。乃召示閣學士士奇。榮。榮稽首而對曰。永樂中。費數萬民命而得此。今呻吟者未息。困者未蘇也。而復發天下兵。天下不忍聞。今許之。生民之福也。上顧士奇問云何。士奇曰。榮言善。且求陳後立之本。太宗皇帝心。求之不得。乃郡縣其地。今兵不得休。餘十年。民苦甚。皆祖宗赤子也。行祖宗勅心。保

祖宗赤子正。陛下盛德。何謂無名。漢棄珠厓。前史榮之。何謂示弱。臣侍

仁考久。聖心拳拳以交趾爲憂。幸上裁決。

上曰卿二人言是也。

皇考言。朕固屢聞之。明日朝罷。出高表。示羣臣曰。議者必且謂從之不武。武所貴止戈。民苟獲安。何恤乎人。

於是冊封高安南國王
敕交趾鎮守三司衛

所府州縣文武吏士各携家來歸
詔罷征南兵而

下。候。通。獄。廷。鞠。通。喪。師。棄。地。內。官。壽。護。叛。賊。騏。激。變。

論元孫罪有差。始列表稱安南國先臣曠三世孫臣曠及顯目臣用以得封已乃言篇廣

死和格國事來請詔和成化中大閼直既掩建州
權國事而利僭國號如故

女直貢使以爲功。愈幸兵。乃議征交南。以中旨索

永樂中調兵籍甚急。時劉忠宣大夏方爲職方郎。匿

其籍不出。尚書譴吏必得之。竟不出。乃徐入言於尚

書曰。今天下洶洶。東構禍高麗。北挑釁達靼。今又復

事交南。卽安危未可知。願力沮其微。尚書曰。善。吾不

及慮也。乃得寢。正德中黎氏六傳至嗣。無道多誅戮。爲其臣所弑。又再世爲其臣莫登庸。

所弑登庸以交州付其子莫福漢。而營海東齋居地居之。齋居地負海最大。古所謂玉山郡者也。嘉

靖中莫登庸篡其主自立。又貢久不至。禮官請討

勅錦衣衛官使安南。往體察。行兩廣體勘。而登庸表

言黎氏世絕。登庸以遺命權國。節求貢未獲。願奉貢。
於是命咸寧侯鸞。總兵兵尚書毛伯溫。督師至廣東。
議方畧。進討便宜行。伯溫至廣東。與撫按臣召集守
土官。有經國遠慮者。與集議。皆以爲南交用兵。動搖
數省。難卒未可解。計莫如撫便。

時知廉州府張岳知梧州府翁萬達知廣

州府鄒汝愚議言自古夷狄惟猾夏則誅未聞以其國不能通貢而勞敝中國以誅之者也誠誅之必以黎氏爲辭然以夷狄之故勞師萬里討賊而定之值非中國長策此不可者一萬一勝不可必夷人操長技毒弩乘高險以扼我師如古人所謂斷輿之卒一有不戒而歸者於事體何當此不可者二今兩廣困弊。猺獞獫狁。所在屯結。官軍僅足備禦。所恃以調發者。獨狼兵耳。而諸州土官及湖廣勾刀手。連年征調。內懷讐怨。若復驅以遠征。深入數千里之阻。進有難。公之故。思無從反之期。狼顧兩端。何事不有。萬一師

老則墮，程遠乘虛，兩廣破敗，可以立見。此不可者二。
近太工調度，府州縣但繫官無礙，及軍需銀盡發，起
部梧州軍餉，亦以鹽法壅滯，課額虧損，每年敷給，無
復剩積。兵興十萬，日費千金。永樂中，用八十萬人，折
半言之，亦當有四十萬人，屯食飛輓，約以二石致一
石。何所措備？此不可者四。永樂中，用兵副叅遊擊之
外，又有驃騎橫海二十四將軍，統師宿將，皆經靖難
百戰之後，故所向而克，而亦不能久有之。今承平日
久，人不知兵，兵不習戰。將帥皆膏粱子弟，未經行陳
縉紳之談兵者，皆其掇拾古人之糟粕，爲大言不顧
者也。今舉大事，而使膏粱主兵，儒生與議，不待兵交
而勝負之形已見矣。此不可者五。洪武中，朝鮮李仁
桂弑王氏之王，扣邊求貢。高皇帝始惡其篡逆而
絕之，已而曰：彼夷狄也，姑令自爲聲教。詔許之，而
李氏世效職貢。至于今，夫仁桂亂賊，朝鮮箕子所封
國也。若守文儒之議，則當正九伐之法，以復秦漢之
故疆矣。而高皇帝斷之以一言曰：聽其自爲聲教
而已。可謂破拘滯之見，觀昭曠之原。一言而天下定
者也。唐太宗之時，蓋蘇文弑君，太宗爲興遼左之師，
師久無功，天下不病。太宗之失賊，而譏其黷武。今議

者猶疑於黎正莫逆之云者、胡不引高皇帝聖語而斷之也、愚以爲今朝議重爲生靈愛惜、寬而未誅此賊、震懾兵威、必將扣關謝罪、可因而聽之、如洪武中之待仁桂、宣德中之待黎氏、則所謂以夷狄待夷狄、而治之以不治者也、於國體無損、而生靈免於兵革之禍、所全活弘多矣、時登庸多行金塞上人爲內間、而防守甚設、萬達募死士、謀得虛實、乃下令於諸吏民有出塞外通虜者、罪收族、諜者稍絕、於是

大軍誅龍憑反酋、勦亂藤峽、壁虜境上、而軍宣言分

三道入以震之

時龍憑二州諸吏、約虜爲內應、萬達謁毛尚書曰、公奉詔討賊、懸軍深入而溪洞皆險、此危道、於是授方畧、伏甲士擒思明酋、而龍憑得誅、會亂藤峽反、萬達口必勦之、勦而勝、是爲交

南益先聲也、出奇計、斬賊首、降其衆三千人、而處治近交南諸峒、落酋咸中幾窳、於是諸峒酋如指臂可

使登庸懼、請罪願歸欽州四峒故地、世世奉職貢、乃

於鎮南關築壇、具儀登庸率其屬繫頸徒跣、北面蒲

伏上表降。詔赦登庸罪，廢勿王。以其子方瀛爲安南都統使，分治其地。而登庸在國，擅名號如故。無何，死。國亂，其臣范子儀僞置官擁衆，且犯邊。巡撫都御史歐陽必進都指揮俞大猷以舟師與戰，連破之。誅子儀，而莫氏復定。或曰：黎氏復據國，而莫氏自竄南海中。

俞大猷言：安南永安新安諸州俱南接大海，交州城有左右二水，其右水頗淺，左水深，可以受海舟。我以海舟直入，抵其地，卽彼長艇皆不敢嚮邇，不靡折，卽且逃耳。故我攻交而用舟師，士逸糧足，可釋利便，爲進攻而交人之爲備也難。釋舟而攻諸陸，則吾所攻者多，彼所備也易，而彼逸我勞矣。故定交南，未有不繇舟師者也。若北繇廣西，憑祥西自雲南歸化，道險遠，餉難輸，易絕。柳安遠逢其敗矣。交趾東起欽州，西歷左江，北至臨安，元江俗獷悍喜鬪，惟交愛人，稠儻好謀。驩虞人淳秀好學，其山川佛跡山勾

漏海富良江爲大云產金珠珊瑚
玳瑁蘇合油犀象兕犛羊之屬

永樂中

上以天下大定。通道於九夷八蠻。遣驗封郎陳誠。並
中官往使窮西域。遣中官楊瑄。並將領撫諭西南夷。已
遣中官鄭和航海。通西南海中夷。加海神封號於儀
鳳門建祠祀。臨遣而西南洋海中君長三十餘國。皆
入獻見。當是時。福建布政司言。有番舶漂海岸。詰之
則暹羅遣使。詣琉球交私爲好者也。已簿錄船物。請
進止。

上曰。暹羅與琉球脩好。船漂至宜恤。豈可利其財物而
籍之。匹士善人。猶能不阨人於險。况天子哉。其脩船

給廩餼俟風便及國往琉球聽自便洪熙初詔下
西洋諸番船止勿遣諸番貢使予人船護歸毋久留
諸迤西等國買馬若詣緬甸麓川交趾等處採寶石
金珠貨香等使者止勿行宣德中八百甸土官遣使
貢方物且云苦波勒寇盜請濟師

上曰八百甸去雲南數千里古荒服外地也波勒酋昔
未嘗歸化奈何勤中國爲遠夷役乎且夷性獷非必
皆波勒罪降勅諭使敦好息民廉州府巡簡德亨
言家本階州界西戎知我有水銀坑冶及青綠紫色
泥可用墁請發兵收其地

上謂戶部言盡力求利。商賈子之所治。開邊帝王之大戒也。今珍奇之產在中國。非乏然。且柵築絕之。毋疲民。況我境乎。控制邊境。貴在安靜。苟爭利用。兵爲害不細。乃後悔何及。嗚呼。可謂至德矣。日本古倭奴。

東海中夷國倭最大。

地五畿七道三岳。西南至海東北乃大山。其界與明越諸州相

值。而大洋所極。東底遼東。南盡閩廣。被袤且萬里。俗魁頭斷髮。黥面文身。而狡嗜殺人。故爲患最深。

國初出沒。寇並海州郡。守禦指揮翁德戰有功。立進官。遣捕倭。且遣碼于海神曰。予受上穹命。爲中國王。惟父民罔敢怠康。惟倭夷屢寇盜濱海州郡。濱海州郡。並被其荼毒。今命將率舟師勦之。以靖民。惟神其

相之

已遣萊州府同知趙校賜璽書諭其王王良睦

秩至諭王以上威德責入貢王詫曰前蒙古

以戎狄蒞華遣趙良弼以好語誑我覘我國乃隨發

舟數千襲我比至風沒之禁不與通者數十年而爾

復來且爾豈良弼後乎將刃之秩不勤徐曰今

大

子生華帝華逐蒙古夷北出塞滅矣我豈良弼後爾

殺我禍不旋踵矣王聞乃改爲之禮遣僧奉表

已倭

稱臣入貢

上以夷事佛擇遣僧二人往開諭

已倭

寇海鹽澈浦溫州又寇福建海上郡已又寇登萊膠

然亦時時遣使貢乃貢或無表文即有表不恪於是

有林賢之獄曰倭入貢實與故丞相胡惟庸通顯絕

之具著于祖訓時胡惟庸死三年矣於是

上召信國公和于鳳陽諭之曰日本小夷屢擾我東海

公雖老強起爲我行視要地設防

和奉命自登萊沿海東抵浙上策

五十九城、民四丁、調一爲戍兵、遣江夏侯周興祖築
福建海上十六城、而數數勅大將督沿海兵防倭

永樂中。賜誥印封其王爲日本國王、名其國鎮山

曰壽安鎮國山、給勘合百道、令十年一貢、正副使毋

過二百人、若貢非期入、若人船踰數、挾兵刃器以寇

論、然倭時時掠海上、不爲止久之、左都督劉江大破

之、望海峒乃戢。江鎮遼東、行視金線島有峒曰望海、特高、海諸島可俯而瞰也、念可營屯

以控海、乃請築城堡、置烽堠爲瞭望、一日瞭者言海
東南島夜舉火有光、江計寇且至、將馬步軍伏峒上

堡、備之簡銳卒伏山下以待、約旦待旗舉砲鳴、即起
共夾擊、明日倭二千餘乘海鱸逼峒、登岸、魚貫行、一

酋貌猙獰甚、揮兵登如入無人境、江蓐食秣馬、不爲動、
而潛遣壯士間行往伺賊、賊畢登、則盡焚其鱸、已而

賊至、竭江披髮出搏賊、舉旗鳴砲、伏盡起夾擊、倭大
則走、嬰桃習自閉空堡中、我知追圍之、將校皆奮請

入事不許已而開匪壁絕之倭急走張兩翼夾擊所斬千數百倭跳身急走艚則艚又焚盡爲焚舟卒所縛無一人得脫者凱還將士請曰公見敵而秣士馬臨陣披髮追賊入堡不殺而縱之乃卒收功何也江曰寇遠來逼竭我飽以待饑逸以待勞固治敵之道賊始魚貫來爲蛇陳作真武狀懾之亦愚士卒耳目而張其氣也賊入堡有必死心夫困獸必鬪缺生路繼之走紫焚丹待之此所以盡遺我禽也事聞上賜勅褒劉將軍封廣寧伯自是倭不敢窺海上者數十年始方國珍張士誠據濱海諸郡人習兵方張既禽滅而通者悉航海附倭故洪武中倭患特數上旣命築城增戍又置十千戶所於海上招沿海島人蟹戶賈豎漁盡籍以爲兵於是海上惡少得衣食縣官然華夷相糾故寇盜不衰非廣寧斯役禍固不止也然夷終猾獍時時挈舟載方物戎器以來過防守嚴輒陳方物云入貢卽貢不如期守臣幸無事請俯順夷情至客輒爲條奏許貢云不爲例得宴賜市易去後再至亦如之伺無備持戎器出剽掠殺擄亦滿載去無問得間不正德中犯桃渚入大嵩民大創得間無不得意去者

下防倭之令而邊嚴

倭伺備禦疎而入官廩民室廬焚掠殆盡發掘人家墓得少壯

即殺束嬰孩竿柱上沃之沸湯視啼號為嬉得嘉靖

初貢使相挺起為變

詔諭乃得解時倭主幼不能制其下而國大

臣各遣貢其貢使各怙輿援至寧波已禁市舶而中不相下相挺遂為亂蹂寧紹諸郡縣

國大猾入據海島中聚衆自衛以財物役屬倭惡少

行海上為亂稱船主

勅華人習知海夷金寶之饒吏人貢賣番貨與互市不

售輒賒之奸商久之奸商欺負多者萬金少不下千金轉展不肯償乃投貴官家之貴官家又欺負不

肯償貪戾甚於奸商番人泊近島遣人坐索以之食出沒海上為盜貴官家輒以危言撼官府云番人據近

島殺掠人奈何不出一兵備倭及官兵出輒齎糧

期期為好語咱之利他日貨至且復賒我久之番人恨諸貴官家言我貨本倭王物爾價不我償我何

不肖去會其時寵賂公行官刑政亂小民迫於貪酷
苦於徭賦困於饑寒相率入海從之凶徒逸囚罷史
黥僮及衣冠失職書生不得志羣不逞皆爲之奸細
爲之鄉道於是王五峯毛海峯等以船主誦王海島
攻城畧邑劫庫縱囚遇文武官發憤斫殺卽伏地叩
頭乞餘生不聽浙東大壞二十五年以朱統爲浙江
巡撫都御史兼領興福漳泉泊兵捕賊統清諒方勁
任怨任勞嚴戢閩浙諸貴官家嘗言去外夷之盜易
去中國之盜難去中國之盜易去中國衣冠之盜難
遂鐫暴貴官通番二三渠魁於是聲勢相倚者大
譁怒切劾誣詆惑亂改統爲巡視未幾言官論劾遣卽
訊其心煨煉必欲殺之統憤悶卒統所任福建有功
海道副使柯喬都指揮盧鏜殺賊有功皆論死於是
羣夷羣盜唾手肆起益無忌憚犯台州破黃巖象山
諸邑時國家承平幾二百年矣東南習靡靡於文
沿江諸衛所兵防閑畧甚被江諸州縣吏猝聞變局
縣門懷印緩亡去卽乘城猶惴惴無人色至自溺城
上付城外于賊恣剽殺時時數掠淮揚間賊率不過
數百人剽州縣以十數所至焚燒斬戮荼毒不可道
其流畧千里過南都者僅數十人官軍見者皆蒲伏

受戮言賊有神不可與鬪遠近傳相恐每戰倭輒赤體提三尺刀舞而前其魁皆閩浙人善設伏能以寡擊衆反勞逸主客而用之故恒得意去連數年不解時中國方困胡議賜日本

勅許貢付朝鮮琉球國傳致之禮尚書歐陽德言

祖宗朝未有勅付鄰國宣諭之事於慮防至深又

日本素稱貪狡習悖驚原非請封受冊頒曆朝正之國

先朝數事頒勅曉諭俱未見有輸誠悔謝之奏至嘉

靖勅貢使宗設構亂虜我職官宋璉等以去聖怒

赫然絕其貢既而鎮巡官爲懇請優容許貢彼亦未

將宗設等執送宋璉等護還迹其素如此恐未可從

以語言化誨而震疊之也。止不遣。上侍郎文華出禱海神。且視師。殺提督兵尚書經巡撫都御史天寵。而亂愈益熾。再出督括官庫。讐歛富民。調狼廷兵。極四遠。公私枵然。煩敝。而中國盜大起。三十一年。殘更嚴。掠定海。浙東騷動。遣都御史王世貞巡視兩浙。兼領漳泉。興福四郡。以都指揮俞大猷。湯克寬。爲浙閩叅將。勦賊。顧其政久弛。將士耗鈍。水寨戰艦。所在廢壞。忬出行。寇日是其形。不可使相及也。吾比什伍以會戰。賊乃推結裸程。一人奮戟以趨敵。苟可薄我。蹀踰而至。探前跌後。足間踰尋。此得地便也。不如浮海而扼之。單岸而望賊。方舟爲拒。彼雖有衆。無以措險。即銜鱸而守。亦瀕海無露。列檣如雉矣。遂大具艦。幕處州。卒鼓之。五破賊。斬首虜千餘。三十二年。大猷冒險出洋。焚安自巢。賊逸去。羣偷流散。乘風奔突。倏忽千里。溫台寧紹杭嘉蘇松楊淮十郡。並受其害。克寬統領步兵。往來海壘。護城捕賊。斬獲亦多。忬不肯隱敗冒功。擒治奸豪。破解支黨。大猷克寬兩叅將。皆知勇可任。徒以江南人素柔款。賊未登岸。望風奔。文武大吏未能以軍

法繩下而有司往往以軍法繩富人持之巧索橫斂指一
科百諸城守餉搗百物多乾沒十不給一廉謹之士又謂
南人善誇低頭束手不敢動一錢於是公私坐困戰守無
策始釋柯喬起盧鏜而賊船聯翩滿海破昌國臨山松江
諸衛所圍海鹽大倉嘉定入上海掠華亭海寧平湖餘姚
定海諸州縣殺戮汚辱慘於正統時矣而通番奸豪又言
悍大猷搗巢非計搖動悍悍薦鏜起為閩粵將代克寬克
寬以副總兵將屯金山閩人故忌鏜劾鏜凶險不可用三
十三年遂犯江北海門如皋通州殺掠慘甚復用盧鏜為
參將而以俞大猷為浙直總兵時都御史忬改大同巡撫
徐州兵備李天寵代忬南兵尚書張經提督浙閩江南北
軍務矣經前總督兩廣有威惠計調兩廣兵以禦倭而素
貴倨又連與倭戰不效望實稍損時

上憂倭甚而嚴神工侍郎趙文華為

上言海賊猖獗海有神請祠禱海神當可靖

上信之遣文華行禱祠且視師時大學士嵩方幸文華

諂事之因亦幸故遣行文華至師頤指經經目以大

臣位其上自重不為下時賊巢柘林者盈二萬經調

兵三萬以制之未至而文華檄經即行搗其巢經持

不可文華遂疏經不足辦戎第家獨避讐故夢暗縱

不擊、上怒甚、徵經時、經則已聚兵捕逐賊、大破之、嘉興而御史胡宗憲督參將盧鏜趣赴之、賊走至江涇而散、文華歸報、命言海神助順、倭乃殄、進宮保、工尚書、經及巡撫劉天寵逮、詔獄論、死而以浙江巡按胡宗憲代、天寵、南戶部侍郎楊宜、再出督括官、代經、自後賊益熾、縱橫出入二十六郡、庫讐歛富民、調狼達兵極四遠、公私枵然、煩敝而中國盜大起、上聞報大怒、降札言、南北兩欺、不可怠視、議長策、聞廷議請、謀帥監督、上殊信文華、至是中自語文華言、無狀、文華偵知之、立上疏奮請行、疏宵上、上愈益喜、以爲文華憂國、命出督諸道軍、禦倭至、禱祠爲文華請福、而文華至、無他畫、顧獨焚大括官庫、富家金寶書畫數百萬、交通輔臣、蒙蔽以爲功、而東下若濕薪、忤意者、卽功論罪、順指阿意者、輒顯薦、超擢卽提督巡撫、官人自危、憂不在倭而在讒、於是兩浙閩廣間、徵兵集餉、提編均徭、加派稅糧、截留漕粟、扣除京帑、請給鹽課、迫脇富民、釋脫凶惡、濫授官職、浪費無經、其爲軍旅之用、纔十之一、時文華

宣言吳越人儒不足恃殺賊大調上漢狼達兵數十萬痛創之幾賊聞遁去以爲効而川湖貴廣山東西河南北咸騷然煩敝諸所調兵人挾數人與俱所至爲剽掠顧臨賊驅之前不前已賊退遣之去不去往往散爲盜而盜遂大起及倭退文華陽陽然以爲我督師勞苦而功高也當是時封疆之臣若倭急輒請添官以分責於是添設都御史三人總兵一人副總兵二人參將十三人兵備副使十一人諸將較近百人其後朝政改紀東南困海患久人積憤憑溢益習

兵諸

總督無慮多得大帥愈大猷戚

光劉顯之倫競忠力自奮而

靖

三十五年文華領吏部尚書李默默論苑三十六年復傾所諂附輔臣嵩

上以質問嵩嵩大銜之乃盡發其奸削籍文華懼後患飲藥死子謫戍死當是時都御史胡宗憲以尚書總督浙直閩廣兵矣朝議言中國洶洶被倭者以王直王直者徽亡命據烈港爲舶主者也天子至勤精禋禱必得直宗憲欲誘直以自効總兵余大猷言直在海島能以緡物誘倭來在彼國一海上

通夫耳、倭之來不來、非關直誅不誅也、若誘之來而殺之、則失信、且何以示後、蓋請諸宗憲不聽、以金泉幣帛行賄直、誘之托鄉故自結、且云即降者、請以爲都督、置司海上、通互市、直亦踴躍自喜、自詭言必肅清海波、以爲報、與約誓堅苦、直乃來、至杭、宗憲飾館張予宴優禮之、具以聞、言已得直、然不敢以其情質言之也、於是

上徵直磔西市、宗憲進宮保、餘遷秩有差、直既得、宗憲內自慙失信、怏怏曰、吾爲俞帥笑矣、而群倭聞殺直、焚舟殊死戰、大創入掠閩、宗憲懼、乃奏言大猷違節制、不窮追以爲解、而大猷逮、詔獄、已悔之、具言之、法司請薄其罪、謫戍邊、三十八年、倭寇江北、分數道入、督江北都御史李遂馳出如臯、與賊遇白蒲、諸將言宜及賊未定、擊之勝、遂曰、夫戰貴得地、賊方銳而我軍未嘗見大敵、卽小挫難復矣、令軍中敢言戰者斬、而賊乃益進、遂策曰、賊今分道入、過如臯、必且合、合則道有三、自泰州逼天長鳳泗、卽

皇陵、道最要、自黃橋逼瓜儀、搖南都而梗漕、次之、若從富安而東、海濱荒涼、擄掠無所、至廟灣絕矣、乃吾得地時也、於是部諸將防遏、今毋得過天長瓜儀、而

身率青沂邱卒當秦州之衝命海防遊擊躡賊行晝
稍近使不得休夜稍却以杜其後必致賊廟灣於是
賊果向廟灣而遂以間夜入淮安城督戰會他賊攻
丁堰者敗攻馬邏者又敗諸敗者畢會趨廟灣巢堅
險賊固守而遂所謂兵畢集衆覆之蓋賊果絕於廟
灣已三沙賊復入又連破之俘斬萬數千餘而倭始
大創四十一年夏輔臣嵩免歸冬倭寇福清破連江
縣陷興化府而都指揮使歐陽深力戰死詔起復
浙參政譚綸總督福建軍時副總兵大猷至自贛駐
秀山都督劉顯至自江駐明山而副總兵戚繼光提
浙直兵未至

上怒督府失專城責戰急而閩士大夫又洶洶欲旦夕
攘驅爲媮快慮不顧其難大猷念賊本客入我城爲
虎地又數盈萬人習戰官軍主也在我野爲散地又數
不盈萬不習戰若迫堅城而攻之彼實我虛彼飽我
饑彼逸我勞是舉主客勝負之形而反之也一跌而
東南之事去矣計莫若以困之曠日持久彼且欲
越我柵而遁則彼虛我實彼勞我逸彼饑我飽而我
師得犄角而取之勢可使無不遺且賊速戰勝可遁
遲之我師日益戰必勝而

賊將遁無所之、故勦以戰爲守、而吾必以守爲攻、於是畫地鑿溝爲營柵、令東西通海、爲固守規、賊挑戰不動、閩士大夫謫其病之、以爲怯、已大軍合、而賊竟殲、於是提督都御史譚綸具疏言、八閩之地、西北阻山、東南瀕海、海中諸夷、惟倭爲中國患舊矣、故中國於海防爲特嚴、洪武中、以江憂侯周德興、正統中以侍郎焦弘景、泰中、以尚書薛希璉、當是之時、戰艦如雲、旌旗相望、重地防守、則惟烽火門、日南山、灣嶼三寨而已、近倭夷發難、海防盡廢、於是募民艦、設舟師、以禁禦、迄十年而川不効者、以慮患過深、爲備太廣、五寨外分守十有六、澳勢寡力分、而然也、今宜復五水寨之舊、寨設水兵二千二百人、船四十隻、五寨通爲兵萬有千人、船二百隻、定爲五大、鯨、而以五把總將之、以舊設烽火門、日南山、灣嶼三鯨爲正兵、增設銅山、小埕、二鯨爲奇兵、而又分信地、明斥堠、嚴會哨、以防之、賊少則使自爲戰、賊衆則合力夾攻、以扼外洋、擊來賊爲元功、擊去賊次之、失不擊致賊登岸、各以其信地爲罪、俱屬總兵總督各監軍道督之、未汛之先、則總會南臺、整飭訓練、汛期且至、則分地哨防、汛畢復集、則總絡有經、聲勢嚴重、而海防十可得

五六矣。惟是知兵之將，世不多有。而治標之事，難執一方。將得人矣，監督憲臣，非得素所同心之人，與之終始其事，則所見互異，動相矛盾，豈能有成也哉？兵備副使汪道昆，副總兵戚繼光，雅志匡時，協誠任事，去秋今夏，屢建奇功，誠得令繼光充總兵，鎮守福建九郡一州，而勅道昆監全省軍，其三路參將悉改守備，而以繼光所部偏裨曉暢軍事，屢立戰功者補之。平居則將識士情，兵知將意，有事則如身使臂，如臂使指，無事而令營團操，則號令出於一人，而兵實有用。臨汛而畫地分守，則水陸備於多筭，而戰有成功。惟上裁幸。

見賊輒奔北，劉將軍顯精悍，善技擊，實首挫其銳。其後聞浙士大夫各往往推戚將軍為尤功，及方事亟，嘗事戚者亦往往推戚機神變化為莫測也。方事亟時，戶科給事中楊允繩疏言：海寇之為東南，愚為矣。

皇上軫念民命，遣將出師。已踰三年，督撫將臣已經四

易。而寇盜日熾，破城邑，殺官吏。茲復犯南都，直軼其

城下。此其患在於時習不振。而弊源不革也。夫海寇之與邊患也。不同。蓋邊患孔棘。虜實主之。若海寇則什九皆中華之人。而倭奴者。特其勾引驅率以來者也。夫虜爲主。則重專於外攘。中華之人爲主。則事急於內修。重外攘。則當委重於將帥。急內修。則當責成於有司。乃邇年來。督撫之令不行於有司。責之練鄉兵。則不集。命之團保甲。則不嚴。委之以饋餉。則不給。委之以哨探。則不明。日愒月玩。彼是此非。上官隱忍而養容。下官驕侈而日大。所以然者。豈以督撫之官爲不尊。其權爲不重耶。亦有繇矣。蓋以近來督撫之

臣到任謝恩。本上例有銀兩分饋在京權要之門。大者數百。小者數十。其名曰謝禮。至於任內有題請。則有揭帖。伴以銀幣。約如前數。其名曰候禮。其有歷任頗深。營求美擢。若地方有事。希求脫任。或以見卻。而求彌縫。或以失事而求庇覆。諸凡饋送。數復不訾。此其費安出哉。在省取諸各布政司。在直隸取之各府州縣而已矣。府州縣既爲之巧取承迎。不無德色。諸督撫又自知非法。接受亦有靦顏。一入牢籠。實難展布。此在平時。然且不能振揚風紀。建立事功。況於蒞軍行法之時。威克厥愛之際。又何以糾官僚之悞。

而激三軍之氣也哉。則百司之玩愒陵夷蔑法誤事亦奚足怪矣。且官司所以承奉督撫者。非能出之囊橐。皆取具於窮民。近督撫之交代不一。則官司之索取亦不一。况不肖者。因而影射乾沒其間。用一斛十。用十科百。椎膚剥髓。何有紀極。如是民生何得而不窮。民既窮極。盜賊何得而不熾。盜賊熾然。則東南州郡四野爲墟。掃地赤立。固其理也。以區區才遺偷息待斃之民。培克橫歛。然且不已。臣恐他日國家之憂不止於嶺海之外而已也。疏上。

報聞。時議者言今公私俱困。而海上夷以市舶罷。無所爲衣食。故反宜開市。參將俞大猷以爲廣東去安南占城暹羅諸番不遠。番

所產乃胡椒象牙蘇木等貨故舶至而抽分之利最廣非若倭人僅一刀一扇無他產可利也

祖宗知倭奴健悍終爲後世患故深拒其貢獻嚴其通船今絕之不得忽開之乎今誠大治戰艦賊來則緊去則追又來又擊又去又追行之數年可復治安之舊若復與通市則東南之禍未已也且備倭召隼兵極天下之選卒未見其效莫若備之於海海戰無他巧但知風候齊號令以大舟勝小舟以多舟勝寡耳若聽其互市是爲國家生事後必悔之其後東南殺賊者無慮數萬籍樓船力爲多而都御史譚綸將各府船隻編定爲號立之保伍聽於近便海岸從宜生理而嚴勾引之誅

高祖時海外諸夷人貢往來絡繹患真贋莫辯也給諸番國勘合文籍令入貢咨文具於所經布政使司比驗乃後遣於是暹羅古城琉球等五十國咸受籍四夷部分十八所設通事六十人大者有都督都指揮等官總之總理貢夷降夷諸夷情番戎文字命翰林侍講火原潔與編修馬懿赤黑等以華言譯其國語取元秘史參考諧切其聲音自是使信往來朔凜皆能得其情焉


鄭端簡曰。三代之盛。漕輓未及於江南。五季以還。門
析不施於薊北。漢開疆於衛霍。唐蹙國於安史。豈若
我朝山川綢繆。已得天險。營鎮聯絡。更盡人謀。節
其貢賦。有恒足之財。總其紀綱。無專命之吏。自生民
來。未有盛於今日者也。亦加之意而已。嗚呼。重華
敷治。四夷來王。周宣修德。獫狁于襄。孰佐重華。皋夔
稷益。孰佐周宣。召張山吉。有以哉。有以哉。


斷史下編卷之二十下終


卷一
終

一

九







DS
735
.112
T4
v.80
國史下編卷之二十一

明旰郡鄧元錫著

異教考

夫神農以前尚矣。黃帝考定星曆。於是立天神地祇。物類之官。五官各司其序。不相亂也。民是以能有信。神是以能有明德。民神異業。敬而不瀆。故神降之嘉生。民以物享。災禍不生。所求不匱。少皞氏之衰也。九黎亂德。民神雜揉。不可放物。禍菑荐至。莫盡其命。顓頊受之。乃命南正重司天以屬神。火正黎司地以屬人。使復舊常。無相侵瀆。其後三苗服九黎之德。故二

官咸廢所職。益用眩瞽。堯復遂重黎之後。不忘舊者。使復興之。而立羲和之官。命夷典三禮。夙夜寅直。以清顧格于鬼神。命夔作樂。憂擊搏拊而群。后德讓神祇來格。鳥獸蹠蹠。靈象之物畢感而至焉。以能達性命於禮樂。合萬靈於中和。此其極盛。乃其司徒之教。惟廸民於五品。親遜民義之爲務也。夏后殷周之隆。崇道德。隆禮義。設辟雍泮宮庠序之教。陳禮樂絃歌移風之化。天下莫不曉然於孝弟之教。惇篤之行。以無播於誕僻。而上焉者。又能明天人之際。察幽明物則之極。窮理盡性。而至於天命之眇微。故三公在朝。

三老在學。卜筮巫祝皆在左右。論道密勿。俾王中心
無爲。守至正以深於其本。而郊宗禋祀。又擇民之精
爽不携貳。而能齊肅中正者。其知能上下比義。其聖
能光遠宣朗。其明能光昭之。其聰能聽徹之。使制神
之處。位次主。猶鬼神示之。居而饗焉。又使先聖之後。
有齊敬之勤。威儀之則。容貌禮節之宜。忠信之質。禋
絜之服。而敬恭明神者。以爲祀主。使名姓之後。知四
時之生。犧牲玉帛之類。彝器之量。屏攝之位。壇場之
所。降升出入之度。而心率舊典者。爲之宗。爲之祝。故
人不瀆於神。神無怨恫於人。神人和焉。乃其六官六

典三千三百務天下之民懋敬德而勉脩學其道不外於君臣父子夫婦長幼朋友其用不越於農政本業厚生利用其教不出於親睦任恤恭敬退讓其又盛而漸於化惟安分寧止日用飲食不願乎外而和平故國不異教家不殊俗師無異指學無異術而無有希闊遼絕高玄可喜之論滑汨乎其間故詩書之文歷千百載聖哲代作而其言道言德言性言天言誠敬仁義固未始不相爲終始如一日也昔夏之方盛德也命遠方各圖其土之物徵九牧之金以鑄鼎象物百物而爲之備使民不惑於神姦入川澤山林

不逢不若。而宗伯典禮。自王侯公卿下迨於士庶。各
祭其當祭之鬼。以禱祀祈禳。而無媚於幽昏。非其鬼
而祭。命曰淫祀。淫祀無福。不得祭也。至其執左道以
亂政。假時日卜筮鬼神以疑衆。與異服異言異行者。
誅不以聽。防之又如此其防。故道行教明。雖更歷衰
亂。而餘澤未熄。百家衆說未作。而蕩平之路廓如也。
及周之衰。明王不興。而其時之士。率能本禮陳義。維
持論說以相感。聘覲之際。禮樂存焉。劉康公召穆公
鄭子產。晉叔向。楚觀射父之倫。猶能通知乎鬼神之
情。而不惑於恍惚譎異之變。孔子至聖。本詩書執禮。

以雅言而贊易。以黜八索。不語怪力。以亂神。王道燦
然分明。以匹夫無勢。化之者七十二賢而已。皆天下
之俊也。時君莫能尚。又久而世之治方術者益衆。各
得其一察。以自好。而法度旣廢。橫議得行。故人奮其
私智。家尚其私學。者蠡起於中國。先王之道爲衆說
之所蔽。闇而不明。鬱而不發。而恢奇可喜之論。得漫
漶於土中。孟子憤發其所距楊墨。放邪說。熄淫辭。而
時方病其好辨。以爲大道者。無以辨爲也。嗚呼。孔子
曰。道不同。不相爲謀。夫道而至於不相爲謀。其夫道
也遠矣。孟子曰。楊墨之道不熄。孔子之道不著。將率

穀食。人將相食豈不信哉。

老子，周人也。姓李名耳，字伯陽，謚曰聃。周守藏史也。其道以無爲根，以約爲紀，以本爲精，以物爲粗，以有積爲不足，澹然獨與神明居。建之以常無有，主之以太一。以

濡弱爲下，爲表以空虛，不毀萬物爲實。蓋其大也。孔子

再尋本刪去

適周，從問禮焉。老子謂之曰：子所言者，其人與骨皆已

朽矣。獨其言在耳。且君子得其時則駕，失其時則蓬累

而行。吾聞之：良賈深藏若虛，君子盛德容貌若愚。去子

之驕氣，與多慾態色，與淫志，是皆無益於子之身。吾所

以告子，若是而已。孔子去，謂弟子曰：鳥吾知其能飛，魚

吾知其能游獸。吾知其能走走者。可以爲網游者。可以爲綸。飛者。可以爲繒。至於龍。吾不知其乘風雲而上天。今見老子其猶龍耶。蓋老子脩道德無爲。自化清靜。自正。故聖人歎之。居久之。老子兄周衰。乃遂去。至關關。令尹喜迎。有請曰。子將隱矣。強爲我著書。於是老子著書。上下篇。所著書言道德之意。五千餘言。具存微妙。稱難識。所貴道。虛無。因應變化於無爲。或曰。老子百有六十餘歲。或言二百歲。以其脩道而養壽也。而老子之子。子宗。爲魏將。封於段干。末孫假。仕孝文帝時。假生。解爲膠西王傳。因家于齊。今之言老子者。以爲歷

商周之代而不衰。至漢文帝時爲河上丈人。文帝就見焉。此何以稱哉。宰我問於孔子曰。昔者予聞諸榮伊令。黃帝三百年。敢問黃帝者人耶。非人耶。何以至於斯。孔子曰。予禹湯文武成王周公之事。可勝觀耶。黃帝尚矣。女何以爲先。宰我曰。是予之罪也。上世之傳。隱微之說。卒業之間。願竊有聞焉。孔子曰。黃帝少典之子也。曰軒轅。生而神靈。弱而能言。幼而徇齊。長而敦敏。成而聰明。代赤帝。撫萬民。順天地之紀。明幽明之故。死生之說。存亡之難。時播百穀。草木故教化。淳焉。曆象日月星辰。極畋土石金玉。勞心力耳目。節

用水火財物。故生而民得其利。百年死而民畏其神。百年亡而民用其教。又百年。故稱三百年也。蓋孔子去上古未遠。乃其言止此。今之宗黃帝老子者。曰黃帝得服食法。不死乘雲而上僊。老子得其術。傳關尹亦不死。此又何稱焉。今讀老子書。其精者常無觀妙。常有觀徼。載營魄抱一。專氣致柔。滌除玄覽而無爲。治國也。乃樸散則爲器。而大患爲有身。又言以道蒞天下者。其鬼不神。今之言老子者。以爲得五金八石。九還之秘。以絕穀變化。役使鬼神。此又何稱焉。

佛天竺國刹利王子也。

唐史曰。天竺國即漢身毒國。一云婆娑羅門。在慈嶺西。比三

之會。臨禪連河。或云刹利氏。世有其國。不相篡弑。又云有阿育王。能役使鬼神。行苛政。置炮烙之刑。謂之地獄。其王與大臣多服錦繡。上爲螺髻於頂。餘髮剪之。使奉俗。皆徒跣。致敬則舐足摩踵。死者焚屍。取灰爲浮圖。或委之中野。施禽獸。或流於河。施魚鱉。無喪紀之文。善天文算曆之術。人多學。悉曇章云。梵天法書。貝多樹葉。以紀事。不殺生。飲酒。生周昭

王時。氏釋迦名牟尼。牟尼者。華言能仁也。生而神靈。能指天畫地。曰。天上天下。惟吾獨尊。年十九慕道。厭世濁。生老病死相輪轉。爲苦也。辭王宮。求出家。王不聽。則夜從直北門亡去。曰。不斷八苦。不轉法輪。不成菩提。誓不還矣。於是詣雪山中。宴坐者八年。苦行自度。爲淨愛染故。未嘗三宿桑下。蓋其精如此。始佛生

具三十二勝相殊絕。又行能最高。道旣通。天人神鬼。山河大地。含靈蠕動。皆冥爲一體。而真空無體。又辨才深智。應緣示化。欲以普度羣生。於是阿若陳憍。如口聞法要。而文殊師利。理智冥合。普賢行願。於其道外深其大宗。直信人心清淨妙明。遍周沙界。無我及我所。無衆生。及諸成壞淨垢名相。以爲道本。諸有靜動成壞淨垢離合。則以爲是諸幻相。是如露如電。如夢幻泡影。諸見聞知覺。記憶思惟。則以爲幻心。如陽燄空花。卽我所成見。雖有非實。於其間流注執着。則以爲幻識。如盲摸象。如顰說鐘。名可憐憫。而覺幻卽

離離幻。即覺覺實無幻。寂滅爲樂。則固常住不動。其
覺於本覺。妄固無方便漸次。可得言也。故佛者覺也。
覺無生。故無起滅。覺無體。故無成壞。覺無染。故無淨
垢。覺無量。故如虛空。覺平等。故如法界。覺無着。故無
中邊。覺無方。故無斷常。覺無際。故正徧。知示現而周
也。故身心色相。外洎山河大地。十二種生。皆妙明心
中所現之物。而動靜離合。恬變通塞。生滅明暗。則心
所現之境也。境緣心起。心逐境流。則爲業爲識。爲名
爲相。沉淪於五陰六八十八界流。浪生死。而莫能自定。心境不
二。不即不離。不取不舍。無智無得。實際理地。則自性

無垢。畢竟清淨。周於法界。在二遺。在砂石。在瓦礫。皆
妙湛總持。而本際固無際也。斯謂圓頓。圓頓者。理智
冥合。證無上者也。無三界可出。無涅槃可證。無聖果
可得。非有非無。有非常非無常。非然非不然。非自然
非不自然。蓋無礙非空。無空非覺也。豈有上哉。其中
乘下乘。從禪那入。以證三昧。禪那者。華言思惟脩也。
亦云靜慮。蓋定慧通稱。而以殺生傷慈。盜利傷定。淫
欲傷慧。爲三大戒。并飲酒妄言。爲五戒。他諸細行防
訖。爲具足戒。所爲調御收攝者。甚具。其言法界無邊
量。弘濶勝大。能使人霍然自器。盡空諸蘊。如樓直於

海其博示廣譬。瀕洞流轉。旁皇焜耀。能使人周章。顧如入巨海。魚龍出沒。百怪變見。壹莫測其端倪。其直指本心。見性成佛。抽關啓鑰。開法眼藏。又使人如得髻珠。如得迷頭。惺然自知。不從外得也。故所至尊。嚮雲集。恒與千數百十人俱。蓋住世說法者八十年。患左脇痛而滅。居久之。其弟子阿難多聞善記憶。曇佛昔於廣會所宣說者。爲經。經有緣起始末。所宣戒爲律。論則諸羅漢僧所著。撰也。結集成藏。乃其道以耳目不際爲真。以不可知爲神。以常樂我淨爲妙。以無上不可加爲勝。獨於形而上者爲證悟。而不研

乎人倫物則之實。其爲教。皆因其土俗。導令恐怖。越諸塵濁。卽聖人所存而不議者。徃徃縱言之。其語天人鬼物。并沉變幻。各視其所脩習。爲果報。如轉輪然。啓三途。張六道。爲十二種生之本。則又荒忽譎誑之所自始也。蓋西域人善幻。多桀黠。自周穆王時。有化人來。能入水火。破金石。及山川移城邑。而潛易人之思慮。王爲築中天之臺。甚寵列禦寇之書。所稱西域聖人。不治而不亂。不言而自信。不化而自行。雖不必爲孔子所自言。亦不明言其爲佛。而事固皆佛也。斯其來久矣。自齊威宣。燕昭王時。王教衰。中國處士治。

道術者。索玄大相益。非聖茂教。則已有莊周列禦寇。
楊朱墨翟騶衍之倫。

莊子者。蒙人也。名周。常爲蒙漆園吏。其學無所不閱。
然要歸本老子之言。著書十餘萬言。寓言十九。重言
十七。大抵率卮言也。以天下爲沉濁。不可與莊正語。
故以卮言爲曼衍。以重言爲真。以寓言爲廣。獨與天
地精神往來。而不傲睨於萬物。不譴是非。其於本也。
弘大而闢。深窈而肆。於宗也。可謂調適而直遂矣。其
作漁父盜跖胠篋發冢等篇。以詆訾孔子之徒。明老
子之行。其所稱畏累瓦。桑子之屬。皆空語無事實。然

善著書。攤辭指事。類情用剝。剝儒墨。雖當世宿學。不能難。亦不能自解免也。其言洗滌自恣。以適已。故自王公大人。不能器之。而列子秉要執本。清虛無爲。爲迂誕恢詭。驚世之言。莊頗捃摭其語。以著書。加恢奇文焉。蓋楊朱及事老子。老子譏其睢睢盱盱。朱聞命。渙然如有失也。其言曰。人知生之暫來。知死之暫往。從心而動。從性而游。不爲名勸。不爲形役。損一毫而利天下。不與也。悉天下以奉一身。不取也。專愛嗇。以自務。其後騶衍深觀於陰陽消息。而作怪迂之變。終始大聖之篇。十餘萬言。先驗小物。推而大之。至於無

垠先序今以上至黃帝學者所共術竝世盛衰因載
其機祥度制推而遠之至天地未生窈冥不可考而
原也頗類擇言世先列中國名山大川通谷以爲是
天下八十一分中之一分也爾是名赤縣神州赤縣
神州內自有九州禹所序九州是也不得爲州數中
國外如赤縣神州者九乃所謂九州也於是有裨海
環之人民禽獸莫能相通如此者又九乃有大瀛海
環其外天地之際也頗類擇言界而佛言三千大千
世界無邊量復弘大過之然衍所言要歸於仁義節
儉君臣上下六親之紀而佛亦以爲一毫端攝之始

也濫耳而墨子泛愛兼利而非闢其道不怒佛氏大
悲先之則佛教弘闊勝大固異教之所窟宅而異教
之生要自中國王教之衰始也其後宋毋忌王伯僑
充尚美門子高之屬爲僊道形解銷化依於鬼神之事
齊威宣燕昭王大信慕之秦始皇既并天下滅諸
侯而帝乃欲益無厭獨念在不死於是海內方士咸
頌言海上有蓬萊方丈瀛州三神山在東北渤海中
去人不遠患且至則風引船而去之蓋嘗有至者諸
僊人及不死之藥皆在焉其物禽獸盡白而黃金銀
爲宮闕未至望之如雲及且至三神山顧若居水上

臨之風輒去以終莫能至於是始皇帝甘心慕焉遣
方士徐福東入海求神僊福還言帝曰臣往見海中
大神謂臣言汝西皇之使耶臣答曰然曰汝來何求
臣曰願請延年益壽藥神曰汝西皇禮薄得觀而不
得取也即引臣東南至蓬萊山見芝城宮闕有大神
金色而龍形光照天於是臣再拜請當何齋以獻海
神曰今名男子若倌倌音真女與百工之事來得之矣
於是始皇說遣福等齋童男女百丁百貨入海求而
福以所齋畱海島中止王不來他還者皆以風爲解
終莫能至然怪迂阿諛苟合之徒自此興不可勝數

也。後始皇竟不得僊而死。死後三歲而秦亡。漢大宗
躬玄默爲天下治。卽老子道德之言精脩之。而留侯
良旣用其奇。張與奪之幾。助高帝定天下。已又託辟
穀從赤松子游。以自隱。故先漢尚黃老。習道論。而文
帝亦頗信鬼神之事。於是趙人新垣平望氣。言長安
東北有神氣。成五采。文東北神明之舍。而西方其墓
也。天瑞下宜立祠祀上帝。以合符應。祠成。帝親拜郊。
見燿火舉而祠上。若有光輝然。屬天。於是貴平爲上
大夫。明年新垣平使人持玉杯獻闕下。刻曰天子萬
壽。平乃爲帝言闕下有寶玉氣來。已視之。果然。平又

言臣候日當再中居頃之日。即復中。於是帝大信。幸久之。有上書告平所言氣神事。皆詐也。下吏治。詐得。乃遂誅夷平。及孝武帝即位。尤敬鬼神之祀。而好僊。以僊事方術幸者。有李少君。公孫卿。樂大之倫。李少君故深澤侯舍人。主方。匿其年。及其生長。常自謂七十。能使物却老。以方徧諸侯。人間其使物。以不死更饋遺之。常餘金錢衣食。人以爲不治生業。而饒給。又不知何所入。愈信。爭事之。少君資好方。善爲巧。發奇中。嘗從武安侯飲。坐中有九十餘老人。少君乃言。曩與其大父游射處。老人爲兒時從。

大父游射。嘗識其處。一坐盡驚。旣見帝。帝有故銅器。問少君。少君陽訝曰。此器嘗見之。齊桓公十年。嘗陳於柏寢。始是乎。已而按其刻。果齊桓公器。一宮盡駭。以爲少君神。始數百歲人也。少君言祠竈。則致物。致物而丹砂可化爲黃金。黃金成以爲飲食器。則益壽。益壽則海中蓬萊僊者乃可見。可見以封禪。則不死。黃帝是也。臣嘗游海上。見安期生。食臣棗。大如瓜。生僊者通蓬萊中。合則見人。不合則隱。能化形故也。於是天子親祠竈。遣方士入海求蓬萊。安期生而事化丹砂諸藥劑爲黃金矣。居

久之李少君病死。天子以爲化去不死。而海上燕齊怪迂之士多更來言神事矣。已齊人少翁以鬼神方見帝。帝所幸王夫人卒。少翁以方能夜致王夫人及竈鬼。天子自帷中望見之。良是。於是拜少翁爲文成將軍。以客禮禮之。居歲餘。方益衰。神不至。乃爲帛書以飯牛。佯不知。言曰。此牛腹中有奇。殺視得書。天子識其手書。問其人。果僞書。於是殺文成將軍。而之。冀得其真。明年。天子病。鼎湖甚。諸巫醫畢致。不愈。上郡有巫。神下之。曰。神君。帝召置祠之。其泉顧獨言病不害。且要帝。必愈會我其泉。帝病已。遂起幸其泉。置酒壽。

宮

神念

君。神君貴者太一。其佐曰大禁司命之屬。非可

得見。獨聞言。言與人音等。時去時來。來則風肅然。居
室帷中。時晝言。然常以夜。天子被。然後入。因巫爲主
人。關飲食。故其言行。其所言。世俗之所知。無殊絕者。
而天子心獨喜。其事秘。世曾莫知也。其後樂成侯上
書言。樂大。樂大膠東王宮人云。故嘗與文成將軍同
師。時天子旣誅文成。後悔其蚤死。惜其方不盡。見樂
大而大說。大爲人長美。多方畧。而敢爲大言。處之不
疑。曰。臣往來海中。數數見安期。美門。曰。黃金成。而河
決可塞。不死之藥可得。僊人可致也。顧恐效文成。則

方士皆掩口惡敢言方哉。帝曰：「文成食馬肝死耳。子誠能脩其方，我何愛乎？」大曰：「臣師非有求人，人自求之。陛下誠欲致之，必貴其使者。令有親屬以客禮禮之，使各佩其信印，以通言於神人。神尚肯邪？不邪？然欲致之，必致尊其使，宜可致。」於是使驗小方方效，使闕基。基自相觸擊。是時帝方憂河決而黃金不就，聞大言而大詭，乃拜大爲五利將軍，尋封樂通侯，賜甲第。斥乘輿帷幄器物充其家，以衛長公主妻之，齎金萬斤。於是刻玉印曰「天道將軍」，使使衣羽衣，夜立白茅上。五利將軍亦衣羽衣，立白茅上，受印，示不臣也。

天道者。爲天子道天神也。於是五利嘗夜祠其家。以
下神。神未至而百鬼集矣。然頗能使之。大見數月。佩
六印。貴震天下。而海上燕齊之間。莫不搢腕。自言有
禁。方能僊矣。會汾陰巫得鼎。天子曰。間者河溢。歲數
不登。鼎曷爲出哉。有司曰。聞昔泰帝興神鼎一。一者
一統天地萬物所繫終也。黃帝作寶鼎三。象天地人。
禹收九牧之金。鑄九鼎。皆嘗烹鬻。音飗祀上帝鬼神。遭
聖則興。周德衰。宋社亡。鼎乃淪沒。伏而不見。今鼎至
甘泉。光潤龍變。承休無疆。合茲中山。有黃白雲降。蓋
若獸爲符。路弓乘矢。宗獲壇下。報祠大享。唯受命而

帝者心知其意而合德焉。宜見於祖禰。藏于帝廷。以合明應。制曰可。其秋帝幸雍。且郊。齊人公孫卿曰。今年得寶鼎。其冬辛巳朔旦冬至。與黃帝時等。卿有札書曰。黃帝得寶鼎神策。是歲己酉朔旦冬至。得天之紀。終而復始。於是黃帝迎日推策。後率二十歲復朔旦冬至。凡二十推。三百八十年。黃帝先登于天。卿因所忠欲奏之。所忠視其書不經。疑其妄書。謝不應。因嬖人奏之。帝大說。召問卿。卿對曰。受此書申公。帝問申公何人。曰。申公齊人。與安期生通。受黃帝言。無書獨有此鼎書。曰。漢興復當黃帝之時。曰。漢之聖者在

高祖之孫且曾孫也。寶鼎出而與神通。封禪。封禪七十二王。唯黃帝得上泰山封。申公曰。漢主亦當上封。上封則能僊登天矣。黃帝時。萬諸侯而神靈之。封居七千。患百姓非其道者。乃斷斬非鬼神者。且戰且學。僊百餘歲。然後與神通。於是采首山銅鑄鼎。鼎成有龍垂胡髯。下迎黃帝。黃帝上騎。群臣後宮從者七十人。餘不得上。乃悉持龍髯。龍髯拔墮。墮黃帝之弓。百姓仰望黃帝既上天。乃抱其弓與胡髯號。故後世因名其處曰鼎湖。其弓曰烏號。天子曰嗟乎。吾誠得如黃帝。吾視去妻子如脫躡耳。乃拜卿爲郎。使候神於

太室而五利將軍使不敢入海。獨之泰山祠。帝使人
驗實。無所見。而五利妄言見其師。又方盡不讐。帝乃
誅五利。其冬。公孫卿候神河南。言見僊人跡。緱氏城
上。甚大。類禽獸跡。有物如雉。往來。天子親幸緱氏城
視跡。問卿得毋效文成。五利爲乎。卿曰。僊者非有求
人。主人主自求之。其道非少寬假。神不來。言神事事
如迂誕。然信不。至信不。疑精以。歲乃可致也。於是郡國各除
道。繕治宮觀。名山神祠。以望幸。而用公孫卿言。僊人
好樓居。長安則作蜚廉桂觀。甘泉作益延壽觀。作通
天。觀金。莖臺。使卿持節設具而候神人。越人俗鬼。有火災。

復起屋必以大用厭服之。於是栢梁災。用越人勇之言。作建章宮。度爲千門萬戶。前殿度高。未央東治鳳闕。西唐中。北治大池。漸臺高二十餘丈。曰太液池。南有玉堂。壁門。大鳥之屬。立神明臺。井幹樓。度五十丈。輦道相屬焉。其來年冬。帝北巡朔方。謁黃帝冢。橋山上。曰。吾聞黃帝不死。今有冢何也。或對曰。黃帝已僊。上天。群臣葬其衣冠。自得謁。天子以封禪能合符得僊。則與公卿諸儒生儀封禪。莫知其儀。齊人丁公年九十餘。爲帝言封禪者。合不死之名也。秦始皇上泰山。爲暴風雨所擊。不得封。故得封難。陛下必欲上。卽

稍上無風雨遂上封則僊矣於是草其儀數年乃得封。天子旣登封泰山無風雨災如方士言乃大喜而方士更言蓬萊諸神將可得於是帝欣然庶幾遇之。望氣王朔言候獨見旗星出如瓜食頃復入有司皆曰陛下建漢家封禪天其報德星云明年夏旱公孫卿曰黃帝時登封則天旱爲乾封三年帝乃下詔曰天旱意乾封乎且令天下尊祠靈星焉。自武帝所興祠者太一后土三年親郊祠建漢家封禪五年一脩封而亳人謬忌奏祠太一方立其祠長安東南郊及三一冥羊馬行赤星山君武夷君諸祠皆太祝領他

方士所興祠甚衆。令自領凡他名山名祠。行過則祠。去則已。方士所興祠。其人終則已。莫可悉數也。後封禪。旣十有二歲。帝巡行還。徧祠於五嶽四瀆矣。而方士之入海求蓬萊者。終無有驗。而公孫卿之屬候神人者。獨以大人跡爲解。天子益怠厭方士之迂恠語矣。然羈縻不絕者久之。冀遇其真。征和四年。上耕于鉅定。還幸泰山。祀明堂。見羣臣。乃言曰。朕卽位以來。所爲狂悖。使天下愁苦。不可悔。自今事有傷害百姓。靡費天下者。悉罷。後對羣臣。每自歎嚮時愚惑。爲方士所欺。給天下豈有僊人。盡妖妄耳。節飲食。服藥。差

可少病耳。於是悉罷諸方士候神人者。當帝時諸侯王唯獨
淮南王安。好方術說仙。不喜弋獵狗馬。亦欲以行陰德。招徠
百姓。而辭達善屬文。天下方術之士咸歸焉。於是與賓客八
人者。稱八公於壽春山中。及諸儒大山小山之徒。講論道德。
總統仁義。而著書。號其山曰八公山。其書原本道德之意。以
爲道壽夭載地高深不可際測。舒之幙六合。而卷之不盈握。
約而能張。幽而能明。作原道。語道所始。以爲有始者。有未始
有始者。有未始有未始有始者。天地未溷。陰陽未判。四時未
分。萬物未生。注然平靜。而寂其清澄。莫見其形。作儼真儼始。
也。真實也。繇是上推天文。日月五星景季之等。終而復始之。

度作天文。下紀地形。東西南北山川藪澤。萬物形兆之產。曰
地形。中推四時寒暑十二月之常法。曰時節。則覽觀幽冥變化
至精相感通達無極之眇微。曰覽冥。以爲人父天母地精神
入其門。骨髓反其根。我尚何存。故靜漠虛無者。神明之宅。而
道之所居也。作精神。於是本經訓王述。口今治亂存亡善敗
禍福之故。山林川澤。人世兵畧。脩務詭譎。共環奇之事。作內書
二十一篇。欲以牢籠天地。博極古今。號曰鴻烈。鴻大也。烈明
也。以爲明大道之言也。其中篇八卷。言神僊黃白之術。其外
書甚衆。其大較歸於蹈虛守靜。出經入道。剽莊老呂覽尹文
子申韓以爲書。久之。安怨其父厲王之處。用金錢賂遺游士。

奇材結之爲畔逆事稍聞丞相公孫弘深窮竟其獄而安客伍
被自詣吏白發其本謀甚具安自到苑王后荼王太子遷所與
謀賓客竝收族死故華言不實也而信僊術者猶往往言安與
其人八公者實解去不死世傳煉五金八石法猶祖安秘其書宣帝
時數有美祥因脩武帝故事盛車服敬齋祠之禮五嶽四瀆皆
使者侍祠又祠太室山於卽墨三戶山於上密祠天封苑火井
於鴻門立歲星辰星太白熒惑南斗祠於長安祠參山八神於
曲城蓬山石社石鼓於臨胸之罍山於懸成山於不夜萊山於
黃成山祠日萊山祠月祠四時於琅琊蚩尤於壽良又立五龍
山僊人祠及黃帝天神帝原水凡四祠於崑崙施或言益州有金

馬碧雞之神可醮祭而致。遣諫大夫使持節叩求焉。頗復興神僊
方術之事。而淮南王故有枕中鴻寶苑秘書。言神仙使鬼物爲
金之術。及鄒衍重道延命方。諫大夫更生分入德。武帝時治淮南
獄得之。世人莫見。更生幼而讀誦。以爲奇。辭之。言黃金可成。帝
令典鑄。作方不讐。而大費繫治。坐誣罔論。成踰年。兄陽城侯上
書。願入國戶之半贖更生罪。帝亦奇其材。得減死。成帝時以禁
祀方術待詔者甚衆。而耗用滋繁。谷永以書諫曰。明於天地之
性者。不可惑以神怪。知萬物之情者。不可囿以非類。諸背仁義
之正道。不遵五經之法言。而盛稱奇怪鬼神。廣崇祭祀之方。求
報無福之祠。及言世有僊人。服食不終之藥。逢興輕舉。登遐倒

景覽觀縣圃浮游蓬萊耕耘五德朝種暮穫與山石

無極黃冶變化堅冰淖溺

晉灼曰方士詎以藥不投之水上升即消因假爲神

仙道使

化色五倉之術者

李奇曰身中有五色腹中有五倉神五色存則不死

然也五倉存則不饑

皆姦人惑衆挾左道懷詐僞以欺罔世主聽

其言洋洋滿耳若將可遇求之盪盪如繫風捕影終

不可得是以明主距而不聽聖人絕而不語昔周史

萇弘欲以鬼神之術輔尊靈王會朝諸侯而周室愈

微諸侯愈叛楚懷王隆祭祀事鬼神欲以獲福助卻

秦師而兵挫地削身辱國危秦始皇初并天下甘心

於神僊之道遣徐福韓終之屬多齋童男童女入海

求神采藥。因逃不還。天下怨恨。漢興。新垣平。齊人。少
翁。公孫卿。樂大等。皆以僊人。黃治。祭祠。事鬼。使物。入
海。求僊采藥。貴幸。賞賜。累千金。大尤尊盛。至妻公主。
爵位重。象震動海內。元鼎元封之際。燕齊之間。方士
瞋目扼腕。言有神僊。祭祀致福之術者。以萬數。其後
平等。皆以術窮。詐得誅夷。伏辜。至初元中。有天淵王
女。鉅鹿神人。陽轅侯師張宗之姦。紛紛復起。夫周秦
之本。三五之隆。已嘗專意散財。厚爵祿。竦精神。舉天
下以求之矣。曠日經年。靡有毫釐之驗。足以揆今經
曰。享多儀。不及物。曰不享。論語曰。子不語怪神。唯陛

下距絕此類。毋令姦人有以窺朝者。當是時。齊人北
忠可。詐造天官歷。包元太平經十二卷。言漢家逢天
地之大終。當更受命於天。天帝使真人赤精子下教
我此道。於是重平夏賀良。容丘丁廣世。東郡郭昌等
從受道。中壘較尉劉向奏。忠可假鬼神罔上惑衆。下
獄治。未斷病死。賀良等坐挾忠可書。以不敬論。後賀
良等復轉以相教。哀帝初。皆待詔黃門。尋坐惑衆誅。
先漢時。言僊者實始尊黃帝。未論老子。而武帝北伐
胡。得休屠王祭天金人祠。其泉爲像教之始。成帝命
劉向較書。天祿閣往往見佛書。則經像時有。然未宣

廣也。明帝聞西域有神，其名曰佛。因遣使之天竺求之。得沙門及持其書四十二章以來。所言皆卑卑苦行。云木叉戒於佛法無當。而王公貴人獨楚王英最先好之。設伊蒲塞桑門之盛饌。資冥福。會詔有罪亡命者贖。而英奉黃白纁纁詣相國言請贖。詔報曰。楚王誦黃老之微言。尚浮屠之仁祠。繫齊三月。與神爲誓。何嫌何疑。當有悔吝。其還所贖。助伊蒲桑門之盛饌。後英信方士言。作金龜玉鶴。刻文字爲符瑞。冀飛昇長生。男子燕廣告變言。英謀爲逆。下吏案驗。英廢徙丹陽自殺。而吏得英故所疏。天下嚮方術者人士。

姓名詔窮治。於是窮治至累年不解。辭轉相連引。自京師貴戚諸侯至州郡豪傑父老及案獄吏阿附坐死徙者以千數。夫楚王英之爲禍烈矣。乃其初豈遽有邪心哉。獨好奇尚怪。蕩而不正。邪誕不經之術入焉。妖黨比煽。滋蔓熾然。至絕緒殞身。禍延不辜。悲夫。中孚之節曰。翰音登于天。貞凶言信非所信也。桓帝頗好二氏言。遣中常侍之苦縣祀老子。已更祀之于濯龍宮。設文廟爲壇。卽淳金卹器張華蓋之座。用郊天樂親祀之。襄楷上疏言。黃老清虛貴尚無爲。好生惡殺。省慾去奢。浮屠不三宿桑下。不欲久生恩。

愛精之至也。今陛下淫女豔婦。極天下之麗。并肥飲
酒。殫天下之味。嗜欲不去。殺罰過理。柰何欲如黃老
浮屠之道乎。尚書奏。楷違經誣上。司寇論刑。自永平
以來。臣民雖有習浮屠術者。而天子未之好。至帝始
篤好之。常躬自禱祠。繇是其法浸盛。張角者。鉅鹿妖
人也。初爲奉黃老之道。畜弟子。稱大賢良師。呪符水
以已病。病頗愈。百姓信之。角分遣弟子。走四方。云以
善道化民。轉相誑惑。自青徐幽冀荆揚兗豫八州之
人。莫不畢應。衆至數十萬。因密置三十六方。大方萬
人。小方六七千人。立渠師。爲訛言相誑惑。謂天下當

亂歸善道可免災。司徒賜數上言。宜勅州郡。簡流民。護
歸本部。以孤其黨。毋滋亂。而朝廷方崇信道術。以爲
彼其歸善道。無爲禁也。置不問。中平元年。角敕諸方一
時俱起。著黃巾爲標識。所在燔官府。聚掠州郡。長吏多
逃走。失據旬日間。天下震動。東漢以亾。而是時。畱侯之
裔孫道陵云。得道。遇老子於青城峨眉山。已又遇之。授
以方術。能役鬼。治百病。而子魯因據漢中。其後吳人魏
伯陽好道術。不耽祿仕。嘗作周易參同契。凡三卷。有卦
爻斤兩之文。詆諸以方術學道惑世者甚力。而主服食
大丹。亦歸于惑而已。參同契曰。是非歷藏法。內視有所
思。履行步斗宿六甲。以日辰陰道。

厭九一。濁亂弄元胞。食氣鳴腸胃。吐正吸外邪。晝夜不卧寐。晦朔未嘗休。身體日疲倦。恍惚伏若癡。百脉鼎沸馳。不得澄清居。累土立壇宇。朝暮敬祭祀。鬼物見形象。夢寐感慨之。心懼竟喜悅。自謂必延期。遽以大命死。腐露其形骸。舉措輒有違。悖逆失樞機。諸術甚衆多。千條有萬餘。前却違黃老。曲折戾九都。魏晉間。何晏等祖述老莊之意。立論言天地萬物皆以無爲本。無也者。開物成務。無往不有者也。陰陽恃以化生。賢者恃以成德。故無之爲用。無爵而貴。與夏侯玄荀燦王弼之倫。謂六經爲聖人之糟粕。而倚易爲玄言。阮籍亦著論言天地生於自然。萬物生於天地。自然者無外。故天地名焉。天地者有內。故萬物生焉。當其無外。何以名異。當其有內。誰得謂殊。故自其異

者觀之則肝膽楚越也。自其同者觀之則萬物一體也。以生言之則物無不壽。推之於死則物無不夭。自小視之則萬物無不大。自大言之則萬物無不小。故至人以生死爲一貫。而是非爲一條。譬別之爲鬚眉之異名。而合之爲體之一毛也。彼六經之言分處之教也。莊老之書盡意之辭也。夫自是者不章。自建者不立。守其有者無據。持其知者無執。故求得者喪。爭明者失。寡欲者自足。至虛者受實。是以廣成子處崆峒之山。以入無窮之門。軒轅登崑崙之阜。而遺玄珠之根。此則潛身者易爲恬。而離本者難永存也。當是

時天下士大夫靡然風尚。輕蔑禮法。宅心事外。以任誕爲佳致。以游言爲玄眇。甚乃縱酒爲昏酣。而濁汚自若。彼其以禮爲強世。必且以非禮爲性生。彼其外仁義爲失德。而不爲。必且以不仁不義不害於德而爲之。無之爲效。效於此也。時有沛國劉伶者。嗜酒著酒德頌。自稱大人先生。無思無慮。行無轍迹。以天地爲一朝。萬期爲須臾。而靜聽不聞。雷霆之聲。熟視不見。泰山之形也。嘗乘鹿車。携酒適郊外。縱飲使人荷鍾自隨。曰。死便埋我。其任誕如此。籍居母喪。縱於酒。何曾面質之於司馬。昭所曰。公方以孝治天下。而聽

阮籍以重哀飲酒食肉於公坐宜擯四裔毋令汚染
華髮而昭常內擁護之王衍嘗詣羊尚書祐陳事辭
甚清辨羊公弗善也衍拂衣去祐退謂人曰王夷甫
方以盛名處大位然亂天下者必此人也衍深銜之
已衍爲太尉從弟戎爲司徒列三公與時浮沈無匡
救之節每委事僚案而游所獎拔顧於虛名阮咸子
瞻嘗詣戎戎曰聖人尚名教老莊明自然意異乎同
乎瞻曰將無同戎大嗟賞良久遂辟司徒掾人謂之
三語掾於是天下士皆浮誕廢職業裴顧著彙有論
以釋其蔽曰談者深列有形之累盛稱空無之美遂

薄經世之務。高浮游之業。人情所徇。名利隨之。於是
立言籍於虛無。謂之玄妙。處官不親職業。謂之雅遠。
居身散其廉操。謂之曠達。故悖吉凶之禮。忽容止之
儀。瀆長幼之序。混貴賤之級。無所不至。夫萬物之生。
以有爲分者也。心非事也。而制事必繇於心。不可謂
心爲無也。匠非器也。而制器必繇於匠。不可謂匠非
有也。繇此而觀。濟有者皆有也。虛無奚益於已有之
羣生哉。狀習俗已成。而頽論亦徇生。執有偏指不參。
終莫之能救也。於是俗流放。政壞敗。而氐羗胡羯交
亂于土中。元嘉之亂。石勒執大尉衍等。問晉故。衍神

情閑定具陳禍敗之繇。且自言少無宦情。不豫世事。計不在已。因勸勒當尊。幾免難。勒怒曰。君少壯登朝。名蓋四海。身居重任。何得言無宦情耶。破壞天下。非君而誰。夜排墻而殺之。然風流所漸。迄東晉不改。當是時。惟荆湘督陶侃綜經世之務。聰敏恭勤。未嘗少閒。終日常歛膝危坐。嘗語人曰。大禹聖人。乃惜寸陰。至於衆人。當惜分陰。豈可逸遊荒醉。生無益於時。死無聞於後。是自棄也。諸參佐有縱酒爲玄言廢務者。則曰。老莊浮華。非先王之法言。不益實用。君子當正其衣冠。尊其瞻視。何有蓬跣沉放。自謂弘達耶。其卓

然如此。當是時。世所傳有道術得僊者。稱旌陽令許遜。其有方技多。神變稱太史令郭璞。景純而遜爲旌陽。實精脩道德。五千言之旨。以化民。去貪鄙。除煩細。脫囚繫。與民自新。民悅服如父母。其聽訟。先教以忠孝慈慎。仁忍勤儉。近賢遠姦。而發摘如神。吏不敢欺。患民難戶曉。爲文誠甚具。擇秀民之有德行者。若耆老。委之勸率。民以無訟。久之。棄官歸。民裹糧而送者。蔽野。家戶祝如神明。有隨至其家。願服役。終身不返者。蓋深於道。不毀於教如此。始遜問道於女師譚母。母以所受孝道。明王之法。授之曰。一念不欺爲忠。一

事不苟爲孝故所居而化東晉之亂環所居百餘里
賊盜不入閭里宴安暨陽人任谷自言因息耕樹下
與神遇遂有娠彌月神以刀穿其陰下出蛇子一因
遂成閹人自名有道術能僊得召見宿留宮中史璞
上疏曰臣聞爲國以禮不聞以奇褻所聽惟人故神
降之福周禮奇服怪人不入宮中况谷妖詭怪人之
尤者而引之禁中供給安處營講肄之堂邇殿省之
側塵黷日月穢亂天聽臣竊惑之陛下若以谷信爲
神靈則神聰明正直而壹者也當敬而遠之若以谷
爲妖蠱詐妄當投畀裔土不當令出入省闈也若以

爲神祇告變。爲國作告。則當克已復禮。以弭其災。若以爲陰陽陶烝變化萬端。則谷亦獨爲狐狸魍魎。憑凌作樂。不當令其安然自容。肆其邪變也。臣忝荷史任。敢忘其直。則知道者術之原。而奇表詭異。即深於其道者。亦固不是之貴也。其後晉益衰。錢塘有杜子恭者。得秘術。嘗就人借瓜刀。主求之。不與。咲曰。行當還卿。旣而主去。至嘉興。有魚躍人舟。剖之。得刀。其神效類此。琅琊孫泰。世奉五斗米道。詔而師事之。傳其術。百姓神之。竭財產。進子女。以爲共。逮獄流廣州。大子傳王稚言於晉孝武。以泰知養生之方。得召見。稍

遷輔國將軍。至新安。知晉祚將終。收兵聚貨。謀作亂。被戮而遇
民。以爲泰。兵解。實蛇去。不死。兄子恩逃海上。則群走海中。資給
之。恩遂聚徒反海上。會稽內史王凝之亦世奉天師道。不出兵。
亦不設備。官屬以請。凝之曰。我已請大道。借鬼兵。守諸津要。不
足憂。恩遂陷會稽。殺凝之。而勢猖獗。而晉方發會稽吳興等八郡
免奴爲民者。實京師。充兵民。大譁爭歸息。竝時起殺長吏。應恩
衆數十萬。時三吳承平久。民不習戰。郡縣兵皆望風奔潰。恩自
稱征東將軍。號其黨曰長生人。醢諸縣令以食。其妻子不食。支
解之。所過焚廬舍。刊木堙井。其後竟破滅。赴海自沈死。妖黨及
妖妾猶以爲恩水解去而仙也。實不死。餘衆復推恩妹夫盧循。

爲主循神采清秀。少從沙門惠遠遊。能玄言。衆彌嚮附。遂破嶺南豫章。犯建康。江表大震。竟爲劉裕所破而滅。自恩初入海。所從虜男女戰死。及自溺并流離被者。不可計。至恩死。乃始無遺餘。嗟夫。術異者終罔吉。乃禍至此。夫當是時。天下慕老莊最盛。而沙門大士。往往爲清虛不著。亾相涅槃之說。日浸以精。會天竺僧佛國澄鳩摩羅什。自西域來。善西域幻術。中國益尊奉。澄來洛陽。常服氣。能積日不食。能誦神呪。使物腹旁有一孔。室以絮。夜宴坐。發之。光照室中。又每齋輒詣水旁。從孔中引腑臟滌濯。濯已。腹中又能懸知人意。念逆順爲避就。石勒不能害。顧尊奉之。又以其前知軍吉凶。能起危疾。號大和尚。石虎之世。被

以綾錦乘。以雕輦常侍以下助舉。罍王公翼登。澄時以隱語發機。事事已輒效。虎嘗引澄入閣。澄忽詫曰。脅下有賊。自浮圖以西殿以東。皆血流。慎勿東。杜后曰。和尚耄耶。安所得賊。澄卽轉語曰。六情所受皆爲賊。老自應耄。但使少者不昏爲愈耳。後二日。虎子宣刺子譚於浮圖下。欲因弑虎。以澄先誠。不往臨而免。虎又饗之太武前殿。澄微吟曰。殿乎殿乎。棘子成林。發殿下石。棘生焉。無何而冉閔之禍作。閔小字棘奴。故以諷。虎不悟。而石氏竟滅矣。先事時。澄啓營墓鄴西而死。鳩摩羅什性早通黠慧。秦王堅遣呂光迎之。光還聞秦滅。止王涼。什因留涼。久之。秦王興破涼。迎以來。蓄妻妾自若。其徒亦請得置妻子。什方食曰。吾

不汝禁也。然吾所能汝各各能聽汝矣。取針置食器中。雜諸饌食之。其徒各駭。脩謝不能。於是不敢言畜妻妾事矣。什先姚氏滅亦死。興用毗盧法。燔其屍。盡化。唯舌存。什善解中國諸方言。於是以華音譯西域經論。後滋苾芻。譯得經論三百餘卷。而西域經論精者。益往往廣布傳。或以爲中華文士好佛者。剽老莊言。相助爲揚詡。夫六代迄唐。文最不振。卽僧於佛義無精解者。當誰爲助爲言哉。非事實矣。沙門慧遠於中國僧最深。陶徵士潛從之游。結白蓮社者也。聞羅什來自西條。中所疑爲偈。馳問之。其偈言旣已捨染樂。心得善攝否。若得不馳散。深入實相否。畢竟空相中。其心無所樂。若悅禪智意。亦非停心處。仁者所得法。

幸願示其要而羅什答之言。本端竟何從起。滅有無際。一徵涉動境。成此頽山勢。感想更相乘。觸理自成滯。時無悟宗匠。誰將握玄契。來問尚悠悠。相與期暮歲。蓋疵之也。而羅什言天竺國俗重文製。地殷中國人集靈聖。其宮商體韻。以八絃爲義。凡覲國王。必有讚德。故見佛儀。以歌歎爲貴。經中偈頌其式也。但改梵爲秦。失其蔚藻。雖得大意。殊隔文體。譬之嚼飯與人。非徒失味。覆令嘔噦耳。自吳太帝來。江南已有塔廟。然未盛行。至是江左名人范秦謝靈運之倫。競言六經法度。本任濟世。必求妙道。當以佛爲指南。梁武

南齊書

既減齊得國已信沙門實誌嚴事之受浮屠戒日惟一食食惟菜羹糲飯衣布衣木綿皂帳一冠三載絕房室三十餘年雕飾之物不入於宮敕織官文繡不得爲人物鳥獸之形恐裁剪疑殺生詔宗廟以麩爲犧牲以割殺乖冥道止酒飲罷宴遊非祭祀饗祀及諸法事未嘗作樂雖居暗室恒理衣冠危坐爲止觀即盛暑無袒裸對內豎小臣如遇大賓用浮屠言尊佛法僧喜施舍三捨身同泰寺公卿具貲詣寺贖已乃還多造塔廟公私耗損已詣同泰寺講三慧經四閏月始解是夕浮圖災梁主曰此魔也宜廣法事

勝之起十二層浮屠益壯持佛大悲戒斷重刑輒終日不懌或謀逆事覺相對泣而宥之繇是王侯恣橫至白晝殺人牧守貪黷部使擾州縣盜賊縱橫無忌良民大困用浮屠戒無恪愛而士民爭豪華不務農都邑無半年之儲獨資四方委輸叅軍郭祖深度帝不可勸諫輿觀上封事言臣聞人爲國本食爲人命禮曰國無六年之蓄國非其國語重穀也今年歲登稔人有饑色而都下寺五百餘所窮極宏麗僧尼十餘萬資產豐沃所在郡縣不可勝言其諸非法養子女爲白徒尼者皆服羅紈蠹俗傷法今普天信向不

務農桑。談彼空岸。夫農桑者。今日之濟育功德者。將來之勝因。豈可墮本勤末。置邇効賒也。終不聽已。梁主夢中原牧守以地降。而東魏侯景果以河南叛來附。異之內欲然不自戒。封景河南王。助之師。師覆于彭城東。魏移檄數之以爲其毒螫滿懷。妄敦戒業。躁競盈胸。謬治清靜。用舍乖方。廢立失所。災異降於上。怨譟興於下。傳險躁之風俗。任險薄之子孫。朋黨路開。兵權外奪。必將禍生骨肉。釁起腹心。雖辭出詆訾。而灼見情實。貪癡令矣。其後外崩中潰。一如指斥者之言。先是明中始安人龔玄宜者。自稱神人。與王卬

玉版能吹紙成字。惑衆爲奸利。自稱龔聖人。前後
郡太守敬事之。衆附且亂。內史裴昭明付獄案罪。
亂乃已。其在魏。嵩山道士寇謙之。脩張道陵之術。
爲符水禁呪。已自言遇老君降授辟穀輕身之術。
命繼道陵爲天師。已又遇仙者李譜文曰。老子之
玄孫也。授之圖籙真經。使輔佐北方太平真君。詣
魏自陳。朝野未之信。而光祿大夫崔浩悅其玄言。
自信之。師受其術。上書言。聖王受命。必有天應。河
圖洛書。皆寄言於禽獸之文。未有若今日人神接
對。手筆粲然。辭旨深妙。在古無並。豈可以世俗之

常慮玩忽之哉。浩素不信浮屠之說。而博學多通。有重名。爲上下所倚信。於是魏主欣然。遣使祭嵩嶽。設重壇於平城東南。爲天師道場。尊事之。日集數千人。於是謙之言。陛下以真君御世。建靜輪天宮之法。開古所未有。宜登受符書。以彰聖德。魏主從之。詣壇下再拜受符籙。作靜輪宮。高不聞鷄犬聲。冀以上接天神。功費以萬計。而浩素詆佛。曰。何爲事此胡神。從魏主之長安。入佛寺。見中有兵器。出以白魏主曰。此非沙門所用。有之必與蓋吳通爲亂。魏主怒。立按誅闔寺沙門。發其宮。大得釀器及窟宅婦女。浩因說魏

主移征鎮諸有佛像胡書悉焚毀而沙門無少長咸
隕敕自今專胡神造經像者門誅嗟夫上失其道民
漫漶無歸心窮困者無所生其命逃沙門以自生民
則何罪乃比而誅之不過甚過甚矣乎滅生理矣明
年魏殺其司徒崔浩夷其族太武以弑殞而天神不
哀再傳而孝明專尚釋氏胡后擅朝極土木靡麗以
事佛民至有盡戶爲沙門者李瑒言禮不孝之罪莫
大於絕祀今愚民背禮肆情缺當世之禮而冀將來
之福孔子曰未知生焉知死安有棄堂堂之政而從
鬼教乎今南服未平民避戍役若復聽之恐比屋皆

沙門矣。都統僧暹等。以瑒謗佛法爲鬼教。泣訴之大
后。太后召責之。瑒曰。禮。天曰神。地曰祇。人曰鬼。傳曰。
明則有禮樂。幽則有鬼神。佛。生本人也。死則鬼也。何
謂謗乎。而劉畫爲齊高歡言。尼與優婆夷。寔僧之妻
妾。損胎殺子。其狀難言。今僧尼二百許萬。并俗女尚
四百餘萬。六月而損一胎。則年族二百萬戶也。不省。
益至是。而中國九土。無慮皆奉佛糜億。乃其效可觀
矣。唐興。太史令傅奕。上書在西域。路遠言妖。漢譯胡
書。恣其假託。使不忠不孝。削髮而揖君親。遊手遊食。
易服以逃租稅。僞啓三途。謬張六道。遂使愚迷。妄求

功德不憚刑禁。輕犯。愚章且生死。壽夭有命。自天刑
德成福。關之人主。而愚僧矯詐。皆云。繇佛。竊人主之
權。擅造化之力。其爲害政。良可悲夫。自漢以前。未有
佛法。而君明臣忠。祚年長永。自立胡神。羗戎亂華。主
庸臣佞。政虐祚短。梁武齊宣。足爲明鏡。今天下僧尼
數盈十萬。請令匹配。卽成十萬餘戶。產育男女。十年
長養。一紀教訓。可以足兵。下百官議。惟太僕卿張道
源是奕言。蕭瑀曰。佛聖人也。而奕非之。非聖人者。無
法。請按其罪。奕曰。人之大倫。莫如君父。佛以世嫡而
叛其父。以匹夫而抗天子。瑀不生空桑。而遵無父之

新編

教非孝者無親。瑀不能對。但合掌曰。地獄之設。正爲是人。帝亦惡沙門道士。違戒律而苟沙門。奕精究術數書。而終不之信。嘗能呪人令死。已復呪立生。帝試之驗。以告奕。奕曰。此邪術也。臣聞邪不勝正。請使呪臣。必不能行。帝命僧呪奕。奕疑立自如。頃之僧忽自仆。不復蘇。又有婆羅門來。言得佛齒。所擊輒碎。士女輻湊往觀。奕謂其子曰。吾聞西域金剛石最堅。物莫能傷。惟羚羊角能破之。蓋往試焉。應手碎。觀者乃止。太宗嘗謂奕曰。佛教至玄妙。卿何不悟其理。奕對曰。佛乃胡中桀黠。莊嚴

彼土用欺愚俗中國邪僻之人用老莊玄言傳益之
無益於民有害於國臣非不悟鄙不學也又作十二
論集晉魏來駁佛議者彙爲高識篇上之年八十五
而卒臨終戒其子無得學佛書蓋貞一不貳如此奕
州鄴人初僕射瑀在高祖時親幸用事而太宗在御
簡房杜魏諸賢爲輔佐親倚之瑀見疏而恚面訾之
不納請出家帝許諾瑀旋自背之帝手詔曰梁武窮
心釋氏簡文銳意沙門傾帑藏以給僧祇瑀人力以
供塔廟及乎三淮沸浪五嶺騰烟假餘息於熊蹯引
殘魂於雀觥子孫覆亾不暇何果報之爾殊也瑀踐
覆車之餘軌襲亾國之遺風棄公就私身俗口道往
朕謂張亮卿旣事佛何不出家瑀卽自應請先入道
尋後違異廻惑在於瞬息可否變於斯須豈吳瞻
之量乎可商州刺史除封邑瑀後梁主營子也初
釋迦牟尼入滅時拈一花示衆衆莫喻惟弟子摩訶

迦葉者微咲釋迦曰。吾有正法眼藏。涅槃妙心。實相。無相。微妙門。付迦葉矣。舉所衣袈裟及所持鉢授之。所謂不立文字。教外別傳者也。自是世授其高等弟子。以爲信蓋。二十八傳。而達磨者得之。東航海至廣南。蓋梁武帝時也。梁武嚴事佛。廣南宮守言。西域有僧來。因禮延至金陵。帝召見嚴事之。問之曰。朕卽位來。造寺寫經。度僧者。不可勝紀。富有功德否。達磨曰。實無功德。帝問何也。達磨曰。是於佛法。爲有漏果。爲有爲法。如影隨形。雖有。非實淨智妙圓。體自空寂。如是功德。不以世求。帝已意屈。已復問聖諦第一義。達

磨曰廓然無聖帝曰對朕者誰達磨曰不識帝復不

喻

羅文莊欽順曰嗚呼自佛法入中國所謂造寺寫經供佛飯僧種種糜費之事日新而月盛世之諂

佛求福利者貪心惑志纏綿固結而不可解雖以吾儒正色昌言懇切詳盡聞如不聞蓋以吾儒未諳佛教所言無足信也達磨在西域稱二十八祖入中國爲禪家初祖乃有此等本分說話人心天理誠有不可得而泯滅者矣達磨遂北渡江止少林寺面壁坐者九年

已得僧慧可授焉

僧慧可參達磨天大雨雪可堅立不動遲明積雪過膝磨問何求可

日我心未安乞師與安心磨曰將汝心來與汝安可良久覓心了不可得磨曰與汝安心竟於是

宗入中國又大傳而新州僧慧能頓悟其宗曰何期

自性本來清淨何期自性本不生滅何期自性本自

具足無動搖何期自性能生萬法於是大闡其法於

韶州曹溪其說法即自心中無非無惡無嫉妬無貪

嗔名自性戒即自心觀善惡境相一不搖亂名自性

定即自心清淨智慧不造諸惡雖脩衆善心不執着

名自性慧佛者覺也法者正也僧者淨也自心歸依

本覺邪迷不生少欲知足法足慧足曰佛名兩足尊

或曰心無人我貢高貪愛執着曰法名離欲尊心於

一切塵勞愛欲皆不染着曰僧名衆中尊蓋即自本

心見性成佛不離平等日用而具也語益圓通武后

時遣中人薛簡隆禮迎致之不赴於是天堂地獄福

田果利既足以訐誘愚俗而五宗雲布

南嶽爲仰雲
門去長

機鋒盡。霍世高明。七又籠罩其中。無能自脫者。而傳
教益昌。自天子侯王公卿咸尊奉其道。溺焉者至。以
爲教弘。周孔恩深。父母望望焉。欲從而末之。能至也。
當是時。武后旣誅鋤唐宗室。大臣爲淫虐而心內歎。
於地獄果報之說。欲佞佛求蠲免。禁天下屠殺漁捕。
造寺施經。復稅天下僧尼。作大像。糜費巨億。御史李
嶠言。造像錢。今一十有七萬餘緡。若以平施度。可濟
一十七萬餘戶。拯其饑寒。省其勞役。人神胥悅。功施
無窮。御史張廷珪言。夫佛以覺知爲義。因心而成。不
可以諸相見也。住於相而布施。非希有法。信如所言。

卷之八

則陛下雖傾四海之財。燀萬人之力。窮山木爲塔極。冶金爲像。勞甚費多矣。而彼猶以爲有爲之法。不足貴也。佛標坐夏之義。云愍蠢動。不傷其生。標徒行之義。云愍畜獸。不傷其力。標隨喜行可。云愍蒙愚。不責其財。今此營建。開發盤礴。峻築基階。輾壓蟲蟻。動盈巨億。傷生多矣。役鬼不可。唯是人功。工匠貧窶。朝驅暮役。勞苦饑渴。坐致疾疹。竭其力矣。營築之資。僧尼是稅。而僧尼類多貧乏。州縣徵輸逼迫。經營鬻賣。轉輾以充。怨聲載路。盡其財矣。且邊朔未寧。軍資是急。天下虛耗。百姓疲弊。何必勤於住相。周蒼生之疾。不患

不急之務乎。以時政論則宜先邊境。畜府庫以養人。
力以釋教論亦宜救苦厄。減諸相以崇無爲。后從其
言爲罷役。已韋后專國事。佛尤謹。僧慧範爲銀青光
祿大夫上庸公。於東都作大像。府庫虛耗。中宗及后
皆重之。無敢指目者。侍御史魏傳弓發其姦。賊四十
餘萬請寘法。帝欲宥之。傳弓曰。刑賞國大事。陛下賞
已妄加。豈宜刑復妄貸。帝乃黜慧範放焉。尋遣使詣
江淮贖生。以所在官物充直。中書舍人李乂諫曰。江
南水鄉。以採捕爲業。魚鱉之利。黎元所資。聖慈含弘。
恩周鱗介。而生成之惠未洽於生民。臣竊惑之。夫江

湖之生育何窮。而府庫之供支易殫。贖少則所濟何幾。用多則常支頓虧。且鬻生之徒。唯利是視。錢刀日益至。卽網罟滋益多。是名贖之實殺之也。未若回救贖之錢。減貧困徃賦。活國愛人。其福勝彼。當是時。貴戚爭營寺度僧。富戶彊丁削髮避役。開元初。相宗爲上言。佛圖澄不能存趙。鳩摩羅什不能存秦。齊襄梁武未免禍殃。必度姦人。壞正法。何爲。帝從之。沙汰萬二千餘人。禁創寺鑄佛寫經。禁百官之家。毋與僧尼道士通。後肅宗事佛。以天成地平節。於三殿置道場。以宮人爲佛菩薩。北門武士爲金剛神王。召大臣膜

拜圍繞相鎬諫曰天子之道在愛養蒼生統一百萬
未聞事佛飯僧能致理者也願陛下以無爲爲心不
以小乘撓大慮不聽楚州尼真如自云恍惚登天見
上帝賜以金寶十三枚云中國有災以鎮之群臣表
賀詔改元寶應乃無何太上皇崩西內帝以驚悸崩
皇后崩於弑代宗初未甚信重佛法時相元載王縉
杜鴻漸皆佞佛縉尤甚不食葷血鴻漸以使蜀還無
急飯干僧及卒皆命僧祝髮造塔葬帝嘗問佛言報
應信有之耶載等曰國家運祚靈長非宿植福業何
以致此福業已定即小有災厄終不能爲殃故安史

皆有子禍。懷恩出門病死。二虜不戰而退。此豈人力。何得言無報應也。帝繇是深信之。常於禁中作內道場。飯僧。晝夜梵唄。以資福。有寇至。則作孟蘭會。背祖宗像。分供塔廟。以厭之內。出仁王經。載之寶輿。音樂鹵簿前導。百官班迎。從至資聖慈明寺。講誦爲禱禳。寇去。加賜。乃胡僧不空。官至卿監。爵國公。出入禁闥。權移貴勢矣。載等入侍。時多談佛事。不及於刑政。繇是民皆承化。廢人事而奉佛。鳳翔法門寺塔。相傳有佛指骨。三十年一開。開則歲豐人和。憲宗迎致之。置禁中。三日。歷送京諸寺。王公士民。瞻奉捨施。唯恐後。

刑侍郎韓愈上表言佛者夷狄之一法耳。自後漢時流入中國。上古未嘗有也。昔黃帝在位百年。年百一十歲。少昊在位八十年。年百歲。顓頊在位七十九年。年九十八歲。帝嚳在位七十年。年百有五歲。堯在位九十八年。年百一十八歲。帝舜及禹。年皆百歲餘。當此之時。天下太平。百姓安樂。壽考而中國未有佛也。其後殷湯年百歲。湯孫太戊在位七十五歲。武丁五十九歲。率其年當亦不減百歲。周文王武王年俱九十餘。穆王在位百年。其時佛法亦未入中國。非因事佛。漢明帝時始有佛法。其後亂亡相繼。運祚不長。宋

齊梁陳元魏而下事佛漸謹年代尤促惟梁武在位
四十八年前後三度捨身施佛宗廟之祭不用牲牢
晝日一食食止菜果其後竟爲侯景所逼餓死臺城
國亦尋滅事佛求福乃更得禍繇此觀之佛不足事
亦可知矣高祖受隋禪下議除之當時群臣不能深
明先王之道古今之故不能推闡聖明以救斯弊其
事遂止陛下神聖千百年來未有倫比卽位之初卽
不許度人爲僧尼道士又不許創立寺觀臣以爲高
祖之志必行於今今縱未能卽行豈可恣之轉令盛
也今聞陛下令群僧迎佛骨鳳翔御樓以觀昇入大

內又令諸寺通迎供養百姓愚冥易惑難曉苟見陛下如此焚頂燒指千百爲群解衣散錢自旦達暮若不卽加禁遏必有斷臂鬻身以爲供具者傷風敗俗傳笑四方非細故也夫佛本夷狄之人與中國言語不通衣服不同口不言先王之法言身不服先王之法服不知君臣之義父子之親假如其身尚在奉其國命來朝京師陛下容而接之不過宣政一見禮賓一設賜衣一襲衛而出之於境而止况其身死已久枯朽之骨凶穢之餘豈宜令入宮禁親臨觀之巫祝不先桃茢不用群臣不言其非御史不糾其失臣實

耻之。乞以此骨付有司。投諸水火。永絕根本。佛如有靈。能作禍祟。凡有殃咎。宜加臣身。上天鑒臨。臣不怨悔。表上。觸諱惡。謫刺潮州。自唐高祖時。晉州人吉善行。自言於羊角山。見白衣老父。曰。爲我語。唐天子。吾爲老君。吾而祖也。吾欲食於此。詔卽其地立廟。貞觀中。沙門玄策。西至天竺。得梵本經論六百餘部。以來。後平天竺。得其國方士娑婆寐。以來。自言壽二百歲。有藥能長生。太宗館之金甌門。發使詣婆羅門諸國。採所須藥。藥不就。放還。而他方士采集靈蘂。異石煉爲藥。積歲乃就。帝服之。成渴痢而崩。已高宗。猶欲餌。

浮屠所治藥束臺御史郝處俊諫曰命有脩短不可延也異方之劑性品未諳不可試也先帝詔浮屠案秘方煉藥服之遽而大漸上醫莫知所爲群臣請顯戮其人議者以爲恐貽萬世笑而止此前鑑也乃卻不御頃之婆婆寐復自天竺來李勣曰此人容髮衰白已改於前何能長生乃遣歸未及行而死中宗時鄭普思以幻術依鬼神爲姦見親幸出入宮禁拾遺李邕曰普思詭邪不可邇也其言誑惑非可信也陛下誠以普思術可致長生耶則爽鳩氏且因之永有天下非今可得也能致神人耶秦皇漢武且因之永

有天下。非今可得也。能就佛果耶。梁武帝且因之。永
有天下。非今可得也。能治鬼使物耶。墨翟子寶且各
獻其主。永有天下。豈繫今哉。堯舜稱聖道。在人事。敦
睦平章。不聞以鬼。帝不省。已曾思以妖幻。愚衆徒黨。
徧岐隴。遂煽亂。中丞環捕論死。詔勿治。環廷爭。不能
得。司直范獻忠憤發。挺前曰。環爲國大臣。不立誅。逾
豎而請之。其罪大矣。臣請先斬環。明曾思之辜。於是
僕射魏元忠頓首曰。環長者。用刑不枉。曾思法當死。
惟陛下屈意伸法。帝不得已。流儋州。玄宗時。方士張
果自言。於堯時爲侍中。能僊。帝信之。以爲銀青光祿。

大夫號通玄先生無何。死。帝以爲尸解。去不舛。於是
尊老君爲聖祖玄元皇帝。尊其父周上御史大夫敬
曰先天太上皇母。益壽氏號先天太后。置玄學博士。
於是方士咸來言。見老君言有玉板石記有妙寶符。
在某名山。指使者往求。輒得之。天子大悅。或頗發其
姦。不罪也。而李林甫等皆逢帝意。請捨所居第爲觀。
祝帝壽。會祿山亂而廢。初方士言遯甲術有九宮貴
神典司水旱。請增於東郊。四孟月祀祠之。制曰可。所
用牲玉侔天地。在太清宮上。肅宗親謁祠。而王璵逢
帝意爲祠祭。獲寵致位宰相。帝不豫。卜崇在山川。璵

白遣女巫分行天下。祈祭名山大川。皆盛服乘傳行。中使爲監。因緣爲姦利所至。干請邀賂還。一女巫年盛而豔。挾惡少數十人。自隨宿黃州傳舍。戶晨扃不啓。爲淫縱。黃州刺史震破鑰入。出女巫諸惡少於卧內。斃之。得贓賂數十萬。震籍以聞。且請贓錢代貧民。祖發中使遣歸。帝無以難也。道士李國禎以道術見。奏皇室仙系宜脩崇。請於昭應縣南三十里山頂置天華上宮露臺。祠天地婆父三皇道君。太古天皇。中古伏羲。嫫皇等祠。於縣東義扶谷。故湫置龍堂。許之。時歲饑。民殍死。昭應令梁鎮表諫曰。臣聞國以人爲

本害其本則非國神。以人爲主虐其主則非神。昔之
聖王愛其人而慎用其財力。敬其神而虔恭於祠祭。
故神享其明德而降之福。人受其大賴而盡其力。然
後神人以和而國家可保也。昨蠱賊作孽。水旱爲災。
徧於王畿而臣縣最苦。則神之不能禦大災明矣。又
何力於陛下而列祀之哉。且以殘弊之餘。當凶荒之
歲。僕億王事已不堪命。更奔走鬼道。何以聊生。臣又
聞天地之神尊之極者。掃地可祭。精意可饗。陛下亦
何必廢先王之典。崇俗巫之說。走南畝之夫。殺東隣
之牛。而冀非妄之福哉。且陛下宗廟之敬極矣。尚無

一月三祭之禮。如宗廟之靈等。以親疎較以厚薄。其何辭以對。天地婆父。言甚不經。上天震怒。貽瀆褻之責。又何詞以解。夫湫者。龍之所居也。龍得水則神。無水則不神。今湫竭久矣。龍安所存。陛下又崇飾祠宇。豐潔薦奠而祠之。爲去龍之穴。破生人之產。人且怨矣。神何歆焉。其道君三皇五帝國有彝典。官有常禮。其來已久。宜竝於本所祠祭。又何必勞疲民爲之役哉。彼方士者。直以動衆則得人。興工則獲利。祠祀則受賑。在勢則弄權。是以鼓動禁中。熒惑天聽而不悟。人神胥怨。災孽且生。罔上官人。左道亂政。罪在不赦。

也。臣願沉對縣之巫所興兩祠以權宜停訖。帝從其言。憲宗時。方士柳泌自言能采百草合服。食藥爲長生。今天下靈藥多產天台。山誠今得官其州。宜可求。帝信之。以爲台州刺史。諫官交諫。帝怒曰。煩一州之力。爲人主致長生。臣子獨愛之乎。繇是莫敢言。泌至台。驅吏民采藥。無所獲。而懼跳山中。欲遁。浙東觀察使逮送京師。帝終信之。復待詔翰林。服其藥。起居舍人裴麟上言曰。除天下之害者。當受天下之利。同天下之樂者。當饗天下之福。自黃帝至於文武。享國壽考。皆是道也。自去歲來。所在多薦引方士。名能僊。臣

竊以爲過矣。天下真有僊人，彼何求於世？必且深潛巖壑，惟畏人知。凡候伺權貴之門，以大言自衒，鬻驚衆者，皆不軌逐利之人，不可信也。况藥以已疾，非朝夕可常餌之物，而金石酷烈有毒，難化又益之以火，始非五臟之所能勝也。古君飲藥，則臣先嘗，乞今獻丹者，先餌一年驗之，即真僞辨矣。帝怒，貶江陵令。而帝竟以服丹發躁崩。穆宗卽位，誅柳泌，已復惑左右餌方士藥。處士張臯上疏曰：「神慮澹則血氣和，和則壽命究於高年。嗜欲勝則疾疢作，作則形神瀆於傾。」

台此古之聖賢，不以外物撓耳目，不徇聲色敗性情。

而和平之福。其集也易。曰無妄之疾。勿藥有喜。以攻疾。無疾不可試。孫思邈有言。人無故服藥。藥以信有所助。今人臟氣不平。思邈精識高蹈。深達攝生。而爲言若此。可謂洞事理矣。夫寒暑乖節。資方劑祛逐。尚須重慎。故禮醫不三世。不服其藥。施於凡庶。且然。况於天子。可自輕乎。先朝暮年。頗好方士徵集。非一嘗試。亦多顧致危疾。此陛下所親見。何可踵前車。貽後悔也。不聽。而帝復以餌金石崩。於時韓愈著文。言服食說。不知自何世起。殺人不可計。而世慕尚之。益堅。他載籍所記。及耳聞無論。乃日所見名人。親與

游而以藥敗者多矣。歸工部登旣服丹得病。自言。若有燒鐵杖自顛貫下者。摧而爲火。射竅節以出。狂呼號乞絕。其茵席常得水銀。發且止。唾血十數歲。以斃。殿中侍御史李虛中。能以人始生年月日所值辰支干生勝死。此王相推人壽夭貴賤利不利。而處其歲時百不失一二。後於蜀得秘方。能以水銀爲黃金。成服之。冀不死。謂愈曰。吾夢泰山裂。流赤黃物如金。旁有人曰。是所謂大還者。今三矣。已疽發背死。愈追占其夢曰。山背象裂而流赤黃疽象也。大還者。大歸其

告之矣。刑部尚書李遜。遜弟進皆死。曰。我爲藥誤。襄

陽節度孟尚書簡誦吉州司馬愈自哀還京師襄陽
浮舸來。屏人言。我得秘方。不可獨不死。今遺子可用。
棗肉爲丸服之。別一年而病。病二歲死。盧中丞坦死。
時溺出血。痛不可忍。乞死。乃死。祈不死。乃速得死。謂
之智。可不可也。五穀三牲鹽醢。人所常御。人相厚勉。
必曰強食。今惑者曰。五穀令人夭。不能無食。當減節。
鹽醢以濟百味。豚魚鷄三者。古以養老賓祭。今反曰。
是皆殺人不可食。一筵之設。禁忌十二三。不信常道。
而務鬼恠。死乃悔。後之好者。又曰。彼死者。皆不得其
道者也。我則不然。始病曰。藥動故病。病去。藥行不死。

矣。及且死。又悔。嗚呼。可哀也已。可哀也已。當是時。天下之言。不之老。則之佛。佛老之言。盈天下。而愈獨昌言。以排其惑。大者具愈傳中。方謫潮州時。頗鬱抑。不得志。見禪者大顛。顧悅之。以爲能外形骸。以理自勝。不爲事物所侵亂。及南還。與留衣爲別。則知愈所爲。闢佛者。獨福田。利益闢老者。獨服餌丹石。其大者。遺君臣父子。而二氏之精。看固莫之能難也。敬宗時。天子惑浮屠方士家言。二氏者。流行出入中禁。狂人杜景先上書言。其友周息元者。壽數百歲矣。可招遣宦者至折西迎之。詔在所。驛致遣。節度使李德裕上

願言古道之高者莫如廣成。玄元人之聖者莫如軒轅。孔子昔軒轅問廣成子治身之要。曰無視無聽。抱神以靜。形將自正。無勞爾形。無搖爾精。乃可長生。慎守其一。以處其和。故脩千二百歲而形常不衰。玄元語孔子曰。去子之驕氣。與多欲。態色。與淫志。是皆無益於子之身。陛下誠脩軒后之術。物色異人。雖使廣成。玄元混迹而至。告陛下之言。無或出此。臣慮今所得者。皆恠迂之士。使物淖水。以小術欺聰明。如文成五利者也。又前世天子雖好方術。未有御其藥者。故漢人稱黃金成。以爲飲食器。則壽儻必致真。隱願止。

師保和守一之術。母輕及藥。不報而息。元至甚寵。自言與張果樂靜能游。詔畫工肖其狀。爲圖以觀。終帝世無他驗。文宗立。乃逐武宗時倚德裕爲相而信僊。方士趙歸真以法錄幸。德裕曰。敬宗時是寧以詭妄術入中禁而敗。今奈何引以自近。帝曰。朕居中無事。時與談道滌煩耳。庸何傷。至於政事。必委卿等平章。百歸真庸有惑乎。德裕曰。小人見勢在則趨。若蛾之赴燭。旬日來。歸真之門車轍滿矣。然終莫能奪。會帝患僧尼耗蠹天下。而歸真等亦毀佛教。自詔欲去之。於是詔天下節鎮留一寺。寺分三等。留僧餘僧尼並

勒歸俗銅像鐘磬歸鹽鋤使鑄錢鐵像委本州鑄

器

寺立期毀撤遣御史分道督之天下所毀寺四千六百餘區招提蘭若四萬區歸俗僧尼二十六萬

五百人收良田數十萬頃

五臺僧多亾奔幽州相德裕聞之召進

奏官謂之曰速歸語本使五臺僧爲將必不如幽州

將爲卒必不如幽州卒何爲爲逋逃作淵藪虛取容

納名汗人口乎獨不見劉從諫存時招無筭閑人竟

成何益師仲武懼封二刀付居庸關曰有遊僧入境

者斬當是時佛法大屈而天子顧益惑志於僊以餌

金石病方士以爲不病實換骨且得僊藥益進而崩

先是徐州王智興詭言爲天子誕月築壇泗州度僧

尼以資福募願度者人輸錢三千江淮間民奔走之
德裕時爲州節度卽疏言臣閣所部以開壇渡江者
日數百人自淮而右戶三丁男必一丁髡落避徭賦
前至誕月將失丁男數十萬也詔徐州禁止亳州浮
屠詭言得水泉可愈疾號曰聖水飲者不得近掌血
疔危者率多死而轉相流聞至丰三十千南方之人
率十戶僦一人往汲汲者益它汲轉鬻於道相欺怵
滋甚德裕言昔吳有聖水宋齊有聖火皆本於妖祿
古人畏之請填塞以絕妄源從之其不惑如此宣宗
明果然少事佛事曾旣卽位務反會昌之政爲盡復

廢寺度僧尼

溫飽

而群僧安坐華服美食精饌率十

戶不能養一僧武宗憤其然髮十

七萬僧是天下十

七萬人始得蘇息也陛下縱不能如武宗奮除積弊

奈何興之於已廢使重耗天下乎

願降詔澄汰庶百姓息肩不報

中書門下奏陛下

崇奉佛氏群臣莫不奔走恐財力糜敝願委長吏樽

節禁私度僧尼從之懿宗佞佛造安國祠設寶座高

二丈構以沈檀雕鏤龍鳳葩藹上施複坐四隅立瑞

鳥神人高各數丈磴道以升前被繡臺錦檐玲瓏精

絕已迎佛骨於鳳翔設金銀爲刹絡珠玉爲帳集孔

鷁飾之下者尋丈高且倍之每一刹舉者各數百人

香輿彩幃相屬於道比至天子下安福樓投地膜拜

流涕霑臆。縻國費不貲。無何帝崩。嗟夫主之不明。惑
安所得解哉。當是時。盧龍使劉聰弑父濟。請後既得
軍。而內見其父兄數爲祟。以浮屠法。賊殺父母。可供
佛禮僧而馘也。乃衣食浮屠數百人。晝夜祈禳。幾免
禍。又中自嗟。嗟。懃祠塲。乃安居卧內。輒驚悸不能寐。
於是請棄軍。削髮爲浮屠。以印授。留後張玘夜遁去。
狂走死。定州淮南節度使高駢多智習兵。數立功。擅
地而惑。志於鬼神。方士呂用之引其黨張守一諸葛
殷。共蠱駢于寵利。殷善辨。苦空守一。挾邪術。禱祠駢。
信之。日事於焚修。駢故於鄭相。改有郤。用之覘知之。

謂之曰。今相國遣劔客來刺公。夕至矣。懼。問計。用之。曰。張先生妙玄女術。豈憂盜哉。請於守一。守一乃使駢衣婦人衣。夜伏地室中。而守一代居其處。夜擲匕首於階。爲格鬪聲。轟然久。乃閤然。駢大怖起。蒲伏代張先生禱。願幸勝。旦起視。則守一危坐自如。顧咲曰。昨幾落奴手。視庭宇。則血滂然。蓋先以莖血四灑爲信云。於是駢涕泣稽謝。更生已。又刻青石爲奇字。曰。玉皇授白雲先生高駢。寘駢所。駢得之喜。用之。曰。玉皇以焚修功著。將補公眞官。計非久。鸞鶴且降矣。其時用之等謫限。適且滿。幸同歸玉清。駢愈益喜信。

事之然。二豎固無他長。獨厚賂駢左右。伺得其動靜。輒危言。示前知爲欺罔。而宣言神僊不難致。恨學道者不能絕俗累。故不來。駢乃悉屏姬妾。謝賓客。將吏不聽見。請見者。令沐浴齊戒。已乃聽入。人拜起。纔竟。輒引去。詆之者輒死。故終已不聞。已又請募驍勇二萬。號莫邪神府軍。將之。因得軍。繇是衆怨積。而將帥外叛。用之守一。皆誅死。人發其窟宅。得桐人。書駢姓名于胸。桎梏釘胃之。爲厭勝。高氏以亾。後唐主煜信浮屠法。日飯僧。求福利。每朝退。與后服僧衣。禮佛。手足或贅疣。宋祖聞其惑。可間也。遣少年有口者僧。徑

渡江見之與談佛大乘唐主大信重之稱一併出世
專依向。不以治國守邊爲意。李氏以亾。嗟夫非類誕
人。業安可狎哉。宋雍熙中。京城外有僧信淨屠法。苦
生死。欲脫離。將積薪自焚。帝聞惡。感衆配流邊遠州。
謂宰相曰。近諸建寺觀猥冗。卽數十椽。輒請名額。自
詡誑閭閻爲姦。其詔州縣寺觀。非舊著籍者。勿聽治。
始老子獨以清淨無名名道。燕秦漢武時。乃始言飛
僊變化。亦間雜禱祠。已乃有丹藥符籙醮祭之說。用
超被鬼獄。頗盜襲僧瑜伽家言。流失益遠。祥符中。天
子信王欽若言。以澶淵盟契丹爲國辱。常快快不樂。

欽若度帝厭兵。因謬進曰。陛下必以兵取幽薊。乃滌此耻耳。帝愀然曰。河朔生靈。始免兵革。朕安忍爲此。可思其次。欽若曰。莫如封禪。封禪帝者盛事。可鎮服四海。示外國靈威也。然自古封禪。當得天瑞。希世絕倫之事。乃可爾。帝爲默然。更問其次。欽若曰。天瑞安可必得。前代蓋有以人力爲之者。惟人主深信而崇奉之。以彰示天下。於天瑞無異也。河圖洛書是已。帝沉思不答者久之。會幸秘閣。驟問直學士杜鎬曰。古所謂河出圖。洛出書。信有之乎。鎬老儒不測帝意。漫應之曰。聖人以神道設教耳。帝意乃決。已而皇城司

奏有黃帛曳左承天門南鵠尾上令中使視之帛長
二丈許。由有書。纏以青縷。封處隱隱有字。豈天降之
書耶。於是帝乃言。朕去冬十一月庚寅夜將半。就寢。
忽室中有光。見神人星冠絳衣來告曰。明年春二月。
當降天書。大中祥符三篇。朕竦然起對。已忽無見。自
十二月朔。即齋戒。朝元殿。建道場。佇神貺。今儻是耶。
非耶。宰相皆再拜賀。帝即至承天門。望鵠尾。再拜遣
二內侍升屋。捧以下。相旦跪以進。帝再拜受。置輿中。
導至道場。授相堯叟啓封。帛上有文曰。趙受命。興于
宋。世七百九十九。定其書。黃字三篇。詞類洪範道德經。

始言帝能以至孝至道紹世。次諭以清淨簡儉終述世祚延永之意。讀訖。帝復跪韞以所緘帛納金匱中。群臣入賀。賜宴。遣官告天地宗廟社稷。赦改元。群臣加恩。賜京師酺五日。改左承天門爲承天祚符門。置天書儀衛。扶侍使。命宰執近臣兼之。欽若之計行。而執政陳彭年。丁謂。杜鎬。益以經義附和。而天下爭言祥瑞矣。無何。欽若言。泰山醴泉出。錫山蒼龍見。請往侍祠。而木工董祚言。於醴亭北見黃帛書。言于皇城使。皇城使馳告欽若。欽若捧至。兗社授中使。馳詣闕。帝御崇政殿。遂召群臣曰。朕五月丙子夜復夢神人。

言來月上旬當賜天書于泰山。今朕夢協矣。上天祐惟恐不堪。相旦等再拜賀。乃迎奉含芳園之正殿。帝齋戒備法駕。殿拜受之。復授堯叟啓封。其文嘉帝福德。錫嘉瑞。延國祚於前。書旨合。於是群臣表上尊號。至累十六字。而中外爭獻五色金玉丹紫芝。獻嘉禾瑞木。獻三脊茅。不可紀矣。於是帝發京師。以玉路載天書。以先至明堂。齋三日。登泰山道險峻。帝降輦步進。鹵簿儀衛列山下。享昊天上帝於圓臺。敷坐陳天書。金匱一。玉匱一。太祖太宗配命。群臣享五方帝及諸神于下。封祀壇三獻訖。帝飲福酒。攝中書令旦

跪稱曰。天賜皇帝太一神符。周而復始。永綏兆人。捧
玉匱。攝太尉馬。拯捧金匱。置石室中。降。帝登臺閱視。
堦將作監領徒封焉。帝還御幄。宰相率從官拜賀。明
旦禪皇地祇于社。曾如登封儀。禮畢赦。天下文武官
進秩賜宴。賜天下酺五日。已。天子復言。聖祖降延恩
殿。命朕曰。吾人皇九人中一人也。爲而始祖。再降曰。
軒轅至陶唐時。復降爲趙氏皇帝。善撫育蒼生。語已。
即離座乘雲去。聖祖者。汀州方士王捷所云。于南康
遇異人。授丹術。及小環神劍。曰。吾司命真君趙玄朗
者也。捷始偕宦者劉承珪以聞。帝賜捷名中正。至是

上聖祖尊號號聖祖上靈九天司命保生天尊聖
懿號曰元天大聖后。賜信州道士張正隨號真靜先
生。而符籙大興。正隨者。漢張道陵後也。作玉清昭應
宮。宮極宏麗。凡二千六百一十楹。初料功十五年。乃
成。脩宮使丁謂晝夜督工。七年成。有司莫敢較其費。
既成。命相旦兼玉清昭應宮使。帝如亳州謁老子太
清宮。旦兼大禮使。當是時。群臣爭奏符瑞獻貨賂希
上意。獨學士崔立言。今水溢徐兗。旱連江淮。無爲烈
風金陵大火。是天所以戒驕矜也。而中外多上雲霧
草木之瑞。則何益矣。不省。龍圖閣待制孫奭疏陳不

可者十其畧言陛下纔畢東封又議西幸非先王五
年卜征重謹之意今水旱作沴饑饉薦臻乃欲勞民
事神神何享焉又言今野雕山鹿并形奏簡秋旱冬
雷率皆稱賀將以欺上天則上天不可欺將以愚下
民則下民不可愚將以惑後世則後世不可惑祇自
誣而已矣傳曰國將興聽于人民國將亡聽于神惟陛
下幸察已朱能得天書於泰山遣使迎致爽曰天不
言安得有書具疏言昔唐明皇在位日久內惑寵嬖
外任姦回曲奉鬼神專崇妖妄今日見老君於閣上
明皇見老君於山中大臣尸祿以將迎端士畏威而

緘默既惑左道卽紊政經民心用離變起倉卒外館
所爲或其類此惟陛下幸察帝嘉其忠而不能從也
眞宗崩葬永定陵以天書殉而玉清昭應宮災皇太
后劉泣對大臣曰先帝竭力成此宮一夕燎幾盡惟
長生崇壽二小殿存何以稱遺旨哉樞密使范雍抗
言曰先朝以此竭天下之力而遽燼非出人意始天
示警也如囚其所存又葺之則民不堪命非所以應
天願除其地罷諸禱祠以應天太后悟乃下詔不繕
脩以二殿爲萬壽觀罷諸宮觀使仁宗時開寶塔災
得舊所瘞舍利迎入內傳觀頗有光恠將復建塔奉

之右正言余靖曰。帝王之道。勤儉惟德。國家之本。先
阜成其民。自西陲用兵。國力竭矣。陛下當勤勞罪已。
以憂人之憂。而自佛求福。福非所可冀也。若以舍利
經火不壞爲神耶。則本瘞土中。火所不及。若以舍利
能光有神耶。則一塔不能自衛。於神何有。况凡腐草
朽木。皆有光。水晶及珠。夜亦有光。烏足異也。會御史
襄亦言。天降災。不祇倣然。且脩之。斯謂逆天事得寢。
熙寧中。王荆公安石辯博能文章。而學本於佛老。常
以爲佛正等覺。於十方刹見無邊身。於一毫端說無
量義。理窮於不可得。性盡於無所住。其所著字說。每

人乎陛下是也有僊宮八百餘今蔡京即左元伯
王黼即文華使鄭居中童貫等皆有名而已而劉貴
妃者實九真王真安妃時上方嬖貴妃心獨喜以爲
神作之合也於是建宮觀徧天下託天神臨降造帝
誥天書雲篆以欺世誕不可詰置千道會設高座令
靈素講經帝設幄于側以聽貧下者買青衣幅巾赴
之亦得飫餐若施錢狀靈素意忌前諸仔昔殺之而
更寺院爲宮觀目佛爲金狄更僧名德士已又忌道
士王允誠與已軋毒殺之已又與皇太子爭道帝始
厭惡放歸田尋死方士魏漢津蜀黥卒也自云居西

蜀師事唐僊人李良。號李八百者。授鼎藥之法。嘗過
三山龍門。聞水聲。謂人曰。下必有王。卽脫衣沒水。抱
石出。視之。果王也。於是衆頌共神之。至是以作樂召
其樂說。託之於師良。其說以爲太極元氣。函三爲一。
其元聲亦然。聲有太有少。太者清聲。陽天道也。少者
濁聲。陰地道也。中聲。人道也。合三才之道。備陰陽奇
偶之均。而樂調。故數極於九。九寸之律。三數退藏。而
八寸十寸爲中聲。正聲得正氣。則用之中聲。得中氣。
則用之宮。架環列以應十二辰。十二辰中正之聲。以
應二十四氣。加四清聲。以應二十八宿。氣不頓進。八

音乃諧。若立春在歲元之後，則超一辰迎其氣而用之。餘悉隨氣用律，使無過不及之差。此感召太和之微機也。乾坤交於亥，而子生於黃鐘之宮，故稟於乾。交於亥，任於壬，生於子，自乾至子，凡四位而清聲具焉。四清聲者，至陽之氣也。在二十八宿爲虛、昴、星、房。四方之正位，十二律之統也。申子辰屬虛，統於子；巳酉丑屬昴，統於丑；寅午戌屬星，統於午；亥卯未屬房，統於卯。故中正之聲分爲二十四宿而統於四清。夫樂繇陽來者也。陽之數極於九，聖人攝其數於九。鼎寓其聲於九成，極於九則復而爲一，復爲一則寶鼎。

之卦爲坎極而之則彤鼎之卦爲離故鼎以全渾淪
之體律呂以達陰陽之情五聲以兼總一歲之運則
天地之間凡麗於五行者以聲召氣無不總攝機緘
默運萬物振動鼓宮宮動鼓角角應而莫知所以使
之者則至和之極也永年壽考曆數過期不亦宜乎
其說沿老易陰陽家言緣飾之中帝欲歸之於長生
樂成漢津死帝以爲僊去不死即鑄鼎所建寶成殿
祀黃帝夏禹周成王周召而良漢津配食焉謚嘉晟
侯初漢津言黃帝鑄鼎得僊禹身爲度作樂故黃帝
夏禹之法簡易徑直得之於自然人主之表與衆異

請以帝左手五指之節爲寸度五音之管樂既成帝
御大慶殿受朝賀百僚奉觴上壽忽有數白鶴自東
北來鳴翔殿庭者久之蓋其術也上大喜已夢神人
言樂成而鳳鳥不至以度非帝指帝悔歎謂蔡京言
方作樂時漢津請五指度寸而內侍黃經臣執不可
謂帝指毋輒輕示人但引吾手畧比之此非人所知
今神乃見夢且柰何蓋惑至於此後女直犯京師而
妖人郭京者猶大言嘗受六甲六丁法可捍敵其法
募七千七百七十七人無論技擊能否第擇年命於
丁甲合者以充曰師有神無所事戰能技擊是黃帝

所以誅蚩尤也。爲時相所酷信。命以官。賜金帛數萬。而所將皆市井遊惰。不能軍。敵攻圍急。而京談笑自若。以爲非危急。吾神兵不輕出。懼褻也。已虜騎薄城。急趣出師。而屏守禦人下城。毋得窺門啓而出。則大敗。京遽曰。須自往作法。遂宵遁。捕得乃伏誅。而宋亡。再舉本刪

語曰。國將興。聽於人。國將亡。聽於神。詎不信與。當是時。蔡京卞之倫踵用事。固貪惑。咸溺志於僊卞帥越州時。與僉判陳瑩中瓘言。張懷素之道術。通於神也。瓘問之。以爲即飛禽走獸。能呼遣順指。益道通蠢動。

孔子爲政。誅少正卯時。彼嘗諫其已亟。楚漢成臯榮。

陽間疾戰嘗憑高觀之殆不知歲數人也子豈願見之乎。瓘曰。子不語怪力亂神。以不可訓也。斯近怪矣。公爲州牧。旣甚信重士大夫。又相諂合。下民視之。從風而靡。使真有道者。必不願此。不然。不識之。不爲不幸也。後二十年。懷素敗。可謂明達矣。自佛宗入中國。圓顓超特。彌近理而亂真。有志者。率瞽眩而不知所適。方宋之隆。關洛諸大儒。始皆嘗沿其說而求之。數十年。然後能反經正學。析千里於毫釐。而明於其辯。程純公顥判之以兩言曰。聖學本天。佛學本心。張明公載申之曰。釋氏不知天命。而妄意天性。反以六根。

之微

眼耳鼻舌身意

因緣天地以小緣大以末緣本其不能

窮也則歸之幻妄

佛經以十二種生皆以六根六塵十八界虛妄結成

蔽其用

於一身之小溺其志於虛空之大夫是以語大語小

流通而失中其過於大也塵芥六合其蔽於小也夢

幻人世謂之窮理可乎理有未窮謂之盡性可乎理

性未之窮未之盡也謂之無不知可乎塵芥六合謂

天地有窮也夢幻人世明不能究所從也純公又言

曰道之外無物物之外無道天地間無適而非道即

父子而父子在所親即君臣而君臣在所嚴以至爲

夫婦爲長幼爲朋友無非道者所以不可須臾離也

然則毀人倫遺四大其去道也遠矣。又曰。併有个覺之理。可敬以直內矣。狀無義以方外。要之直內者。其本亦不是。故滯固者。入於枯槁。疏通者。歸於恣肆。吾道則不然。此理天命也。順而循之。則道也。循此而脩之。各得其分。則教也。自天命以至於教。我無加損焉。有加損。則非道。又曰。佛務上達。無所事下學。要之下學蔑矣。其上達又安有是也。此徹上徹下之理。有間則非道。時韓資政維學佛法。頗以謂山河大地皆幻妄。而本覺真性。無所事脩治爲也。純公曉之曰。道外無性。性外無道。孔子之道如日星。患門人未能盡曉。

曰。天何言哉。四時行焉。百物生焉。可謂至明白矣。豈
幻妄哉。聖賢論天德。謂是天然完全自足之物。若無
所汙壞。即當直而行之。小有汙壞。即當敬以治之。當
脩治而脩治。義也。不當脩治而不脩治。亦義也。故常
簡易明白而易行。必以爲無事脩治。則過矣。持國云。
道無真僞。純公曰。不若言是者爲真。非者爲僞之爲
確也。持國論克復曰。道何克之有。純公曰。公之言。道
也。克已復禮。所以爲道也。自非克已。何以體道。然公
言克非是道。亦道也。道不可離也。可離非道。克復以
爲道。亦可傷乎。公之所謂道也。可謂至圓通矣。或闢

釋氏地獄之妄也。解者曰：佛爲下根說怖之令之爲善耳。庸何傷？純公曰：至誠貫天地人，然且不化，安有立僞教而能化人者？張明公曰：浮屠明鬼，謂有識之死，受生循環，遂厭苦求免，可謂知鬼乎？以人生爲妄，可謂知人乎？天人一物，輒生取舍，可謂知天乎？程正公頤中之曰：佛氏於陰陽晝夜死生古今闇如也，謂形而上者與聖人同可乎？陳經正曰：以貴一所見盈天下皆我，不復知此身之爲我。正公哂之曰：他人食飽，公無餒乎？語分殊也。馮理曰：理今有一奇特事，問之曰：每夜坐室中有光。正公曰：頤亦有一奇事，理請

問曰。每食必飽。語庸行也。其峻爲之防曰。楊墨之害。甚於申韓。佛氏之害。甚於楊墨。苟必盡窮其說而去取之。其說未窮。其心固已化而爲夷矣。學者當如淫聲美色以遠之。不爾。則駸駸然入於其中。又曰。佛設教如此。其心謂何。試觀其外人倫。遺事物。難爲取其心。有是心。此有是迹也。且吾道自足。何事旁求。可謂不惑矣。純公中和具體。猶時讀佛書。見僧禮佛科儀。嘆之曰。三代威儀盡在是。正公嚴。卽莊列書不讀也。然純公闢異端似是之非。亦不遺餘力。其言曰。道之不明。異端害之也。昔之害近而易知。今之害深而難

辯昔之入人也。因其迷暗。今之入人也。因其高明。自謂之窮神知化。而不足以開物成務。言爲無不周備。實則外於倫理。窮深極微。而不可以入堯舜之道。張明公歎之曰。自佛說熾行世之儒者。未嘗窺聖學之門牆。已爲引取。淪胥其間。而不振。以是天下無智愚善惡。男女臧獲。靡然而信之。雖有英才問氣。生於其間。少則溺耳目恬習之事。長則師世儒崇尚之言。冥然被驅。莫自知覺。咸以謂聖人可不修而至。大道可不學而知也。故未識聖人心。已謂不必求其迹。未見君子志。已謂不必事其文。此人倫所以不察。庶物所

以不明治所以忽德所以亂上無禮以防其僞下無
學以稽其蔽而自古諛淫邪遁之辭翕然並興畢出
於佛氏之門蓋千五百年於此矣噫自非獨立不懼
精一自信有大過人之才者何以能正立其間而與
之較是非計得失哉當是之時及門之士夙稱高第
者亦往往叛師說而淫於二氏正公自涪歸太息之
曰學者胥而爲夷矣惟游謝二君長進涪州之行門
人邪怨與有力怨爲人明辨已學禪又不勝其利欲
之心而以爲無物善惡也故無忌憚至於此時有楊鄧
史畏者學禪呂汲公大防援用之紹聖初畏首叛汲

公攻元祐學甚力。正公自涪歸，遇襄陽畏在焉。事正公，顧恭。或問之畏曰：「今時事變矣，且請問易安從起？」正公以扇畫地曰：「即從此起。」畏退，語人曰：「悔當特不更問此畫安從起也。」或以告正公，正公莞然曰：「脫問時，直與默然，子安得無喜乎？」畏乃慙服。朱子歎之曰：「釋氏空諸相，諸相空，諸罪垢性皆空，即儉邪放恣反覆變詐，靡不爲已。則此一種學在人世，乃亂賊之三窟也。吁，可畏也夫！」

延平李先生言：元晦始嘗於謙開善處下功夫來，故皆就裏面體認。今既

論難見儒者路脉，即極能指其差誤之處。自見羅先生來，未見有如此者。朱子答汪尚書書有蓋嘗師其人，尊其道，求之亦切至之語，謂僧道謙也。羅文莊曰：文公後來盡棄前習，一歸于正，非全具知仁勇之三

德不能無愧元起朔漠固已崇尚釋教及得西域僧為百世師矣

尊為帝師迎以來中書大臣馳驛累百騎往迓所過
僕張途迎擬王者比至都太府假法駕儀仗為導省臺
院官及百司庶府郊勞已入見用禮佛威儀禮之賜號
皇天之下一人之上宣文輔治大聖至德普覺真智佐
國如意大寶法王西天佛子大元帝師帝師出命印
用玉與詔勅並行帝后妃主皆膜拜從受戒正衙朝
會百官班而帝師乃至專席坐御榻隅每天子即位
降詔褒護章珮監絡明珠為字以賜帝師死歸葬舍

列百官出郭祭錢詔部縣建廟賻黃金五千兩銀三

倍之綺錦雜綵二萬匹。雖其弟子亦號三公佩金玉
印章。前後相望。怙勢睢恣。熏灼于四方。有楊璉真珈
者。總釋教江南。說世祖發宋諸陵之在錢塘紹興者。
銷厭其王氣。於是諸陵齒骼暴露。及將相諸大臣塚
百餘。盡發而侵。牟其中藏。它所至。受獻美女寶物金
財無筭。陵鏐留守監司而下。與諸王並驅爭道。墮輒
毆之。徒侶駢轅。傳舍不能容。館民間。迫逐男汗淫其
婦女。而宣政院方取旨。凡民毆西僧者。截其手。詈之
者。斷舌。時仁宗方在青宮。聞之。亟奏寢其令。當是時。
歲祝釐禱祠之日。至五百餘。費以千萬計。而西僧通

姦神奏釋輕重囚徒爲福利其大奸獄祈脫死若薦
賄買爵者又枉濫無數蓋元以北狄爲主中國尊事
胡神固其性也其後君臣宣淫戲婦女猶以爲秘密
大喜樂禪定曰是吾法所謂事事無礙也嗟夫教流
失壹至此哉天禧中早有僧用浮屠術斷臂禱雨者
官爲起寺於龜山自京師王公大臣皆禮下之又誘
民男女投淮水死曰佛法用此得往生大福利愚民
歲溺死者至十百人方溺時用其徒倡呼梵唄前後
擁持之有自悔欲走者叫號求免不能得知泗州歐
陽戡聞之人驚曰害有大於此者耶盡捕其徒并諸

姦民助譟張者誅數人乃靖

儒也

頗剛正隱於醫與

郡巫王萬里者忤衆辱之萬里恚甚驅鬼物夜往悲
嘯怖之啓戶庭空月明無有也彌殊不懼翼日乃書
哭于門且稱冤曰予閩人多矣可託者惟翁翁果白
兒荒當集壽俊者十人爲之徵彌諾之諸壽俊咸集
鬼乃前自道居里父母氏名曰兒犬同豐州黑河周
和鄉女也名月酉年十六毋疾父召王萬里占之因
識其人毋死父晨醉卧兄出樵兒偶步牆陰萬里以
兒所生時日禁呪之忽昏迷不能語萬里負至柳林
中反接于樹先落髮纏以絲絲次穴胃剖心若肝暨
眼舌耳鼻爪指之屬粉而爲丸納諸匏中復束紙作
人形以呪劫使爲用稍怠舉針刺之痛不自禁昨恚
翁見辱遣報翁兒弗忍也願隣而白諸官與翁誓結
爲父子矣言訖哭愈悲彌共十人皆驚惶爲灑涕乃
潛走白縣縣審之如初則逮萬里者鞠之月酉與往
後甚苦曰請錄其行橐遂獲符章印尺長短針諸物
乃引伏言徃至興元遇劉鍊師者授採生法云始弗
信劉於囊間解五色帛中貯髮如彈丸指曰此咸寧
李延奴也歸我七十五緡當令給侍左右誤許諾劉

禹步焚符祝之果得奴可使後經房村遇鄭生者術合又獲奉元耿頑童奴之劉戒終身勿近牛犬肉近忽忘而事敗當何言據移文豐州追和卿爲左證和卿至潛處稠人中月西識之曰黑衣而蒲冠者父也和卿慟月西亦慟歷叩家事慰勞如平生獄成萬里乃伏辜自是三鬼留弼家晝隨弼行夜同弼卧起弼問衛門有神爾曷從入月西曰無之但見繪像懸戶上耳曰吾欲焚象泉畀汝則何如曰無所用也曰爾精氣當何如曰數至則散耳居久之乃散嗟夫自重黎絕天地通而人鬼分後世姦巫鬼師乃使瀆常經至於此禍豈有極哉然巫使鬼而卒死於鬼人禍天刑莫逭也爲惡者其亦少知懼乎右出宋潛溪集

明興

高祖受天耿命百靈集順方戰陳友諒時有僊者周顛導之行後病飲所饋藥而愈

上親爲勒銘匡廬山用招示明命四年興哀於無祀之

靈鶴江南有道浮屠十人建廣薦佛會附以先王之
禮臨被之是夕祥光燭天雲中雨五色子如豆儒臣
瀛歎以爲好生之德不問於顯幽事具瀛記中而

上榜示天下言凡天下寺觀僧道不許於外奔走及構
有司爲書冊題疏以強人施財其二三人於崇山深
谷中脩禪定全真者聽毋私剏菴堂五年給度牒僧
錄道錄司造周知冊行天下寺觀凡僧道遊方至即
謁周知冊驗實其父兄貫籍告度月日爲斷有錯迕
即爲僞冒送有司謫戍私披剃爲僧并父母皆坐罪
已又勅清理釋道曰佛本異教後漢時始至自西

域其脩行去色相絕嗜慾絜身爲善道教始老子至漢張道陵以符水法錄能爲民捍災禦患故二教不廢今學佛老者皆不循其本妨教敗行爲天下害甚大自今天下州府縣寺觀衆多止存一所寬大者併居其徒遶有戒行者領之毋淆處民間僧道願還俗者聽佛經毋翻譯增加道士遵頒降科儀行毋妄立條章民有做瑜珈教稱善友假張天師法造符錄者重治分僧三等曰禪曰講曰教道二等曰全真曰正一皆設官領之其請給度牒必精通其經典者乃聽信州道士張正常以元故所封主教天師來朝

上曰天尊無對豈有師耶改號真人

文皇帝在潛聞武當山有羽士張三丰者異人也遣禮
官致 御書迎致不可得聞西域有尚師塔立麻者
異僧也遣中官賚書幣迎以來建法壇爲

皇考妣薦福是日天雨花雨甘露舍利青鳥白鶴連翩
集壇上一夕檜栢生金花徧都城金佛羅漢現妙像
雲表聞天樂梵唄聲蓋幻術使然已 詔軍民子弟

自削髮爲僧者并父兄逮赴五臺山輸作訖著籍宛
大種田實 京師有方士進金丹及方書

上曰妖人也秦皇漢武平生爲方士所愚証今又欲欺

朕朕無所事冊冊令自食方書焚毀令毋得爲欺
二祖於二教至深而守經正峻治坊大智不惑蓋如此
宣德中隆興寺成詔差日臨幸有司夙駕除道
太學生濟寧楊浩上疏言

陛下初即位首幸太學海內之士欣欣快覩以爲
天子脩二帝三王之道教天下臣民也乃今以
聖明之主而事夷鬼之教則何以垂後世範矣
詔即日罷行天順中

上語閣學士賢僧徒之濫也榜諭僧定十年乃度

上二百人必能誦佛一經以上考送年二十以上

披剗者勒還俗。違者譴戍邊。然是時中官奉佛始盛。京城內外及西山建塔廟甚侈。踵作者各傾其平生貲力爲之。穹峻弘麗。上擬宸極。大學生西安姚顥上疏言。自王振竭生民膏血。脩大隆興寺。窮極壯麗。車駕至時。賜臨幸。今隳廢盡矣。繼者滋盛。彌濫無所底止。夫佛本夷狄之教。世主信之。得禍者不一而足。可鑒而不可法也。請自今內臣脩葺寺院。悉折毀。備倉儲之用。勿復興。爲萬世法。成化初。以

皇太后誕辰。建齋醮。禮尚書夔率大臣醵錢具瓣香。期赴壇助禱祠。給事中張寧疏爭言。釋老之教。遂古所

無下至漢唐其法寢盛然三代君主壽考世運靈長。後世衰亂相仍年祚少永釋老無補較然可知。夫父子君臣夫婦兄弟朋友人之大倫自古體國立法脩政建事無非此爲之經者也。佛老之法則欲去君臣廢夫婦而歸諸虛無寂滅使其教盡行不及百年人類盡矣。歷代英君誼辟非不欲深惡而痛革之特以其禍福輪迴之空談頗能以警動愚俗姑將存之爲治化之外一術耳。非真謂其能扶世立教延國步而爲之崇奉也。比者以

皇上百順之孝。慰悅三聖。慈無不用其極之心也。諸大臣
及百執事。但當和衷助德。上綏懿祉。則心誠道得。允合
舊章。安有身為儒者。自失其守。而從諛於邪也。夫人臣
之事君。願其福。則當勤其德。善願其壽。則當閉其袞淫。
願天心向順。則當相以和。保小民。康濟四海。以祈永命。
今不能然而欲以辦香尺楮具列名銜。宣揚於佛老之
宮。相率而拜之。曰。為朝廷祈福也。天地鬼神山川河嶽。
昭布森列。亦安可厚誣矣。臣之於君。猶子之於父。誠能
以齋醮助國。雖殺身願之。豈敢以儒者門戶之故。為此
崛強與彼相較量哉。但以無益事情。徒傷大體。於經

筵聖學不無所損於進講儒臣難以身勸不報其後太
監敬挾妖人王臈子臣以朝命採藥江淮間所至縱
暴索奇玩爲貢獻至蘇州命工鎔銀爲元寶至二千餘
錠江南玩器精絕書畫簡括殆盡復拘集蘇庠諸生於
官錄妖書並得賄諸生陸完不勝忿徂諸途辱毆之敬及
臣皆走匿乃免巡撫都御史王恕具列其激變辱國狀
上乃收捕敬而臣誅又其後僧繼曉以房中術謁楚王
楚王幸之以招權賄敗走京師得幸

上賜號法王方士李叔省以符水幸任爲太常丞已至
禮侍郎西僧劉寶巴等以法王受大賚出乘轎轎導

用金吾而並爲放濁招權賂已並誅放死而繼曉先
事請掃墓至武昌勢焰猶赫然左布政使黃紱曰繼
曉以妖術得幸至與

上卧起昵矣今去歸其鄉名掃墓必事且中變冀脫死
不頌繫且逸去乃令武昌府錮館中飲食之無何

上崩詔名捕檻送京得伏誅弘治中

天子恭仁畏相頗敬鬼神之祠祀而從諫無忤咈嘗有
旨撰三清樂章閣學士溥率同官言天子祭天地饗
不過犢牲席不過藁鞞以天至尊無對物莫能稱其
德故不用也漢有五帝之祀已爲非經况三清說尤

邪妄謂天之上有三大帝。而以李聃居其一。是以人鬼列於天神。非禮也。臣等誦法禮典。邪說俚曲。誠非所習。且初設文淵閣。命儒臣居之者。欲令謨議政事。涵養化原。弼正違失。非欲其嬖阿順旨爲容悅也。

上嘉納。後有旨遣中使詣武當山。設象懸旛。令內閣

撰勅祝。閣學士健遷東陽言。天下名山宮觀像設

侈麗。至太和極矣。復益之。徒靡費無益。矧今災異迭見。生民困苦。苗賊肆亂。轉餉繕兵。日且不給。宜斥邪妄。以遏無良。有旨築壽塔。又疏爭。有旨撰真人

杜永祺誥命封號。又疏言。誥命朝廷所以獎勵賢

能雖卿士大臣必秩滿考最乃後給況

祖宗廟號不過十六字。親王及文武大臣有功德者謚號。又不過一二字。此輩何功何勤。封號多至十有八字。流布朝野。傳聞後世。以爲此朝廷所賜。儒臣所撰也。其謂之何哉。皆得寢。而是時給事中張九功疏。釐正祀典。下禮官。禮侍郎倪岳覆議言。按釋迦牟尼文佛稱三寶。老君稱三清三境天尊者。其說以釋迦本性爲清淨法身。其本性應用無住。爲千百萬億化身。其成果爲圓滿報身。本一人析三像而並列之。旣謬。而道家祖老子所謂玉清聖境。旣非老子之法身。

上清真境。何名老子之報身。乃與老君亦並列而爲三。蓋倣釋氏之失。而又失者也。况莊子書明言老子之死。則彼亦人鬼。而僭居昊天上帝之上。歷代倣沿。節年大隆興寺。朝天宮齋醮。其爲不經。者一比極中。所謂

天星主紫微大帝。九天應元雷聲普化天尊者。按極星在紫微垣。爲七曜三垣二十八宿衆星之所宗。於天文爲正中。而風雲雷雨。皆陰陽之妙用。鬼神之盛德也。古大明祭日。幽宗祭星。先雷三日。有所報。而

祖宗以來。南郊大祀。有合祭之禮。今乃立大帝之像。像

之如人。稱之以帝。祀之釋老之宮。况雷於中春發聲。

之後無非其奮迅之期。而以六月二十四日爲天尊
示現之辰。其不經者二。所謂梓潼帝君者。按圖誌神
姓張諱亞子。其先越雋人。以復無仇。徙劍州之大曲
山。仕晉戰沒。唐玄宗西狩。封左丞。僖宗加濟順王。宋
封英顯。而文昌六星在北斗魁前。有司命司祿。與梓
潼無干。道書謂上帝命梓潼神掌文昌府事。及人間
祿籍。故元加號爲文昌司祿宏仁大帝。蓋其誕也。其
不經者三。所謂祖師三天扶教輔玄大法師真君者。
按傳漢張道陵。順帝時客蜀。學道鳴鶴山。造作符書
惑百姓。從其道者。令出五斗米爲其。時稱米賊。陵子

衡。衡子魯。以法相授受。自號師君。目其衆曰鬼。曰卒。
曰祭酒。大抵與黃巾相類。而朝廷不能討。魯因據漢
中。今所傳道陵。桓帝時。於靈逢雲臺峯。白日上昇。年
百二十歲。蓋其妄也。而沿唐天寶詔。稱漢天師。其不
經者四。所謂大小青龍神者。宣德中。勅建圓通寺
於西山。有二青龍出現。禱雨有應。以得封。歲有祭報。
其實蛇也。蛇族有螭。亦能致雨。今西山寺院多有之。
近歲大旱。禱二神。徃徃無應。則此亦非螭。乃凡蛇耳。
宋天慶觀有蛇見怪。御史孔道輔。以手扳擊其顙。斃
之。其患遂息。茅山龍有神。上元簿程顥捕而醢之。妖

錄人興久自衰息無足尊奉此不經者五所謂東岳
行祠者按圖誌東嶽泰山在今濟南府泰安州黃帝
以來所爲巡狩柴望者也後世惑於封禪唐宋元加
有天齊仁聖大帝之號祀以人鬼洪武初一洗其謬
止仍本稱嶽瀆至靈歷代崇祀朕東嶽已有常祭行
祠煩瀆此不經者六所謂北極佑聖真君者玄武神
也玄龜武蛇以北方七宿似之而名宋避玄祖諱改
稱真武而圖誌乃云真武爲樂清王太子遇紫虛玄
君授以道秘遇天神授以寶劍入武當山脩煉飛昇
國家創統靖難皆云神有顯相京城艮隅及湖廣武當

山各建廟嚴祀。

純皇帝嘗範金爲像。遣內官陳善。賫詣武當安奉。不過奉承先志。而善引左道鄧常恩等。熒惑聖聽。改建顯佑宮居之。使其地爲姦盜之區。矯僞之窟。玄武有神。胡寧容此。此不經者。所謂崇恩真君者。按道書云。蜀人薩堅。宋徽宗時。從虛靖天師張繼先。及王侍宸。林靈素游。而隆恩真君。則玉樞火府天將王靈官也。又從薩真人授符。永樂中有杭州道士周思得。以靈官法顯於京師。宣德中有今封。建大德觀。成化中。改顯陵大德宮。年四換袍服。三年焚化。十年大焚。

化爲費不貲。今就其言議之。薩真人之法。因王靈官而行。王靈官之法。因周思得而顯。而皆本之亡宋方士林靈素者也。誕謬如此。近禱而賜。杳無應驗。此不經者。八。所謂金闕王闕上帝者。五代徐溫子江王知證。饒王知諤者也。嘗提兵下福州。能不殺。福父老圖像祀之。福州宋賜名洪恩靈濟宮。永樂中。

文皇帝不豫。禱於宮而愈。加封真人。已封真君。成化中。遂加尊號。及其父母。夫以神之世系年代。可考知如此。本非有甚異也。別廟京師。一年之間。春秋節祀。亦爲已恭。又舉其兄弟並稱上帝。蓋甚僭矣。况所謂神。

父聖母者。則五代時誤國之臣。專權弑主者也。此不
經者九。至城隍之神。則王公設險守國之大者。制
天下府州縣皆有祭。而京師城隍。歲以五月十一
日爲神誕辰。及萬壽節。遣官致祭。夫神非人鬼。安
所誕生。况歲南郊大饗。及山川壇。俱已合祭。不宜煩
黜諸俱合罷免。詔需後十周年。郊禮成。賜慶
成宴。真人張玄慶。失不與給事中吳世忠言。張氏封
爵出於胡元。其先始於東漢黃巾餘賊。以五斗米妖
術誘衆。曹操釋不種誅。得世傳其術。於吳蜀好巫之
地。晉隋唐皆未顯聞。至宋衰尚鬼。始有賜先生號者。

理宗資田宅一區而張氏始起元世祖未得位時嘗
遣所信王先生者渡江爲間不得達留宿淮西者久
之欲歸懼誅念胡人好鬼可以計脫也從農家錄得
張氏妖書一冊以獻因謬言臣過江至龍虎山見嗣
漢天師張有神術能前知爲鄉人尊信頌其稱天師
語臣曰殿下入正宸極而宋亡宋亡而天下可一也
且以書授臣爲信世祖喜心識之後平宋以爲信召
宗演龍虎山至京問之曰卿曩者與王先生言今驗
矣卿何道知之乎宗演貽愕曾不知所出不能對世
祖曰往吾所遣王先生廣額巨目長身言與卿語龍

虎山。卿忘之耶。宗演乃詭辭對曰。是年臣先臣嗣教。

臣不知也。今傳緒乃在臣。世祖曰。是而父耶。宜而之。

不知也。於是令主領江南諸宮觀事。佩銀印。視二品。

世襲天師氏。以此起家。故子孫皆專事聲色。玄慶之

父元吉。姦淫兇暴。爲族人訐奏。法司當其罪。至凌遲。

憲宗皇帝宥戍邊。玄慶擬流。其後幸脫。營襲爵。不改益。

甚。今足躡早衰。酒色過度之證。其他漏泄省中語。替

損皇威。凌轢官府。虐害鄉曲者。不可數也。夫張氏

邪術。其初所爲能誑誘愚俗。意其先必清虛寡慾。齋

精養神。故祈禱之間。或有小驗而然。今玄慶淫酗衰

穢塊然無能匪直人惡抑且神怒衆人不知妄相聽
和猶神其術致令被寵而驕聞宴不赴亦已過矣乞
下臣章會議劾玄慶不敬之罪革其濫爵逐徒衆歸
田使天下後世咸知大聖人所爲出尋常萬萬萬世
幸甚玄慶能爲詛呪所興禍祟願加臣身臣死無悔
旨報聞已中官李廣以燒煉齋醮幸閣學士會疏言
祖宗經筵日講外召儒臣咨訪政事以成就聖德
裨益治道今每歲進講不過數四朝參外不得一覲
天顏夫人君之心必有所繫不繫於此則繫於彼正士
闕蹕則邪說乘間而入固其理也齋醮燒煉本異端

惑世之術。聖王所必禁也。宋徽宗用之。乘輿播越。社稷傾覆。唐憲宗用之。藥發殺身。今上清龍虎宮。神樂祖師殿。及番經厰。皆燬于火。神如有靈。何不自保。天厭其穢。亦已甚明。伏望

嚴早朝之節。復奏事之規。

勤政講學。遠邪佞而黜誣罔。天下幸甚。會李廣建統

秀亭於萬

歲山祈
廣嗣而

大內災。公主病。廣呪符水不効。

呈太后怒罵曰。官家今日李廣。明日李廣。興土木不

厭顧坐令致此。又烏用廣。廣聞之懼。欲鴆死。

上意其所藏。必禁方秘書。簡外宅。得巨帙一。則納賄籍

也。所目黃白米至鉅萬。

上怪之曰。廣亦人耳。安所用米而多藏。若是。詢之。則黃白金也。乃。

詔籍其家。成化中。十年輒一度僧。度多者至二十餘萬人。它自披剃者。又倍蓰無筭。

國版日耗。禮尚書馬文升請立條科。痛革。至正德彌盛。

上或時胡帽紫衣。持呪結印。習內典事。番教僧鎖南綽吉。出入於豹房。命太監劉允齎幡詣烏思藏。供佛迎異僧以來。允奏請鹽七萬引爲行費。輔臣部科各執奏不聽。

世宗初紀神聖卓然垂意於古典王禮之盛毀淫祠革
法王佛子國師禪師等號名放免囚鎖南而朝政大
清故事歲於朝天顯靈宮建春祈秋謝醮所具青詞
首稱臣中稱朕語不倫諭輔臣言此

祖宗定制爲天下生民告報固非崇尚玄門其有詳宜
更朕爲臣度稱朕禮神敬天之意故事

聖誕日例於朝天宮及二寺經廠建齋醮祈壽

上諭輔臣言人君之壽非齋醮可致果能敬天凡戕身
伐命之事一切致謹必得其壽用此奚爲朕初度內

三經廠外二寺齋事並停罷唯朝天宮仍舊所謂省

一分則有一分之益也其

兩宮景命等日自仍舊蓋

聖心崇正不惑如此已以閹崔文構頗復事齋醮閣學
士廷和力疏爭給事中張紳御史屠僑等並疏爭得
寢申年

上益明聖欲除禁中所謂大善殿者建兩宮備一代之
制禮官言廣

上意以爲殿中所庋置佛骨佛牙奇離磈礪諸番夷持
以誑惑中國者計不下千斤乞焚瘞以永杜愚惑迨
於季年厭儒生繁禮飾貌於天人鬼神之際闇如也

退居西苑。遂意於玄脩。日虔精於齋醮禱祠之事。焚修無虛日至。

諭閣部言。東宮權監國。朕一二年專調養。僕卿楊最諫忤。

旨。廷杖死。御史楊爵以左道濫名器諫。逮下獄。尚書熊浹以箕仙不足信諫。禡官而諸閣臣及翰林侍從官與撰奉玄文者。輒驟被。

恩遇。得殊擢。而方士邵元節。陶仲文者。至進用爲孤卿。顧可學以秋石丹進。列尚書。

勅御史二人。求道籙仙經于天下。官學士。已仲文以。

真人躋宗伯領三公又故事諸名卿良弼未有也尋以贊平獄特封恭誠伯。

賜誥仲文疏辭。

上曰卿祝釐保國專精太上盡誠玄修祈雨暘輒効雖疏爵土未克酬也。今以平獄封似非宜。姑准辭。蓋禮待至於此。然元節仲文頗恭遜。僅以方自結於上。不甚招權賂。而仲文方。

隆眷時。即堅請謝事去。故具以壽終禮葬云。學自新會陳公甫獻章實始探真靜無欲之本。悟學覺於無爲而不諱棒喝。白沙先生有學篇曰。有學無學有。

覺無覺、千金一瓠、萬金一諾、於維聖訓、先難後獲、天命流行、真機活潑、水到渠成、鳶飛魚躍、德山莫杖、臨濟莫喝、萬化自然、太虛何說、繡羅一方、金針誰撥、王文成公守仁、即知即行、即博

即約、即心之良知、即聖直截易簡而悟本禪宗

地藏

洞有異人、坐卧松毛、不火食、文成歷崑崙險訪之、正熟睡、文成坐傍、撫其足、有頃醒、驚曰、路險何得至此、因論最上乘、曰、周濂溪程明道是儒家兩個好秀才、後再至其人、已它徙、有會心人、遠空遺洞之歎、雖

其反求諸六經、思孟自信其精明的確、而頗以淫聲美色之喻、爲吾儒之作好作惡、有問佛氏於不

思善不思惡、時認本來面目者、文成曰、此佛氏爲

未識本來面目者。說本來面目。即吾聖門所謂良知。隨物而格。是謂致知。佛氏之常惺惺。亦常存他本來面目耳。體段工夫。大畧相似。但佛氏有自私自利之心。以遂不同。今欲求寧靜。欲念無生。此正自私自利。將迎意必之爲病。非獨聖門致知之功不如此。雖佛氏之學。亦未或如此。其將迎意必也。良知徹頭徹尾。無始無終。即前念不滅。後念不生。今欲前念易滅。後念不生。是佛氏所謂斷滅種性。入於槁木死灰之謂矣。問無所住而生其心。文成曰。良知之體。皦如明鏡。明鏡應物。妍者妍。媿者媿。一照而皆真。是生其心。妍

者妍媸者姪。一過而不留。是無所住也。良知無翳。隨物見形。如明鏡。曾無留染。所謂情順萬事而無情也。問輪迴。文成曰。是不必求之窈冥。今人一日之間。此心倏焉而夷狄。倏焉而禽獸。倏焉而趨入悖逆之途。倏焉而流浪貪淫之海。不知幾番輪迴。多少變現。人苦不自知耳。至問元精元氣元神。又曰。良知一也。以其妙用言。謂之神。以其流行言。謂之氣。以其凝聚言。謂之精。安可以形象方所求哉。真陰之精。即真陽之氣之母。真陽之氣。即真陰之精之父。陰根陽。陽根陰。亦非有二也。其有問神僊者。答之曰。古有至人。淳德

凝道和於陰陽調於四時。去世離俗積精全神遊行
天地之間。視聽八極之外。若廣成子之千五百歲而
不衰。李伯陽歷商周之代。西度函谷亦嘗有之。若是
而謂之曰無疑於欺子矣。然其呼吸動靜與道爲體。
精骨完久得於稟受。殆天之所成。非人力可強也。若
後世拔宅飛昇點化投奪之類。譎怪奇駭。是乃秘術
曲技。尹文子之所謂幻。釋氏所謂外道者也。若是而
謂之曰有。亦疑於欺子矣。若後世上陽子之流。蓋方
外技術之士。未可以爲道。達磨慧能之徒。則庶幾近
之。然而未易言也。吾儒自有神儒之道。顏子三十二

而卒至今未亡也。存久而明養深自得。足下能信之乎。諸皆其手著若此。其見於門人記錄者曰。僊家言虛。聖人於虛上。豈容加得一毫實。佛氏言無。聖人於無上。豈容加得一毫有。但僊家說虛。從養生上來。佛氏說無。從出離生死苦海上來。於本體上微加此意耳。聖門良知之虛。即六之太虛。良知之無。即太虛之無形。問二氏作用。左。山於吾身者。亦當兼取否。文成曰。聖人盡性至命。何物不具。何謂兼取。二氏之用。皆我之用。即吾盡性至命中。完養此身之謂僊。即吾盡性至命中。不染世累之謂佛。但後世儒者。不見聖學。

之全故與二氏成二見耳。譬之一廳儒者割左邊與佛割右邊與老。而自據其中皆舉一而廢百者也。蓋文成德慧術智本大覺所自來。其學兄其大故不異。二氏雖頗訾其外人倫遺事物。而性覺本空。三教本同。湛太宰嘗具述其言聞之矣。

兄祭陽明公文

獨其以誠意爲主本。獨知爲訣要。於學

聖爲的。其高第弟子兢兢修學。無離迷於本。直道於大公順應。靜虛動直之旨。固教所自立。而高者言悟性。專者言歸寂。慧者言無知。窮玄索大。至以儒學異此爲異端。雖良知孔神。於佛覺非心非佛。不是心不是物之宗。猶之未有當也。於是方士僧扼腕言天僊言佛上。乘則滯滯其間。而

末自解免。迨嘉隆之際而極。以混一三教爲大。以超越聖
智爲極。凌虛累玄。用佐其高妙。陽輔以儒言。而陰斥名教。
爲世法。上被周孔。至歷代儒先賢哲。殊忽薄不省也。下者
藉曰夢幻。有爲之論。爲放濁自若。覩無忌顧。以爲是於性
無礙。惑者崇信。以爲天章帝誥。承傳飛昇之術。爛然千億
劫難遇。然藥大寇謙之林靈素之倫。業前言之矣。風尚偃
易。千百爲群。忽棄本業。事神而尚鬼。乃張角以方術教授。
始符水療病。云爲善道。而卒以黃巾。韓山童以彌勒下生。
始燒香聚衆。而卒以白蓮。天下鼎沸。生民蹙焉。於爲禍豈
有量哉。故知假鬼神時日卜筮以疑衆。爲聖王所必坊。有

以也

嘉靖末方士常自然言王帝命我言下士當待仙老來以煩師故天面命而來名流嚮信至自喜曰學無常師

我今有常師矣後竟敗有方湛一者棄士爲黃冠矯情高潔於物若無著而稱遇師授還丹名流傾信至造其家受學爲所賣恚快至發疾亦竟敗有胡清虛者故師事王郎中畿又走匡廬事僧性空性空者佛臨濟宗也有苦行實解見胡慧而誕曰攝之日吾記汝悟後還迷已胡果肆爲大言吾往爲童子時遇僊者劉符玄劉符玄者宋元豐時人也始遇周濂溪問無極太極之旨已乃遇許旌陽授飛僊服食符水之法遇黃龍聞最上乘蓋三教混元混元者一體也拉余入洞洞自終南山往不知何許里洞有闢龍虎獅象遊焉示下界僊靈之所窟宅而帝命隸於師聞師欲以吾嗣教咸羅拜師以混元裘覆而受之於是從定中盡受諸天僊所傳百家方伎之術後命余出度世則授以秘符而來道有經有緯經者古聖王所操以治世者也中神靈握造化符爲之緯曰師真師真有傳派歷萬劫不死不遇師即聖智不悟而所云三教混元云定中受百靈方技者冀盡一世而牢絳之尊用其教者立主處誓直信不疑尚不知神師授耶否耶疑不信即永墮無間然即言三教合一意終毀短儒以爲儒推道極於天天帝亦帝釋於佛爲弟子儒推人止於聖神神不可知於佛爲

入門具五通者是已。要以無上無極爲至。它諸語玄理禪機殊闕。而時以術數言禍福懾之。於是遣其徒張元湛者詣京師。覘而士大夫佞佛者。響輒爲之主。言之邵皇親。邵皇親言之上。上曰。有之。厚幸。然母庸內外丹。毋爲人所訐。因卽命皇親求符玄以來。會元湛遁死。其徒言卽托生不死。皇親至獨見清虛。乃符玄合則見人。不合隱去。終莫能見也。於是皇親還報命云。一見之西湖山中。會

蕭皇帝崩而罷。父益敗露。詣王公貴人。頗以擇鼎器。私其子女以煉外丹。利賴其金帛。頗敗露。則走匿南城山。其合中人猶爭事之。萬曆初。范南賊令涑。廉直敦風教。惡其敗俗亂化也。逮捕之。偕有力者走兩廣。請謁中。疫死。從行者多死。燔其屍。心不灰。如庸常人。上事敗露。後禍未甚蔓。殊淺不足道。方其說昌時。未知流弊所極。爲論著。先是羅文莊欽順。視學流漸弊。欲逆閉其姑存之。爲後戒云。

途著論言佛氏之所謂性覺而已矣。其所謂覺見聞覺知而已矣。吾儒之性理。彼固未之或知也。達摩者。禪家之初祖也。

其言曰。震旦所有經教。惟楞伽四卷。可以印心。則今所宜

按據以窮究其所謂性者宜莫此經若矣而此經大旨有四。曰五法。曰三自性。曰八識。曰二無我。一切佛法皆入其中。五法者名相妄想正智如如也。三自性者。妄想自性緣起自性成自性也。八識者識藏意根意識眼識耳鼻舌身識也。二無我者人無我法無我也。凡此諸法不出迷悟兩途。蓋迷則爲名爲相爲妄想。爲緣起自性爲人法二執。而識藏轉爲諸識。悟則爲正智爲如如爲成自性爲人法無我。而諸識轉爲真識。所謂人法則五陰十二入十八界是已。五陰者色受想行識也。十二入者眼耳鼻舌身意六根對色。

聲香味觸法六塵也。加之六入。是爲十八界。合而言
之人也。析而言之法也。有覺之謂悟。無覺之謂迷。佛
者覺也。而覺有二義。有始覺。有本覺。始覺者。目前悟
入之覺。所謂正智。即人而言之也。本覺者。常住不動
之覺。所謂如如。離人而言之也。始因始覺而合本覺
及其至也。始覺正智亦泯。本覺朗然獨存。而佛果成。
故佛有十號。其一等正覺是也。本覺乃見聞知覺之
體。五陰之識屬焉。見聞知覺乃本覺之用。十八界之
識屬焉。非本覺即無以爲見聞知覺。舍見聞知覺則
亦無本覺矣。故曰如來於陰界入。非異非不異。其謂

離見聞知覺者。懼其着也。佛以離情遣累。然後可以入道。離之云者。非不見不聞。無知無覺也。不着於見聞知覺而已矣。所謂心不住法而行布施。應無所住而生心。即其義也。然則佛氏之所謂性可知已。彼明以知覺爲性。始終不知性之爲理。波羅提之偈曰。在胎爲身。處世爲人。在眼曰見。在耳曰聞。在鼻辨香。在口談論。在手執捉。在足運奔。徧現俱該沙界。收攝在微塵。識者知是佛性。不識喚作精魂。識與不識。卽迷悟之謂也。夫其以本體爲真。末流爲妄。旣已岐本末爲二截。謂迷則真成妄。悟則妄卽真。又復混真妄。

於一途。俾學者茫然莫知所適。故內之無以立大中。至正之本。外之無以達經世宰物之用。教衰俗敗。吾人之不變於夷者。能幾何哉。夫本末之不可爲二。何也。心識爲本。六識爲末。其名之不可易。而非心識之外。別有所謂六識也。又非以其本之一分而爲末之六也。有所視則全體在目。有所聽則全體在耳。有所言則全體在口。有所動則全體在身。感而遂通。豈二物哉。是固不得以本爲真。而以末爲妄矣。若夫目之視。耳之聽。口之言。身之動。物雖未交。而其理已具。固皆天命之自然。及感物而動。則有當視者。有不當視。

者。有當聽者。有不當聽者。有當言者。有不當言者。有當動者。有不當動者。凡其所當然者。即其自然而不可違者也。故曰真其所不當然者。則其情欲之使然。非真也。故曰妄。亦豈可得混哉。真者存之。妄者去之。以治其身心。而達諸家國天下。此吾儒所以立人極。而內外本末無非一貫者也。若如佛氏之說。方其未悟之先。凡視聽言動。不問其當然與不當然。一切皆謂之妄。及其既悟。又不問其當然與不當然。一切皆謂之真。良繇不知性爲至精之理。而以人心寂感之神者當之。故其應用無方。雖不失圓通之妙。而高下

無準輕重無權當去者不去當存者不存卒歸於冥
行妄作而已矣。其論道教言老子之道主於深根固
蒂長生久視而已。道德五千言具在於此。祈禳崇禱
經呪符籙初未嘗一言及之。其經呪符籙大抵本秦
漢間方士之所爲。莫能絕滅而遠祖張道陵近宗林
靈素者也。蓋老子之善成其私固聖門之所不取而
道陵輩之講張爲幻。又老子之所不屑爲然長生之
說。中人之大欲。人皆悅之。令天地間有不死之物則
無造化矣。固不必枉用其心於此也。苟知其然而猶
欲僥倖於萬一。亦載胥及溺而已矣。又曰。老子外仁

義禮而言道德言道德而不及性與聖門絕不相似
自不足以亂真所謂彌近理而大亂真惟佛氏爲然
故闡之宜嚴文莊所爲困知記凡四續凡十數萬言
而括之於兩言曰發理氣之一以合天人明心性之
二以辯儒釋此其大凡也夫人心乘氣以出入所謂
氣之精華人之神明而性即理也自人局於見言之
虛靈知覺淆於物惑於空而違闕於理有之矣語其
極則理氣合矣心性將容二乎孟子曰形色天性明
道曰灑掃應對便是形而上者乃上天之載無聲無
臭不出乎人心動靜人倫日用之間文莊固言之抑

其峻學坊之意則違矣。昔孟子於闢楊墨至嚴矣。而歸之反經。曰經正則庶民興。經常道也。道恒性也。性天命也。天地之性體盡於陰陽而無體。故謂之易。用妙於陰陽而無方。故謂之神。神易無方體而燦然有倫。紀謂之理。神易有物則而推行無不通。謂之道。故無聲臭矣。而體物不遺。不可見聞矣。而莫見莫顯。是中庸之所以爲體性命之統而神明之符契也。聖人通神易之道而兼知。故仰觀天文。俯察地理。而幽明之故通。原始反終。而死生之際達。精氣爲物。魂氣則無不之也。無不之也。以爲變而鬼神之情狀。灼其可

知也。故因物之精。制典禮以爲天下極。五事三德八
政五紀。自吾身達之天下。舉無不繇焉。故仰以經天
曆數。象緯之法立。而歲功成。俯以緯地。分畫封濬之
法建。而方域平。中以理人。水火金木土穀咸脩。正德
利用。厚生咸和。而九功可程也。於是乎五常百行六
官萬務。人倫庶物。莫不各得其極。郊焉而天神降。廟
焉而人鬼格。秩無文。而百神咸饗。而歸之。安土敦仁
也。故變動不拘。周流六虛矣。而未始無典常之可揆。
定志成務。精義利用矣。而未始有方體之可執。夫是
以智周萬物。道濟天下。盡天地人物之性。而與天地

參易象其理。詩書禮樂春秋致其用。猶之天然。天載
無聲臭。而四時行。百物生。性命各正。太和保合。無遺
欠也。故窮神知化。而適足以開物成務。廣大悉備。而
不遺於周旋曲折。幾微神明。而不出於彛常物則。三
至三無。而不外於聲詩禮樂。上智者克復於一日夕。
死於朝聞。而未始無竭才時省之功。中下者終始於
典學。慎脩於困勉。而未始無貫通之漸。同仁一視而
篤近以舉遠。汎愛兼容。而尊賢以尚功。夫是以範圍
不過曲成不遺。而能以建三極之大中。如此而生。如
此而死。如此而一日。如此而萬世。明則有禮樂幽則

有鬼神如此而已矣。博愛之謂仁。行而宜之之謂義。繇是而之焉。物莫不繇之。謂道。得乎已。無待於外之。謂德。自教之衰。天命之精。神明之粹。大中至正。經常不易之理。既鬱而莫覩。而聖王所爲禮樂教化之道。又湮塞而不流。六府不脩。而兼并游惰之奸起。民無所衣食。三事不治。而婚姻喪祭鄉射之典廢。民茫不得以自盡其心。五常百行。六官萬務。無一而或得其當。民貿貿然。而莫知所之也。於是二氏者。宗既有窺於性命。有無虛實之際。握其幾神。以自命。舉儒者莫能難。而天人鬼神之際。死生之變。言之若燭照數計。

詰之若谷應響答而大誓夫天下之人心世之人方
沉酣於富貴聲利之習冥莫能自解而其徒之高潔
者方且蟬蛻世濁自濯滌於塵根香色之外無毫滓
入其心世之人束於教徇於名纏糾於度數言詮之
習膠莫能自脫而其徒之辯智者方且恣睢自肆遨
遊轉徙於無何有之鄉世之賢稍近裏內脩者方且
心心相持如髡如鉗自難自訟而欲室愈萌機隘愈
迫無一息之懈乃其徒之造體者則能直於本心晃
自本性曉然於平等日用之妙也世賢之久學精習
者悟自然之爲體則往往以淨景爲心旋輒晦蝕不

且猖狂恣之。乃其老師尊宿。方且以具足戒。自力終死。其處而無外慕也。雖資稍下劣。信從力而精神專。脫粘內伏。險機逆照。往往閉爲幽光。澄爲妙觀。忽恍閃爍於眉端頂踵之間者。亦得以簧惑夫愚癡之氓。乃禮樂廢缺。死生喪祭幽明之變。又爲之幻怪鼓舞。若冥漠之及交。有以寄夫孝慈無窮已之心。下之老無所終。幼無所長。鰥寡孤獨無養者。又皆得托於其徒。以自生而不至轉死溝壑也。故羣天下趨之而不。可禁禦。攻之暫破而益堅。撲之未滅而愈熾。亦其宜也。是亦可以自反矣。曾不是反而欲辭而闕之。以其。

辯嗟夫幾微得失之間。若毫若髮。自昔賢儒難言之。
又孰從而辯質之哉。何則。彼其所造者微也。形上之
理。無聲臭。覩聞之妙。彼固親見之也。惟幾微有鄉流
失之弊。放千里而不止。是故見其無聲臭矣。而舉其
體物不遺者。一之於無物。見其不覩聞矣。而舉其生
化自然者。一之於無生。旣無物矣。而物之終不可得
無者。則以爲非有非無。而一之於幻妄。旣無生矣。而
生之終不可盡者。則以爲不盡而盡。而一之於滅度。
故老氏爲虛。釋氏爲無。近吾道之無聲臭。而卽虛而
實。卽無而有者。終歸於提提而滅絕之也。老知常以

爲明佛平等以爲覺近吾道之中庸。而吾學之道中庸者。終不以措諸行也。老三十輻而一轂。佛須彌而一芥。近吾道之一貫。而吾學之盡精微者。終不以研諸慮也。故聖門之教。語上語下。各異其施。亨行時中。不悖其等。而彼則一衆生未成佛。終不證泥洹。以爲神也。聖人與人。以直報怨。以德報德而止。彼則以德報怨。視冤親平等。以爲大也。聖人之急人。繇已溺已饑。而可逝不可陷。彼則割截肢體。行於布施。以爲慈也。極其妙。不可以思議盡。不可以脩證得。心行路絕。擬議俱泯。然達上而不根於下。周遠而不詐於近。好

怪而不拘於常。輕爲難能。於日用固太高而無實也。是故老之教。極於數之所不能窮。言之所不能論。意之所不能致。微乎微矣。乃其行。唯無欲害人。而不多仁恩。動不爲利。而不賤門隸貨財。不爭。而不多辭讓。事焉不借人。而不多食力。不賤貪汙行。殊乎俗。而不尚辟異。不賤佞諂。而爲在從衆。以爲是非之不可分。細大之不可倪也。佛之大覺覺根清淨。故六塵清淨。塵清淨。故四大清淨。以至十方三世八萬四千陀羅門。畢清淨矣。覺性徧滿。不動圓。無際矣。乃其行。不與法縛。不求法脫。不厭生死。不

愛涅槃。不敬持戒。不憎毀禁。不重久習。不輕初學。
以爲不卽不離。無縛無脫。所謂者無得失。取捨其
能證者。無作止任滅。而壹之無能所也。悟其無
矣。而欲以無者。空諸所有。致其虛矣。而欲以虛者。
畧諸所實。欲空諸有。則有物有則有。與有禮者。畢
舉而歸諸幻也。欲空諸實。則明物察則悖。與庸禮
者。畢舉而歸諸虛也。故子程子曰。云爲無不周徧。
實則外於倫理。自謂窮神知化而不足。間物成務。
窮深極微。而不可以入堯舜之道也。夫古今之運
猶日有中昃。時有寒暑。人有生長壯老。不可得而

反也。三皇之治中國也。以道治之始也。譬父母於
乳子乎。乳哺之而已。訶禁提擲舉。無所於用。何則
其知識固未開也。比其稍長。不授之常生之業。脩
之人道之矩。必且蹶不振矣。老莊之學。欲宗黃炎
之道。以易世。是猶於昏旦而求曉。於日中而寢也。
不至於蕩敗無制。勢固不止。故無爲自化。無事自
靜。無欲自正。雖天德王道之。今而禮樂仁義。其所
恃以無爲無欲者。如之何。槌提而滅絕之也。且夫
牛馬四足。是謂天。絡馬首。穿十鼻。是謂人。而人亦
天也。今日伯樂善治馬。而馬之死者過半。則是率

天下之馬而棄之無所用也不獨廢伯樂亦且廢馬。且其稱上古之同德也。貴無爲也。其無爲也將能不織而衣不耕而食乎。如必耕且織也。必刈麻。杲必抽茨棘。必且服牛。必且破塊。亦烏在其不失性也。且夫天地設五氣而後萬物生。聖者官三才。府六物而後萬國寧。彼盜跖陳恒者。盜天地之形。聖者之法而逆用之。則聖人死而天地不官之効也。今日聖人不死。大盜不止。拊擊聖人。縱舍盜賊而後可。凡此人物孰生孰形。亦且將俾射天俯決地而後可乎。且跖恒盜聖法於千載之後。縱不拊

擊乃欲追聖者於數千載之前而指擊之亦何異
卽末孫之桀紂而蔽罪於湯武矣。堯舜周孔者代
天工生民非以爲勞也。今比堯於軾夫比舜於卷
婁比孔於天戮比仁義是非於天。繇天剝也而欲
縱其心於淫蕩恣睢轉徙之塗。夫淫蕩恣睢轉徙
之塗又何足以域世也。封濬廢水放決其必且堤
坊沮澤多禽獸至其必且咎獲不爲申商斯高勢
固不止矣。故剖斗折衡爭乃滋起。殫殘聖法亂乃
滋章。擢六律滅章采將益淫滯滑亂其聰明而又
何舍乎。惡智之鑿而鑿其智於淫蕩恣睢轉徙之

域是亦好智之過也。且天地有盈虛。日月有中昃。造化未有居其所而不變。變而不化者也。庖犧氏而無死。神農氏不得作矣。神農氏而無死。黃帝堯舜氏不得作矣。而黃帝塚在橋山。故五帝之聖焉而死。三王之仁焉而死。五霸之霸焉而死。死者。人所必有也。不可推移。奈之何。仁義不脩。孝弟不立。而云爲長生也。甚矣。人之無厭也。其無厭也。以有貪也。其有貪也。以有惑也。以吾之貪心與貪之者之心合。以吾之惑心與惑之者之心合。轉相引取。轉相譸張。轉相附和。其貪愈甚。則其惑愈深。其惑

愈深則其誑愈誕。又久之則貪者忘其爲貪。惑者忘其爲惑。而誑者亦且忘其爲誑。蓋至於忘其爲誑。而訛傳妄踵。甲唱乙和。方志志之。幽怪傳焉。希高慕奇之士。又從而從臾之。於是。有變現恍惚之妖。有遐登坤舉之事。其爲說牢不可破。而其爲蔽膠不可解矣。嗟夫。彼其所稱不死者。遼邈未論。卽距今三五百年。若百年者。茫無風影。孰見孰聞。又安所質而信傳之也。其情見事露者。往往而是。至不可勝數。則又曰。不必信。不必不信。甚矣人之好怪也。

餘冬錄云。唐幽州有石老人。傳其化時跨

白鶴翔雲而去有爲續仙傳記之者元瑞州鄭仙姑
人傳其乘紫雲僊去鄉里爲立祠祈禱有靈響遠近
震動後情得則石老以病死尸爲其子沉之水鄭僊
姑因與人私通父醜之宛轉售旁邑後出尸於水歸
人於旁邑而歿息同州王野人居浮山縫紙爲裳取
竹架樹上覆以草獨止其下虎豹過弗害卒人相與
鑿木爲空盛其屍埋園中尚恠者因謬云州人陳恒
發其棺惟空衣神事之李文公翱與恒遇問之恒曰
妄也翱知循州具棺槨命將吏改塋之南岡其骨存
志曰王野人葬于此按古今正史不及神僊也神僊

傳若郡縣志彼此承踵先後沿襲事同名異者甚衆
要之不足信也 記曰中國戎夷五方之民皆有性

也不可推移夫南北之極或祝髮而裸或錫巾而罽輒沐之
食子儀渠之焚親得之習而成之若性何限彼釋氏者西
方之教也爲之慈忍以消其忿爲之澹素以堅其性爲之
戒律以攝其欲爲果報輪迴之說以恐怖其愚開空善寂
樂上乘之門以安其智爲之髡緇遊戲以和其俗爲之偈
唄音樂以暢其情又爲之變現出沒神呪幻化妙於其上
之術以駭其心今西域尚多有之要惟當以異術視度之
故曰西方之教也今居中國之地而從西方之教以之行

已則髡髮緇衣。斥妻屏子。苦節而不堪。矯異而難行。
也以之處物。則久習夷於初學。冤仇等於親愛。衆生
齊於一子。必外斯世斯生。而後其說可通也。以之理
財。則施舍盛而農桑本業之教荒。以之用人。則賢不
肖淆。而舉措命討之典失。以之垂訓。則好大不經。語
怪語神。荒忽罔象之妖作。又焉往而不弊也哉。且夫
中國之教。尊尊親親。有等有殺。威儀棣棣。壹不可選。
則有物有則之故也。文殊之持刃。而以爲悟無生忍。
黃龍之批頰。而以爲見過師而爲之師者。揚眉瞬目。
隨所至。捧喝也。以行之中國。也得乎於教也。滋悖易。

中孚之彖曰信及豚魚其萃曰翰音登于天貞凶言
信非所信不可貞也今其教雖童子謾而坐其顛
爲得證果焚指割臂捨身命以布施云得入地也於
信也滋惑矣今所居者中國堯舜禹湯文武之所立
也所業者六經堯舜禹湯文武之所作周公孔子之
所述也所與處者人倫庶物堯舜禹湯文武周孔之
所修而明也孝弟通於神明禮樂達於神化舉其所
謂精且玄者不旁給他借而足而何必認認焉悅奇
尚異索玄大以相蓋爲哉孟子曰反經反之也者身
之也反之身心性情章之禮樂教化順事恕施於農

政王路舉皆詣其極。然後人其人。火其書。廬其居者。
從可議也。此反經之謂也。

鄧元錫曰。子讀大戴記小辨。曰。先聖見之矣。世之衰
也。必尚辯辯。則辯。然懼其亂德也。夫君子約言。小人
多言。君子尚行。小人尚言。尚言甚。必辯。辯必窮。大索
隱以相高。苟務加人。雕刻渾淪。析玄解冥。焜耀如火。
旋轉如風。委復不窮也。如水。押闔如兵。鷄窮三足。卵
析有翎。規道動以相反。愈析愈冥。令聞者惑。心失意。
若見其可樂也。夫一棊之變。不可勝旣也。况天不之
言乎。然而其樂也不下席。苟足譁衆爲人師而止。無

當於事實。蓋弊極於談天。雕龍炙轂之倫。而濫觴於
春秋。孔子曰。社稷之主。愛日。懼學焉。而日不足。學也。
何以辯。先王學齊大道。以通於政。天子學樂。辯風。諸
侯學禮。辯官。大夫學德。辯義。士學順。辯志。庶人聽長。
辯禁。農。鄉行力。如此。猶恐不濟。奈何。其小辯乎。學禮。
樂而力。忠信。習之。賢乎。安之。聖人。已。今之君子。孰爲
三復於斯言。
張栻 此後世宗二氏者病朽

